

文學筆記
叢書之一

棗林雜俎

下冊

行刊社

大



棗林雜俎卷下

形管

〔孝慈高皇后無子〕

考陵享殿。太祖高皇帝高皇后南向。左淑妃李氏。生懿文皇太子。秦愍王。晉恭王。次皇曰妃曰氏。生楚王。魯王。代王。鄂王。齊王。谷王。唐王。伊王。潭王。又次皇貴妃曰氏。生相王。肅王。韓王。藩王。又次皇貴人曰氏。生遼王。又次皇美人曰氏。生寧王。安王。俱東列。碩妃生成祖文皇帝。獨西列。見南京太常寺志。孝陵闈人俱云。孝慈高皇后無子。具如志中。而王念湖先生最博核。其別集同姓諸王表。自懿文成祖外。秦愍王（楨）晉恭王（綱）周定王（櫛）俱母高皇后。楚昭王（楨）母昭敬太无妃胡氏。齊庶人（博）母定妃達氏。潭王（梓）俱達氏出。趙王（杞）母曰氏。魯荒王（檀）母寧妃郭氏。蜀獻王（椿）代簡王（桂）谷庶人（楨）俱母惠妃郭氏。湘獻王（柏）母順妃胡氏。肅莊王（榘）母曰妃邱氏。穆簡王（植）母曰妃韓氏。慶靖王（椿）母曰妃余氏。寧獻王（權）母曰妃楊氏。岷莊王（梗）母曰妃周氏。韓憲王（松）母曰妃周氏。潘簡王（樸）母貴妃趙氏。安惠王（楹）母曰妃曰氏。唐定王（桓）母賢妃李氏。鄂靖王（棟）母惠妃劉氏。伊厲王（肇）母麗妃葛氏。吾學編諸書俱同。抑未考南太常志耶。享殿配位。出自宸斷。相傳必有確據。故志之不少諱。而微與玉牒牴牾。誠不知其解。或曰宋史杜太后生邕王光濟。太祖太宗。秦王廷美。變王光贊。而廷美傳云母陳國夫人耿氏。非杜太后也。鳩鳩之德。均愛七子。可以知高皇后矣。而高皇后無子。何諱他王母。以諸書及太常寺之志較之。多不合。楚魯代鄂齊谷唐伊潭九王同母亦奇。高皇后遺履。藏奉先殿。修曰寸。組雙鳳首。綴大珠。歲六月六日曝之。

女官黃惟德。南海人。洪武廿年選入宮。命爲司寶。初名陳妹。永樂初賜今名。信任益隆。宣德七年乞骸南歸。皇太后命留。又爲詩賜之。皇明列聖御寰宇。偉烈宏謨冠千古。重惟仁化本家邦。內廷百職需賢良。咨爾惟德女中士。自少從容知禮義。一從應召入皇宮。夙夜孜孜勤乃事。昔時黑髮今如霜。歲月悠悠老將至。九重聖主天地仁。欲使萬物同陽春。體茲德意賜歸去。乃心感激情忻忻。嶺海超遞千萬里。潞河宮棹春風裏。賜衣宮錦溢光輝。親戚相迎人摠喜。喜爾富貴歸故鄉。我心念爾恆不忘。綵筆題詩意難盡。目極天南去雁翔。其姪女卽大學士梁儲母也。亦累贈至一品夫人。同時有葉女官者。番禺人。少有淑質。通列女傳。洪武廿四年聞其孝敬。選入宮。擢爲女官。因召其父碧山弟祖道詣闕賜宴。俱授錦衣衛鎮撫。資以幣復其家。又有王司綵者。番禺人。永樂二年選入宮。爲女官。時年少。權妃方見幸。特推同輩之愛。固辭曰。臣妾嫠婦也。安敢充下陳哉。上重之。從其意。司綵有文學。能詩。蓋宋昭容之流。而持操過之。所作宮詞至今人猶傳誦。

洪武廿年詔選民間淑女入宮。分司六尚。番禺陳二妹。字瑞貞。仲裕女也。貌端莊。與焉。入見使並六尚事。陳善六書曉大義。精女工。嬪嬙皆師事之。人稱爲女中君子。二十四年命爲司綵。賜歸省。仍給祿。眷甚。歸家。閨範嚴肅。人罕見其面。有司候饋。皆辭卻之。文皇卽位。以司綵熟知典故。召復原職。年四十。以病終於官。遣中使護喪歸葬。永樂中賢妃權氏。順妃任氏。昭儀李氏。婕妤呂氏。美人崔氏。俱朝鮮國王李芳遠所進。權妃禮粹善。吹玉簫。見幸。永樂八年從征。還至臨城薨。諡恭獻。芳遠驛送妃父永均至。食光祿大夫祿。尋遣歸。正德中卒。白金米布。賻賜有嘉。權氏薨時。後司綵王氏作宮詞。瓊花移入大明宮。旖旎濃香韻晚風。贏得君王留步釐。玉簫嘹曉月明中。蓋指權妃也。

【安妃姚氏】

憲廟安妃姚氏。嘉興人家貧。習緝繅。買市。日無忤視。嘗盟。見踏水中。有日月雲霞五色扇。夾侍。甚怪之。應選入宮。髮素種種不盈尺。登舟過半望。一夕髮長委地。今地名曰八尺。後

進位安妃。生壽王。妃弟福圓。拜錦衣衛指揮同知。子錦孫承助。累蔭千戶。（嘉興府志）今秀水太子太保工部尚書姚思仁。卽姚妃後。按宋陸游入蜀記。過平望二十里。曰八尺。則前說殊謬。且麗人之選法。必應圖玄夷之髮。其光可鑑。安事種種爲也。

【宮人戴氏書】

戴氏。湯溪人。選侍坤寧宮。三見御。弘治十年。太監寧某來縣。宮入手書寄問母弟安否。雖別思憶之情。悽然滿紙。今其書具存。并有宮中小圖等物。（湯溪縣志）

【沈瓊蓮】

弘治間女學士沈瓊蓮。字瑩中。烏程人。寄兄詩。疏明星斗夜珊瑚。玉貌花容列女官。風遞鳳凰天樂近。雪殘鵲鵲曉樓寒。昭儀引駕臨丹扆。尙寢薰衣燕紫檀。肅肅六宮懸象魏。春

殿想鳴鸞。又宮詞十首。

霧濛濛。罩碧窗。青燈的的燦銀缸。內人何處教吹管。驚起庭前鶴一雙。
把青絨繡紫紗。閣針時復下燈花。明朝天后長生誕。可有恩波徧及麼。
窈花封小字絨。寄聲千里落雲帆。一春從不尋芳去。高疊香羅舊賜衫。
十龍樓。瞥見妝芙蓉。閣殿試羅裳。水風涼好向西坐。專把書經教小王。
鸞鏡整妝。高髻新新一尺長。花影瑣窗人下直。開籠自放雪衣娘。
山果几淨爐薰。閑閱僊書小篆文。畫永簾垂春寂寂。碧桃花映石榴裙。
采青放渡遼煙。天上翠鴉得自專。勅諭鷹房高索價。聖王廿載絕游畋。
垂柳青青燕子愁。萬條齊水弄春柔。東風不與閒人贈。誰去江南門口洲。
尙儀引見近龍牀。御筆親題墨瀟香。幸得唱名居第一。沐恩舞蹈謝君王。
翠絲蟠袖紫羅襦。偷把黃金小帶舒。中使傳宣光祿宴。內家學士作新除。

右沈氏董毅碧里雅存載其一云送弟溥。又誤爲周氏。吳興藝文補載藝文八首。

【恭恪惠榮和靖皇貴妃鄭氏】

鄭貴妃父承憲。貧甚。以女許孝廉某爲妾。臨別悲慟。孝廉閱之。遣還。不責聘。鄭感甚。脫隻履予孝廉。矢報。已入宮。大得幸。念前事。忘其名。命小璫售隻履於市。

案值若干。無應者。時孝廉計偕聞而往。合其履。妃泣告於上。非若人妾不及執巾櫛矣。亡何孝廉謁選。得善地。歷口口鹽運使（張道潛說）。貴妃生福王（常洵）。有如意之愛。上書其名於金盒。屬妃藏之。約他日東宮之徵也。辛丑十月。皇后子受冊東宮。貴妃不擇。持盒泣訴。上啓之。書字皆蝕。歎曰。此天也。（錢寒庵相國說）

【端氏】

天啓初。選宮南都。以於氏端氏應。并入內。偶啖麵。端氏一箸。於氏再箸。嫌其失儀。出之。於氏尤妍麗。

【孝節貞肅共莊毅烈皇后周氏】

周皇后父奎。寓京師。奎微時。寄食爲人筵庫。元配生子鑑。繼丁氏。生子某某。及后。後廢中宮。以鑑從長。不許。初信王選婚。終安布素。維得紘服。念其父貧。

輒資之。初不意關雎之咏也。既信邸入正大位。后生東宮。及定王。貴妃田氏。生永王。悼靈王。貴妃漸寵。謀奪嫡。日永和宮婢口口。於金狻猊下。誤觸定王（田氏居永和宮）中宮弗善也。上嘗召貴妃。妃例御鳳輿。小璫昇之。是日昇以宮婢。上問故。曰。小璫多恣肆無狀。問其實。曰。問坤寧宮小璫狎宮婢。故遠之耳。上色動。即搜其處。大得狎具。蓋宮人各借其璫。所謂對兒也。上驟怒。立遣諸小璫。司禮太監口口。請少寬之。如三殿下。何。小璫某年十八。美姿制。時俾中宮宮命於外家。幸不值。中宮因懟恨成疾。嘔血。有老宮人謂曰。田氏宮中獨無對兒乎。亦可搜也。果大得狎具。上疑始釋。都督田弘遇聞之大恐。嗾貴妃上章引咎。上意解。令省愆。例閉中門。從旁出。且以章示中宮。示無嫌也。其章出御史湖南劉興祥筆。蓋弘遇所囑云。貴妃省衍亦屢矣。壬午貴妃薨。明春弘遇進其少女。年十三。見寵。欲即進封。司禮太監某言貴妃以選入。非外進也。乃止。賜珠簾等有差。亂後走天津。珠簾猶存。今爲朝

士果妾。

崇禎庚辰。上因皇五子之變。特命各郡縣崇祀九天懷母廟。

以上俱宮闈。

【孺人范氏】

臨江府志。范氏清江人。博通經史。洪武初召為女使。授孺人。為宮中媼師。日高皇問前代何后最賢。家法何代最正。對曰。惟趙宋諸后多賢。家法最正。命錄進更誦聽之。凡降內制。多范為定詔。賜歸老於家。

【翁氏女女師】

普江御史翁慶。巡按四川。不避權貴。又勸往武當山獻玄武神眼珠。賜一品服。亡何坐累下獄。慶無子。長女詣闕上書請代。仁孝皇后召入宮。留之三月。為宮中女師。人以此緹縈。莆田林淑。按察使林時之女。時觀政刑部。坐累下獄。發北京營建淑園。年七歲。擊登聞鼓。訴冤。仁廟監國矜其幼。飯之釋時。從任陝西。封左臂如粥。愈母疾。長嫁西安左衛指揮。

【林淑圓】

使費銘。年七十。

【妙錦皇姑】

徐中山達第三女妙錦。文皇帝欲娶為繼后。女不可。因不嫁。人為尼。嘗論革除事。謂建文君當坐殿上。以待燕王至。苟不讓則死之。何必自焚竄。每語遜國事。未嘗不痛哭也。

【玄君】

【何夫人紫金掠】

指揮使。

左軍左都督何文輝。夫人豐氏。嘗入內。呼為媳婦。賜紫金掠一個。玉響杯一隻。玉掠髮釵一副。至今為家寶。紫金掠溫潤水。蛇毒。將此掠水解毒。(黔記)文輝子儀。日日衛。

【郭真順】

郭真順。潮陽人。適周伯王。明初官兵下嶺南。指揮俞良輔。征諸寨未下者。伯王居溪頭寨。

眞順道。上詩良輔曰。將軍開國之武臣。早附鳳翼。攀龍鱗。煙雲慘淡蔽九野。半夜出捧扶桑輪。前年領兵下南粵。眼底羣雄盡流血。馬蹄帶得淮河水。泥向江南作晴雪。潮陽僻在南海濱。十載不斷干戈塵。客星移處萬里外。天子太念遐方民。將軍高名邁千古。五方健兒猛如虎。輕裘緩轡踏地來。不滅襄陽晉羊祜。此時特奉明主恩。金印斗大龜龍文。大開藩衛制方面。期以忠義酬明君。宣威布德民大悅。把菜一盤誰能奪。黃犢春耕萬壟雲。麴龍夜臥千秋月。去歲壺陽戍守時。下車愛民如愛兒。壺山蒼蒼壺水碧。至今歌詠之。欲爲將軍紀勳績。天家自有麒麟筆。願爲壺民歌太平。磨崖勒盡韓山石。良輔覽大悅。一寨得全。

【金滌出妻】

戶部尚書金滌。妻董氏。永樂七年。妻兄董英。瞰其在學讀書。盜其家物。後滌聞知。搜得出。官械英決罪。妻亦遣嫁。

【會稽范氏二女】

會稽范氏二女。居賀家湖。正統七年生。好讀書。姊適江氏。陳月而寡。次許傅氏。傅天二女。守志別業。垣圍其室。并田十畝。種穫有時。父率儲以入。否則閉戶相對。引溝灌田。凡三十年。共卜葬止水墩。以遺產祠之。今過者遺穢。輒得祟。《會稽縣志》。

【項襄毅胡婦】

項襄毅大司馬（忠）初以刑部員外郎。從駕土木。陷胡中。飼馬。與胡婦善。挾而南。走四晝夜。食盡。胡婦度不兩活。乃併糧自殺。項得入官府。後祀婦家廟。

【婦人生鬚】

弘治六年某月。應山人張本華婦。崔氏。生鬚長三寸。見實錄。嘉靖癸丑。青浦魍魎鎮。有婦人忽生鬚。時縣差以事攝其夫。從壁間窺之。以爲男也。夫

亦無獲。攜婦以歸。邑市聚觀甚衆。明年遂有倭變。《青浦縣志》。

萬曆二十一年。嘉興包彥平。館華亭余塘宋氏。其隣侍姬。鬚長五六寸。二十餘莖。時年六十。自二十三歲始生鬚。拔去仍出。至五十歲而止。《包彥平集》。

【女化男】

正德七年平涼府太平橋下女子高四如。儼子故廬居化爲男子。生鬚名高雷。今六十餘。有二子。趙時春。平涼府志。

崇禎戊辰。華亭莫氏女化爲男子。遂儒服。裹巾。庚午嘉興屠用明見於陳眉公座上。既去。眉公指之曰。此卽莫氏女變男者。

【貞女節婦解】

淨寧州曹氏聘於王守仁。未嫁而守仁死。曹氏聞之。慟哭不食。遂縊死。趙中丞時春駁曰。在家從父。女與未婚之夫胡死哉。自經溝瀆耳。作貞女節婦解。未娶曰士。未嫁曰女士。納采女家。受之氏名。通焉曰聘。未有夫婦也。士與雁女家。受之。父命之東階。母命之帷。庶母及門內施幣。申之以父母之命。姆不登車。士御輪焉。先歸而待諸里門。至則揖之入。共牢而食。合卺而醕。成婚禮焉。故曰夫婦。始易士女之名也。婚昏也。陰陽交際之時。人道生焉。是同生死。故婦從一而終。曰節也。聘而未嫁。非婚也。女非婦也。待母而行。不踰閭。以順父母。故曰貞。貞者順正而固也。女德也。故婚姻之禮不備。則貞女不行。則非貞矣。士未迎。父母未命。姻弗待也。而奔以哭。士而事其親。于律無服而強持服。聞哀生於情。情生於禮。此之何體。而于士何情也。不備禮而行。謂之奔。奔婦則逆義。違親命則傷孝。是宜爲國大禁令。取之而與節婦同論。甚非禮也。故曰大不可。

【葬婢再生】

按浚谷先生持論太苛。予傷曹氏之志。語曰。陷水可脫。陷文不活。特錄其文。以告淑媛。毋俾曹氏冤枉也。嘉靖初。南充劉氏婢。么女。父嬖之。母妒。臨葬。推入之。三年後。葬母間穴。么女伏棺上。不死。出言與其父處如恆。特若夢中。無少苦。

【張安人樞白花】

泉州張守化贈君婦陳安人卒。棺之前和發白花。重櫻數朵。高大可半尺。香如蓮。

【韓烈姑】

萬曆庚寅五月癸亥。德州韓承業婦王氏殉節。初承業沒。戊子孟夏。誓殉之。七日不食。姑

強之食糜。遂絕鹽茹。每晨哭。燃香誦佛不絕聲。居二載。忽治藥。留傷几上。跌坐室左。戒人無近。俄口出火下垂。色自如。輒去。鼻流玉筋。良久火徧體。金色。焰至數丈。光達十里。而香火盡。骸骨如生。所坐土結蓮花千朵。事聞。撫按爲立祠表門。

【秦昭奴】

定遠合肥間有亭。曰響道。旅店之東房。萬曆末秦昭奴題詩二首。序曰。妾本無人。幼依表兄李內官處。撫育教訓。頗習詩史。年十八。嫁爲江南士人側室。雖愛有所鍾。而分制於嫡。春燈秋月。獨宿多愁。長途旅館。孤衾更慘。夜深滴淚。和墨成吟。亦以寫悲。幽怨云爾。遂日。程又一程。風沙拂面。鬢雲輕。鴛鴦有伴。非吾伴。愁向孤衾數漏聲。其一。日。日長途。馬上塵。佳人薄命怨青春。小星千古稱賢淑。坐對寒衾淚滿巾。其二。後書秦昭奴記。時某年月日也。跋曰。書上昭君。適胡曹大家。能文而寡。妾文不逮曹。而境未適胡。而有大無夫。咫尺胡越。意頗似之。用取小字。以識深感。後之文人君子。倘憐而表章之。若施惠不酬。妾感且不朽。昭奴又記。能人。霖南榮集。

【陳氏遣荒詩】

萬曆戊子金陵。殘婦陳氏。作遣荒詩。年來旱。曾災屯。疾疫家家盡。門兒女莫嫌。全食粥。眼前不死亦天恩。

【吳江張烈婦】

吳江諸生張士柏。娶沙溪陳俊女。士柏天遺女三歲。其兄士松。利婦產。以鄉人徐洪義子張程字之。婦不聽。乙亥十二月。旣朔。羣黨夜突入。脅婦往。死拒之。不克。士柏從孫女故適徐氏。因迎于家。越六日。陳誣縣侯德清。章日。始日。始枚其媒。徐義以婦爭之。強刑其指。拳曲不受。遂固婦。謂在徐洪宅。連夕。無可白也。已。婦出獄。忿甚。丙子三月。訴按臺。不得理。四月旣朔。訴離臺於松江。離臺欲下吳江。令婦計迫。卽自刎。郡人義之。居東禪寺。旁道。祭相望。日。始竟。變死。徐洪等各伏罪。

【錢塘劉氏女】

錢塘江。游劉元輔女。字諸生吳嘉諫。未行。年十九。夜昏度簾。鄰人張阿官。故亡賴。聞聲。依

和又值女親夜躍上樓空窗留女女大呼賊元輔驚起繫阿官髻之未及且阿官見子登忠知其故糾黨斬門且鳴金號于衆曰元輔實以女佞而又窄之女聞之大悲自經訟於郡守光山劉夢謙而阿官謀於訟師丁玉蘭賂元輔以女承汚則罪不死郡守疑之陰訪其女故潔得元輔私狀阿官論如律初嘉諫弔其女刺眉投虛水中不散謂處子也掛屍大櫛而丁玉蘭忽晝見女自搏叩頭立死上虞倪尚書元璐傳劉氏不言善繭

【命婦能詩】

福清林鴻官膳部郎中婦朱氏能詩嘗作詩勸鴻年十九卒鴻終身不娶
仁和陳德懿南康守敏政女適都御史李昂通達往典尤工詩詞有集四卷當塗鄒養貞

國子監承侯口婦封孺人博學能詩有士齋集三卷子韶弘治丙辰進士官編修
仁和楊文纒工部員外郎應獬女爲餘姚孫隴繼室能詩子誕編修誥封夫人詩稿附文恪公集行世

【武定橋烈婦】

永樂初誅建文遺臣以妻女發教坊配象奴有一婦題詩帶問其武定橋河死詩曰不忍將身配象奴手提麥飯祭亡夫今朝武定橋頭死要使清風滿帝都或云此松江謝氏婦也。

【女士】

華亭王鳳嫻進士張本嘉妻本嘉知宜春卒官艱辛自誓撫其子女聞舉于鄉爲懷慶同知封孺人有焚餘草雙燕遺書行世

上元倪岳家宰婦曰氏有口口集

翰林陳沂繼室馬問鄉能詩書法蘇長公善山水白描橫幅年近八旬不廢吟詠有芝居集

楚女腕蘭和新嘉驛女子詩二首驛舍題詩今尙存斷燼荒草鎖重門多情況有千秋日夜夜牆頭照墨痕碎

璧沉珠最可憐牆頭題恨累猶鮮妖魂欲問歸何處不化鴛鴦化杜鵑

鄆縣陳東官河南提學副使婦董氏少宰玳之女能詩凡后岡稿成轉共評定今董氏詩不傳

吳江沈宜修。字宛君。副使沈琬之女。工部郎中葉紹袁妻。生二女。仲季蕙。綢小鸞。並嫻文學。中庭之詠。不減謝家。嬌女之篇。有逾左氏。二女並未字而夭。宜修亦蚤世。紹袁彙所著。曰午夢堂集。行世。

吳縣范允臨。官福建參議。婦徐媛。字小淑。工詩文。有絡緯集。

三水文氏翔鳳之姊。適葛氏。有君子亭詩賦三百餘首。手鈔書六十卷。少寡。自誓作九騷九篇。詞義典雅。稱其風烈。文翔鳳。婦武氏。相識字。翔鳳稱其能時。有文武合刻。武恭人沒。繼鄧氏。翔鳳齒。淪艾。婚夕。翔鳳大書頰。鸞倒風於室中。鄧氏能詩。甲戌。翔鳳得風疾。壬午春卒。甲申。鄧氏事李自成。今沒入。范文程家。

麻城王銍龍。御史風韻女。適劉守蒙。十一年守蒙天。忍死事姑。誓不踰闕。父疾篤。欲見之。不歸寧也。少讀書。過日輒誦。老而詩益工。年七十九。日不見字。猶使甥輩讀書坐側。聽之。李贄倡龍潭菴。高談佛乘。風動四方。踰龍獨不往。欲索寸札酬答。亦不許。其春日詩。桃花暮雨煙中閣。燕子春風月下樓。幽閉永夜燈前淚。孤枕頻年夢裏愁。秋月詩。霜飛衾薄紅棉冷。雲歛天高綠樹寒。病起詩。對鏡面黃如菜色。看書目眩似花生。

海寧朱淑貞。尚寶卿祚之女。適周濬。官光澤教諭。幼聰穎。博極羣書。年八十卒。有靜庵集十卷。

桐城張乘文。官山東布政使。方孟婦。字如耀。能詩。庚辰濟南陷。乘文死之。孟式投池中以殉。少讀書。有婦德。有綴蘭閣前後集八卷。

鄞縣金文貞。適王曰曰子。登進士。官副都御史。封太淑人。有蘭莊詩集。

溧浦黃道周。官禮部尚書。婦蔡氏。王文節。

朝邑屈安人。適韓邦靖。詩文唱和。如良友。邦靖早世。安人後十四年而沒。有異工書。康海乞序其母詩。後之。

此條疑有誤。

太倉薄少仲。庠生沈承。承有雋才而夭。少君哭詩百首。踰年值忌辰。酌酒一慟而絕。

天台貢士裴致中妻潘氏。號碧天道人。有碧天稿。其題桃源洞口。千年老樹萬年山。洞口僊娥白玉顏。劉阮當時那得見。浪傳浮跡在人間。(其一)天接青山路萬重。僊家洞口白雲通。聽殘一夜溪頭雨。流出桃花幾片紅。(其二)

黃安人。遂寧人。尚書珂之女。爲修撰楊慎繼室。慎戍滇南。博通經史。工筆札。攜之戍滇南。後慎奔父喪。安人留于蜀。應家政。閨門整肅。詩不多作。慎有詩答婦。又別和三詞。皆不及也。寄夫詩。雁詩。曾不到衡陽。錦字何由寄永昌。三春花柳妾薄命。六詔風煙君斷腸。日歸日歸愁歲暮。其雨其雨怨朝陽。相聞空有刀環約。何日金雞下夜郎。黃鶯兒詞。積雨釀春寒。見繁花樹樹殘。泥塗滿眼登臨倦。江流幾灣。雲山幾盤。天涯極目空腸斷。寄書難。無情征雁。飛不到滇南。

劉雪瓊。山西臨縣人。孝廉趙福之妻。有水雲居詩。自署四維石檻花居士。莆田黃幼藻。字漢宮。蘇州同知儀之女。適林恭鄉。沈靜知禮。舅沒。竭力奉姑。所居不蔽風雨。近戚窄面。卒年三十九。所著有柳絮編。

蘭溪舒大猷。萬歷日貢士。婦陸靜。專工小詞。以脂筆書字。落紅滿格。

閩縣儒士鄧坦。妻鄧鈴。字德和。坦卒。封雙耳自誓。詔旌其門。萬歷中嗣子雲鎬貴。贈宜人。有風教錄。

山陰王素娥。能詩文。善女紅。適胡節。節死于燕。娥誓無他志。年四十一卒。

陸卿子。吳人。尚寶卿師道之女。適太倉趙宦光。宦光棄家廬墓。與卿子偕隱寒山。卿子能詩文。有雲外閣考槃玄芝諸集。

李玉英。錦衣千戶李英女。父死。弟承祖幼。繼母焦氏。有子。謀奪廢。毒殺承祖。出其妹桂英。而誣玉英以奸。指其送春別燕二詩爲證。論死。玉英奏辨。世宗察其枉。得釋。

【文 侍】

吳人陳寬孟賢侍姬。曰梅花居士。掌文墨。華亭王一鵬訓導。善畫。居湖上。俱侍姬供筆墨。

直閣尚書口口張天駿。有青衣口口善書。

金陵史忠癡翁侍姬何玉僊。能書繪。解音律。號白雲道人。

閩人周玉簫。武弁方輿妾。與上議撫紅夷。忤大帥。繫獄七年。遣玉簫。玉簫誓不去。及事解。詣闕。遇國變。又不得歸。玉簫感慕痛沒。有詩一百三十首。行世。

【妒 內】

都督蕭如薰夫人楊氏。才而妒。無子。不容納。適如薰與長安張生喜。言及嗣息。悵然曰。吾殆斷矣。張曰。將軍當置別館于此。從之。果得子。補諸生。娶婦。楊夫人尙不知也。

【義 妓 陳 氏】

萬歷乙卯。楚掾某狎姑蘇妓陳氏。頗蒙姆厭之。陳私留掾。身託疾。他遷。求里中豪昏掾。俱嫁之。而所攜麥頗饒。毫不累掾也。歸楚後。同掾謁選。北道都陽湖。同舟。徽人窺陳色。藝。問許掾千金。掾以情告陳。陳歎曰。君裝薄。果進其千金。可耳。俄千金具。別掾更登徽人舟。望掾帆發。漸不復見。拊膺嗟唱。投水死。明年掾還。渡湖中。感陳設祭。俄風晦舟沒。

【蘇 州 義 妓】

蘇州姬某。乙酉國變。語所善客以死事。俱狎笑之。中秋買棹。召客泛太湖。皎月空明。觴。首甚適。忽顧影感歎。置觴。投深流。處不及救。

【雜 婦】

不畫雙蛾向碧紗。誰從馬上撥琵琶。驛亭空有歸家夢。驚破啼聲晝夜加。(其一) 日日牛車道路賒。徧身席上向天涯。不因薄俗生多恨。青塚啼鵲怨漢家。(其二) 驚傳縣吏點名頻。一分明漢語真。世上無如男子好。看他髡禿也驕人。(其三) 後跋云。吳中羈婦趙雪華。題在剡城縣

李家莊鎮亭畔。

宮人廣陵張氏。過崇德縣石門鎮。題壁四首。或云投河死。詩云。身隨劫數從奴虜。愁聽胡笳聲可哀。柔腸已碎如針刺。况值蕭蕭夜雨來。(其一)深閨日日譜鸞鳳。愁被干戈出畫堂。弱質那經羅虎口。可憐魂夢繞家鄉。(其二)繡鞋脫却換宮靴。女易男妝實可嗟。扶上玉鞍愁不穩。淚痕相逐馬蹄踪。(其三)□□□□□□□□車騎。嶙嶙野店來。憐我故鄉生死別。花枝已向別園栽。(其四)

姜本虎林女也。所逢不淑。再罹干戈。臘月甚寒。挾之北上。終日坐破車中。呻吟筋骨欲脫。寒風慘烈。塵沙眯目。寒馬悲鳴。淒其欲絕。真蔡琰車中。明妃馬上。所不能彷彿者。幾欲自經。念姜本良家。流落至此。曾與魏里曹生。訂終身交。自謂才士。必不棄予。死之無名。何如忍以相待。已復念此。乃又強食。偶從將士閱省錄。知曹郎已鄉薦。旦夕公車至此。恐謂妾已死。遂爾捐棄。故乘暇竊書此詩。令知薄命妾。猶然西湖月下心也。當妾與曹郎晤時。六橋明月。十里湖山。澄波渺然。萬籟蕭寂。妾吹簫忽悲泣。曹郎舉酒臨大曰。勿憂。終當貯汝以金屋。妾改顏謝曰。無媒約何如。先是曹郎嘗懷一扇。妾甚愛其扇。上詩。爲桐山方生名。或者作。有云。蒼壁倚千尋。空江自古今。浪翻丹□合。廟枕碧流深。等句。妾賞其壯涼高逸。是時曹郎卽出其扇曰。汝佳此人詩。此人吾好友。海內名士。卽以爲媒。約可乎。妾拜受之。至今數濱死。不去袖中。又聞此生亦登鄉薦。倘曹郎不及見此。萬一桐山生寓目焉。謂妾尙存。亦不負當日以青長生待先生意也。西湖薄妹宋娟和淚書。

風動空江羯鼓催。降旄飄颻鳳城開。將軍戰死君王係。薄命紅顏馬上來。(其一)廣陌塵沙滿鬢雅。北風吹雨落鉛華。可憐明月煞。窈引幾度穹廡伴暮笳。(其二)春風如繡雨如煙。良夜知心畫閣眠。今日相思渾似夢。算來可恨是蒼天。(其三)盈盈十五破瓜初。也作明妃別故廬。誰散千金效孟德。饒黃旗下贖文姬。(其四)南莊勝處妾常憶。借問軒車早晚游。美景難忘竹廊下。好風無奈柳橋頭。(其五)冰消見水多于地。雪霽看山盡入樓。若待春深始同賞。爲殘花落卻堪愁。(其六)

妾命如朔風。飄然振落葉。不入郎羅帷。乃逐塵沙陌。妾本良家兒。流落平康劫。十三工秦箏。十五好筆墨。樽前柔歌聲。淚濕江州褶。人謂妾顏美。妾謂多生孽。武林遇曹郎。心知不徒說。忽爾天地崩。遂令山川別。一爲俗羈絆。再爲干戈繼。嗙嗙大車中。塵土滿髻髻。又騎那一羊裘。皺肌冷如鐵。書則強歡笑。夜則潛哽咽。誰爲文姬哀。文姬猶返闕。誰爲明妃怨。曾得封馬鬣。而我薄命人。終當染鱗血。所不卽就死。心爲曹郎結。曹郎爾多情。豈忘西湖月。曹郎爾多智。豈不諒我節。曹郎爾任俠。忍妾委虎穴。曹郎爾多交。交豈無豪傑。媒妁扇上詩。顛沛不忍徹。忍死一相待。悲酸難再說。又聞桐山生。風流當世傑。爾旣善曹郎。何不一救妾。

丙戌秋金華陷。婦某存。入杭州行營。庚寅六月。其夫跡之。以五十金贖。不許。遞至百五十金。終不許。婦凝淚語。其夫曰。第藏其金。天下多好婦。何我爲。其人益至二百金。終不許。婦乘間引刀自刎。營卒怒。剖腹搗其陰。俄雷震死。

新樂縣之南關旅壁。題曰。妾本淮上窮賈。僻陋而無心。戊子遭兵燹。滿之狂丈夫。以我北去。壬辰復挾我南征。過此偶遇之。於盱衡之間。情溢于露。氣幽於蘭。嗚呼。此誰之美也。嗚呼。薄命感而賦此。北去南來。空自猜。編愁爲日。避時灰。妾心最慕漢天子。自將軍于不敢來。遣次相逢。若有私。自成那復畏人知。胸中歷歷不然事。可得對床說與伊。

【冬兒】

良鄉伎冬兒。善南曲。入外戚左部督田弘遇家。弘遇卒。都督劉澤清購得之。以教諸少。四十餘人。其最姝麗者冬兒也。甲申澤清欲偵二王存否。冬兒請自往。田氏探之。遂男飾而北。知二王已絕。遂南。澤清鎮淮安。書佐某無罪殺之。收其妻。澤清降北虜。攝政王贈宮女三人。皆嘗御者。澤清不辭而娶之。亡何內一人告變。攝政王錄其家。及所僱書佐之婦。澤清供書佐有罪。故殺之。婦明其非罪。且云澤清私居冠角巾。謂事若迫。不如反耳。澤清謀冬兒下刑部。尙書湯曰。嘗飲澤清所。出侑酒。故識冬兒。因曰。爾

非劉家人。遂免籍。更嫁吳駿。公作臨淮南伎行。臨淮將軍擅開府。不圖身強圖詞舞。白骨如何棄戰場。青娥已自成灰土。老夫猶存一伎師。枯枝記得開元譜。纔轉輕喉便淚流。尊前謬出漂零苦。妾是劉家舊主調。冬兒小字唱梁州。翻新水調教桃葉。撥定鶻絃授莫愁。武安當日誇聲伎。秋娘絕藝傾時世。戚里迎歸金轎車。後來轉入臨淮第。臨淮游俠起山東。帳下銀筵小隊紅。巧笑射棚分畫的。濃妝毬仗簇花叢。縱爲房老腰肢在。若論軍容粉黛工。羊溫侍兒能走馬。李波小妹解彎弓。錦帶輕衫嬌結束。城南挾彈貪馳逐。忽聞京闕起黃塵。殺氣奔騰滿川陸。探騎誰能來薊門。空聞千里追風足。消息無憑訪兩宮。兒家出入金張屋。請爲將軍走故都。一鞭夜渡黃河宿。暗穿敵壘過侯家。妓堂仍訝調絲竹。祿山裨將帶弓刀。醉擁如花念奴曲。倉卒逢人問二王。武安妻子相持哭。熏天貴勢依椒房。不爲君王收骨肉。翻身馬上遇南兵。退駐淮陰正拔營。寶劍幾曾救死士。明珠還欲致傾城。男兒作健。醜杯酒。女子無愁出曼聲。可憐西風怒吹折。山陽樹。將軍自撤沿淮戍。不惜黃金購海師。西施一舸東南避。崩濤急浪。一梅村集作鬱州崩浪。天子山。張帆振柁無歸處。重來海口豎降幡。全家北過長淮去。長淮一去幾時還。誤作王侯邸第看。收者到門停奏伎。蕭條西市歎南冠。老婦今年頭總白。淒涼闔盡興亡迹。已見秋槐落故宮。又看春草生南陌。依然絲管對東風。坐中尙識當時客。金谷田園化作塵。綠珠子弟更無人。相憐只有樓頭月。梅村集作楚州月落清江冷。長笛聲聲欲斷魂。

【秦 良 玉】

山陰朱燮元。總督雲貴川廣。石砭宣撫司女。上官秦良玉。雅度侃議。僮從俱美少年。朱公子壽宜訪之。於酒間微諷。良玉笑引南宋山陰公主云。陛下後宮百數。妾惟駙馬一人。以

【忠順夫人書】

萬曆十九年七月六日。欽封忠順夫人。卽三娘子。上經略總督鄭洛書曰。蒙差通官韓大友等。賫書到帳。分付我盡知之。回套之事。我恨不能卽速登程。奈因頭暈疲弱。不能起身。

每想老大人宣大督鎮之日。曾受無窮恩典。時刻思念。惟天可表。因洮河失事一節。實口西反背皇上洪恩。有負大人抬舉。將華夷大事。一日有失。幸蒙大人枉駕河西。多承俯就其事。乃不幸中之幸也。今蒙老大人書諭。由扁都經過套。恐懼漢夷生事。彼此境名節。本上會同吉囊。由肅州邊外於川底行走。已差人稟知。四月起身。我思肅州邊外。路途遙遠。視老老人在彼。多有勞苦。意要從鎮羌經過。聽聽不敢開言。如肯憐憫。暗賜一音。我自存主意。彼此方便。我目前西海之地。因爲失事。致將我自愧。未敢計此須之物。今備絲銀十兩。萬望老大人神力。轉買各色棧布八十匹。茶籠八斗。白綾汗巾五十方。礪砂二兩。硫黃煅硝四兩。砂礪十個。涼扇十把。書柬紙一百張。若肯賜發。我世世不敢忘。謹具此啓。再拜。又銀六兩。買棧布十疋。餘銀買茶。大廟堂。鄉考老先生大人臺下。

【彤管志餘】

彤管自宮園淑媛外。無可述矣。義伎雜婦非法也。蓋傷其志。閱其遇耳。豈足語風教哉。更有流聞。似不欲棄。并附之以資嘔噓。

嘉興某善射。道由東。遇女子。單騎行劫。接其矢。反射之者三。女子呼曰。君無相苦。當下馬。少有所語。語曰。吾閨人多矣。願事君。奉箕帚。某從之。挈歸。作孟子湖暴客。久之。人燕不返。沈天生比部。嘗識其人。

甲申九月。友人趙昌齡。出杭之湧金門。至剩園。見題壁云。芙蓉花發滿堤紅。盡道芙蓉勝妾容。昨日妾從湖上過。行人何不看芙蓉。

金陵下荆璞。全母寓武林西湖上。作西湖遇雨詩。重雲負我買名湖。博得蒼煙入畫圖。柳去六橋春色斷。雨來三竺遠山無。滄桑變換笙歌歇。人事淒涼風月孤。我欲才情寄蘇小。西陵珍重舊時鱸。荆璞能書詠。第其人不足道。口口寄情蘇小矣。

志怪

【山 開】

萬曆庚寅。隰州有民婦。居山中。日汲澗水。勿聞鳥呼。曰。山要開。山要開。日呼于耳。婦不以爲異。一日。飛集肩上面。呼婦歸。告其夫。夫曰。明日若呼。當應之。曰。開便了。果呼果應。山旋前。出藏經一部。皆宋牋繕寫者。卷末書興國材興國院造。紙墨如新。聞諸有司。散各名山。攜李王大同寺僧朝五臺。亦隨往捧誦而歸。

【石 續】

東昌某宦。牡丹下。嘖嘖有聲。坎之得物。日焚焚。不食而息。曹縣石續曰。此視肉。古帝王葬中物。壙氣見矣。亡何某公卒。充武守錢某。毀城壙。淫祠像。臂流血。駭之。續曰。蝙蝠血也。時仲冬。搜得數斗。〔曹縣志〕

技餘

【魏 文 紳】

沙縣魏文紳。官知縣。善禱雨。其術用大蝦蟆一隻。作火字四十九道。納之腹中。立壇。瘞之。由上三日而雨。至暴雨震電。雨罷。于瘞所失蝦蟆所在。但不敢嘗試。一日。卽龍缺立壇。二日夜大雷雨。天明視之。前池水皆涸。魚無大小。各剖爲二。文紳懼。遂不復試。

【鄧雲翁種牙方】

嘉靖閩縣鄧雲翁。遇異人。得種牙方。患者飽食後。吞藥七丸。復漱末藥湯。諸牙立下。以生鼠去皮。和藥搗爛。依牙之序。逐枚蘸鼠種於原孔。至死堅如少壯。或老人牙脫。以他牙種之。亦如生成。

【張雷王八十】

沁水張雷。操術甚秘。嘗元夕。同友觀燈揚州。且卽還舍。暑行求瓜濟渴。生人不出。袖出碎紙。俄犬兔相逐。斷其蔓。主人大悔。則呼犬兔於袖。瓜蔓如初。後遇蛇當徑。方咒禁。蛇宛轉。聞爪角俱出。長十餘丈。雷擊立死。恃術不戒。觸忌神佛也。

王八十善召鬼。能攝肴酒待客。已未嘗沾也。或夜致麗人。如李夫人帳中所見。手之卽滅沒。所經墟墓。言逝者貌師俱合。友某求其術。約齋三日。俄私食肺。方符咒。被雷震。裸灼雪中。以友誤我。幾譴死。卒亡子。(沁水縣志)

【牟康民】

內江牟康民。少年抱異術。不知所從授。萬曆庚申正月。投牒於巡按御史黃陂吳之皞云。其另擇費捧者。方伯朱公。蓋右轄由陰燮元也。之皞故好數學。年十四補諸生。高等累舉不第。從豫章術士游。年四十五。聯第。至是覽牒而異之。方伯當入賀。見之皞於夔州。勉留之不得。蓋朱母夫人明年八十。便道兼壽也。之皞歎曰。蜀人無福。請後期。朱曰。今秋入賀。還因歸省。明年正月。進觴。三月。當看花錦城矣。之皞許之。灑別以叱馭。是望。明年春。奉轉左轄。赴蜀。出黃陂。訪之皞里第。時之皞按蜀。過其里。餞朱於郊。出康民所投牒授之曰。事甚異。君至蜀。當物色其人。而朱未卽信。迨九月。重慶之變。亟遣使報劉峴武聲華。馳訪康民。由中。距內江邑三十里。弗舍。三楹。不受徵。第曰。有朱使君在何患。成都百日之圍。可堅守也。及圍解。又徵之。辭曰。牟生不是今朝人。凡警輒遣使叩。叩輒驗。朱進巡撫。後愛去。己巳三月。拜總督之命。開府黔中。康民先寄札云。使君重蒞黔蜀。誠地方之幸。八月。安奢俱靖。從此造福十年。但乙丙年。罡星正照燕都。仲冬。金人內入。畿南白骨如麻。天下漸擾。又云。燕京黃氣已盡。戊寅入大劫。倥偬三十五年。民不聊生。丙子十月。又札云。康民已心厭凡世。遠遁深山。不復再候。明年丁丑八月。使君剋度不佳。當乞休綠野。以保餘齡。否則戊寅之變。將返樸還真耳。少師疾跡康民。不知所往。先是秦撫劉漢儒。學使何閔中。招康民署中。補諸生廩食。日長臥。語多不效。乃放歸。康民自稱又呆子。所著兵機錄等書。

【萬曆末方士】

孝威程芸閣大司空。註云。萬曆末。值方士京師。言萬曆當四十七年。泰昌一年。天啓七年。崇禎十八年。甲申。夏程始述于人。第疑崇禎差一算。明年五月。弘光皇帝出奔。甲午。

郡人擢立王之明。云故東宮也。勅封中城。獄神爲王。仍稱崇禎十八年。事尤奇。

【蔡鼎】

永春蔡鼎。諸生也。好易學。著易蔡等書。博通象緯。來長安。出入塞上。爲大司馬幕府客。然不能用也。既久之。乃南還。其友人南雒推官泗州黃廷才。預廣東秋闈。語同事羅定知州。上海包爾庚曰。聞人蔡鼎。近言崇禎歷不十八年。國運中絕。其怪妄如此。時並笑之。明年癸未秋。鼎游。口。時金華。合江陰徐調元。合樂暨之。演浣紗傳奇。見句踐青衣渡江。鼎輒泣。徐令慰藉曰。戲耳。先生毋自苦。鼎曰。事卽見之矣。欲求青衣渡江。可復得哉。舉族北幘。今日之淚。殊不能禁。徐令退後。請其說。鼎曰。予燕中望氣三年。氣且漸竭。昨歲宿蘆溝橋。三夕。諦觀天象。竟無可爲。灑泣去之。金陵有王者氣。揚州鎮江多氛祲。蘇常杭嘉等耳。金華禍在口下。恐千人不足殄也。徐各私詫異之。居亡何。東陽許都。口。口。口。滅數千人。明年燕災。又明年吳災。始追憶其言。(包長明記)

【薄子理】

吳人薄子理。性放悟。書不再閱。能縱橫成文。嘗意製木童。令司啓閉。奉客盤匱。靈動如生。其議北方屯田。不必開井。俱相土高下。去沙五尺。置乾草。仍覆以土。經日。啓視其燥濕。探水脈開池。功省利倍。屯政舉矣。

空玄

【佛】

【覺】

釋迦佛真身。在錫蘭山國。
無量壽佛真身。在廣西全州。

吳康僧會真身。在海鹽金粟山寺。明初移南京天界寺。(上四字疑有誤)
梁潘僧知藥三藏真身。在韶州月華寺。

唐長耳和尚真身。在錢塘西山法相寺。

湘潭縣湘山有唐僧真骸。至今存。土人祠禱輒應。（口璘息園存稿）

【阿羅漢】

真臘國天竺僧僑陳如。自西域來。主其國。至其酋姓斜科。名智多思那者。蓋日漸強。嘉興嚴從前殊域周咨錄曰。杭州淨慈寺裝羅漢像五百。以僑陳如爲首。今觀陳如特去狄之主耳。但教人事佛。實非所謂白晝昇天。降龍伏虎。有諸佛靈異者也。今乃崇奉香火。以爲曾神。則其誕漢可知矣。

【日蓮石塔】

永年縣城口二十里。日蓮村有寺。小石塔。爲日蓮和尚墓。

【阿育王舍利】

鄞縣西五十里鄞山。晉太康二年。僧慧達忽見從地湧出阿育王塔。其狀青色。似石非石。高一尺四寸。廣七寸。露盤五層。四角挺然。中懸金色小鐘。不盈三寸。舍利綴於鐘下。圓轉不定。其光搖曳。若即若離。隨人懸見。繞塔四周。俱是鏤空諸佛菩薩金剛聖僧八部等像。神王聖蹟。非人力可及。梁武帝造木塔籠之。今名廣利寺。萬曆丙子。平湖陸家宰光祚瞻禮。初見舍利大如芡實。已如彈丸。已大如瓜。最後大如車輪。五色變幻。光彩射人目。秦和郭孔泰孔陵瞻禮舍利。初視若黍米。已如芡。如蓮子。同觀者或見如新菱。兩角垂絲。絲綴如北殊。或見如葡萄色。或見如桃瓣。或見如金蓮花。瑞相種種不一。又秀水朱侍郎大啓禮拜。見如菉豆許。色□□如水晶。踰頃忽微紅色。次早諦觀之。無有也。弘光初。奸僧竊舍利去。今終以珠無異。（北殊疑有誤）

【達磨石像】

嵩縣少林寺達磨面壁處。崑山魏恭簡督學河南。以面壁石與影石不同。謂其妄。命登封令侯泰鑿之。今影石如故。雖鑿不爲損。

【玉石佛像】

弘治間慶雲縣人掘地。得玉石佛像二。一北齊天保八年造。一武平六年造。座上皆刻造佛文字。併與造各人姓名。自北齊至今。幾二千餘年。而時像既沒復出。物之靈見。信有數

在焉。（慶雲縣志）

【寧夏銅像】

寧夏古靈州。城東北鐵柱泉旁。有窟。人莫敢入。景泰間李某。同一僕。燃燈以入。行二十步。將出。風颯。燈息。門閉。鼓發齊鳴。李恐懼欲死。盡棄諸物。俄於旁窟匍匐而出。同日集衆往掘之。堅不能入。機械如洛陽也。（寧夏鎮志）

【宋濂前生書華嚴經】

宋景濂先生生時。母先夢僧云。永明延壽。手持血書華嚴經。求借汝一室。以完願。後先生至蘇州半塘之聖壽寺。憶前寺得經於藻井上。則前元聖壽寺僧善繼所書。書法如趙魏公。端楷不苟。八十卷如一手。多名僧題跋。今在杭州。赤山埠西六通寺中。見馮祭酒夢植日記。按宋慶歷八年。張方平以端明殿學士右建議大夫。知州事。公爲政清嚴。一日游瑯琊山藏院。輒俛仰。因勅從吏取梯。掖陟梁。得經函。函有書寫口伽經。半披玩。忽悟前身故僧也。寫未竟。逝乃爲終之。書法宛然不殊。號二生經。時時爲人誦經。首偈云。世間離生滅。猶如虛空華。知不得有無。而興大悲。口口蘇東坡。東坡序之。仍爲寫刻浮玉山龍游寺中。

【藏經】

國初重刻大藏經。板留大報恩寺。四方僧衆咸許摹傳。見永樂十一年。義烏王稔。華陽教寺闍記。今南京刊板。藏禮部。俗衆非厚費三四百金不能得。北京刊板。在內府。非特賜則奏請。餘不能得。

藏經舊刻六百三十七函。梓于永樂庚子。正統庚申成。萬曆初。慈聖皇太后續刻四十一函。起華嚴玄談會玄記。至第一希有大功德聖記。（普陀山志）

【觀香夢感經】

仁慈孝懿。誠明莊獻。配天齊聖文皇后。嘗夢白衣大士。口授數千言。覺而記之。自製序人

大藏。

【佛牙】

佛定尙書徐太室（學模）集云。守荊州。見房陵二聖寺佛牙。形模詭異。香氣襲人。其詩云。房陵佛牙如掌大。妙香伴供彌陀座。三水口口文太青。翔鳳集云。見南京西天寺佛牙。頗疑其非實。蓋如來佛四十二齒。若長二寸。博寸許。則面當如車輪矣。此必異獸骨也。予於南京天界寺見佛牙。二寸。博寸許。瑩潤如榮玉。而竊謂太青所論。大有理。至房陵佛牙如掌。則又大於西天。天界寺所供矣。按佛國記。佛有四牙。廣半寸。長半寸。一牙在阿修國。一牙在天上。一牙在海龍王宮。一牙在乾陀國。國王使大臣九人。守保之。月朝。捧擎牙出。夫牙廣長各半寸。意得其真。今所見侈矣。

【寶金和尚】

國初寶金和尚碧峯者。留千佛袈裟衣一襲於繁峙之普先寺。云人衣之則死。草履之則活。嘉靖癸丑。北虜入寇。披於馬上。馳驟往來。亦未見有驗。（繁峙縣志）和尚嘗上書求增建職司。大理寺卿李仕魯言。天下學校尙未建。儒風尙未振。而先爲異端樹赤幟。非所以垂遠也。忤旨乞歸。諱死。

【僧娶妻室】

鳳陽大龍興寺。卽皇覺寺。一曰於皇寺。太祖勅僧律。一曰有妻室僧人。除前輩老僧。蓋因元末兵亂。流移他方。彼時皆有妻室。今已年老。毋論外。其後進僧人。有妻室者。雖在長上輩比肩。及在下諸人。皆得凌辱。亦無罪責。今僧俱童娶。又無差累。

邵武汀州。僧道皆娶妻。寺僧數百。推一人削髮。餘如民俗。

雲南大理府。由僧有妻子。亦讀儒書。

莆田林兆恩懋勛。究心儒學。兼通道釋。學者稱三教先生。嘗詣京。欲上章婚娶二氏。弟子安溪黃本。移書止之。有曰。卽得行。甚善。願此時詣闕。上書者。皆黃紙符篆者流。吾師欲以婚娶二氏。易天下。不惟不足。以明三聖人之

道。爾使疑夫子兆恩。乃止。

【鐵塔】

當陽縣。玉泉寺。鐵塔。鐵鑊。俱隋物。

【釋迦塔】

應州治西物宮寺。遼清寧二年。田和尚奉勅立。有釋迦塔。高三百六十尺。圍半之。六齋八角。上下皆巨木爲之。層如樓閣。玲瓏宏敞。稱宇內浮圖第一。塔後大雄殿九間。通一次梁。

周氏豐潤人。宣德間生。幼不茹葷。長崇釋教。誓不出戶。年七十餘坐逝。隨吐火自焚。得舍利數十粒。其神向北而去。人多見之。

【寶光寺泥丸柏】

懷慶府城。東北四十里。明月山。高峻舒豁。由皆古柏。無他木。云元泰定丙申。僧寶相創明月寺。乃以泥丸柏子。持彈弓四圍巖谷中。今蔚然成林。障蔽天日者。皆泥丸柏也。明

月寺。天順戊寅。賜額曰寶光寺。

【智慧菩薩】

四川城。周繞師女。生而不葷。好誦經。年十九。或議婚。輒面壁坐。經句不起。嘗絕粒食。成化五年。促其父母送至江村口白馬寺樓上自焚。結袈坐滅。歷暑不朽。神顯靈異。鄉人遂妙

沙築其身。裝塑成佛。號智慧菩薩。梓人多事之。最有靈驗。（四川通志）

【黃明女菩薩】

臨汾泊莊村。密洪晉女。生崇禎三年二月。生時。母張氏夢歌樂迎菩薩至其家。後嫁適王

日。云得道。八月望日。云在神前考過。受西方佛。封黃明女菩薩。命作籠。置空地西向。二十八日午刻。云火光菩薩。太陽真人。俱來相助。至期。火光自七竅迸出。焰高二丈餘。有白蛾從火內飛出。翩翩直上。觀者數千人。忽聞空中樂聲。異香三日不散。初指於村西立廟。經始之日。忽南壁上生柏樹數十株。長二三寸許。有跡在焉。

【達觀和尚】

達觀和尚。（真可）宿吳江村庵中。且語主僧曰。昨爾婦訴冤。宜自省。其僧嘗少妻。以冤

死。大婢輩命卽禮懺訖。出佛前。朱几火之。主僧如其言。朱几鏤以石。得赤蛇。卽婦孽也。嘗宿華亭。徐氏所。曉起語。主人曰。昨夕女婢訴銀壺之柱。銀重十八兩三錢。見在某室。可覆按也。因入其內。指豺兒床頂上。果得壺。如其重。
(吳中書記)

和尚寓嘉善東門外景德寺院。大悲閣圯。卜葺之。未利。云後自有入。甲辰五月。錢相國士升明經時。夢和尚爲祝髮。加僧帽。出法華經示之。展卷。赤光熒熒。寤後。猶未知所謂。達觀也。先癸卯冬。師化去。已相國父疾。迎醫于嘉興楞嚴寺前。偶憩經房。問法華經幾卷。曰七卷。主僧出和尚血書法華經。頓悟前夢。道念始切。其冬。手書法華經部。及解紐。重修大悲閣。得和尚自題像。摹刻於石。見記中。又手書法華經一部。(相國自說)又曰。邑人盛懋相問秋闈事。師曰。老鶴窠頭立。懋相不解。曰。待子來。萬歷丙子。登科。神祖手書金剛般若經。汗漬欲易之。命曹內閣問和尚。答傷曰。御汗一滴。萬世津梁。無窮法藏。從此放光。上大悅。

【慈山和尙】

沙門德清。于膠州旁山。舊觀音菴地。建海印寺。德清初與內監張本善。本奉太后慈旨。普藏經。分散名山。而寺上無名。本遽填海印寺與之。道士耿義蘭爭其地。具奏。下法司擬本。以忤旨論死。德清滿戍。膠州寺亦毀。師嘗注老子。至天之道。其猶張弓乎。思之未得。乃借弓懸壁間。忽悟張字與弛對。時弣高而有餘。弣下而不足。祇歸無用。及張而用之。則迎高舉下。指弣補弣。上下均亭。可以命中。天道全以動爲用。主施而不主受也。

【關頭陀】

萬歷間。關頭陀。不知何許人。能分身現刑。一日至湖州菱湖鎮。向小兒乞火。置掌中。卽熾。并其身骨俱燼。

【密雲和尙】

密雲和尙。住鄞縣天童寺。法席甚盛。猿獠鬪瓜。師歎曰。業畜何不他欲。而必瓜之。是及也。明且。猿獠臥瓜側。不復嚙。

【僧大香月史詩】周公正德流言曰。王莽虛恭下士時。決使當年身不死。要留忠僞與人知。

【僧佛目送雲】

仁和塘棲鎮僧佛曰。住黃鶴山。已隱西湖之十八澗。開法雨泉。披榛數十丈。見石壁錫佛。目字。胡太史仲胤計偕登舟。僧挈榼送之。滿貯白雲。啓則濛濛。流身於篷櫂之間。郁郁勃勃。所謂祇可自怡。不可持贈。又轉作一解。

【祖師像】

國初。禁中有祖師畫像。八十八尊。供牛首山之祖堂。萬歷。日南沙門達觀。以新安丁南羽。摹之分送五臺峨嵋南嶽。錢塘黃詞部汝亨。臨之。送天竺寺。嘉善高相國臨之。送景德寺。弘光初。游姑蘇之北寺。有不惹娘觀音殿。像設如新。西陽雜俎。部下佛寺神像。往往有鳥雀不污者。鳳翔山人張盈言。或有佛寺金剛。鳥雀不集者。非其靈驗也。蓋由取土處。及塑像時。偶與辰王相符合也。

【求履僧】

嘉興李孝廉士晉。有僧募履。命僮索之。僧笑曰。果履乎。李未解。僧問其衣何物。曰。紬。僧笑曰。羊質虎皮。李色駭。僧曰。能從我游乎。曰。請俟異日。因入取履。僧不復見。

【僧誑】

南都有僧。突達官前。驅擗。撞之。忽云。打不得。我建文皇帝的裔也。欲啓其囊。又云。中有內府勅。開不得。遂下僧錄司。其僧猶端坐抗語。因送禮部。部下喧傳。各衙門會訊。莫敢誰何。內一人強健。解索。則法華經一部也。蓋犯道畏責。作此誑語。(蒼雪上人說)

臨川陸瑞伯司理杭州。素佞佛。飄納雲集。有僧漢人求閉關靈隱寺。約某日回首。須二缶合瘞。司理如其言。遣隸守之。屆期。夜拔刀欲還。隸亟縱去。其隸予所識也。

【張真人印劍】

廣信龍虎山。正一真人張氏。寶劍二。玉劍一。印四。一白玉。方鈕徑寸。二狹幅。朱文。上帝舊書。一銀方如玉。世廟所賜。一白玉。雙螭紐徑寸。四闊幅。文如小玉方。國初所賜。一金鈕。如

雷聲轟起。雲雷篆。今真人府燬。器具存。

【神樂觀歲給】

南京神樂觀。歲給乾魚萬斤。鮮三千斤。米三千石。小麥千石。黃豆二百石。芝麻五十石。口舞生三百三十餘人。歲支夏布三疋。棉布口疋。絹一疋。棉半斤。

【張三丰】

張三丰。俗名獻。字玄玄。號三丰。又號斗蓬。又呼邈邈。閩人。又云羊城人。七歲能弈。卽無敵。十歲習儒業。失怙恃。長入番家。華林遇至人。偕棲三十年。出山混俗。歸闕補刑曹吏。闕人未知也。未幾因劫獄連坐。戍貴州平越衛。同解將及境。師浴于河。溺焉。明日自水出。袖各司回文批帖。解者探囊中。原文已無矣。始神之。受重餽而別。至平越。平越千戶張信。少敏慧。善弈。師往校焉。稱國手。一日殘局。終宵抗衡。因記之。各就寢。張夢老嫗。汝棋當如是而後勝。晨起。不數着而師負矣。師大笑曰。驢山老母。大是饒舌。繇是人知其異。遠近播傳。師將遠游。辭故人。十餘家皆餞于。一日。席皆有師人。愈異焉。別張信曰。吾爲葬若父。命信取骨自負。指岩窟。密曰。汝勿懼。往擲置之。口中既入。見石牛欲相啖。畏而掛角。出以告師曰。大至封侯。斯亦足矣。復授鐵椎。命往擊洞門石磴。且曰。擊不過一二椎。至斷而已。張力不勝。擊至七方斷。見金魚飛去。歸自之。師曰。惜哉。汝八口。止存君一人。十年後。位至封侯。十二年間。當會於武當。言訖而去。永樂靖難。信以功封隆平侯。至十二年。果賜祭武當山。見師山中。石岩炊瓦釜。形質憔悴。破衲腐穢。傾米飲爲茶。送一棗。張不飲。袖其棗而別。下山視棗。已長尺餘。驚訝。復上山尋師。已逝矣。追悔莫及。師嘗居平越高真觀。今有禮斗亭。浴池。石碁局。山中嘗有人聞聲咳聲。喚振岩谷。後移居武當。往來天柱五龍兩岩。紫霄諸名勝。洪武庚午。拂袖長往。不知所止。（郭子章黔記）

按他書云。張三丰。遼東懿州人。名君寶。一云寶籙人。

【范達】

范達。河內人。有奇骨。讀書過目不忘。或化問。棄家從異人游。遂爲武當山提點。邑人某至武當。見達乘肩輿。衣神飄逸。羽從數十人。與達語移時。問其家事。蓋已悉。又數年。見達童

顏猶昔。行步如飛。不得近彼。名其故居曰仙人府。

【桃林老道人】

正德時。曰劉開。剽盜漢中。牛山之燕子嶺草。有老比丘。自稱元時人。白首垂頰。聞其年不記。出度牒。紙厚方七尺。字如紫蚓盤蛇。蒙古書也。對人跌坐。又至桃林園。澗繞草舍。一道人。年九十餘。色不槁。云採桃實自給。左右言其壘豐求餉。明發稿二千人以金。歸而復召此二人。皆不知所往。

【朔蓬頭】

朔蓬頭。夏縣人。如意里朔德之遠祖也。里界聞喜間。就大溝上架木橋。後出避方外。明正德中。有道人蓬頭至橋邊。云朔氏指其宅墓故址。且言村巷某處。舊有確石。掘二尺許。得之人。且驚異。居數日。備於張鸞家種田。忽不見。

【道人題壁】

嘉靖初。吳江平望鎮殊勝寺。有道人題壁。我自蓬萊跨鶴歸。山僧不遇意徘徊。時人莫解菩薩寺。三十餘年化作灰。後燬於倭。

【張福】

張福者。淮陰贖徒也。性悍恣。不下人。一日乘涼樹下。有老僧同坐。老僧忽舉手擊張一掌。張福爲僧危之。謂此惡少。奈何犯虎口哉。張默然。僧又擊一掌。不應。至三擊。則叩首曰。吾解師意矣。僧曰。爾來至。一巷與樹對坐。旬日。語張曰。若有得矣。須歸富貴。人有善根者。爲外護。若妻子。請謝絕。勿念也。張歸舍。其妻方與他少年淫媾。其人自床投地。請死。張曰。若有緣也。無恐。不知若有室乎。少年曰。未有。張曰。子請遂以爲妻。又呼其子。與鄰老無有子者。子之曰。亟去。無來迹我。乃竟往投萬總戎鹿園。萬問之曰。若何能。曰。請爲閹者。司出入。萬因置之門。萬本大家。男婦嘗數百人。出入無忌。張日危坐於戶。至晚必報主人。今日某出。出某某入。有戲豫。無禮違法者。必告。居三日。萬氏門肅然無譁。又數日。萬知其愿確可託也。命之守書舍。司金錢。出納。則銖兩無爽。有不經者。必裁節之。一日萬自外歸。見張坐其所。呼曰。若胡敢踞我坐。張起而對曰。將軍胡無

【高石峯】

柳州東門高石峯口好道。棄家游桂林蒼梧間。簡率少文。晚隱端州石室。十年入廣州。教人以死心孝廉李潔問上絃兌八下絃良八之功。曰亦用之。或詢以歲里。曰多事。生弘治庚申。終天啓壬戌。九月年百二十三歲。

【呂僊自序】

萬歷初。葛守禮。毀十僊。楊博。王家屏。諸大考。會燕邸齋素。求呂僊。箕書本唐之宗人。名瓊。字伯玉。配金氏。生子四。甘美。豐充。年五十。登第。授縣。不意有日月常空之禍。凡我同宗。觸之者滅。予甚恐。棄四子。攜妻山下築于洞。僅兩口。故氏呂名岩。字洞賓。後妻亡。號純陽子。

【道士火遁】

山陰王橋亭。萬歷乙未。進士。是春。讀書京師。西山夜對燭。俄閃爍有聲。見人自燭出。可三四寸。驚走其上。尋登坐。則修一二尺。如道家裝。侍兒驚匿。亡何。又盤走地上。儼然人也。語王曰。毋我避也。且乞茗。因共語。鸞。面別。漸縮如初。入於燭。明日訪京邸。中貴云。是日大內齋期。或道人火遁也。王終南海令。其甥末若一說。侍兒尙存。

【麻城道士】

麻城道士。口口以道術著。黃州守某。憂子婦困。布幣求療。道士方象。奕畢。語使者曰。爾第去。無恙。第胎衣中還一碁子。使者反。果產。胎衣中碁子在焉。包令備說。

【清河異人】

萬歷七年十二月。有異人。經清河縣之唐家口。坐而化。謠傳爲我佛涅槃。或近喧傳。男女焚香者數千人。大爲地方憂。時令向日紅入朝。明年三月。還任。時衆已漆其屍。而神之立廟。日紅陽爲祭文。默約值一枯竹。曰屍誠神。三日生吾竹。仍爲廟。否則不廟也。越三日。竹尙枯。乃毀而瘞之。謠言頓息。然人竟不解其故。或曰病也。 (清河縣志)

【苟道人】

姑蘇苟道人。不知其所自。儼猶行乞。歷暑寒如一。冬月。鬻冰而浴。人咸異之。嫌其垢。不欲近。而就問多驗。弘光二月。坐遁。葛葉玉柱尺許。時予客蘇郡。值華亭朱尙書園盛。同啓好。

養生家言。云嘗就問道人。誠異人也。

炯鑒

〔柄相末路〕

嘉靖戊申年。大學士夏言臨禍。貽書誦吳學愚。賢培。吾擇培得汝。門楣光矣。患難賴汝扶。持累汝受驚苦多矣。無以爲報。但我有志。恢復河套。實欲自盡犬馬之忠。不處至此。今復何言。且死矣。身後惟有平生奏疏詩文諸稿。望子爲我編校成書。諸序并年譜。乞借筆以賴不朽。諸稿有文。五春一經手亦已囑之矣。我平生大節。賢培所知。得禍之詳。賢培所悉。他日世有公論。不能無望賢培紀錄。願留心千古之託也。處分家事。別有遺囑。賢培亦與。但望教道諸子。姪輩各宜守分。仍道我苦處。俾勿起爭端。以召意外。且以彰吾之過也。遺言賢女安人。我止有汝一人。又不得一見而死。千里遠來。何以爲情。哀哉。哀哉。身後望汝歲時墓上看看。奶奶今不知生死何如。又不知去配所否。今不能作書。或已死已去。不可及也。生離死別。家散人亡。可憐誠可憐哉。勿復道。勿復道。汝夫婦各要和睦。世上事。汝今知之。懽懽離得也。口擲筆長逝。勞形生何爲。忘情死亦好。游神人太虛。相伴天地老。（吳春山東按察副使）

萬曆十二年。故太師張居正。子禮部主事敬修。自縊遺詞。

四月二十一日。聞報。二十二日。卽移居空宅。男女驚駭之狀。不忍言。至五月初三日。丘侍郎至府。初四日。卽差官提張敬修面審。其中細微曲折之情。不及多言。但其大注意。在屈坐先公。以二百萬家資。又要我扳承天夷陵本縣三家。要坐會確菴家寄銀十五萬兩。坐王少方家寄銀十萬兩。坐傅曰川家寄銀五萬兩。他云依說便能。如不從。則常奉天命事。其間恐嚇人之語。令人膽破魂飛。嗟嗟。此三家者。皆怨仇。禍患與張門同之。以數十萬爲寄。何其愚哉。或當事者。處心畜謀已定。區區何能分解。而威勢所使。只得欺天柱人從之。夫數十萬。吾意三家縱

謚亦何能如此之精。天上飛來。何愛片言。以得從口事。意蓋料一家隨不能完結此事。吾日後何面見之。區區微衷。不能自白。恐後世以敬修爲何如人品。今又以母子叔姪。恐團聚一處。有串通之弊。乃如五月一日。口出婢。迫令隔別。不得相聚接語。而母南子北。夫東妻西。又懼會審之時。嚴刑拷訊。羅織鍛鍊。後日事又大可慮者。今幽囚倉屋。風雨蕭蕭。青草鳴蛙。無不助予之悲悼。人非木石。豈能堪此凌鑠。告知神明。決一瞑死。而萬世不視。嗟嗟。人豈不貪生畏死。而敬修遭時如此。度日後決無生路。孔子之聖也。而死。顏回之賢也。而死。况平日子生死利害。審之熟矣。今屈死黃泉。勢不容已。承家祀。并奉祖母二母。餽粥。則有諸弟在。子母哀受辛苦。子妻素賢明。善持閨內。有古烈婦風。吾此舉不能自保。可憐我幼兒女。皆六歲。曰稚子。言至於此。痛心酸鼻。不能終其說。他如先公功罪。與近遼藩誣陷事。轉則自有天下後世公論在。敬修不必言也。獨空坐二百萬。又欲屈坐會王傅三家三十萬。欺天枉人。不得已託言片楮。沒齒以代剖心。此書各司道一日。非肯爲溝瀆之行。五月十日寫完。以期必遂。而夢兆稍吉。不果。至十三日。各欽差上司會審。叔姪俱嚴刑拷訊。偪勒扳扯他人。亡慮數十家。扳而合諸公意。卽首肯之。不合其意者。叫另問來。合則從。不合則夾打。令人魂落無生氣。嗟嗟。此古今宇宙未有之情。父母遺體。生平眼不見刑具。脆薄之軀。豈能勝之。各位上司奉命而來。如得其情。則哀矜而勿喜。可也。何忍遽至於此。嗟嗟。此數之莫能逃也。卽令扳各家。倘臨時對理不驗。何以見諸公面。且諸各扳扯亦多人。皆平日所未聞者。吾輩寧死。皆能扯他人。以解己之禍。甚矣上天之愚弄人也。而又使吾叔輩自愚。何忍任巡按作活閻羅也。有父母妻子之念。何忍殺人媚人以如此之酷烈也。今不得已而死。明心。萬分出於不得已。若二十日拷訊口詞。鄉里三尺童子。憐之知之。不必多言。有便乞傳由西蒲州張相公。說張門事已完結矣。無煩掛念。願他輔佐聖明天子。於億萬年也。

談瀝曰。讀夏氏張氏兩書。令人凄然以泣。方其秉國之鈞。百吏震竦。氣勢迫山嶽。一朝失據。步入西市。諸子爲

囚富貴安在哉。今貴溪江陵之論定矣。功九而罪一。敬修憚死。亦知洪朝選劉臺之冤乎。昔關將軍沒後。時在荊州。玉泉山現靈。有僧呼之曰。顏良文醜頭安在。敬修書成之日。洪劉之冤案結矣。丘侍郎樞齊人之有聲望者。懸賊酷拷。貽楚患數年。卒無子。亦未嘗無天道焉。

崇禎十六年五月。口口大學士周延儒放歸。復見徵。知不利。憂泣。或請解於宮中。賂嘉定伯周戣十萬金。戣達之中宮。以駕久不至。奈何。請授指東宮。東宮每晨謁。至是啓曰。近來久不見周先生。何也。上曰。爾何自知先生。曰。父皇嘗稱周先生。故知之。上曰。此非好人。今不得稱先生。上心知其指。尋賜死。迨曙。錦衣衛口口同法曹至私邸。排闥而入。相國披裘起。裏絨巾。家僮見耳。目有異。各驚匿。求青衣未得。緹校脫而衣之。拜命飲泣。求筆墨。占句會皇不屬。使者促之。掣筆就縊。

【狂誕】

餘姚諸雙子相。嘉靖乙未進士。除兵部主事。以前仇忤時。謫茶陵州同知。量移潮州通判。轉邵武同知。寬簡御下。勤於勸學。氓士皆悅。雙素深經學。脫略自喜。家居推授徒自給。後客嚴陵。大醉。般礪裸游桐江。瀟噓其陰以死。

崐山王逢年。游京師。爲相國慈谿袁燦掌記。時飲于市。遣使四索。因諷之。怒曰。爾時文登第。女文拜相。乃宰嚭天下士乎。去之。逢年嘗僞撰黃憲天祿閣內史。隆慶初。逢年坐事死。

吳縣張獻翼。幼于太學生。能詩。好游仕路。狎聲伎。慕古稽阮之習。與友人張孝資。或紫衣挾伎。或跣乞市中。或歌或哭。獻翼贈孝資詩。中年分義深。相見心莫逆。還往不送迎。抗手不相揖。荷鋤隨吾行。操瓢並吾乞。中路饋吾漿。攜伎登吾席。蒿里聲漸高。薤露歌甫畢。子無我少雙。我無君罕匹。獻翼每念故人及亡伎。輒爲泣。置酒。向空酬酢。孝資誕日。生祭。自爲尸。獻翼率子弟。裹麻環哭。上食設奠。孝資享之。翌日行卒哭禮。設伎樂。哭罷痛飲。曰。收淚自是率以爲常。萬曆甲辰。年七十餘。挾伎居荒園中。殺于盜。沒。後人惡而諱之。

緯候

【五行】

儀封王子衡（廷相）曰。甲乙丙丁。子丑寅卯。大撓作此。以紀歲月日時。非有所謂甲乙屬木。子亥屬水之說。然亦偶爾宗之。卽以當年爲甲子歲。仲冬爲甲子月。冬至爲甲子日。半

夜爲甲子時。不知幾歷千歲。後人乃以五行分配之。此半塗立論。無所本始。不待智者而後知矣。且夫五行之氣。無則已矣。有之。則一日之內。無不全體俱在。安有今日爲木。明日爲火。又明日爲土。爲金。爲水乎。何春止爲木。夏止爲火。秋止爲金。冬止爲水乎。何土爲旺於四季。而餘日土氣卽絕滅乎。（答何粹夫論五行書）

新都楊用修（慎）曰。今之易卜。以甲乙起青龍。丙丁起朱雀。戊己起勾陳。騰蛇。庚辛起白虎。壬癸起玄武。蓋不通理者遷就之弊。戊己同爲土。豈其分爲二。騰蛇爲北方水獸。何以移之中央乎。今定其次。戊己共起勾陳。而土與騰蛇。癸起玄武。得其當矣。何也。北方之次。於卦爲艮。有終萬物始萬物之意。於方爲北。又爲朔。於人身有腎有左右。於卦爲習坎。於器爲權衡。於物爲龜蛇。於色爲玄黑。於官爲修黜。於四德爲貞正而固。亦兩事也。於太玄罔蒙直會冥以配四時。而冬兼會冥。且壬爲陽水。以騰蛇之雄配。癸爲陰水。以玄武之雌配。不易之道也。此誤千餘年矣。卜之不驗。豈不繇此。

東粵李潔曰。久晴遇丙丁必雨。久雨遇丙丁必晴。而庚甲次之。若遇丙丁而不變。是謂日月不換。丙乃天地之精。故病從丙也。北方淫雨。百姓卽請官吏祈雨。仁政之先務也。南方往往太遲。八月有二易緯以時。名氏春秋以方。烈風多起於戊日。而箕宿次之。

【雄日】 甲子值單日爲雄。雙日爲雌。（日中有樹似松名空青之林食其葉者身爲金光）

【子日】 正月上旬無子日。大臣不安位。（焦周說樞）

【上戊上丁】

李夢陽曰。曰日辛禮稷上戊。孔子上丁。戊在丁後。故先丁。如十日丁。則一日戊。當先戊而後丁。以丁不常十。故人鮮知一日之戊。弘治間。吏部主事楊子器上言。戊從初日之丁。則次戊。非上戊也。時無諳禮者。竟寢不行。

【制日伐日】

入山當以寶日及義日。專日者。大吉。若制日伐日。必凶。靈寶經奇門書云。假如甲子日子。永生甲木。下生上也。為義乙丑日。乙木克丑土。上克下也。為制。戊辰日。上下無犯。為專。庚午日。午火克金。下克上也。為伐。丁丑日。丁火生丑土。上生下也。為寶。晉時拜官封爵用寶日。上任用義日。一五雜俎。

【立春】

立春日。邑首甲類長二人。夜半於縣治前。畫地植草。如耕種狀。值人畜即止。以下歲多驗。萬曆中。嘗失期。誤春田。官呵之。答曰。諺有之。不種田時。乞白米。歲果稔。成化元年。崇禎元年。並元且立春。華亭陳繼儒眉公楹帖。歲朝春百年難遇。聖天子萬壽無疆。

【上巳】

立春日望三素雲見。修真八道祕言。三月巳日始為上巳。非三之日也。周處風土記。夏至前雨。名黃梅雨。杜工部梅雨詩。南京西津道。四月熟黃梅。淇淇長江去。冥冥細雨來。茅茨蔽易濕。雲霧密難開。竟日蛟龍喜。盤渦與岸迴。按玄宗幸蜀。置成都府。

【黃梅雨】

井。號為南京。讀其詩。梅雨與江浙不異也。今俗作徽字。黃州俗五月十八日。有龍舟之戲。設屈原像及祇候。俱連機振。服飾極麗。金簪玉帶。費嘗

【競渡】

二三百緒。上人昇舟送之江中。順流至其灣。上人先泊舟。掠以為常。雲南六月二十五日。入夜家家束松明為庭燎。雜以草花。高丈餘。燃之。殺牲祭祖。老少圍

【火把節】

坐火下。飲酒達旦。自官署部邑。以及鄉村田野。無不皆然。謂之火把節。又謂星回節。相傳漢夷酋阿南夫爲人所俘。誓不從賊。以是日赴火死。國人哀之。因爲此會。一云孔明是日擒孟獲。使入夜城。父老慟呼。設庭燎迎之。《渾程記》或云。弔忠臣王緯。非也。

【中秋十六日】

四明中秋宴飲。以十六日。初。宋相史彌遠官臨安。還家度節。阻風。至是夕始到。遂沿爲俗。御袍。重陽所服。製爲菊宋。

【九日】

福建將樂歸化人。以三月爲小清明。八月爲大清明。展桌者。閩小曆。毋敢去廢。

【大小清明】

【朔望行香】

洪武十七年。勅每月朔望。祭酒以下行釋菜禮。郡邑以下。詣學行香。按朔望行香之禮。古未有也。北齊每月朔。祭酒博士諸生。展拜階下。郡縣朔朝。是時未蕪。今所謂香也。然朔望行禮。則始於此。其後遂以朔望行香。朱子曰。謁宣聖焚香。不是古禮。檢香不當叩頭。只直上捻香。卽出。忽叩首而拜。由是言之。則宋亦然矣。但儀節與今不同。今只行拜禮。《東陽王嘉忠澄海縣志》

【天門】

及渡而去。不旬日卽逝。

鄒洗馬德薄疾篤。幼孫方六七歲。同二三女童。見天門開。空中有大白鶴。背跨冠緋。委笏者。兩翼金甲。神挾侍弓刀。鶴飛欲下。又旋轉再四。須臾入室。不見。僅白雲從庭左角。自地

婿蘇沈文字。雖僂人而事母至孝。嘗語子曰。萬曆癸丑七月三日。露坐中夜。俄天門開。流光滉耀。朱几上鱗鱗。歷歷在目。亟呼母出視。母命拜。良久而隱。戊子九月二十五夜。滯且壽。天門開。有火龍自東向西北。又一龍相接。掉尾。落數小星。

【月】

崇禎乙巳十一月日。邑人洛塘周氏出奔。夜分。月中界盡如十字。人皆見之。庚午七月六日。有小星入月。良久乃出。自東而西。去月二尺許。竟不動。

【風】

崇禎辛未。六月庚戌。臨穎有大風。林氏杜氏等。家產俱飄半空。銅鐵器碎盡。磁器獨全。庚辰七月。天津巡撫李繼貞。閱武。帥旗不風而動。明年三月亦然。且作笙簫聲。見邸報。有尤風。李義山詩。來風貯石郵。

【雨辨】

無錫邵文莊。《寶》二雨辨云。雲興于山。勃然滿盈。卽繇而降以雨者。山雲也。謂之山雨。雲興於海。絳然瀰漫。既翁而盛以雨者。海雲也。謂之海雨。海雲之雨。乘風以行。雷鳴則止。山雲之雨。挾雷以動。風吹則散。此其大凡也。海雨夏少而秋多。山雨夏多而秋少。亦各宜之。易是爲變。而無雷矣。天台王子春云。雨師屏騎。風師鼓旗。雷師豐隆。

【雀 餉】

餘杭徐司理茂吳。《桂》卒之歲。甘露降於後園。新安吳山人德符。《充》曰。恐是雀餉。果應其兆。

【雷】

嘉興吳太宰。《鵬》家內樓。雷震死。凡金玉銅鐵之器。俱一細孔如粟。海寧轉塘徐氏。有婢抱主人兒被震死。雖兒無恙。後若干年。亦孀姑蘇人某。雷轟其袴。外衣毫不損也。雷神亦甚嚴矣。

萬曆戊辰。六月二十日。福建平和縣東廂外陳孫家。有兒在輿中。雷震其輿而碎。兒仆地活。

天啓乙丑。廣州濠弦里方氏婦張。婦居。元夕觀燈。俄黑犬隨歸。二月夜。忽電光燭一室。婦攜幼孩坐榻。大若懼。甚依人。時見數神。若十四五歲童子。無髮者。環榻二三尺。欲前。踰時忽捕夫去之。

清朝辛卯。四月九日。蘇州張某。雷焚其廩米如粉。時米貴。某索高價也。

【江南二十八景】

華亭顧東江先生。《清》云。江南二十八景。梨花滿放。梅萼盛敷。茶荷初肥。桃柳相媚。枇杷摘金。楊梅獻紫。牡丹圍色。芍藥繁敷。海棠晚睡。薔薇畫香。菱荷新發。菱芡初嘗。暮

醜正美。秘酒始醱。荷花成雲。菱風如浪。鱗魚薦鮮。紫蟹滿筯。橙黃橘綠。蒲長葦茂。菊圃千香。青園一色。松花成餌。佳子爲漿。蘭薰列庭。水僊置席。鴛啼春樹。鸞映秋波。陸平泉曰。尙有二景。菜花如縵。稻米如玉。(馬元成集)

【日本小歷】

弘光初。有攜日本小歷一紙來者。並夷字。首題寬永二十一年。及大將口等字。彼遐裔何嘗奉正朔也。

【男產】

嘉靖乙酉。橫口農人孔方。產兒。(侯甸西樵野記) 萬曆丁巳正月二十八日。奉化縣後楊村。男子張一。產兒并活。亡恙。張妻舒氏未妊。同盧某負販。或曰。兄之兒。盧爲之也。

【人疴】

又大同中。翰馬呈德婦。萬曆癸卯孕。庚戌免身。凡妊六年。子三歲。能誦詩書。見謝肇淅江五雜俎。崇禎庚辰。吾友王介人(翊)至徐州。豆作人面如畫。至於虛畝。攜歸見之。又太行桑柳並生。人三四寸。裸而黑。榻燈上。口噴噴有聲。

【雞腹小兒】

嘉靖二十六年。太倉州塗松鎮沈氏。殺一雞。剖腹得小兒。五形皆具。(太倉州志) 嘉靖三十四年。會稽有物。方長如尺。臍飛空中。映日作金色。數鷹繞逐之。有因劉朝忠祝曰。果祥也。則墮已漸近。果墮。則縣令古文炳草蓆也。官命職之。(會稽縣志)

【大明門黑氣】

崇禎己巳夏。卜者周午。賜語曰。賀中冷(世壽)曰。黑氣蒙大明門久矣。非休徵也。及十月。遵化失陷。烽火留於都門。

【鳳陽鼓樓】

壬午。鳳陽樓鼓忽攝去。成平地。太守往驗。坐良久。俄晦冥。聲如風霆。樓復故。(鄆縣錢光緒記)

【集異】

丁亥八月晦。是夕。天上嘒嘒有聲如潮。十餘刻乃息。又是月七日午刻。日旁有一星。明日

亦如之。

十月松江黃浦。鮠魚大上。至妨楫。

喜善東門民家。雞翼生爪。各邑多有之。江陰獲雉足如鴨。

戊子冬至前一日薄暮。鳳凰自海鹽過海寧。向西北而去。萬鳥從之。約二十里。斜橋趙氏蒼頭見之。

庚寅四月六日。有斷龍墮蘇滸野關。見邸報。

九月十七日。錢塘北高峯崩。明日。靈隱寺警。得日僧日口蒙。

十月朔午刻。日食既。望日。嘉興東門外雨絮。友人金瀾孫龍友。前行親值之。夜月食。二十四日夜。黑虹竟天。起

西南指東北。若開闔者三。

辛卯五月二十三日。大雨。海鹽東門外漂一樹。五數十丈。

七月寧波府有異獸。兩角。驢面。馬鬣。豕臄。尾短僅三寸。如鹿。色黃。自祖關墮於老龍灣。躍岸。郡人驚逐。越城而

奔。至湖西氏家。復逐之。遂出西門。走二十里。獲於高橋。送郡守。轉至海道王僧。轉觀者如堵。皆莫知其名。或云由

羊。以糞似之。數日死。人啖其肉。味類鹿。是日定海城獲一鹿。亦以進。八月。大星墮於海。

名勝

【石經山石經】

順天府山縣西南五十里。石經山。峯巒秀拔。故曰小西天。隨大業間。僧靜琬。懼本教有難。不能流通。發願募工。鑿石刊造。一大藏經。積於此山。以備其後。至唐貞觀初。僅成大涅槃

一部。法師卒。其後人遞刊造餘部。歷金遼始完。一大藏。貯於岩洞者七。地穴者二。洞鑿以石門。穴鑿於浮屠。自來

兵燹不之及。(一統志)

【硤石山】

澤州城南三十五里。硤石山高數丈。頂平若砥。從橫十餘步。相傳慧遠墮此。著淨業經成。擲其筆曰。若疏義契理。筆當住空。已而果然。因名擲筆臺。

【金窰山朱書】

豐潤金窰山極險峻。山腹石壁間。宛如門扇而不可開。上有朱書數行。可辨識者。惟縱有黃金人不見七字。其書雖極力磨洗不滅。人以爲金鑛所在。（豐潤縣志）

【邯山】

漢地理志。邯山在東城下。金地里志云。邯山有邯山鎮。卽今城東代召鎮是也。又水經云。牛首水出堵山。東經邯鄲阜。卽張宴所謂邯山。在山東城下者。以今觀之。東城之下。不惟

無水。且無山矣。然則三說何以云爾也。嘗謂水經之言。謂邯鄲阜卽邯山。此說深爲有理。蓋上高曰阜。不必其寬然。誠然而古人皆謂之山也。夫求一阜於千百年之下。能保其不爲平地哉。况山夷則水竭。而邯山之下卽有邯水。亦漸漸乎其漸涸也。余觀浮鄉縣有所謂浮丘山者。今亦漸平爲地。大抵皆邯山之類耳。（邯鄲縣志）

【二郎山】

遼東綿州城北三十里。二郎山破石多如彈丸。可入砲而輕。督師孫承宗戲曰。二郎神好用彈。想其餘物。

二郎神爲清源妙道真君。卽嘉州守趙煥斬蛟者也。未詳何代何封。稱爲二郎。

【倚陽山】

林縣倚陽山。桃花洞。北齊高歡。冬月被兵圍於此。期以桃花開。兵解。已而桃花果開。圍遂解。後洞口桃花。冬月盛開。今不存。（林縣志）

【水神山】

山西孟縣東北十里。相傳昔周世宗女。秉性貞烈。不欲適人。潛於是山樹下涕泣。渴而思水。扣地得泉。自縊於樹。鄉人因立廟祀。曰水神山。

【火山】

太原河曲縣西五里。古稱火山。山上有孔。以草投孔中。煙焰上發。可熟食。不生草。

【呂梁山】

永寧州東北百里。呂梁山。俗名殺積山。與交城接界。呂不韋曰。龍門未闢。呂梁未鑿。河出

孟門之上。

【石鏡山】

寧國縣石鏡山。有石如鏡。足以鑑物。黃巢寇宣歙過此。照見其狀如獼猴。大怒。積薪燔之。石遂無光。久乃漸復。（寧國府志）按石鏡山不一。吳地記。臨安縣東五里石鏡山。有石鏡。徑二尺四寸。甚清。具見人形狀。

【陰陵山】

陰陵山。今全椒縣東南二十五里。九鬪山。云楚兵敗。欲東渡烏江。經此。與漢兵一日九鬪。其小石尚有礪劍跡。有迷溝。為田父給處。今三汊河有霸王廟。所產艾草皆低頭。為羽隲甲壓之云。（全椒縣志）

【齊雲山善惡】

休寧縣齊雲岩。嘉靖中改稱山。立玄天太素宮。曰善山惡山。善山為君。惡山為夫人。分祭則災。合祭則福。

【天臺山僊女】

天臺二僊女。宋景祐中。日明耀。採藥。見金橋跨水。光華炫目。有二女戲於水上。殆水僊洞府也。

天臺縣西七十里明岩

有泉。蔽崖而下。洩若垂簾。寺僧亦用竹繩引之。從高下墜。號曰永索。天臺縣桃源。千山高山。入煙斷絕。其中古桃樹。年深化為精魅。常迷人。宋王介甫夜坐。梅月照軒窗。讀易。忽有

一姝。容顏姝麗。見介甫。自言知易。遂相與談。言畫前妙理。實能發人所未發。介甫喜甚。聞得報。司馬君實來訪。介甫出迎。至軒中。彼姝即隱身不出。及司馬出。彼姝復來。介甫怪而問之。對云。妾乃此梅花月之妖。君實正人。妾不敢相見。介甫爽然。

【僊居山蝌蚪篆】

僊居山。縣西四十五里。險絕難升。上有石壁。刻蝌蚪篆文。晉義熙中周延尉。傾郡造飛梯。以滅模之。莫識其義。後守阮錄。攜衆往觀。雲雨累日不見。（僊居縣志）

【雲黃山】

義烏縣南二十里。雲黃山。傳大士饒虎。饒化爲石。青白而紫。有陶氏居山下。嘗資給大士。遂視之曰。它日以飯石琢數珠。贈汝。自茲授記。惟此一氏家能之。女已嫁。則不能。他人做效。石卽穿裂。義烏縣志。傳翁。義烏稽亭里人。因取魚食。嵩頭陀曰。試自照水。乃見員光寶蓋。卽悟前因。因具開道場。頭陀指山下雙擡樹曰。此可以結庵。苦行七年。忽三佛來自末方。有金色自天而下。集於其身。從是身嘗出妙香。聞空中聲。偈。梁武帝召赴一次。入重雲殿。不拜。徑登寶榻。與帝問答。詔還山。號曰善慧大士。

【玉華山】

蘭谿玉華山。庚寅七月。忽裂二三里成潭。又距十餘里。曰橋下湖。有巨魚如巨。士人毒以巴豆不得。

【伏龍山】

襄陽城西三十里。伏龍山。爲隆中。諸葛氏草廬也。今有祠。西八角智井。頗宏敞。明襄簡王葬處。竟乏嗣人。謂武侯之英爽可畏。又南陽距城八里。云八里岡。亦曰隆中。岡勢蜿蜒如帶。高僅數丈。亦有祠。嘉定徐宗伯學謨俱游之。謂襄陽可據。宛人不能據。而有之。蘇子瞻詩。謠謂襄陽野。生此萬乘師。蓋指伏龍山云。見宗伯集中。

【玉泉山】

荊門州玉泉山。有關侯祠。祠下方二十步。皆黑土。相傳侯嘗住兵。作書遺其子平。書罷。以研汁擲地。故至今土爲之縮。其青龍刀。豎石罅中。以手摩之。輒動。然千夫之力。不能舉也。及學士大夫。皆曰古跡。實然。歲上元夜。家置一罏。當戶高五六尺許。實以雜石。附以石炭。夜煉之。遠且。焰光上燭。天爲之赤。至於今不廢。是謂補天。文裕語。太宰喬莊靖（字）曰。

【孔子山】

女皇寮物。宜先民用。故制此通昏黑之。輔烹任之。宜蓋曰補天之所不及耳。（儼山集）

【崖山】

太原縣東有崖山。天旱。土人燒此山以求雨。俗傳崖山神娶河伯女。故河伯見火。必降雨救之。今山上多生水草。

【羅浮山】

羅浮二山相合。屬博羅縣。取道增城則近。其上多奇植異卉。有松尺許。匣置數年。植之復生。有竹葉符。每竹止二符。乃篆書仁字。色白。澆之不脫。五色鳥。特集人肩。虎不噬人。有王野人園。花實森茂。春冬亡間。游人任摘。持歸卽迷道。而園原無定在也。又有仙樂。風月靜夜。每聞之。道士擬製。今冲虛觀所奏。頗得其聲。(李潔)

【銅鼓山】

貴州威清衛西四十五里。銅鼓山。諸葛亮南征。於此獲銅鼓。故云。土人云。山有洞。藏武侯盔甲。先代有可入處。今石門榛蕪。人或臨之。蛇蜂交集。不可入。每值陰雨。聞者如銅鼓鏗然作聲。(貴州通志)

【金陵岡】

金陵岡在應天府龍灣。相傳秦始皇埋金人於此。碣曰。不在山前。不在山後。不在山南。不在山北。有人獲得富子一國。始以此地氣盛。誘人鑿之耳。其愚黔首若此。而亡秦者。泗上亭長乎。予嗟夫祖龍之愚。(應天府志)

【飛來峯】

錢塘寶隱山之飛來峯。元僧楊連真伽。徧鑄佛像。至明嘉靖口口太守福清陳仕賢。以楊及鄭僧開僧三石像。斷其首。瘞獄中。獄役實誤毀佛像也。近來有續其首。以佛故亦多事。(陳仕賢嘉靖壬辰進士)

【回雁峯】

衡山回雁峯。相傳雁不渡衡陽。然衡陽之南亦有雁。但過此則漸稀耳。或曰峯勢如雁翼之回。(衡陽府志)

【六真洞】

山陽縣六真洞。元真人丘處機。劉處玄。談處端。王處一。郝大通。馬鈺。貴州平越府有燕子洞。紫燕子百爲羣。藏潛於此。冬不北鄉。洞口二丈。其土疏而結。黑而肥。土人用之糞田。進洞口二里。持炬至大洞。源泉混混。聲如鳴金。有時響聲如擊桴。時有

【燕子洞】

黑衣人乘霧出入豈燕子聚精耶（黔記）

【燕子岩】林縣燕子岩在炭場北。秋冬燕子蟄其中。（彰德府志）

【七盤坡】藍田縣東南有七盤坡。古武關之地。

【鵝公坡】番禹鵝公坡。每風月夜集。遠聽如鵝聲。就近則無有。（練要堂集）

【櫃兒崖】四川桐梓縣七盤溪之櫃兒崖。崖門有櫃。相傳其中器物皆具。昔人嘗借用之。後有失其

蓋甌者。遂路隔不能達。萬歷間劉洪引砲碎其一角。次日復完。（蝶巷存稿）

【石峽】渾源州南礮窰口。破石上有張君祥劉仇扇風葫蘆人過之。雖暑熱卽有風生。

【四道三谷】何景明雍大記子從入蜀漢道觀之。其西南曰褒谷。從褒入。南曰駱谷。從洋入。東南曰斜

谷。從郿入。其所從皆殊。舊志謂首尾一谷。非是。其棧道有四。從成和階文出者爲沓中陰

平道。鄧艾伐蜀由之。從兩當出者爲故道。漢高帝攻陳倉由之。從褒鳳出者爲今連雲棧。漢王之南鄭由之。從城

固洋縣出者爲斜路。武侯屯渭上由之。此四道三谷關南之險阨。攻取所從來固矣。

【長平坡】礮州城南三里長平坡。廣袤八十里。自起詐坑。趙人於此。

【大庾嶺】南安府城西南二十五里大庾嶺。磅礴高聳。南接南雄。唐張九齡開鑿新路。兩壁峭立。中

路坦夷。曰梅嶺。以漢將梅鋗得名。鋗從吳芮定百粵有功。封臺侯。臺嶺卽梅嶺也。後因

鋗將庾勝兄弟居守。又名大庾嶺。嶺下舊有驛。宋郡守趙孟適書扁。有女子題壁曰。妾幼時侍父任英州司馬。及

歸。聞大庾有梅嶺。而乃無梅。遂植三十本於道。因題詩曰。英江今日掌刑回。上得梅山不見梅。輟俸買栽三十本。

清香留與雪中開。宋鹽官張九成。明口口張孟奇。俱補植數百本。

【僊人籬】貴州城北八十里高崖之上。相傳昔有黃冠結屋其上。今籬尙存。歷歲不腐。

【天花里】

正統元年五月六日午刻。鄧縣歷士盧德全家。天花如雨。飛滿庭中。其形若米。色若玉。積深尺許。七日始化。鄧守鄒路。名其鄉為天花里。

【永義鄉】

嘉靖壬子。廣東嗣寇作亂。平之。設廣寧縣。有民馮世瑞納款。立永義鄉居之。

【仁義鄉】

繁昌縣。唐南陵地。開元中於南陵仁義鄉置石條場。因其地產。百姓輸納。

【捲簾莊】

諸城縣北四十里。捲簾莊。在漢王山西南。地周五六里。雖深秋嚴冬。亦不見霜。諺云。捲簾莊。秋冬不下霜。

【謊糧墩】

全椒縣西南五十里。謊糧墩。在蘆陂湖東。舊傳吳伐楚。吳糧盡。伍子胥以土為墩。覆米其上。故名。今觀其形。若布星列。約五十餘所。亦奇觀也。（全椒縣志）

【鯨隄】

鯨隄在清河縣西南三十里。延袤十里。自順德廣宗界東。相傳鯨治水時築也。（清河縣志）

【博浪沙】

博浪沙。據史在陽武縣東南三里。今在東門內。圍封城北。亦曰博浪沙。（陽武縣志）

【紅土】

宣府蔚州衛城東南三十里。大白山。多奇山。其紅土為印色。傳為周穆王乘八駿游此。馬斃。其血化為紅土。蔚州志。又貴溪縣龍虎山。有五色土。張真人以書符錄。

河南新鄉縣。東北近於衛河。有紅土岡。其地有雨水如血。俗傳射血流漂杵於此。

【山都】

汀州郡治初造。大樹于山。其樹皆山都所居。有三種。下曰豬都。中曰人都。其高者為鳥都。即如人形而卑小。男婦自為配偶。豬都則身如豬。鳥都人首能言。聞其聲不見其形。人都

或時見形。當伐木時。有術者周至。人能高步為騰。以左合赤案。樹木而砍之。樹仆。剖其中。三都皆不能化。執而食之。半獲肉。（閩書）

【鐵城】

蔚州府洪武七年立甲於諸邊號曰鐵城周七里十三步高二丈五尺堞六尺址闊四丈
堞口七十有八門樓三各五間角樓四各三間俱高三層結構時煥燁其一又回礮矣
其二後不復補昭臣節儉天變也。(蔚州志)

【遊子城】

澤州南九十里太行山絕頂今因懷慶府河內縣萃山迴環兩岸相夾中立小城隱若龜
甕經行者須扶策徒行即宋太行山石之處正統間寧山衛指揮胡剛鑿石平險以免推
車之患。

【沁雪石】

趙子昂鳴波亭前有石二曰沁雪曰垂雪垂雪流落雲間已不可考沁雪石在常熟縣署
中有詩字或云沁雪子昂妾也錢侍御偕乘邑侯女疾噫巫言石爲祟出之得歸錢氏在
徐上舍處。

嘉興東門內范氏舜陵石亦子昂鐫題今在金氏。

【憂懼石】

【中丞石】

【棗陽石】

【掇刀石】

【望夫石】

福建長樂縣十都中有中丞石昔有爲中丞者未遇時過此誓曰不爲中丞不過此石後果
然因名圖書云長樂縣二十一都石上刊中丞二字唐藩獨坐南歸憩此里人鑿之
棗陽縣石有詩有自黃河自晉向北拱如遇朝廷採用先期鶴鶴舉集居民知必有大工
常陽縣關羽廟有掇刀石相傳武安屯軍祠下土方二十里黑如墨漬
望夫石人徐知之廢唐府四會縣西二百里有新婦石夫爲商不歸久望遂化石宋林小
山詩瘦骨凌厝立海澨綠苔曾是嫁時衣江郎去作三衢客日斷天涯竟不歸

【天涯海角石】

成都。有天涯海角二石。天涯石在中興寺。故老傳云。人坐其上。則脚腫不能行。至今人不敢踐履。海角石在羅城內西北隅。高三尺。以有廟。今不存。

【雙魚石】

涪川江心積石。入水千餘丈。夏漲不復見。冬春如梁可游。深處鑄有雙魚。見則年豐。唐宋元題名甚衆。（四川通志）

【文石】

雲南點倉山北麓石。白質黑章。膩若截肪。琢爲屏幃。其最佳者。蒼素分明。山川遠近。雲林晻映。若天生圖畫。不腫而走。四方好事者爭購之。相傳李衛公平泉莊醒酒石。卽此也。（

滇程記）

【僧化石】

南甸州東十里。昔有僧自大理至此。坐化爲石。後兵燬。止存其首。土人祀之。

【鳳凰石】

萬曆癸巳。詔探雲南鳳凰石百餘。有花草鸞鶴形者。然僅三四尺而止。

【關索石】

貴州永寧衛南二十里。道旁關索石。云關索南征。惡此石截道。以戈椎擊之。石破爲二。留道旁。一飛墮道旁。因名落石。今刀痕依然。

【清涼石】

五台山清涼石。方九步。相傳可容千萬。

【松花石】

博物志。松本石氣。石裂而受沙。卽產松。松三千年。更化爲石。太和伯陳萬言家。有木假山。乃先祖所得。以其狀奇巧。置於庭。一旦化而爲石。文理猶木

形。未幾長女被選。母天下。求名作記詩。（陸采覽勝紀談）

【石箭】

福建同安縣石箭。長二丈五尺。周四尺七寸。見存。又文王射於豎。有石箭在同官縣文王

【石木魚】

山。長二丈五尺。圍四尺七寸。見存。高昌雙嶺下。石木魚。長二丈餘。鑿六十八孔。鑄古彌陀佛名。

【石 樹】

雲南普安縣西四十里有玲瓏石樹。爲槐。葉紅甚。爲之青。舊曰花。

【石 鏡】

輝縣西北七十里。侯趙川之中湖。寺有石鏡半規。能照山河人物之影。俗稱透窺碑。今皆闕云。昔有上官欲昇歸。至盤山頂。忽聞乃復送。至寺。

【石 田】

貴州城南二十五里。相傳有隱士習黃白冲舉之事。甚篤。忽有道士從假牛。耕石田。種玉。隱士與之方耕。治隱士妻來索牛。道士怒。遂舍之。至今石上耕治之跡宛然。俗名鬼打把。

【水 晶 營】

盱眙縣東南十里。外延五百餘里。以接山陽。相傳隋煬帝陸地行舟之道。今皆軍民雜處。農莊於其間。遠而望之。霧滿雲翳。水光濕滌。如瀚海停波。而蓬嶼星列。儼若帆檣。往來飄泊。每晨灑露。其景愈鮮。陰雨迷濛。猶多變幻。勝輿皆知其名。盱眙縣志。

【地 鏡 水 影】

濟南東七十五里。東平陵城西北。有陰地數畝。天色澄霽。亦若雲陰。追視則無。(齊乘)

【鹵 城 影】

繁峙縣東一百里。故福都。周圍三里。百有十步。東南西三門。其地多鹵。故名鹵城。俗傳朝霧。雲霧中呈現樓堞。門內似有人焉。現則多雨。豐年之兆。人在西則見。在東不見。遠分明。近則隱。其東有齊城。其隱見亦同。今不復見。蓋見則見也。

【田 目】

區田。圃田。種蔬果。

園田。築土作園。以繞田者。

架田。架籬筏也。亦名葑田。

口田。築土護田。似園而小。

梯田。謂梯山以田。

塗田。低水處。潮水沙泥。

沙田。南方江淮間沙淤之田。

雄田。交阯謂腴土曰雄田。

表田。公用田。樣田。寧夏新志。載食言。言表田十頃。供總府進表之用。公用田五頃。供官軍糈。各衙紙燭。樣田

四頃。供祭文廟之用。餘衛同。

【響地】

寰宇記云。蔡水出塞國西北石井岡傍。有響地。闊百步。人馬上行。轟轟有聲。掘之有火出。今無聲。《邢襄縣志》

【里牛】

廣南府人謂里為牛地。凡四十八牛。《世經堂集》

【苧蘿村】

華亭馮元成。一行可。游有湖至紫薇村。遇一野老。年踰八十。言此苧蘿村也。西施生於此。後有富人居此村。曰何必。謂古國女稱乎。改為紫薇。其家盛植紫薇。耳。石湖北有

溪。古名若耶溪。吳亡後。改越來溪。世以浙東溪皆名同。因以西施為說所賦。其實吳產也。元成後問劉子威。《賦

子威曰。然。嘗見楊君謙溪囊手鏡。載其事。

【佛蹟】

山西繁峙之五臺山。清涼石。浙東定海之普陀山。盤陀石。形模俱不甚廣。登陟雖衆。子無礙處。任受人。必不登牛馬跡。

臨洛趙商子墓上氣成樓臺。

【城郭氣】

思縣白馬營。在縣西十五里。相傳為唐時故鎮。二三里外。夏秋間晨望。如城郭掩映。林木

蒼鬱。日出即不見。歲約數次。

汶上縣。西南周三十里。每秋水泛溢。一望無際。遙視村落。在烟波香靄。口口常有城樓人馬之狀。出於水上。謂

之水市。闕亭在南望湖中水際。見煙雲樓臺之狀。

靈璧縣。沫清湖。天色晦冥之際。陰陰有城郭狀。

霍丘縣。大業陂。天晴日霽。陂中或見城郭之影。

東阿縣。桃城鋪。鋪旁一丘。高可數畝。每陰雨後。煙霧中隱隱有市行車馬之形。

嘉靖二十年。景州城東八里鋪。平原廣闊。每晨日出之時。望見城郭巍然。樓櫓俱備。日高而沒。不知何祥。古畫

云。廣野之氣成城郭。江湖之氣成樓臺。或者此與。(景州志)

口口元年。正月十一日。午刻。河南滎澤縣東南三十里。郭村。忽現大城。城樓櫓畢具。南北人共見而駭之。總

督張縉彦以聞。謂天宮書。廣漠之氣成城郭。今河南若無人影。誠廣漠之氣也。(鄭報)

鉅鹿縣北十里許。古鉅鹿之故址也。今與相傳。侵晨霧露時。城之規模隱隱可見。良久乃滅。

【海市】

海市見於登萊。然不獨登萊也。凡濱海皆如之。人不輕信。故無得而稱焉。海輪周翁家。澈浦西門外。嘗曰。萬脈中於葫蘆山。觀劇忽海上現城郭樓臺。女牆內行人如織。或負戴。或

荷蓋。可二十刻。頽其一隅。餘漸滄沒。湛江觀察中。奉張天機石平。嘗行部海。瞻登城樓。望見海中有浮屋。高三十仞。白雲滂滂從之。初謂絕島所未有之奇也。已而石塘闊沸。人皆走且呼曰。海市矣。海市矣。未幾亦壁矗起。堯城絳落若堵牆。少間色變。白色。樓數十間。涌出其際。窗櫺玲瓏。金碧如畫。忽各刺飛來。複閣盡沒。而修竹萬叢。松柏檉櫟。層巒睨。橫亘異狀。煙盡。香盡。出頓置。舊觀乃有長橋出於水上。隱隱歷歷。車馬無聲。樓船展幟。似有人隙介而立。其餘若鼎若瑞者。幡蓋者。盤盂杯杅者。日之所接。手之所指。蓋不可勝數。而又倏忽盡矣。石平爲吳太史駿公述之。見太史記中。

嘉靖四年。四月二十三日。福寧州海中。浮來五山。自筆架山外而至。峯巒突兀。上有草木。人馬往來貿易。闕城

聚觀。自午踰巾。乃沒。蓋海市也。

劉炳文海舟紀程

萬曆乙未。浙帥劉文炳。提舟師。從海道趨登州備倭。四閱月始至。紀云。乙未上元。從

起東西磯。牛頭聖堂兩門。尤爲險阻。而五嶼。幸嶼。皆由黃珠茶嶼兩山。皆四面巉剝。總莫繫泊。飄逐空洋。夜半颯發。船各洩散。詰旦於靈門山聚合。出金崗門。因潮浮至。若羊山。復依南田縣。夜觸韭山。船多破損。收回五爪山。餘。至點燈礁。犯及亂礁洋。爲瘴龍數條。爾驚觸。震蕩瀾激。水亦天昏。龍。捲水。至半空。而倒瀉。船皆碎毀。幾爲魚鱉。出白馬礁。過大溝坑。依險而泊。山浪衝頭。轉歷升羅嶼。得登普陀山。傍依金鉢盂。儼然峙焉。出此渡橫山。洋入五爪湖。移往廟子湖。隨風逐浪。直蹶陣錢山。其下有六毒。信宿而往。回顏盡變。且多患瘧疾。及下八山。浪崗馬蹟。李塔泉。舉皆沙石亂列。其水有綠。有黑。有淡。有辛。有苦。有臭。有清澈。見底鰕魚可數。有淺灘如湖。蛟龍鱗角顯著。俄爲颶風。打出窮洋。直抵委國五島山。轉經漁山。假泊沙。俟風息。驅灘山。過鼠狼湖。及上川。下川。鷹巢頭諸山。再入西洋。擧則謂之落際。船凡擡入十無一回。乃乘颶風。逐羊山。上有聖姑礁。盤礴巍峨。宛如裝砌。許山聯脈金山。衛其柘林。乍浦激浦。延袤千餘里。又皆控扼三吳者也。復順流而東。上下諸港。歧分錯雜。窄礙莫前。崇明縣狐豨海外。而大陰新安諸沙。生聚甚夥。福山直對三井沙。傍通揚子江。與狼山相望。若東洲河。七星港。鬱河口。黃潭河。不下十餘口。海潮灌注。直達維揚。轉而西行。有三棒。大橫。深泝。非子。四口。張方。大樓。樞水。姜系。掘港。五港。一望無山。其川山。皆川。漁洋。三寨。窪。狂潮澎湃。殊甚險剝。水紋瑤爛。因號虎斑水。僅得開山。無繫可泊。至射陽湖之雲梯。關宿焉。適反風。解纜。自辰至申。滋滋頽波。極日無際。漏下三鼓。得抵鷹山之灣。問其程。則餘五百里。越明日。朔風舉帆。踴躍碧虛。蹀躞於黃泥水。號曰望吳洋。依憑延真島。此皆從來人跡不到之鄉。但見靈鯨老龍。三五噴沫。相逐。大者方丈。高厚六尺。殼背亂縷。長目虎口。就倏舒伏。迤邐於自由高公諸島。登竹島之巔。四顧墟廓。惟東海距

城甚邇。其夜三面受風。避入杜林山。因陟雲臺山。古一元。修道上昇處也。翼日西北作雲。東南吼風。巨浪掀翻。桅橋斷折。凡三日夜。不知疾行幾千里。膠瀉牙呷。風雖少平。餘波猶湧。東方既白。逆崖滴水之澗。隸山東境上矣。去安東衛僅百里。須臾潮至。開行二三日。海天一色。並無輿嶼。可以停舟。野宿洋飄。如浮萍無定。泊裁堂山。至拓溝塔埠。杜家港諸洋。越日入膠港。補繕壞船。過東島。依田橫島。夜泊福山島南。山若有神。上無草木。中有穴洞。悲鳴有聲。翼日至草島嘴。去大嵩三五十里。風浪瀾漫。海面愈賒。值有巨高島。棘籜島。靈井山。依傍海陽。所距咫尺。莫能躋焉。夜將半。黎入魚網上。探水不過十餘丈。乃莫耶島也。與遼東連界。海運所經故道。至聿青島。明光山。不半潮已達塔島。覓泉取水。相望佛山。濤沫灑灑。宛如一掛珠簾。頃刻抵洛里。去查山僅幾里。上有古蹟塔。甚崎嶇。附葛攀藤。一步一蹶。得造其絕頂焉。其上復有南天門。巉岬秀拔。凌接雲際。東隈一洞。幽雅修潔。昔王陽真人煮煉於此。騎白鶴飛昇。有雲光宮在焉。傍多山茶名子心。香馥襲人。丹井碧泉。崢嶸犄角。天然雲房石室也。登舟行於馬大嘴。見一巨魚。橫於亂礁上。長百餘丈。其脊如山。口闊無鱗。令刃其脊。總數百人。僅開一肋。肉不膩。烹可熬油。棟骨一節。計十餘斤。而肉內小刺。亦逾尋丈。湖回日落。櫛刺數根。而西。遇颶風。至寧津所。戍卒蕭條。煙火不過百餘家。西有岩石。參差十數里。乃西楊舍人之墓。每每作祟。覆雨翻雲。秋則遠去。掠人田禾。春夏於此。激劫過船。振舵放舟。越三百里。遙望大洋。突起數丈。如銀砌石妝。近如噴雪。飾粉。俗呼爲百蓬頭者是也。是山脈綿亘。暗藏水底。密邇成山。巒嶽數百里。皆雄崖劍峯。萬里海濤。銜注會集。秦始皇造石橋。渡海觀日。神人驅石。鞭之見血。至今山石皆紅。內有成山衛。出此險道。洩口青行。至威海衛所。開泊劉公泊。其島尙有居址。似舊有遼人在焉。不移時入大空島。島多浮石。卽頑鈍砥礪。浮水不沉。轉入寧海州。外洋盤旋。落子窩之里。若清泉寨。寄山所。又其扞屏。週過福山縣。入龍山港。至拷拷島。乃雲晴雨止。轉泊八角山。則見斜曠凝耀。磯嶼煙籠。始若樓台錯列。繼若城郭周圍。俄而人馬縱橫。又俄而旗幟掩映。出沒無定。變換不常。或告曰。此海市也。傍有長山島。有黑島。上多巨蛇。產金

砂。少選抵蓬萊閣矣。自浙適齊。計日四越月。計程七千里。自浙江達直隸。延袤二千七百里。自直隸金山衛抵東海所。計一千八百里。自東海抵蓬萊。計二千四百里。（謝肇海刪略）

【古 赤 壁】

古赤壁嘉魚縣北六七十里。赭石雄崎。卽周瑜破曹處。樵豎時得遺鏃沙礫間。北岸烏林。曹所戍守也。懸岸鑿額。蘇子瞻署之曰赤壁。其左就潭。僅見與弟字。嘉靖辛亥華亭莫如忠登其上。記曰。長公鑿石稱與弟云者。固嘗借子由來。表赤壁所在章矣。而賦作於黃州。要以卽事寓言。不害爲情之所託。俟好古者之自定也。

【物 產】

五方之產。名由多金玉。嶺表多璣翠。玳瑁。豫章多漆。荆南多丹銀齒草。（原缺三十三字）

（金治七一）

銀井。宋時產銀之監三。冶場。天下八十四。

銅山四百六十七。宋銅場三十五。

鐵山三千六百六十。宋鐵務二十。

宋鐵場三十六。

【黃 河】

黃河南北諸水源。湍而暴漲。每遇發時。浪高數丈。排山倒岳。杠梁舟楫。皆不易施。然其淺可立而待也。故俗以徒涉爲便。許松皋謂孟子不知子產乘輿之事。亦有理。（陸儼山）

（集）

【九 河】

保定地卑。水自西北來者。曰蘆溝。橋拒馬。又河琉璃。胡良桑。乾烏流。白澗。白溝。是爲北九河。非禹疏九河也。從維縣而下。匯於毛兒灣。

【運 河】

鎮江至杭州運河。相傳隋煬帝鑿濟寧楊士聰游武進戚墅堰。讀遺碑。戚墅支河自六朝已有之。此言必有所據。夫使運河未通而先有支河。此沿沿者將安所歸。可知自古而然。非自隋始也。或因而濬之耳。見玉堂菴記中。愚按夫差鑿邗溝以通江淮。能致力江北。豈蘇常近地。獨不通舟楫耶。攻楚攻齊。轉餉一千里。必非陸輓。則運河爲夫差時無疑。

【鹽 池】

解州鹽池。蚩尤所窟穴。平時淺波。歲九月九日先後數日。嘗大風雨。爲化鹽之候。彼二十里之堅。各儲草薦木屑。竹枝樹梗。徹履塊絮之屬。一切雜投。狂風一夕。作凍。明日視之。滿皆鹽花矣。味甘鹹。甚瑩潔。始祭蚩尤之旗。官收其半。民取其餘。無不滿意。寧夏鎮城南北各三十里。俱有鹽池。其產不多。官亦不禁。不知於古何名。河東邊外有花馬紅柳鍋底三池。以境外乘。今鹽池之在三山兒者曰大鹽池。故在鹽州城之西北者曰小鹽池。其地曰空羅管池最多。皆分隸大鹽池。其鹽不勞人力。因風而生。原額三千二百餘引。弘治九年。延綏寧夏二鎮。輪招馬匹。尋乃奏革。正德初。總制楊一清奏。如河東運司例。每引收銀一錢五分。增課五萬二千引。

【潮 汐】

招遠馬太史觀光曰。地之有潮。即在人有天癸之說也。潮之理。每歲升降於二八。二八爲一歲。寒暑之分。每月升降於初八二十三。爲朔望之分。每日升降於朝夕。朝夕爲晦明之分。八月潮生而天交於地。二月潮生而地交於天。天交於地而秋冬閉。胎息之象也。地交於天而春夏啓。長養之象也。天地男女。一而已矣。

崇禎戊辰潮溢。吾寧邑人望城外如火。蓋陰火潛然之謂也。

【南 亂 北 亂】

平涼府沙棠川。出崆峒山之後峽。匯於崆峒之東麓。曰南亂。金佛峽水。循府川東至龍音寺。出與崆峒前後峽水而爲湮。過府城西北。曰北亂。詩註曰亂。截流橫渡也。(平涼府志)

【王寧窮汭記】

涇州諸生王寧記曰。汭水紀於禹貢。廣韻。汭音儒。說文。汭从水从内。訓曰。兩水合流之謂也。又曰。小水入大水之名。質其實。雍豫二州有專名之者。有通名之者。專名者以義也。通名者以類也。以類通名。如會於渭汭。東過洛汭是也。蓋渭自鳥鼠而東逝。涇出并頭而北來。二水至高陵而匯於河。經龍門東至豫州。洛由熊耳東北入河。既皆小水入大水。且兩流合爲一。以故不曰涇渭。而曰渭汭。不曰河洛。而曰洛汭。由是推之。則凡諸州之水類於是者。皆不拘於定名。而得通稱爲汭也。以義專名者。涇屬渭汭是也。汭在華亭城東三里。乃兩水合流。其北源西出小隴山之馬峽。俗呼北河。南源西出隴山之仙姑峪。俗呼南河。北河環朝那山前。蓋山有古朝那王廟。其西北有湫。東去縣東三里。而別稱爲雨山。南源環王母山。山顛有古王母宮。東去四里。別稱爲儀山。俗呼爲回頭山。儀州實以是名也。儀雨兩山。南北對峙。豁開如門。故兩水合而東流。名之曰汭也。又二水交流而下。亦專名爲汭也。汭屬爲深潭。潭名合水。水之北岸一臺。高廣平夷。荆榛瓦礫錯雜。相傳禹王廟也。北涉兩山之巔。遙見東南隱隱峯巒。侵入太虛。隴州吳山也。沿汭峽。峽石三十里。皆斷崖摧壁。神禹疏鑿之跡也。峽行十五里。南嶼有女神之廟。扁曰抵汭元君。土人呼底茹娘娘。汭讀爲茹。茹孺同音。廟東十五至石堡。汭北受柴郎水。源出朝那湫山之陽。而陰卽爲涇水。又東五里至安口峴。牛心山。南受武村水。汭至是益大。北有斷萬山。自馬鋪嶺柴郎而來。南有五馬山。白石觀寺。武村而至。兩壁削立。巉巖百仞。東汭於中。雪浪湍激。經行五里。爲屯城。唐李元諒屯兵。扼吐番者也。屯東爲崇信川。汭水益大。深不可涉。行旅皆祖而濟。又東三十里。北過崇信縣城。崇信人曰汭水。遶北又東七十里。東過涇州。過回山。乃屬於涇。弘治戊午。督學副憲虎谷王公。按涇州。試諸生竣。乃涉水登王母宮。寧從行。王公東眺曰。北流而濁者何水乎。寧對曰。涇也。南流而清者何水乎。對曰。汭也。公曰。是禹貢雍州屬涇之汭乎。周職方其川涇汭乎。昔公劉有汭。鞠之卽吾過。爾西行三十里。涉一大河。北入涇。是河名字。寧曰。靈臺之達溪也。公曰。朱子注。茵。鞠之卽曰。爾地日廣也。試且廣求之。斯地有百泉乎。寧曰。去華

亭西北三十五里。朝那山湫陰。有泉百餘。爲涇源。乃白泉也。有溥原乎。寧曰亭曰靈臺之西。汧陽隴州之北。華亭龍泉之東。有廣原。唐尉遲敬德破突厥。郭子儀破吐蕃之西原也。李元諒開美田千頃。號曰良原。今爲溥潤原。公又曰。此與吳山南北乎。寧曰。正相南北。公曰。必茲西去百里外。有兩水合流者。可謂之涇矣。若其窮之乎。寧計華亭至涇程一百三十五里。果符公言。還白之。公曰。朱子注詩。言汭水出吳山西北者。以名山而志名水。窮汭沂流也。今遂謂出隴州。東入於涇。今隴水乃汭入涇。去涇遠矣。且將置溥原於何地乎。趙中丞時春曰。寧之論汭。謂小水入大水是矣。然達溪雖經流。靈源出武村西南。遶門川諸水。含良原靈諸溪。以入涇。皆汭也。

【禹 汭】 松潘亦有禹穴。禹生於此。其水皆丹。攬李徐道荆視見。向予言之。（陳眉公太平清話）

【呂 梁 洪】 萬曆癸卯。警徐州呂梁洪。得唐尉遲敬德所題名。相傳孔子觀呂梁。非其處。

【鴈 湖】 廉州府城西北七十里。雁湖。每秋冬有雙鴈游於其間。爲其罕有故名。

【月 湖】 寧夏衛。月湖。廣斥無水草。遠望盤然。畢照。俗呼稱衍古戰場也。

【醋 溝】 唐岑參詩。鴈塞通鹽澤。龍堆接醋溝。郭緣生述征記。醬魁城至醋溝。凡十里。

【陰 司 溝】 襄城縣北四十里。頽橋。鄭莊公見母處。有隧道在焉。俗呼陰司溝。

【八 功 德 水】 南京靈谷寺。琵琶街側。有池云八功德水。余嘗過之。則涸。按八功德水。見天竺國。一清。二

冷。三香。四柔。五甘。六淨。七不噎。八除病。

【皇 后 水】 武安縣西八十里。太行山中有池。夏涼冬溫。世傳宋太祖下河東。將引皇后入晉陽。后病

瘡。掬此水浴之。遂愈。至今人稱皇后水。（武安縣志）

【冰 柱 水】 宣府懷安衛城西南三十里。虎窩山崖水出。盛夏結爲冰柱。至隆冬反釋。

【瀟 水】 諸葛孔明五月渡瀟。瀟水卽黑水。非瀟州也。其水色黑。故曰瀟。沈黎古志。孔明南征。懸今

黎州四百餘里。至兩林蠻。自兩林南琵琶部。三程至巋州。十程至瀘水。瀘水四程至弄棟。卽姚州也。金沙江在滇蜀間。一在武定府元江驛。一在姚安之左卻。據沈黎志。孔明所渡當是今之左卻。琵琶一作虱琶。兩林。今之印部長官司也。

【愛陽河水】

宣府愛陽河。在炭山西北二十里。本牧地。深二尺餘。下有頑水。黑色者數尺。水上有浮草。性涼。宜牧馬。其地生黃花。大如錢。人馬踐踐萎悴。明日復生如新。

【石槽水】

高陵縣清真觀。在縣東南二十里。吳村西。魏文帝嘗過此。有石槽。闊方不及二尋。水常盈。以飲隨駕馬千餘匹。不減涓滴。文帝異之。主觀者對曰。臣有飲馬珠在內。故水不竭。頓首

獻珠。今石槽存。

【須水】

滎陽須水。須音會。今寫作須。讀作需。訛。

【粉水】

粉水原出房縣。蕭何夫人於此漬粉。鮮潔異常。

【鶴川水】

雲南鶴慶刀劍。取麗江之古宗鐵。濯以鶴川。利可割犀。屈之可以繞指。

【龍潭】

天啓丁卯。立秋日。天臺石梁下龍潭。忽涌金錢二枚。各重一兩六錢。面鑄太平通寶字。致

縣志。宋太宗鎮潭物也。遂名塔曰聖祥。

【清池】

滄州清池。凍冰結花。四散離披。有松竹牡丹車馬人形等異狀。詩曰。雨木日中皆佇立。結

冰池上盡離披。出周府博平王錦囊。

【化瘦池】

武安縣西柏林里。有池。周十八畝。瘳者飲之可化。

【珠池】

齊州府城東南八十里。有平江。青寫楊梅池。雷州有樂民池。俱產珠。

清池中。蓮蕊取之。研如泥。凡繪圖寫畫。光焰勝金色。以上滄州志。

明時率十五六年或十年一採始得美珠。邇者三年一採俱碎小。藩臬有司頗受高貴。

嘉靖二年採珠。至十二年復採。僅隔十年。海北道僉事翁溥嚴立採法。四閱月方才封。用口銀七千餘兩。除織造螺筐。起蓋廠房。夫役俱役。民不預造報者。不下二千餘兩。僅得珠四千餘兩。所得不賞所費。尙且碎小。口區不構。二十四年九月。又採如前。知府胡鰲建議。謂前採納。至今僅隔一年。螺珠未生。縱有一二生息。俱係嫩小。無珠。恐復虛費。又攷洪武二十九年詔採珠。至永樂十四年始復採。又至天順三年詔採珠。弘治十五年復採。正德九年詔採珠。則以爲頻數矣。嘉靖五年詔採珠。其年十二月大雨。池水冰結。樹木皆枯。民多凍死。螺筐夜有火光。人皆異之。九年又採。十二年連採。此採之所以少也。正德九年採珠。惟樂民池無珠。

【蘇池】眉州三蘇祠有二池。遇賓興。蓮開並蒂。必有登科者。

【舜井】舜井在歷城山下。綠床朱綆。婦子牽挽數十步不止也。深十五丈。左闕右方。或棄物於井。則從西出。

【倒井】諸城縣北五十里城陽社井。欹臥斜入。如人攀倒而然。泉甘。冬夏不竭。

【聖井】邯鄲縣西北二十里。聖井。其水常溢。遇旱取水祈禱有驗。先期齋宿于廟。次日詣城隍廟。焚告詞。又次日與衆步迎城隍。如聖井廟。拜訖。令嫠婦潔者七人。各持新帶環。并洗箕。以

箕揚水如飛雨狀。仍各大聲云。東海老龍七個女。刷子簸。就下雨。如是者數次。始陶井。時大伐鐘鼓。衆伏地號呼。如哀如訴。待新泉涌出。取注瓶內。仍徒步捧歸。朝夕行香。雨後送人井。謝之。（邯鄲縣志）

【丹井】四川德陽縣江干有許旌陽丹井。江水撼射井。屹然不崩。歲旱江竭。井溢如故。（郭子章蜀草）

【柳翠井】仁和縣皋亭山柳翠墓。普濟菴有柳翠井。

【肅府井】

甘肅肅王府有井。嘗涸。秋子果熟以牲禱。井泉溢。煎果作紙味酸。解渴化痰。果盡復涸。又酒泉倉無鼠。曹縣藍亞中集。

【火井】

臨邛縣火井。夜時光映上照。民欲取其火。先以家火投之。頃許如雷聲。火焰出。通耀數十里。以竹筒盛其光藏之。可拽行終日不滅。井有二。水取井火煮之。一斛水得五斗鹽。家火煮之。得無幾也。杜詩。負鹽出井此浚女。正指是井。蜀井大都艱於得鹽。而此井獨易。

【鹽井】

蜀中鹽井始於李冰。大都竹井。井形大如竹。僅可容竹也。其鑿之甚艱。其人之甚深。其汲之甚苦。水出山石。澹上鹽下。有鑿至五十六丈而淡出。百丈而鹽出。鐵釘漕釘刮筒吞筒等器。纖悉甚備。不比晉齊燕取水成鹽之易也。四川通志。

【喜客泉】

句容茅山喜客泉。闊二丈。深三四尺。清冷見底。客至。拍手浩嘯歡笑。泉底噴沫如珠。串啞。睡。向人浮出。相戒默然無言。泉亦沈靜。

【澹泉】

海鹽尚胥橋北。河中方丈許。沸涌味淡。蓋海眼也。或蠅探之。莫測。土人沈氏。偶篙中之。反濯一木為梁。又縣城西。天寧寺有澹泉。鄭端簡澹泉本此。濯字疑誤。

【酒泉】

東昌茌平縣西北丁家岡。甘泉宜釀。水經有肥泉。如國地志有肥壘城。其地在今東垣之境。泉水詩曰。我思肥泉。茲之永嘆。釋謂衛女思歸肥泉。為自衛而來所渡水。今此水當在邢衛之間。予往經是縣。泉水又不多見也。但觀其土壤沃饒。優於鄰境。肥之名其以是與。陳葉廣平府舊志。

【膽泉】

鉛山縣西七里。銅寶山。有貌平坑。石竅中。膽泉流出。浸鐵可銅。又鵝湖鄉。來縣治七十里。有溝漕七十所。取本地水積為池。隨地開溝。碎鐵鋪之。浸染色變。鍛則為銅。又德興縣北。

銅山下一名銅泉浸數日。類朽木刮其屑。鍛銅。福建上杭縣紫金山。胆冰池亦如之。宋游經言胆水可浸鐵爲銅者。凡十一所。古坑有水處曰胆水。無水處曰胆土。胆水可浸銅。胆土可煎銅。

【婆 婆 泉】

廣西慶遠府思恩縣北五十里。有水常隱。不見遇行人渴飲。婆婆則涌出。飲足復竭。《度遠府志》

【燕 泉】

郴州城西有泉。春燕來水盈。秋燕來水平。故何孟春尚書號燕泉。

【聖 泉】

貴州城西五聖泉。出石罅。匯爲方池。一日百盈百竭。兪州錄名百刻泉。郭中丞子章往觀。脩盈脩竭。偶雨集。月溢。僕天趣歸。言百舉成數也。一統志稱聖泉。長史劉汝楫記曰。字內

名泉。若湯泉。火井。瀑布。鈞突。諸類。泊陸羽所品。次。靡可縷指。特壤界色味稍殊。而無潮汐。惟漳浦。蠟湖。侯官。潮泉。鍾山。應潮。建州。潮泉。固亦消息有期。而其地漸海。乃緣海爲潮汐。泉不得與也。若池陽。潮泉。章貢。三潮。安寧。海眼。樂平。鳳游。荆門。蒙泉。郴州。潮泉。吾鄉。龍驛。潮井。去海縣絕。似與聖泉爲伍。第彼潮候。僅再至三。亦未有百刻消長。別具一靈蹟者。則聖泉之靈且異。在別境。寧復有此乎。

【喊 泉】

武夷山喊泉。常製貢茶。太守禱畢。大呼天子要茶。泉卽溢。復呼太守要茶。泉復溢。否則涸。按何喬遠閩書。建安縣御泉。一名鳳凰泉。一名龍焙泉。宋上供茶取此。深僅二尺許。有暗

【鈞 突 泉】

渠通溪。泉日夜從渠出。而舊志謂喊之則出。造畢則竭。蓋神異其說。以表美云。濟南府呂祖廟前鈞突泉。三穴。並湧高數尺。如隱雷。蓋沈水下流也。崇禎乙卯正月。濟南陷。泉勢亦滅。

【靈 泉】

岐山縣東十五里。周公廟東。西有靈泉。相傳世治則出。世亂則竭。其出必風雨數日。唐太宗二年出。賜名潤德。後復竭。雍熙二年復出。金末復竭。元至正十七年復出。其後仍竭。明

弘治十五年九月甲子雷風又作山澤震裂泉乃復出。

【溫泉】

泉貴甘冽。至於溫異矣。又並泉也。一溫一冷。猶是泉也。倏溫倏冷。不異之異乎。博物志。凡流。乃知溫泉。必白礬。丹砂。硫黃。三物爲之根。乃蒸爲煖流耳。明廣陵御史桑喬曰。雷火所灼。其氣亦硫。豈以雲雷之中。而亦有硫哉。蓋極陽之氣也。夫溫泉亦極陽所聚。繡隆曰。如五行變化。奚所不至。蕭山之墟。有涼燄焉。可云。其下有冷石邪。愚深服其辨。而溫冷變換。又所未解。政聖人之不論不議也。概見一統志。間有遺探。偶彙之。似終未盡。

北京

順天府昌平縣。西北二十五里。湯洛山下有溫泉。又東南三十八里。湯山下湯泉。日常時溫。浴之愈疾。

遵化縣西北福泉寺。山下寬平約半畝。泉水沸出。溫可浴。

真定府。平山縣西四十里。溫泉。

阜平縣西北八十里。湯池。俗傳昔有吳王經此。欲浴。池水忽熱。王惡之。勞卽有冷泉噴出。至今兩泉。一溫一冷。

順德沙河縣西北七十里。湯山下湯泉。可愈疾。

永平府撫寧縣東北七十里。溫泉。浴之愈疾。望之熱氣氤氳。

延慶州西北三十里。佛峪山下有溫泉。

保安州城南十五里。溫泉。

萬全都指揮使。宣府城東六十里。湯池山有溫順。愈疥癬。又西南順聖廢縣東二里。溫泉下流。半里滲地。赤城堡龍門鐘。宣府城東百四十里。北鄉赤城寺側。山根湧出。暴熱而流。有一冷泉。浴之愈疾。雲州堡寶

濟鄉暖湯。一處出泉。凡七十二眼。

南 京

應天府上元縣東。六十里湯山。湯泉六穴。以煮荳穀。終日不熱。草木灌之愈鮮茂。劉宋江夏王義恭銘曰。秦郡壯溫谷。漢京嚴湯泉。炎德資遠液。暄波起斯原。又府城東北四十里。水同一壑。冷熱相半。熱可淪雞。中皆有魚。魚交入輒死。民引熱水溉田。一歲再熟。又府東南鴈門山。上有溫泉可浴。

江浦縣西三十里湯泉。一名香泉。其泉有二。相去百餘步。南唐韓熙載記其泉。能蠲除疾疹。又溧水縣西南香泉同。

廬州府巢縣東北十五里半湯山。有二泉。名半湯池。一冷。一熱。合流。其初冷熱仍異。數里之外始相混。魚自冷泉觸熱。卽游回。

舒城縣西南七里湯泉。冬夏常熱。可以烹茶。

英山縣東西皆有湯泉。四時沸騰不竭。

安慶府望江縣菩提寺北。司馬龍井。冬溫夏冷。可以愈疾。

皖公山上湯泉。四時如湯可浴。

徽州府歙縣西北百二十里黃山第四峯。有泉沸如湯。常湧丹砂。浴之能愈風疾。

和州北三十五里平疴湯泉。其色深碧。沸白。香氣襲人。愈瘡疥。太子泉。卽湯泉之一。梁昭明太子嘗浴此。

含山縣永興院半湯泉。

山 西

太原府定襄縣東北二十里。聖阜山有溫泉。龍朔中嘗賜錦幡。李治有碑記。遼州東八里。溫泉。冬寒。熱氣上騰五六尺。口沁水南一里。暖泉。隆冬不冰。

孟縣北百二十里。溫泉有三穴。一穴出盤石中。尤熱。舊經云。北齊濟南王有疾。於此沐浴。遂愈。其水南注滹沱河。一出縣東二十里。名溫地泉。孝義縣西九十里。高唐山太側。溫泉。靈液淡淡。和氣如薰。經嚴冬積雪。不冰。大同府治。東北火井。南北七十步。廣減尺許。深不見底。炎熱上升。常若雷霆。以草爨之。則烟騰火發。又東北去火五六尺。湯井。廣輪如火井。熱勢亦同。以草內之。皆沾濡露結。故俗以湯井爲日升井。

靜樂縣東十五里。北山下。石縫中。溫泉。流入礮河。

蔚州府西三十里。暖泉。夏涼冬暖。可資灌溉。

崞嵐州城南山下。溫泉。其穴數十。引爲水磨。

永寧州城西崖下。溫泉。湧出南流。與川水合。

寧鄉西南百里。暖泉村。其泉有氣。又名牛尾泉。西北流入黃河。

五台縣東南四十里。有溫泉。東流入清水。

山 東 兗州府曲阜縣南七里。溫泉。

青州府安丘縣西七十里。溫泉。

登州府城南七十里。溫泉。又棲霞縣艾山。寧海州蜡山。

福山縣西三里。奇泉。自石孔出。味甘。冬溫夏冷。

招遠城東。二泉並出。一寒一溫。

寧海州東四十里。龍泉。文登縣西七里。湯泉。又東北六十里。溫泉。皆寒溫二泉。並廢。萊州卽墨縣東四十里。溫

泉。烏瞻峴。旁有冷泉。

遼東都指揮使司溫泉凡六。一都司城南五十里。一城東南五十里。柳河。一西南七十里。鞍山。一曹莊驛東十五里。一寧遠衛東南二里。一廣陵前屯衛北七十里。

河南

河南府城南溫泉。冬溫夏涼。又新安澗池嵩縣俱有之。南陽府城北二十五里。紫山有水。冬夏常溫。曰陽谷。

裕州歷山七峯。山各有泉。冬暖。

汝州西南六十里。溫湯泉有九眼。東南流。注廣城澤。可療疾。唐武后嘗幸此。有溫湯碑。又有寒泉南流。

汝寧府固始縣西南山中溫泉。其熱如湯。其色綠。

商城縣南溫泉。能已瘍疾。

涉縣西北三十里。溫泉。今淤寒不存。

陝西

西安府臨潼縣東南二里。驪山溫泉。下乃鑿也。秦始皇於此砌石起宇。漢武加修飾。唐時建溫泉宮。

藍田縣西南四十里。石門湯泉。口武功縣太乙山。有水沸涌如湯。可療百疾。

鳳翔府寶雞縣太白山下有溫泉。可治百病。世傳清則疾愈。濁則無驗。

平涼府北城之關有溫泉。即古柳河也。深數尋。溢出灌溉諸園圃。冬煖不冰。趙時春平涼府志曰。平涼府爲川者二十而贏。爲泉而冬不冰者以數百。而冰者不與焉。

鎮原縣鹽池東有泉。冬溫。又有泉可植蓮。皆東人高平鄉。

隆德縣城東百步。溫泉出石穴。寒沍不冰。萍草冬青。下有廢蓮池。園可二里。

靈台縣保山之陰。溫冷泉。半溫半冷。浴之愈疾。

靜寧州城東五十里。有煖泉。冬弗凍。又城東三十里。乾磴川有溫泉。延安府治南。泉有七眼。味甘。冬溫夏涼。遇大寒。流溢不凍。甚濟居人。甘泉縣南四十三里。溫泉山下有溫泉。

陝西行都指揮使司永昌衛城西南三十里。暖泉。二穴湧出。四時常溫。東北流入水磨川。寧夏靈州守禦所西南一百餘里。由東滾泉。自地湧出。高丈許。其沸如湯。

寧夏韋州煖泉。在鹽池西南。

浙

江

金華府東陽縣東南四十五里。夏山上有池。冬溫夏涼。台州府仙居縣東南二十里。黃赤湖。修廣皆數丈。水四時如沸。夏飲寒浸毛骨。冬飲則如

湯。相傳宋時嘗有龍出沒云。

桐廬縣北十五里。神泉。冬溫夏涼。病者飲之。或瘥。祈禱多應。

江

西

南昌府寧州西。黃龍山下。冷暖二泉同出。相去數尺。奉新縣九仙山。湯泉湧出道間。一溫一沸。

南康府建昌縣西八十里。湯泉愈瘡疾。

廬山主簿山。在胡郎廟南數里。山下有溫泉。穴口圍一丈。湧出如湯沸。冬日恆熱。建昌府新城縣東四十里。溫泉有硫黃氣。浴之愈疥瘡。

撫州府臨川縣城西三十里。溫泉中有伏石。分爲二流。其陰水差寒。其陽水常沸。

吉安府龍泉縣湯泉。凡三一縣。西八里。一新田院側。一朱砂壩下。

袁州府宜春縣城南三十里。有溫泉。泉有魚。投以生卵即熟。

贛州府溫泉凡九。在信豐者一。在寧都者二。在安縣龍南者三。皆溫如湯。而寧都尤熱。九江府德安縣三十里廬山下湯泉。石池五。南一池極熱。手不可探。北四池稍溫。浴之有硫黃氣。

湖 廣

武昌府蒲圻縣南五里湯泉。冬夏常沸。襄陽府光化縣南五里溫水河。舊有一泉。其水溫暖。今河尚存。

房縣東湯泉。中有硫砂。

泉熱沸

隨州城西百二十里。大洪山西北有煖水。

蘄州城北百四十里。泉沸如湯。有硫黃氣。

岳州府平江縣北九十里。蒸臯山有溫泉三穴。

長沙府攸縣東六十里。溫水泉。冬溫夏涼。又縣東百二十里。有煖水石泉。宜冬浴。

衡州府耒陽縣。平陽五都。有二泉。其水春夏溫和。冬滾沸。

永州府零陵縣溫泉。

常德府桃源縣西北百二十里。湯泉。又有冰泉。人曰陰泉。

郴州興寧縣東北五十里。石牛山。其巔有雁池。冬月溫煖。雁嘗食息其中。郴州北二十里。平地泉湧出如湯。沐

之愈病。

桂陽縣北三十里。白芒溫泉。冒風者浴之多愈。

宜章縣東二十里。溫泉池。又縣西六十里。有桃花湯。其水冬夏常煖。

四川

成都府新都縣溫泉。冬月未至數里。遙見白氣如烟。順慶府儀隴縣火井。天寒焰從地出。

敘州府富順縣火井。

重慶府城西南百六十里。溫湯峽。泉自懸崖而下。涌出。四時騰沸如湯。

合州東五里溫泉。

夔州府開縣三潮溪。冬熱夏涼。又縣南溫井。冬夏常溫。

潼川州蓬谿縣西二百里。官館鎮之北。伏龍山下。火井地窪。若池。以火引之。有聲隱隱發地中。少頃炎熾。夏月積雨停水。則焰從水上。水爲之沸。而寒如故。冬月水涸。則土上有焰。觀者至焚其衣裙也。又印縣西八十里。火井。博物記云。井深二三丈。以竹木投取火後。人投燭井中。火卽滅。絕不復燃。

東川軍民府西南三十五里。湯池。水出石竇中。熱如沸湯。清澈如鑑。

四川行都指揮使司溫泉二。曰寧番衛城東百四十里。曰越蕩衛城東二十里。四時溫煖。可愈疾。口都司北七十里。熱水池。四時常熱。流入溪河。合瀘水。接金沙江。

福建

福州府城東崇賢里。湯泉。味甘而性和。熱甚。硫黃氣。謝肇浙江雜俎云。吾郡城內外溫泉。共十五處。

汀州府城東四十里。湯泉。

興化府莆田縣城西南。大溪中。湯泉有三穴。如井。熱甚。漢時胡道人棄丹於地。水遂溫。浴之多壽。以上見一統志。而莆田又錦江西。桃源溫湯池。又上杭橋西北岸溫泉。潮退可浴。餘縣搜附於後。

南安縣城山溫泉。有四。三熱一溫。

德化縣湯嶺湯泉出焉。

永春縣湯泉二。一在湯邊。一在登瀛橋北。

安溪縣湯泉六。

大田縣湯坑。湯熱可浴。

沙縣熱水池。其水夏冷冬溫。

永安縣湯池六。熱水口。苦竹村池。仕洋湯池。溫湯池。龍峯湯池。

上杭縣溫泉二。小拔湯。

長汀縣南何田市湯泉。周數十丈。熱能熟生。名無垢泉。又一在縣南安仁院。石竇湧出。可溉田。

清流縣溫泉二。池溪嵩口北原。可以熟卵。

連城縣湯泉。

永定縣湯泉三。大洲湯泉出地中。下洋湯泉出石壁。李田湯泉。熱能熟物。旁有溫泉。可以和之。

龍溪縣溫泉。舊西廂城址下。

漳浦縣梁山南北兩麓。各有溫泉。

龍岩縣溫泉在塗潭社。四時可浴。在小溪社。熱氣尤甚。

南靖縣溫泉四。永豐里二。歸德里。清寧里一。

長泰縣湯泉二。

平和縣溫泉二。清寧里。新安里。

寧洋縣湯池。

廣東

廣州府。清遠縣東九十里。湯泉。有石如錢出。泉熱可熟物。

縣西北四十里。泉有三穴。四時沸涌。可以筆烹。又樂昌縣東北四十里。溫水。冬夏常溫。愈疾。又乳源縣西北二里。石穴中溫泉。又靈君山周山嶺。溫泉二。

瓊州府。感恩縣北七里。溫泉。夏評冬沸。能愈風疥瘡氣。

高州府。溫泉三。曰府城北一百七十里。曰信宜縣治南。曰石城縣北五十五里。

廣西

柳州府。來賓縣西北一百里。雙泉。冬溫夏涼。象州東三十里。溫湯泉。其水常熱可熟物。

萬州城西溫泉。

雲南

雲南府。安寧州北十里。湯池。雲南溫泉非一。此為甲。色碧如玉可鑑。臨安府治。溫泉。每春莫。郡人浴三日。謂祛時疫。又西北四十五里。及建水石屏阿迷三州。通海河西。嶧峨蒙自四縣。俱有之。

鶴慶府城東南溫泉。每歲三月浴之。愈瘡。

麗江軍民府。通安州。阿失村有溫泉。

廣西府。彌勒州西十里。阿欲部山下溫泉。

蒙化府城南。甸尼山下溫泉。相傳蒙納奴邏母病。浴之愈。

沅江軍民府城西北十五里。溫玉泉。石間迸出如湯。

北勝州溫泉二。曰州城枯木村。曰州南沙田村。

馬龍多郎甸長官司北五十里。微崇山。溫泉。其熱如湯。

尋甸軍民府南五十里。溫泉。俗呼熱水塘。

金齒軍民指揮使司。城東二十里。哀牢山下。有石狀如鼻。二泉出焉。一溫一涼。曰玉泉。又西二十里。虎障山下。

溫泉。

隴州宣府司。湯泉。從石罅出。爲河。熱甚。

貴

州

貴州普安州。溫泉有二。一在城東南八十里。一在樂民千戶所西。水溫可浴。

【水異名】

茵。水厓也。茵之言內也。水之內曰隄。水之外曰鞠。韓詩。茵隄之。卽隄與鞠同。九皋九折之澤也。水隄曰潛。隄重隄也。水之夷上洒下似之。許氏曰。岸上面平夷。而其下爲水洗蕩。齧入之也。水中高地曰坻。水草交曰漚。水會曰濞。一曰水外高。有瘞埋之象。

營建

【山陵】

孝陵。應天府朝陽門外鍾山。○懿文太子祔葬于側。世稱東陵。○孝陵後有小阜曰大山。萬曆間。金壇于玉立欲治葬。以科臣論止。空其穴。後誠意伯劉昭葬其父。盡臣。孝陵享殿。

○太祖高皇帝。孝慈高皇后。左淑妃李氏。口妃口氏。皇貴妃孫氏。皇貴人口氏。皇美人口氏。右殯妃生成祖文皇帝。

孝陵道中。觀音閣後壁。瑪瑙石。高丈餘。衡丈有口尺。光潤如玉。出青龍山。永樂間採置。

長陵。昌平州城北。天壽山。自紅門進御道。凡二十餘里。舊名東祔子山。永樂七年卜建。賜曰天壽。世傳燕山寶。

氏舊居。無据。千峯萬壑。交鎖周密。蟻蟻森翠。後視高山數十重。來跌斷。明堂平闊。羅城諸小阜尤密。祔葬十六。

妃。

獻陵在長陵右。祔葬四妃。

景陵在長陵左。祔葬七妃。

裕陵去昌平三十五里。獻陵之西。祔葬十八妃。

茂陵去昌平二十七里。裕陵西北。祔葬十四妃。

泰陵在茂陵西。無妃祔。

康陵去昌平三十五里。泰陵之西。九龍池環其前。松園繞其左。

永陵去昌平十八里。長陵之東南。規制巍廠如長陵。而巧麗過之。俱襄陽白石。兵部員外郎餘姚略用卿所擇。

祔葬妃三十。嬪二十六。

昭陵。

定陵在口陵口大峪嶺。徐尙書學謨議。時通政參議梁子琦等難之。爲輔臣申時行王錫爵等所斥。崇禎初。

尙書姚思仁督理。多朽石。寧無罪地。脈哉吾寧。陳與郊以給事中。巡工。言壽宮五室中三間待馭。四隅維以鐵索。

各大銅缸注油。左右室通門。待中宮及嗣帝所生母升祔。○神廟閱壽宮。自坐石室飲酒。

慶陵。

德陵石橋。高不五尺。長不五丈。砌石無甚費。而耗二十餘萬金。享殿寶城尤不費。且陵地窄甚。僅當西山之脈。

在永陵左。相距不百步也。蔣德景云。

德陵窆日。石梁中斷。諸臣取培土。不敢以聞。諸陵明有碑題。口宗口皇帝之陵。稜恩門內。有碑俱無字。閉以木

柵。

思陵在紅門西三里與諸陵隔河諸陵俱河北思陵獨河南即故皇貴妃田氏園也

【候氣室】

順天府治有候氣室每立春先期五日奏遣欽天監習占候者二人往設瑄寶灰如舊法占畢還奏

【槐廳】

全州蔣相國（冕）治第南門外巨槐一曰槐廳

【明德堂】

天下津宮俱明德堂獨應天府學明德堂以宋文天祥手書故

【梅熟堂】

鄆縣東北三十里大梅山護聖寺漢梅子真舊隱也寺有梅熟堂先是梅甚巨稱為梅龍孫權伐而三之一會稽禹廟梅梁張僧繇所畫龍飛去者有梅核半可容粟一斗正德間

盜失

【六老堂】

南康六老堂因五老峯祀宋守朱元晦曰六老

【來玉堂】

王元美余山園中堂成適汪伯玉至名曰來玉董玄宰做之樓成適陳仲醇至曰來仲

【瞭鷹臺】

南海子方百六十里殿旁瞭鷹臺臺臨三海子渡以七十二橋

【銅雀臺】

曹瞞臺於鄴水與西門豹祠相近今水中隱隱三臺址蓋銅雀金鳳玉井云二臺久沉一臺址稍高

【厄臺】

陳州厄臺孔子絕糧處崇禎時流寇伴資諸生其上圍斬之又遣厄也

【主人臺】

穎州東二里接廟前元末每旦彩雲騰覆明興太祖嘗幕其上天下大定雲散土人呼主人臺（穎州志）

【鶴臺】

崇禎甲戌湖廣松滋縣得石碣晉羊叔子所書鶴臺二字

【摩旗臺】

全椒縣西北四十里宋將焦光贊結寨於焦山上營壘皆石砌高數尺圍可六里許東有

搖旗。北有廢旗臺。雨洗後。管出甲葉鐵鏃之類。石窖中。米麥至今猶不腐。（全椒縣志）

【梳妝臺】

皇城北苑中有廣寒殿。相傳遼蕭后梳妝樓。成祖定鼎北京。勿毀。以垂警戒。萬曆七年五月七日。樓傾。梁上金錢一百二十文。云至元通寶。則樓創於元初。非遼時物矣。（張居正

雜著）

【六相樓】

四川達縣。本宕渠故地。洪武庚辰進士。郴州曹嗣宗。承達縣修六相樓。祀唐李嶠劉晏元。顧李適之韓滉宋張商英。嗣宗終廣東按察僉事。

【瑞光樓】

鄧縣南二十里櫟社。元末永嘉高則誠明。避亂寓於沈氏樓。作琵琶記。夜按拍而歌。蠟炬二枝相隔。光忽交合。名瑞光樓。遺址存。

【四雨樓】

姑蘇廣福山。周天球治園。有四雨樓。桃梨海棠。各栽一面。謂海棠濕透胭脂雨。梨花一枝春帶雨。桃花亂落如紅雨。其右臨水對山。曰珠簾暮捲。西山雨。

【朝天宮】

南京朝天宮。古治城也。後殿黃垣。據高垣之上。太祖嘗更衣於此。俗傳葬其下非。

【鐵柱宮】

南昌鐵柱宮。東南隅。方丈登池。作石欄。鐵柱微露。乃石耳。非鐵也。（陸儼山豫章漫抄）

【雙魚宮】

錢塘洪侍郎瞻祖。游江西玉皇山寺。見石盆中金魚八枚。游泳必雙。異而問僧。謂僅四頭。因登席。尊視果然。平視又如前。僧曰。此名雙魚宮。乃旌陽真人所遺仙跡。遊覽志失載。

【白塔】

四川白塔。初來安縣北六十里。白塔寺。路通盱眙。有磚塔一座。雷擊。擊其末三層。遺在泗州境。伏虎山。今存半塔。創始雷擊。俱不知其何年月。

【鎮河塔】

涿州桑乾河中。以有塔。名鎮河塔。嘉靖元年。塔崩。內有古錢。皆飛空如碟。自後河水不時泛溢。（涿州志）

【應州木塔】

應州佛宮寺木塔四層六簷八角高三十六丈。遼清寧三年田和尚奉勅募建塔後殿。九間。通一酸茨梁。洪武元年四月八日塔頂佛燈連明三夜。文皇帝北征幸其上。題峻極神功。後武廟巡應州。題天下奇觀。(應州志)

按佛法佛菩薩塔高十三層。辟支塔應十一層。阿羅漢四層。餘隨品級減之。此八種塔。並有露盤。佛塔八種。菩薩七重。辟支六重。四果五重。三果四重。二果三重。初果二重。輪王一重。凡僧但焦葉火珠而已。後世建塔。不原佛制。聖凡相濫。紕謬至多。

【虞仲】

太伯。燕。荆蠻。自號句吳。從歸百餘家。立為吳太伯。太伯卒。無子。仲雍立。是為句仲。雍傳三世。至周章。武王克殷。大封同姓。封周章于吳。封其弟虞仲于周之北。故夏墟列為流侯。是為虞。司馬貞曰。夏墟在河東太陽縣。據志書。平陸即古太陽縣。至唐開元始更今名。其廟為太伯明矣。或者謂太伯以次而傳。至周章是為南之吳。虞仲始受周封于夏墟。是為北之虞。然則虞祖虞仲。曷以廟太伯哉。曰不然。武王大封同姓。周公于魯。召公子燕。叔鮮于管。叔度于蔡。及神明之後。封止一國一祖。而受二封者。惟于太伯見也。武王之意。以荆蠻吳夷。其禮鄙俚。不足事太伯而報其德。再封于虞。得處先聖王之舊邦。且邇中畿之地。得用中國之典禮。其於太伯之德。庶幾乎報矣。(明初夏縣王翰平陸縣太伯廟記)

【妬女祠】

平定州東九十里。承天鎮俗傳妬女。介之推妹也。舊經云。介山氏之廟。唐武后幸河東。道出祠下。懼風雨。欲開道以避之。狄人傑曰。一人行幸。風伯清塵。雨師洒道。何妬女之避。遂止其役。駐蹕祠下。風停雨息。

【孟母故宅】

榆次縣古城西南隅。蓋孟子鄴人。其母并人也。其地有三徙鄉。

【藺交】

榆次縣東南四十里。相傳藺相如所居故里。當秋深。地無霜。五穀登衍。人異之。

【姜女手跡】

曲沃縣西南三十里。侯馬鎮南河西堰中。世傳姜女托堰哭夫。手印于堰。至今土雖屢傾。遺蹟猶存。

【殘苦廟】

介之推從重耳出亡。追者甚急。之推以其子林代死。重耳入晉。之推妻及林妻。尋推。聞焚死于綿山。俱投井死。鄉人卽其地立廟祀之。曰殘苦廟。在曲沃西關外。

【瓜子纏】

翼城縣東南五十里。北陽阪下曰瓜子纏。相傳老子食瓜處。子嘗皆成石瓜子。其形宛然。龍門大禹廟。俗傳食豕肉。詣廟必風。壁畫精工。與岐山周公廟壁畫並稱。

【秦伯廟】

平陸縣秦伯廟。

【南岳廟】

衡州南岳廟。古松百餘株。銅香鼎甚巨。不可圍抱。銅鐘重九十斤。有大祭。則鐘聲先振。

【御題祠山廟】

廣德州北五里。橫山張真君廟。明初高皇帝南征過之。題曰天下英靈第一山。白雲爲闕。石爲關。將軍幸得來瞻此。暫解干戈勳笑顏。

【江神廟】

湖廣魚鐘江神廟。有神木。江夏賀相國逢聖歸楚。木出於江。蒼古挺拔。鎖以鐵索。

【白起廟】

武安縣西關。白起廟。正統間。縣丞李昇。以起殺降挾詐。遂毀其廟。

【長平驛】

由西高平縣。古長平也。耕人嘗得遺鏃如綠玉。長平驛。卽元平章賈魯宅。堂三楹。梁柱俱桑木。甚巨。賈氏裔猶存。

【煖鋪】

都御史葉成。巡撫宣府。於沿邊孔道設煖鋪。卽唐人邊鋪也。

【鐵柱】

雲南大理府。趙州東南九十里。白崖城。蒙氏建極。十三年四月鑄鐵柱。名曰建極。又鑄笠覆於頂。土人號天尊柱。歲貼金其上。祭之邀福。

【興言書院】

去陳州百里曰五部。介項城上蔡間。今更曰潔已鄉。立興言書院。

【冰 橋】

蘇州冰墩十有六清人始至開源何爲曰藏冰者謂伏兵也其五姑蘇

【魚 骨 橋】

海門縣禮安鄉以大魚骨作橋長丈八尺有奇元至正中潰入江萬歷戊戌隨沙漲起呂四場民獲之廖令曰移建儒學前色黝黑有鐵釘痕毫無朽蠹（揚州府志）

【廣 濟 橋】

湖州廣濟橋宣德間知府王源建歲推稅萬餘金

【皇 過 此 橋】

崇德縣皇過此橋以宋高宗南渡過此故名見縣志萬歷橋北沈望雲伐竹得磚葬石刻宋寧宗姑蘇駙馬黃氏鹽官人始知爲皇姑子橋

【倒 流 橋】

當陽縣北漳水上倒流橋相傳曹操追劉先主張飛據橋大呼水爲逆流魏人不敢迫（承天府志）

【萬 安 橋】

泉州萬安橋俗呼洛陽橋長三百六十丈萬歷口丹陽姜志禮守泉州修萬安橋得石刻

曰同節來修即公號也又鄞縣蔡錫永樂癸卯鄉試入冑監仁廟以學行授兵科給事中出守泉州欲修萬安橋發石刊曰石頭若開蔡公再來檄海神遣辭卒自投於海若有神警之者俄易書一醋字必八月二十一日酉時也事載錫家傳中今廟像皂服行人過焚草履一鞭

福州臺江大橋長百餘丈

【仙 橋】

雲南白崖川獨木橋十餘所木大如指長三尺或五六尺巖險不敢着足樵人捷足過之亦不損折其木非常見之材每望夜一易不知其因明日但見新製曰仙橋

【楹 帖】

直也如弦縱道邊夫復何憾比而得獸雖邱陵亦奚以爲（顧清）
靜亦靜動亦靜五臟克消夫慾火榮亦忍辱亦忍平生不履於危機（霍鑾）

徒有寸丹獻帝闕竟無尺素達權門（霍顯）

堂上雙親壽。朝中一品家。（嚴訥）

無毀無譽。三代直道而行。知止知足。四時成功者退。（申時行）

財不求贏。敢爲子孫益過。位嘗隄分。當思齒角難兼。（陸光祚）

節義重丘山。始不渝終不渝。功名赴流水。寵不驚。辱不驚。（嘉靖三十二年沈丘教諭山陰行符鵬）

世多君子扶皇極。天放閔人養太和。（鄭仲）

偶爾謝上天富貴。歸來作平地神仙。（中丞王瓊）

頭上青天一點浮雲淨。盡庭前白日五更夜氣流行。（訓導楊傳芳子起元）

天無私地無私。日月無私。風不出雨不出。寒暑不出。（沈思孝）

得意嘗自笑。無音使誰知。（鄧以讚）

凡事再思斯可矣。與人三反何難焉。（都諫武安米之韓）

泮水樂饑。讀天下書。不談天下之事。康莊擊壤。生聖人世。願爲聖人之氓。（朱鴻謨）

出入起居得罪天地時。十常八九子。臣弟友。可對聖賢處。百無二三。（吳先生寓梅日乘）

見故人而一笑。自有餘權。念生平之百爲。亦無可恨。（李庭機）

居深山之中。隨俗所使。生聖明之世。與天者游。（鄭元標）

少作書生。未見升堂入室。老爲廟祝。相知掃地焚香。（李贊）

養其氣以剛大。尊所聞而高明。（李騰芳）

試看階前皆樹玉。當嫌腰下未橫金。
天上圖書分野府。雲中雞犬半仙家。（王思任）

誤改文字。身空老起。敗魚鱗計已遲。（陳元素）
人前屋漏。日裏雞鳴。

每思於物有濟。恆愧爲人所容。（陳龍正）

自拋官後睡常足。不讀書來老更閑。（祝以誦）

質在能還雅。庵成可讀書。（先存一府君）

【鐵牛碑】

濟南府儒學內有碑高三尺。刻曰鐵牛碑。碑旁地露錢錐不五寸。就側四掘。終如故。或曰鐵牛鎮七十二泉者。

【宋文貞公碑】

沙河縣宋文貞公（景）碑。斷沒土中。正德丁丑。縣令方思道。治鐵二百斤。貫而續之。今存。不甚剝蝕。

【毛文龍碑】

平遼總兵官佐軍都督同知毛公德碑。天啓四年七月。朝鮮立。奮忠贊謨。立紀明倫。靖社功臣。輔國榮祿大夫。兼議政府左贊成。判義禁府知書筵。春秋館成均館事。弘文館大提舉。藝文館大提舉。金鑾撰。通政大夫。行曹參議。李瀟書。崇政大夫。行兵曹判書。兼同知成均館事。金尙容。察議大夫。平安道觀察使。兼兵馬水軍節度使。平壤府尹。巡察司。李尙奇。立石。（碑文不載）銘曰。噫噫往歲。羯虜造口。管我清邊。鯨吞家突。急莫之遏。全遼石壤。壘土無堅。繡薙拾攘。厥墟腥羶。公時憤切。忠膽激烈。齧牙張拳。獨立一叫。揭義爲號。趨者爭先。曷投曷倚。俾賊顧忌。以禦以宰。謂我共濟。克協大計。錫首東偏。獲醜復鎮。軍聲始振。天討行焉。出入遼瀋。形格勢禁。罔或忤前。惘疑縮頸。不敢西還。關防賴全。瞻彼緞島。洪濤淼漭。處得其便。洋洋安帖。履坦不跲。就堯如天。激以忠義。其歸如市。累累連連。曰公父母。開口望哺。餘喘其綿。匪公是任。吾其左衽。長城屹然。得人死力。功章寵錫。褒詔頻宣。神旗豹尾。以降闡寄節。制其專。大業未了。概見其效。四海望延。吾言不失。有

待史筆。有首凌烟。撫實載石。先最其績。後疇其傳。興安縣岑山右魚峯之仙宕寺。有創修木碑。係天順七年。其聲樸樸如古琴。其文斑剝斷連。亦如古銅琴文。錢塘黃汝亨貞父云。日中所未見。

【定霸城】

保定有定霸城。宋楊延朗所築。金時以其碑他用。獨其土存。嘉靖中霖雨。潰其西北。得人骨數十具。植立土中。髑髏各載兜鍪。旁侍兵仗。石刻云。活築惰工百戶。徐瑾一行兵役。見

者竦然。（長安客語）

【軒轅陵】

平陽太平縣東三十里。上魯村東。汾河內有石棺。以鐵束之。隱現不同。世傳爲軒轅棺云。晉初烏程得顓頊塚。又衡山崩。見顓頊塚。中有營丘圖。九首鳩杖。見顏真卿石柱記。濮州東北相傳顓頊建都。因有帝塚故名。

【鯀墓】

郟城縣東北七十里。羽山。卽殤鯀處。有墓。

【禹陵】

會稽城南數里。禹陵。窆示高可六尺。形如權。堅栗青色而澤。有白脈隱起。甚細。如絲絡。偶撼之則動。而不可拔也。今戊子夏。毀於盜。三千年神蹟。頓失其重。聞者惋惜。

【唐堯上階】

唐堯上階。故里在臨汾縣城南十里。帝姓伊祁氏。故里名伊村。村築土堡。宛然茅茨土階之蹟。唐堯氏陵。在臨汾縣城東七十里。部行里。俗謂之神林。又謂之神陵。高百五十尺。廣

二百餘步。旁皆山石。惟此地爲平土。深丈餘。山後有河一道。俗呼陶唐飲馬泉。有金泰和二年碑記。相傳唐太宗征遼。曾駐蹕此山。因謁堯陵。遂塑己像。明嘉靖間。知縣趙統重修。陵東原祀丹朱。西祀唐太宗。統撤太宗像。每歲祭。丹朱祔享。升堯諸臣之上。竊嘗攷舜巡狩于湘。其陵在九嶷。禹會諸侯于塗山。其陵在會稽。惟堯之巡狩。不見經傳。此陵爲堯陵。相傳自古無疑也。然明初詔下。訪歷代帝王陵墓。山東東平州。有以堯陵聞者。至今載之祀典。而在臨汾反遺。何也。豈昔之搜訪未至耶。抑詔下之日。而臨汾尙屬元耶。（邢雲鷺臨汾志）

堯年十五封唐侯。二十登帝位。壽百十有八歲。帝王世紀云。堯葬濟陽城陽西北。是爲穀林。高士春秋曰。堯葬穀林。皇甫謐曰。穀林卽城陽。堯都平陽。于詩爲唐國。由此觀之。城陽卽今之平陽也。濟水出王屋山。在平陽東南。今之城陽。晉尙屬平陽郡。雖去平陽郡百餘里。而臨汾東亢村所出有灑泉。至今相傳通濟源。茲言夫豈無據。況濟多穴地。伏流千載而上。陵谷代遷。焉知堯之時。臨汾非源耶。今堯陵在臨汾東南。視王屋山實合古之城陽西北。古曰穀林。而今堯陵俗名爲神林。尤一驗也。後人乃謂山東東平州。濟水在焉。而遂以堯陵名。何耶。

【關龍逢塚】

安邑東北三里有雙丘。相傳夏大夫關龍逢塚。土人云。關字長其後裔云。

【齊桓公墓】

崇德蔡新。令臨淄縣。夢貴人緋服傳驕而至。揖曰。公行去邑。當以東壁遺金贈公。晨起。廡舍東廡圯。坎其地。蟄蟻中空。如下天狀。掘石版曰。齊桓公墓。規制深廣。石室若王者之居。屍色如生。器具皆黃金。旁金山銀山各一。蔡取其山。燈釭將滅。爲漆油加築。不三月罷官。崇德縣志。按史記。桓公屍蟲出於戶。安得云屍色如生也。其厚葬或有之。

【衛靈公墓】

相傳衛輝府治後。衛靈公墓。古有紫金碑。雷轟之。又觀城縣東南四十二里。高宛縣東北二十五里。亦有墓。

【雙娥堆】

蘇州承天寺門外雙娥堆。爲吳王夫差愛姬。從孫武子學兵法爲隊長。笑而見殺。此其墓也。東北小池。衛不過二丈。長不過五丈。乃錦帆涇故水。僞吳張士誠所浴。

【李牧墓】

平陽太平縣四五里。孝子村。趙將李牧墓。其子李榮廬于墓側。稱子墓。

【陳仲子墓】

長清於陵仲子墓。張令文龍。令徹孔廟大羹一孟。及棗栗享之。（長清縣志）

【介林墓】

介之推子林墓。曲沃縣南三里。河底村。

【王翦墓】

王翦墓。富平東四十里。每六月朔望。墓若海市狀。城郭依然。車馬交錯。（關中塚墓記）

【鄭玄墓】

臨晉縣口三十里。至今荆棘不生。狐狸不穴。

【青塚】

荆門州青塚。土人哀昭君招魂而葬。因名。實在大同城西北五百里。古豐州灘西六十里。

【孫嵩墓】

安邱縣南四十里。孫嵩墓。元人于欽作齊乘。寓宿太虛宮。夢趙先生入謁。曰。聞君修齊志。

僕有良友葬安邱。其人節義高天下。今世所無也。請載之以勵衰俗。欽覺而語梅仲昇。以爲鄰人趙伯善。共訪之。伯善愕然。及聞趙岐傳。始悟爲孫賓石也。（齊乘）

【嚴子陵墓】

尉氏縣東二十里。蔡堡有嚴子陵墓。

【司馬遷墓】

韓城縣南二十里。芝水之南。西麓有漢太史令司馬子長之墓。墓有古柏。墓土嘗開。土人柏根懸其棺。因磚封焉。子長自敘云。五世皆葬高門。今去芝水數里。又西北五里姚莊村。

有蘇武墓。墓柏俱南向。

【高陵】

蘇州盤門外三里。武烈皇帝所葬。（孫堅）曰高陵。妻吳夫人。子長沙桓王。（策）皆附。

馬。元至正二十三年。崑山盧熊公武。與同郡沈徵君伯熙。父訪徵君。因言子向曾過此。聞父老言。地屬沙湖。金氏墓上。有木如虬龍。然每陰雨。若見物操舟蕩漾之狀。人或逐之。不見。尋伐樹掘地。得金棺。

長二尺許。其怪遂息。

【黃耳塚】

松江府治南七里。普寧尼寺。有管陸機黃耳塚。機入洛。有快犬爲傳家。後死。人義之。埋此。今殿西北隅。有土隆起。古木盤覆。卽其處也。明袁海叟詩。豪養有恩終不背。交遊何事

獨相欺。

【郭璞墓】

唐乾符間。衢州刺史季穀。置碧龍山。得二石。長六尺許。取置文會閣前。宋淳化間。郡守慎知禮。移植于此。積土爲宰。歲久遂訛傳爲郭璞墓。有傳璞言五百年後。太守爲吾守墓。紹

聖中郡守孫真知非璞。發之得二石。移置堂中。宣和郡守高至。臨復移歸。故處相傳。峨嵋山正對府治。不利于郡。故置此石以壓之。因培土爲峯。而名以小蛾嵒云。（田熱衡傳）

【太康瓦券】

萬歷元年。會稽李光簡塚地中。掘得杯及瓦券。券曰。大男楊紹從。士中公賈地。塚地一邱。東極闕澤。西極黃藤。南極山背。北極於湖。直錢四百萬。即日交畢。日月爲證。四時爲伍。太

康元年九月二十六日。對共破剪。民有私約知律令。（玉茗堂集）按今葬例。買土立券。古人已然矣。

【張賓墓】

內邱縣南十三里。趙張賓墓。周圍皆鐵。高三丈餘。廣十餘畝。石勒厚葬以報賓也。

【李太白墓】

當塗李太白墓。有祠。葦如筆。竹葉皆有金星。

【寶峯寺古墓】

弘治癸丑春。秦和羅鶴子應。讀書城南寶峯寺。見司禮少監胡善治掘墳寺後山。得古墓。有墓志。僅元和四年數字。明白棺槨俱無。惟脛骨尙存。其長過今人十三。古人多長大者。

後世氣薄。故生物短小。

【南漢劉氏塚】

廣州城東北亭洲。有土穴。耕人梁臺過之。投石。空空作聲。乃納塊。雄雞夜鳴。知無恙。於是發之。數金人各重十五六斤。正處金像二。冕坐若帝后。各五六十斤。地若金蠶珠。貝築之。

鏡一。光照白日。硯一。硯池。玉魚游動。他珍異亡筭。先攜鏡歸。光動隣舍。急碎之。鄰人覺而往爭。遂聞官。盡搜盡之。內棺掘毀。稍存骨齒。墓碑隱隱可讀。南漢劉氏塚也。（陳子壯練要堂集）

【瀧陵阡】

吉安永豐縣。有瀧陵阡。卽歐陽公葬祖父處。國朝口間忽失處落。廣信永豐縣人怪之。後又還吉安永豐縣。時有謠曰。吉永豐。移廣永豐。永豐二字適相同。人民城郭依然是。只少

當年六一公。

【蘇文忠墓】

邳縣蘇文忠文定二公墓。文忠卒常州。嘗愛邳之山。移葬此。後文定卒。亦葬焉。明萬歷甲

申有盜發之。縣令濟南張篤行。加封樹焉。去墓半里有廢塚。石半露。披之則文忠之曾孫婦。亦掩之。俄夢文忠遺青衣致謝。問文忠公何在。曰臨汝。至彼可相見也。後篤行以事至臨汝。曾得先生墨跡一卷。大異之。恍悟前夢。石識其事。(郟縣志)

蘇穎濱先生。子遲守婺州。愛其山水。因家焉。葬穎濱衣冠於蘭溪之靈洞山。遲子簡侍郎。簡子林。今其家藏穎濱遺墨。及四代告身。

【琴操塚】臨安縣玲瓏山。琴操塚。殘碣。東坡居士書。萬歷十七年被發。

【方臘祖塋】嚴州香山前爲獅象石。方臘祖塋處。後毀其石。

【鐵棺】泰興縣南華廢寺。有鐵棺。長九尺二寸。前後狹。相傳宋建炎間。薛慶嘗遣其徒撼之。中有物相觸。鏗然聲。以鐵椎擊數百。不損。鼓鞞浴之不液。乃止。(揚州府志)

【劉刺史墓】

義烏縣南。東平山。有宋平昌刺史劉公墓。降慶戊辰。長至日。裔孩尙恭。重修。墓碑掘數尺。見墳臺。臺上有碑。方尺許。刻晦翁卜墓數云。天聖戊辰。葬此邱。陰十八紀。出公侯。子子孫孫。垂

不替。繩繩武水。永無休。五百四十一年。損十六七歲。裔孫修。戊辰。戊辰。新石。重修。重修千百秋。祕書郎朱熹書。

刊石。呂祖謙爲之記。記難具載。其要云。右數八句。爲卜劉公之墓。天聖六年十月三日。卜葬東平山。先塋之原。公

諱豪。字有閔。裔出漢光武。封太孫。於烏傷。國除。因家縣治南。遂爲烏傷人。逮晉寧公萬章。始爲王官。唐曰瑀者。翰

林學士。南門劉氏。非他族比。公以文學遷平昌刺史。致仕。曾孫輝。熹同登乾道進士第。游東萊晦菴二先生門。故

晦菴卜其祖塋之蔭。有裔衍家昌千載之久乎。因識大略而納墳臺上。以俟後日之驗云。按天聖戊辰。至降慶戊

辰。年數良是。而長至又值戊辰。仍孫劉公仕。龍在宋。贈武節侯。修墓。孫果十六七歲。吁。數亦奇矣。(義烏縣志)

【黃元菴墓】

山東陽穀縣。景德鎮。有黃元菴墓。其墓靈異。土人患瘡毒。插花於墓祭之。卽愈。(中河志)

【蕉花女塚】長清蕉花女塚。女最孝。母疾思瘳。時未登。女向麥泣。移時麥黃。奉母得愈。今塚旁麥先稔。田畔有御製碑。上書孝經。(長清縣志)

【張王墓】福建興化縣。丁溪草堰間。有張王墓。相傳張士誠父。沿海民竈。咸以正月望前聚禱。因而彼此構鬪。勝則一年大利。卽至死傷。毋許告訐。近有司嚴禁之。稍戢。

【孫一元墓】孫大初墓。上有挂瓢堂記。李夢陽撰。劉麟書。

【鄭曉墓】海鹽鄭尙書墓。在甸塍山。先是尙書執法削籍。其葬從庶人禮。隆慶初。復官贈諡。終不改其舊。子嘗拜墓下。歎先遣素風也。

【邵灣古墓】壬辰春。海鹽邵灣山祝氏宅後。有積土。坎之得古墓。各磚刻曰。永安六年。歲在癸未。九月十日。造辟日造。五官郎中山義尉丹陽楊口。磚面俱有雲雷紋。穴頗深廣。左右有羨門。予往訪之。始徵古製。

【虛糧塚】新野縣東三里。近衛河邊。亂塚相連數十。傳聞前代屯兵之所。曰虛糧。

器用

【研】王官谷西山。有秦王研。研大如碾盤。無口。下如尖底磑。春秋秦敗晉師於王山谷時所遺者。(司馬圖記見呂東野澗野集)

穎州東六十里。古夷陵也。舊志古列國縣。君邱。韻上。傳夷陵縣。掘地得磚。作研堅潤。(穎州志)

俞侍郎士吉。奉使得研。上篆永樂二年。旁書海東潛璞。(說楛)

【古鐘磬】太原交城縣西南汾水上。金大定中。汾東山岸崩。得古墓。有鼎十餘。鐘磬各數十。鼎大者

幾三尺凡十有二。其中實物猶存。鐘小者僅五寸許。大至三尺。凡十有二。蓋音律之次。後世之制以厚薄。而此以大小。其制皆周器。非秦漢以後所作。今器不存。而墓址猶在。

【琴】

高陵魏氏。唐鄭公之後。藏有遺琴。後訟失之。（呂涇野集）
禮科公署有書室。琴懸壁間。係舊物。（李樂見聞雜記）

正統末。籍太監王振。玉琴長三尺餘。

四明沈嘉則豐對樓詩集。云吳仲足攜族子德望所藏銅琴示我。爲賦銅琴篇。口九字。蓋予平生耳目所未觀也。

青銅合禮黃金相。軫以白玉排雁行。絲彈蜀蘭啼鳳凰。誰其作者古帝王。按圖攷讖題大唐。爾文雙篆鳴玉方。玄宗協律精宮商。豈當在御樂且康。伊昔抱至置我牀。青天拂匣開錦囊。白日倏忽相低昂。翡翠照耀琉璃光。丹砂點漆流星芒。纖指觸絃響嗶嗶。蒼梧飛雲頰不揚。見者黯黯頰而長。延陵考國推太章。裔孫寶祕什襲藏。明珠大貝俱尋常。荒墟對積經千霜。鬼神呵護不敢傷。天地不得闕厥良。復使人世窺虞唐。我欲薦之登明堂。九原誰再起師襄。夔孔同室國祚昌。皇帝萬歲永無疆。

【仙針】

蒼梧縣人梁大用。遇異人。授以鐵針三枚。并針灸書。遂爲名醫。永樂中。郡守羅觀訪其子孫。得一針以進於朝。

【鐵塔鐵鑊】

當陽縣玉泉寺。鐵塔鐵鑊。俱隋物。青州城內口口寺三鑊。大者受四十石。次受三十石。有釜受八石。似甕而有耳。寺原孟嘗君宅。

【石斧】

臨潼縣南一里。驪山綿互而東五十里。東有金斧山。石罅中有金釜。抵之則動。取之不出。青田縣五色石杯。巧工琢造。歲應上官。不啻千百。民甚苦之。古人拔茶樹桑。以茶且累民。

石石杯於器無益。有一製必貽一害。在司牧者念之耳。

【鐘】

大名府譙樓鐘。云魏太武物。守潔則聲宏。否則咽滯。前守惡之。棄置通衢。且半裂。樂護蒞任。適旱。祭而懸之。扣之不揚。護不懌。夢大衆詣于鐘所。乃再扣之。聲宏裂處尋平。

正統中。河決滎陽。東昌水中大鐘二。范縣令鄒鐸得其一。款識永安四年。

曹縣城門四。各有鐘。相傳鐘懸則大水。遂寘之。崇禎戊辰四月。盧令柱礎不聽。盡懸之。果大水。乃徹。曹縣志。歐陽修歸田錄。太常所用玉樸編鐘。皆不圓而側垂。後胡璣改鑄編鐘。遂圓其形而下垂。扣之掩轆而不揚。今見南京神樂觀編鐘形不甚圓。

【鼓】

鄆縣東鄉全尚書。忠。故居石鼓二。萬歷乙卯。石中如蟲嚼聲。翻視之。石多蝕。搜得石蟹一。螯足尚動。觀者異之。

成化初韓襄毅。雍。南征大藤峽賊。斬峽之大藤。中空。鞞革爲鼓。置參府前。聲甚震。立使某移于行臺。扣之無聲。歸卽如故。

【圓花鐔】

崇禎元年四月。湖廣通山縣。二都水衝出古銅鐘。重十八斤。周製也。有圓花鐔三字。聲極清遠。

【唐鏡】

唐鏡背有字云。花發無冬夏。臨臺曉夜明。見鄆以偉山上山稿。

【辟塵鑪】

錢塘縣西山龍井寺。辟塵石鑪。不知所自來。近失去。

【張三丰食器】

張三丰嘗居潁州迎祥觀。遺像一。食器一。容斗許。暑貯肉不腐。混元衣一。久而如新。好事者易其領。輒敗。冠一。質古有摩雲態。潁州志。

【天啓改元】

魏元法僧口蕭莊南詔晟豐祐先已用之。又太和舊志。元至正戊戌。紅巾徐壽輝陳友諒。

陷江西。下吉安泰和稱天啓。則天啓之號。前代已四見矣。

【銅法馬】

萬歷間。泰和人掘地得法馬。形如月。鑿十字。重四斤。天啓三年造。背鐫吉安路郭尙書。子章。放梁王琳立永嘉王蕭莊。稱帝改元。時不稱吉安。亦不稱路。路自元始。豈天啓間造法

馬。至元始續刻吉安路耶。

【貢金】

楊魯菴滇略曰。語云。金生麗水。今麗江其地也。其江曰金沙。源出吐蕃。經鐵橋寶山永寧。北勝以達東川。江游沙泛。金糞雜之。貧民淘而鍛焉。日僅分文。售蜀賈轉諸四方。其稅屬之土府。漢不得有也。朝廷歲貢滇賦金五千。其直可四分緡。皆蜀賈有力者。先期間直於官。而走四達。貢入之間。有逃且死者。累及姻族。析楊累累。至於黔巫瘴癘。十死一生。又不具論也。

【窖金】

雲南銀礦共六十有三。置場委官。歲約二萬緡。然脈有盛衰。課隨盈縮。

【銅冶】

薊州獨樂寺額。相傳李太白書。萬歷間重修。得窖金。上覆以錢。石刻唐安祿山物。並入官。海內銅山四百六十。唐鑄於陝。宣衢信銅冶九十六。宋鑄於諸路。銅冶百三十有六。歲課至五百四十九萬貫。韶州永通一監。歲造八千萬貫。

【紫石英】

諸暨縣東五十里。烏帶山產紫石英。嘉靖中。縣令黎秀。命父老。凡上官來取者。皆引至他所。使無得因呈曰。合浦之珠。以吏貪而徙。暨產石英。乃自本職到任。數採無得。此不職之

效也。採者以息。久之遂迷其處。（紹興府志）

【鐵獅】

滄州鐵獅。周世宗北征契丹。駐此地。有罪人善治。輸金鑄獅。鎮城贖罪。高一丈七尺。長一丈六尺。夜被州人搖去尾。腹鐵至今缺乏。

【銅獅】

雲南都司公署前。大銅獅二。極瑩淨。無點斑。

【關將軍印】

景泰中。安州二田夫。得白金印曰壽亭侯印。知州楊集上於朝。南宮集。弘治間。都憲

一鄂州筦內觀察使印。一都巡檢使之印。皆蟠螭紐。制作古雅。程篁墩（敏政）過淮陰。汝器質之曰韓世忠嘗為鎮江府御前住劄都統制。岳飛嘗為筦內觀察使。都巡檢使亦宋官。萬曆末。烏程沈相國灌得漢壽亭侯玉印。印中空可貫紐。下刻關羽之印。玉質蒼古。捨西湖孤山廟中。嘗見之。

宋徽宗崇寧五年。倣秦車蟲魚篆。作璽方四寸有奇。蟠紐。方璽上員下方。名鍾國寶。天啓四年。九月四日。磁州東八里。臨漳縣務本村漳河北岸。田夫邢某見岸崩。得玉璽。以呈河北道張夢鯨。重百二十兩。方各四寸。而厚一寸二分。蟠紐高一寸八分。篆受命于天。既壽永昌。是璽與至元所獻不同。豈徽宗十四璽之一乎。又能辨所獻陝西兩亦同。

【木牛】

二人多則三人。多者自舉。少者自合。一口可耕三四畝。作木牛圖布之。

【遺印】

永樂間。應州掘地得金城縣印。應州本漢館陰縣。後改名金城縣。今儒學。舊縣治也。天順七年。口口口口得行軍萬戶之印。

成化六年。蘭陽縣得宣差副總兵之印。尚書戶部郎中之印。背鐫天興六年行宮禮部造。

弘治十六年。河南府得銅印三百於壞垣。俱元物。詔毀之。

正德末。銅城府得勒金長官司印。篆文八畫。

嘉靖二十年。廣平府推官王堯日。督民於清河縣浚城濠。得古印六。篆可識者二。曰都將領印。曰達魯花赤之

印。上之撫巡。藏於庫。

隆慶三年六月。豐潤縣掘得玉田縣稅課使印。

萬曆二十八年。降慶州永寧縣人。築牆得古印。爲金左丞完顏綱物。綱與元人戰於縉山。敗績失之。見金史。

崇禎甲戌。南昌得統軍元帥之印。謂太祖物。推官李嗣宗以太祖初稱統軍右副元帥。見皇明通紀。非也。予按

龍鳳元年。丙申三月。我克集慶。徐達湯和爲統軍元帥。二公並至南昌。必其所遺。

戊寅三月十四日。滋陽縣浚井得管軍萬戶府銅印。旁鐫中書禮部造。

龍鳳五年六月。又薊州得古印。

己卯十一月甲戌。固安縣浚井得鎮遠軍節度使銅印。背刻宣和四年十一月少府監鑄。

【藤船】南夷船。俱縛以藤。用松膠和漆塗之。永安州歲辦松膠若干。（張岳交事紀聞）

空青是黃石子。大如拳。諦視之。屑裏沉沉有青色。匠氏以金剛錐錐之。滴翠水如漿。平湖沈長水太史見之。

【荒銀】南夷中多用荒銀。

萬曆甲午。詔雲南布政司取琥珀二百斤。一時騷然。永昌府帑舊貯二十餘斤。以上供搜括。數年竟不能充而止。民破家亡算。

【祖母綠】孕婦吞祖母綠。易產。仍出自兒手。山陰白洋氏驗之。

青鳳子。狀如鴉石。色甚青瑩。婦人佩之。能令好顏色。新安楊不棄得之水濱。中易以千金。內爲禁中寶重。

【蓬萊閣石鏡】登州蓬萊閣石鏡。遇形畢照。崇禎壬申。孔有德兵亂。經火稍晦。近聞復明。

【緬 鈴】

緬鈴相傳鵬精也。鵬性淫毒。一出諸北。悉避去。遇婦。輒啄而求合。士人束草人。絳衣。簪花其上。鵬翮之不置。精溢其上。採之。裹以重金。大僅如豆。嵌之於勢。以御婦人。得氣愈勁。然夷不外售。夷取之始得。滇人僞者以作葵藜形。裹而搖之亦躍。但彼不搖自鳴耳。（滇程記）

榮植

【古 木】

通都交區。巨林連抱。匠石積視其下。十不壽一。谿谷味深。墻抵是陔。木雖專其年。民無得稱焉。亦未始幸也。今探之往牒。据其見居者。或病以漏萬。固所不免矣。

北 京

京師皇城内。西苑之高玄殿。古檜一松。四並。金時植。嘉靖中。封松指揮使。其俸米專飯孤貧。

皇城西。顯靈宮之靈官祠。古柏二。雷披一枝。折而不殊。二百年葱葱焉。國子監古松。並元許衡植。京師外城。天壇拗榆錢。凡榆春錢。天壇榆之錢以秋。

山川壇。偃松。以風拔橫枝。距地不三尺。搢以木。人通行其下。

內城成國公朱氏園。右堂古槐。云四五百年物。身大于屋半間。頂嵯峨若山。極築寺。剔牙松數株。斑剝若鱗。大可七八圍。

萬壽寺松。高數丈。大合抱。

外城大慈仁寺。報國寺。燧松二。其石尤奇。幹數尺。株橫數丈。

外城左安門外。韋公寺。西府海棠二樹。高二尋。游人最盛。寺南觀音閣。蘋婆一枝。高五六丈。花時鮮冶。

京城西北十里。靈通觀。古柏一。徑大十圍。

京城外二十里承恩寺。戒壇松二。古穆天矯。過報國寺。

大功德寺。古木數十章。半朽腐。大可七八圍。

石經山石壁。古柏一丈尺有咫。根無寸土。萬歷初。上過之。御書靈根古柏。盧師山清涼寺。隋仁壽中。盧師自江南來居崖下。崖上一柏。虛石面。長尺不凋榮。是盧手植。西山妙高峯下。法雲寺銀杏二。大數十圍。

香山鮑家寺。有松十株。皆數百圍。

壽安山臥佛寺。古婆羅樹二。根盡出。蟻漚露筋。合抱三人有餘。

仰山隆恩寺。松一。

潭柘山。京城西北八十里。潭柘寺。諺曰。先有潭柘。後有幽州。則潭柘最古矣。今枯柘長不能丈。其枝晚發後凋者也。柘枯而不朽。

昌平州天壽山古柏。相傳竇禹鈞家物。樹中枒。可布三四席。今稱竇家槐。按禹鈞周之諫議大夫也。故居在薊州城東。而此槐係之竇氏莊。或其餘裔耶。

薊州西北盤山東崖古松一。

平谷城東延祥觀。柏不知所自始。元至正丁亥。真人丘長春至盤山。過觀中。見枯柏曰。憐惜憐惜。去後。柏仍葉茂至今。馬觀東北十五里漁子山。世傳軒轅氏陵。或曰軒轅臺。

房山縣北馬鞍山。松二。其枝覆十餘丈。

涿州西南十五里樓桑村。漢昭烈帝故居。道有大桑。高十丈。層陰如樓。其陰百畝。其樁爲珍餽。桑側古廟。唐乾寧五年立。並列鬪羽張飛像。先主王者服。張飛亦涿人。城西五里有張氏洗馬潭。樓桑村南三里酈亭。酈道元故居也。靈椿寺椿。其影每日中天。雖日月東西略不移動。

文安縣城東靈集寺後古檜並峙。云漢人所植。

保定縣柏塘有古柏數圍。倒植河中如橋。旅渡迄今。名柏木橋。

任邱縣北三十五里。莫州城。又東北三里。扁鵲墓。有古樹數株。

寧津縣北三十里。曹氏莊。藥王廟前。大麻子樹。不知植於何時。嘉靖七年。居民伐樹。掘地下。得石刻云。迤南大麻子下斬廉剛。剛。廉。剛。子也。樹自戰國時已有之矣。

行唐縣西北三十五里。柏山。古柏大數十圍。柏上鐵環。相傳竇建德。係以繫馬者。

鷄澤縣。儒學一槐。有兩枝。末合爲一幹。或以爲連理。

清河縣。龍王廟左右古槐。枝幹曲卷。下垂至地。若龍爪狀。人謂之龍爪樹。宋太祖嘗避暑其下。解衣覆上。其性遂下生。有惡少。蓄利其財。而伐之。斧斤方加。而疾作。遂止。傷痕赤津津。淋後漸生根葉。繼生成樹。無復龍形矣。今堂與樹尚存。

開州。口口口古桑。圍可十丈。云三代物。

陽如衛有武宗手植桃。

遼東廣寧衛。醫巫閭山。有北鎮廟。柏甚古。

萬全都指揮使司。龍門衛。城西十里。大松山。有古松。永樂中。駐蹕其下。

南 京 皇城西華門外舊丞相府。有五穀樹一株。兼五種。爲五穀豐歉之徵。其年麥熟。則樹發麥芽。黍熟。則生黍葉。五穀皆然。

魏國公徐氏西園。括子松。元時物。

永慶寺。卽鐵塔寺。古梅。唐時物。

鍾山西。徐達墓有松一。旁結大毬如瓜。最奇絕。

石灰山。百法寺。法堂前有奇樹。

弘濟寺。府東北四十五里。娑羅樹二。永樂中。太監鄭和攜自海外。

牛首山。弘覺寺。文杏一。唐懶融大師手植。圍可二丈。經火猶活。山東北。鄭太監墓。紅豆樹。

祈澤山。祈澤寺。攝山樓霞寺。各文杏二。六朝時物。俱數人合抱。

溧水縣。東南三十三里。仙杏山。其巔有杏林。及仙人跡。

句容縣。茅山。有許旌陽手植楡。

蘇州閶門外。三里。平塘寺。銀杏大五抱。新安潘之恆曰龍樹。

陽山。管柏一。幹如龍鱗。大四圍。

光福山。山茶一。圍可六尺。

銅井山。顧氏園。寶珠山茶一。可合抱。曰司徒廟。古柏二。又曰日文杏。曰其一圍三人。洞庭山。角菴山茶一。蔭蔽

餘。四季承發。云角里先生手植。又黃家堡古桂。

常熟縣。虞山。致道觀。七星檜。梁天監中張道裕。道陵十二代孫手植。今存其三。其雷震風劈者尤詭異。餘

皆後人補植。

華亭縣。北二十五里。余山。五代朱承進墓。有垂絲柏一株。甚巨。

華亭縣。曰北禪寺。宋時回先生過之。手植樟於雲堂。去後數年。樟瘞。回復造焉。問樟公何在。取瓢中藥丸一。瘞

根下。樟復榮。葉俱顯瓢痕。始悟呂仙也。

亭林鎮。縣東南三十五里。陳侍郎顧野王故居。墨池旁古松。云野王手植。

鉅賈山。安寺。陳氏墓。垂絲榆二徑。餘四尺。崇鬱壯茂。蓋數百年物。

上海縣西北十里。靜安寺。陳朝植雙榆於殿前。宋政和間。媚臣朱勣圖以進。徽宗欲攜之。暴風雷。忽碎其一。今殿右尚存。元成廷珪詩。香骨自來生左紐。苦心未忍棄前朝。明心寺。縣西南六十里。古檜二。宋元豐間植。

江陰縣西三十里。申浦。季札墓有巨樹。三人合抱。產果曰雞距子。以形似名也。止此一本。又揚州口口寺一本。餘天下所無。

宜興縣。保安寺。垂柏。連數抱而中剖。

玉女潭。縣南三十五里。張公洞。西南三里。古櫨一株。根柯蟠蟠。礧魂如石。唐獨孤及詩。日日思瓊指此。善卷寺。縣西南五十里。古檜。蕭梁物。

鎮江府西南七里。招隱山。招隱寺。銀杏樹圍五人。云齊梁物。

丹陽東北三十五里。經山寺。銀杏圍七人。相傳晉時植。半枯半堅。黃子所生小株。從中挺出。亦已盈斗。揚州府城隍廟。銀杏一。當門圍四尺。

輿化縣本塔寺。黃梅初治殿。賈人以木筏載梅植殿旁。胡僧坐其下。忽不見。殿前梅日盛。偶一占年。東盛則上河豐。西盛則下河豐。俱盛俱衰。亦各驗。雀啄。則有蟲鼠之耗。

通州治西爲靜海廢縣之遺趾。有文杏數章。大可四圍。

淮安海州。大海中大松。相傳三代時物。其狀奇異。

休寧縣西四十里。白嶽山宜宮。古松一直香爐峯。又石門一楠。其大數圍。

寧國縣。廣教寺。柏。黃蘗禪師所植。寺有異行僧。樹卽開異花數色。

銅陵縣五松山。舊有松一本五枝。蒼鱗老幹。

蕪湖縣儒學柏。宋寧宗時植。

潯州瑯琊山（城南十里）歐陽文忠祠西一梅。云文忠手植。又瑯琊寺（舊開花寺）銀杏大數十圍。高十丈。豐山潯州城西南五里。太僕寺公署雙柏。大十圍。高數丈。

全椒縣西北四十八里。龍榆山。有榆如龍形。因名之。

蕭縣東南六十五里。天門寺。有天棗。花實如酸棗。可食。每四月七日。其實皆熟。次日遂空。

山西

太原縣西北晉原神廟。有古柏。桑皮黛綠。云千年物。

代州城西四十里。斷影樹。漢文帝當迎立時。猶豫不決。遂日游移。臥於樹下。日過樹影不移。今樹已朽。而其地建白楊廟。卽此樹也。

夏縣城南二十里。柏搭山。古柏千株。有一柏琦瑰磊獨大于衆。稱曰柏母。口如意里戒定寺古柏一。其身五圍。根盤八圍。上九枝。俱似龍形。中空處生一槐。大兩圍。枝屈曲如蛇。盤旋於柏枝九龍之上。

五臺縣五臺山之圓通寺。去三珠泉百步。有七寶珠樹。高二丈許。幹上七枝。復合爲一。垂葉四下。

代州東北五十里。墓側有古柏五十餘株。名郅都柏。

趙城縣東八里。媯皇陵。在侯村。松柏圍二丈餘者百餘株。媯皇廟前古柏。喬偉。內一株于幹上寄生一本。大如臂。俗呼爲時節樹。柏貫四時。彼獨隨時發謝。觀者奇之。

猗氏縣城東北二里。仁壽寺。大柏四株。都御史河東序扁曰。萬古凌霜。

稷山縣東北十五里。高渠村。古柏一。大七圍。蔭畝許。有力者每欲取之。輒有龍蛇雷雨之變。

蒲州東南三十里。首陽山。伯夷叔齊墓。古柏二。其一六二十圍。高二丈餘。次殺三之。幹上交相傍倚。開喜縣。儒學相傳爲商桐宮地。古柏十數枝。其大連抱。其枝扶疎。多葉。其葉細而稠。大異凡柏。

霍州東南二十里。霍山中鐘神廟。古松數株。高數丈。枝東向。枿樣詭怪。如青幢鐵幹。沁水縣東九十里。嶺山大雲寺。白松三圍二丈。明評事常倫題壁。宿此非一夕。遊此非一朝。山僧頗解狂夫趣。時儲斗酒來相招。殿前長松十圍大。我欲絕粒棲雲巢。此詩不見集中。

大同左衛玄帝宮老榆。盤踞日莖日茂。根無所繫。挺生于大鐵爐之上。相傳爲神榆。汾州府治西。曲柳樹久朽如鄒舟。金皇統中有異人出。貨藥投樹。復活。因號仙槐。

大同渾源州板山之絮芝峪。古榆數千章。其最大者。名雙離村。相傳張果老所樹榆也。

蔚州北三十里。武孤口。兩山分張。皆北向。石絕無有。有青松。高不數尺。產其骨。

應州城南小石寺。古龍松。合抱。平頂。色極蒼翠。相傳異僧手植。蓋唐宋時物。

又城東南文殊寺。有古松。霜皮蒼翠。枝幹如龍。

嵐縣北四十里。雙松山。上有雙松。曰平定州西二十五里。上有古松。松下有巨石。盤踞數丈。

靈石縣東三十五里。綿山。介子推與母隱此。文公縱火焚之。不出。同母抱樹而死。其樹名黃節。惟此山獨有大。小俱半榮半枯。後人卽其地立廟祀之。天旱禱雨多應。宋神宗封爲潔惠侯。近林人家。清明節三日不敢舉火。廟中有牡丹數本。枝幹碩大。不知何時所種。每開時。花皆紅色。惟白花一朵。開無定處。土人密識其枝。明歲卽易他。本人以爲神。不敢輕折。春時花開。四方觀者。不遠數百里。

山

長清縣東南九十里。方山。靈岩寺。古柏。漢時物。三人圍之不盡。

秦安州北五里。秦山。御帳坪北。一松奇詭。元方煥題曰。處處士松。宋眞宗駐蹕亭。松二。秦始皇避風雨其下。封五大夫者也。生石隙中。不甚大。幹虜龍鱗。是千年上物。東獄廟。文杏一圍。三人中空。木枯。枝葉蔽芾。廟左漢柏五。漢武帝時植。四皆連理。其一甚巨。門延禧觀唐槐。大如文杏。亦中空半枯。

新秦縣門內靈槐。元省縣入萊蕪而枯。後三十年復縣。槐榮。

曲阜縣西北八里孔子墓。孔子手植楡。在廟門北。高五丈餘。圍丈有三尺。晉懷帝元嘉三年枯。歷三百九年。隋恭帝義寧元年復榮。歷十五年。唐高宗乾封二年又枯。歷三百七十四年。至宋仁宗康定元年復榮。金宣宗貞祐二年。兵火澌盡。歷八十二年。元世祖至元三年。芽於東廡頽址間。明洪武二年己巳。凡九十二年。高三丈餘。圍四尺。弘治己未。被焚。今直幹含生。不朽不摧。曰子貢手植楸。高四丈五尺。圍一丈。今枯株。壘中樹千數。皆異種。相傳弟子異國人。各持其方樹來種之。不生荆棘。曰縣東二十里。防山顏子墓石楠二丈。可三四十圍。每家子生。樹生一梯。冢子沒。樹枯一幹。鄒縣東南二十五里。嶧山孤桐。夏禹時物。久枯。萬歷戊子。其左生株。王思任過之。尚口其半。崇禎丁丑。魯鍾玉過之。無存。或以桐茅數十簣之。縣門外孔子廟古楡三。高數丈。徑十餘圍。枝盤曲如龍。曹縣定清寺。有枯桐一。僧伐之。止存朽根。萬歷辛卯。有道人手持末尺。禮佛趺坐根上。曰。此樹由我而生。索水噴水。僧不顧也。夜半。道人歌曰。木有根兮根無枝。人有眼兮眼無珠。我來枯樹活。我去人不識。人不識。真可惜。上天下地游北極。翻身跨起雲間鶴。朗吟飛過蓬萊側。明旦起。失道人所在。越三日發萌。逾月枝葉扶疏。圍大五六尺許。遂成茂樹。

陽穀縣西北四十里。孟母廟。大槐四。宋元祐時植。

恩縣西北五十里。四女祠。漢歷亭溥清家。富無子。生女四。皆終養。同植一槐。令槐存不甚大。或後補植。臨淄縣西北二十里。郵亭古槐十株。高五尺許。相傳宋太祖微時過此。嘗掛袍其上。曰矮槐。

黃縣東南二十里。萊山寺。西北有古木。唐初物。

棲霞縣濱都觀。枯松柏。相傳每百年長一枝。

即墨縣東南六里。勞山上清宮。文杏二。凸處可隱二人。

河南

鄆陵縣西十五里甘羅菓七畝環植皆合抱。延津縣口口石婆東唐尉遲敬德造東嶽廟殿後酸棗樹一株合抱高數丈歲久不榮。

挺然特立旁產一株甚茂云敬德繫馬掛策其上按延津古酸棗縣也宋時改延津家宰李載有記。

密縣東五里天寶宮白松世傳黃帝三女九歲俱辭家學道後十七年歸省一夕同逝令葬於此明年塚上生

松一株三幹幹白如雪大四圍高八九丈膚理整澤指文隨起或曰民間文學道不成人仙去葬白松下曰縣

東北二十里修德觀古榆殺白松十之一偃蓋左紐銅文（密縣志）

新鄭縣陘山鄭子產祠前古柏陳根之上多生稚葉青青可愛。

滎陽縣東七里槐奇甚世傳漢高祖爲王時繫馬於此金趙秉文詩滎陽縣東千古槐人言曾見漢朝來不知幾覺南柯夢直到如今喚不回。

襄城縣南五里首山西嶺有樹一枝名金花樹俗呼灑樹大可十圍枝葉穠蔚數十里外可望及之崇禎庚辰

枯死或以此樹關一縣之盛衰戊子於舊根旁復生二株又縣北二十里徐君墓有樹相傳季子掛劍處曰靈樹

林縣城隍廟銀杏樹圍二丈高七丈老幹扶疎翠葉蒙密縣西二十里娑羅樹其蔭及畝今樹毀跡存曰西寶

岩黃華寺古槐蔭數畝曰覺仁院獅子峯其下漏天岩有異木折幹倒植野人口交加木口爭秀峯西慈明院偃

松二磁州黃花谷內仙母塚大樹九後漢仙人王津母葬於此。

輝縣西北七里蘇州山百泉書院自古楊十四株大可蔽牛殆數百年物。

縣東二里道旁連理樹兩椿同根一雄一雌下有雙塚微露其磚未知葬者何人。

西北七十里侯趙川之平羅社爲蘭相如墓有古銀杏樹一株。

濟源縣西八十里王屋山北天門古松十數。

假師縣達摩菴三花樹。以凌霄藤附檜而生。口六祖手植柏。

方丈寺古槐。高十丈。圍三丈。宋文彥博詩。五品封槐今尙存。第未知封何日也。口縣西北比干墓。有木大三圍。中空。身根半存。上枝茂盛。剖心視之。生氣猶在。

登封縣北十里。嵩山中嶽神廟內古柏。殆二百口。絕頂止三丈。圍六人。石刻漢武帝封大將軍。次圍可四人。封次將軍。又次可三圍。俱怪偉。明喬宇曰。意天下之木。殆未有甲於二木者。袁宏道曰。漢武至今千七百年。柏在當時已受封。殆殷周間耶。

新安縣西二十里。王喬洞。洞石皆土所成。具木葉之形。洞上二木。化石而復生枝葉。與凡木類云。昔仙人大丹成。上木皆化爲石。

郟縣城北十里溝。古姚期莊也。山上一黃棟。係手植。千餘年。柯葉茂盛。人損之。輕則傷畜。重則傷人。新野縣北二十里。張門村黑龍廟前。有古楊數株。俱大數圍。探青者。伐樹血出。遂止。跡存。

華山華陰神廟門內老柏。合抱無枝葉。亦無膚。僅枯幹二丈餘。吉水李日宣勒石曰。青牛老樹。謂老子西來繫牛處也。又北三丈許。老柏空腹。有鳥啣槐實墮其中。生槐幹且合抱。而柏朽裂半存。嘉靖間州守某。以鐵索合槐柏束之。相傳張飛立馬看槐處。見於壁刻。

陝

西

藍屋縣終南山。老子紫雲樓下。繫牛柏。柏下石牛臥焉。又南四五里。說經臺。古柏一。俗說樹死。老子針之活。

咸陽縣北十五里。周公墓。模木。其葉春青夏赤。秋冬黑。

鄠縣南八里淨土樹。俗傳西域鳩摩羅什憩此。覆其履。土中出。其樹三月開如桃花。八月結實。狀如小粟。殼中皆黃土。

華川南少華山。蒼雲嶺。古松五號。五將軍。今四株。圍數人。高數丈。成縣東柯谷。唐杜甫。姪佐。居此。所居後爲寺。有樹稱子美樹。

涇州王母廟。有古木數株。不腐而滑。莫知其名。

空洞山。中峯寺北半里。古松六。

靈臺縣至定寺。左離山。唐牛僧孺別墅。有銀杏。連抱數圍。根結二畝。

鄜州北開元寺。有白松。奇古。明張著詩。葉墮銀紋細。花飛香粉乾。山門煙雨裏。渾作玉龍看。

安定縣南六十里。神木山。古樹千株。樵採不敢入。人以爲神。又縣七十里。高柏山。有古柏。

中部縣北黃帝橋陵。多古木。

神木縣西十五里。楊家城內神松二。

涼州衛東三百十里。松山上多古松。

莊浪衛東百二十里。大松山。由多大松。又東百里。小松山。

浙

江

錢塘縣西。上天竺寺。長生僧舍。梅二。並合抱。西溪永興寺。大綠萼梅二。海寧縣東北四十里。洛塘古廟。銀杏一。圍三人。唐許遠手植。華而不實。枝向西北。

臨安縣西五十里。天目山。斷崖塔院。大杉一。又華蓋松。高七丈。中峯大師悟道處。口西南中峯塔院。大杉一本。二幹化城寺側。一松。根在崖下。頂高走路。僅二尺許。俯視如齋。蔭可三畝。牧童戲其上不動。口觀音崖。檀樹長丈餘。懸崖外。歷三十年。不加長。下覆小觀音座。僧云。禱雨輒應。

餘杭縣西南十八里。大滌山洞。霄宮。大杉二。相傳唐昭宗景福二年。閩丘先生以盂攜自天臺者。圍二丈。高三十餘丈。葉雖凋減。枝益堅。口徑山寺。門古松。口可蔭十畝。又木蘭一。並奇古。

於潯縣南四十里。牧嶺古松。盤錯奇怪。有兄弟各欲訟於有司。夜憩其下。質明相顧而悔。各息。因名木長官。昌化縣西北六十里。千頃山。龍湫西一娑羅樹。初夏花開。香聞數里。

嘉興縣東三十六里。圓通寺。銀杏二。唐時物。

海鹽縣城南永祚寺。銀杏二。數百年矣。天將雨。輒出雲。雨霽雲復歸。

歸安縣東。震澤普濟寺。古柏。數千年物。能爲神。

長興縣東南大雄寺。陳高祖故宅也。梁天監中。手植檜。今中裂爲四。枝垂蔭半庭。堅如金石。曰鐵佛寺。有六朝

銀杏樹

湖州天聖寺。六檜。云齊梁物。

海鹽縣西南十八里。秦駐山廟前。飄松一。斬而復生。不由栽種。（董穀碧里雜存）

德清縣西南天寶橋西。左顧亭。孔愉放龜處。二大枯木。可千年。挺立不朽。

吉安州。鳳亭鄉。岳武穆將壇。一橡樹。大數圍。莫敢犯。

紹興府天衣寺。有舞松一株。相傳爲管人手植。

高橋口。口口口。有古樹一本。五大幹。倒臥橋側。

項里口。口口口。項羽所避處。有廟。古樹圍二人。

秦望山（府城東南四十里）古松一。

雲門山寺（城南三十里）盤古社木。大數圍。晉唐間物。

曹娥江（府城東南七十里）曹娥廟。古檜二。又山茶樹。千年外。止如拱把之半。根奇峯。折取一花者。其手自

懸於樹。因勒石示戒。

餘姚縣口九里。宋石將軍廟。樟樹可數抱。口岳林寺古柏。口口口縣南二十里。桃花嶺下有桃樹。約數圍。新昌縣南。南明山。月峽古松。唐人植。

天臺縣桑州驛古樟。圍十人。口天臺山萬壽寺古杉十二。各百圍。相傳雜漢所植。口羅漢嶺古檜十餘。大數圍。口歇脚寺牡丹二本。高丈許。每放五百餘花。華頂峯石罅有木瓜花。時一蛇盤其上。至落宮。供大士。乃去。號爲護聖。口資福寺怪松。大數圍。高不過四五尺。枝葉翔舞於水面。蟬狀類鳳。根盤頑龍。萬曆癸巳年。摧于溪水。口天臺山菩提樹。相傳西天梵修遺種。花葉如柿。結子爲珠。十百中。必一二顆如羅漢佛頭云。他處所無也。口楓樹嶺上古楓。高二十餘丈。大可數十圍。其中空。可容數百人。

永嘉縣象浦驛古樟。圍十人。石羊山穴中。枯木狀如石羊。色如蟹螯。平陽縣西南。峴山絕頂。二古木。冬夏常青。

建德縣橋山。相傳絕頂有羅浮橋一株。熟時風墜。得者云仙山橋。

桐廬縣東五十里。威陵釣臺崖上。香木一株。高丈餘。圍三寸許。歲長一寸。太監黃敬探買江浙。一日欲犯之。不能得。

蘭谿縣。口口古柏。明太祖嘗駐師其下。口黃湓大溪古檜一。其大合抱。高數丈。歲春夏。溪漲始發葉。如漲後不葉。必復大水。

真覺寺。智者大師塔上松。不下數百年。假塞如虬龍。

東陽縣南六十里。淮岩山。道旁有岩。可容數十人。旁有連理木。其大百拱。

浦江縣東明山之梅花泉。有老梅如龍。橫蹲泉上。

開化縣口口口銀杏一。其實從幹上墜。腫處剖出。云胎生銀杏。取其旁幹。接他本。仍實於枝。

麗水縣南十里。白雲山。麗陽廟。古樟。靈根千年。不榮不稿。柯萌時出殿外。雲和縣大杉。嘗緝圍之。合十九丈。徑六丈四尺。遠望百里外。

江西

南昌府孛應廟。古槐。唐崔隱士手植。曰聖觀二松。相去五尺。合爲一幹。名爲義松。西山。咸通寺。古娑羅樹。其下貯樓三楹。曰枯木樓。曰許旌陽手植桂。

建昌縣北五里。冷水觀。壽松。一名挂劍松。相傳許遜掛劍於此。甚怪。宋寶慶初。知縣曹幽亭其側。曰千歲靈根。曰縣治南壽樟。初邑人李左司公懋。仕於朝。宋高宗嘗問樟公安否。對曰。枝葉婆娑。四時常青。項安世作壽樟亭記。

鉛山縣北十里。鵝湖山。唐義公道場。手植羅漢松。

九江府城南二十五里。廬山白鶴觀。大松。徑丈餘。曰山西大林寺。寶樹二。一如蓋。一如塔。葱鬱異常。

德安縣嶢崑山。元陽觀。牡丹。根枝連抱。云玉仙所遺。

彭澤縣南。陶狄三賢祠。有山茶。大盈抱。二月三日祭時。花特盛。好事者分種之。竟無一活。曰縣南四十里。仲芳湖。上狄梁公廟。有柏八株。不腐。相傳公被譴。誠死。彭澤令。因三人值除夕。許還家。五日就獄。其踰期者。一喪母。一風阻。事聞。天后異而釋。因。因率男女五百人祠之。柏八章。相傳因劈餘枝所生。

建昌府城西南十里。麻姑山。殿後七星杉。圍二三丈。高切雲漢。橫列七株。故名。

撫州府城東北清遠鎮。禪居東山。有壽樟一幹。圍三尋。

清江縣署古松五。

安福縣東三十里。福聖院。唐仙女吳彩鸞來游。手植二樹。曰羅漢柏。歲花。口實。口縣西百里神楓。形如神面目。旱處封以泥。則雨。

高安縣署有偃松。曰城西南四十五里。集仙觀古柏三。許真君遁手植。有丹井。

萍鄉縣檀樹五。客以六十緡貨之。將伐。一夕生龍鱗。遂輟。曰縣治南寶積寺。羅漢松。黃山谷手植。

萬載縣曰六里。慈化寺。普菴道場也。倒栽松。圍可三人。根皆在上。枝幹下垂。枯枝如鐵。風霜不摧。青翠欲滴。

墨潭下陂。有六樹同根。各四五圍。離立。可置二席。

湖 廣

武昌城西。黃鶴山。仙叢亭。多叢。有一樹半榮半枯。云古仙所植。

漢陽城東北。大別山。太平興國寺。有柏。俗傳禹治水時所植。其根盤曲。直至柏泉寺井下。

四名。今柏根尙存。

襄陽城南七里。峴山。有晉柏。其柯幹如鐵石。

均州南百二十里。太嶽。太和山。古杉。大十圍者。至成林。曰榔梅。相傳真武神。折梅枝寄榔樹上。仰天誓曰。吾道

若成。花開果實。竟如其言。今樹存。

華容縣觀音寺。玉蘭樹。高一丈餘。遠如玉山。

荊門州靈鷲山。祖師洞。深數里。有樹數株。葉如冬青。實如紅柿。可愛。名曰仙果。觀音崖。娑羅樹。大二十餘尺。口

太陽山寺。娑羅樹一。口東嶽觀。銀杏二。大可數抱。嘉靖三十五年。伐其一。

巴東縣署。萊公柏。寇準爲令時。手植三株。

岳州西南洞庭湖。君山上。崇勝寺。古銀杏。大可數圍。腹中半焦。僧云。此秦始皇火樹。衡山縣西二里。靖居岩。有

羅漢果樹。口西三十里。衡山絕頂。有千年松。鄱縣康樂鄉神農氏陵。有二杉。一榮一枯。大數十圍。高不能測。根節

如鐵石。乃異人所植。莫敢剪伐。又龍爪樟。亦大數十圍。

武陵縣德山寺。古桂二。各大十數圍。

寧遠縣南六十里。九疑山。舜廟北。煉母觀。蕭韶祀林兩峯間。有松穿石白而生。枝柯拳曲。如伏龍狀。又沙樹十。其二七八圍。次五圍。縣官某嘗鋸其小者。大風雷。死三人。沔陽城北。紫陽觀。有三色檜。宋徽宗嘗賜金牌。曰。圓通神靈老柏。張來詩。亭亭古柏不知年。天寶以前善舊傳。

鄒州城北。杉江口。曹王塞山。其巔有石若鼎。在大石罅中。歲久石合。兩耳出石外。有柏樹生貫石耳中。桂東縣五十里。萬王城內。富桃李。就啖之。味甚甘。而不可攜。或私藏之。必失歸路。

四 川

四川布政司公署。故漢先主遺宮。柏二百本。堂前古桂一圍。四人花。時日掃數斛。成都城內。西南江濱廟。有六樹。傳自隋唐。高十餘丈。圍約三四尋。挺直如矢。無他柯幹。巔上生枝。葉若棕。圓狀。蔚龍鱗。而葉鳳尾。實大於棗。歲仲冬。有司祭而始採。諸葛武侯廟。古柏圍四尺。唐末漸枯。不敢伐。宋乾德五年。丁卯五月。枯柯復榮。

灌縣西北二十六里。灌口山。有古樹圍八九丈。上有寄生木。亦大數圍。云秦物。土人稱紫柏。曰縣西南五十里。青城山。天師粟。似粟而小。獨房。可治風。相傳道陵手植七十株。在上清宮。牡丹高十丈。歲周一甲始花。

彭縣玄妙觀。桂二。四時清陰。覆地十餘丈。西浦國寧觀。大楠木。陸車數百。仙人蓮君手植。

羅江縣吳氏塋。有柏。圍數十尺。中空。外曲。若蒼龍狀。枯而復榮。

蒼溪縣東南二十五里。雲臺山。有大柏。中空。可坐數人。亭其側。曰魁柏。

劍州西八十五里。延福寺。有巨木。一雙。羊。色白。時來其下。近則香。

廣元縣北。張道陵祠。有伏鬼井。道陵植杖井旁。今爲喬木。

梓潼縣北十五里。七曲山文昌祠。二晉柏。大幾三抱。

富順縣甘氏園。木黃葛。依石而生。方條忽拱。

永州縣有松化爲石。今尙斷節及根。

銅梁縣南五十三里。巴嶽山。木連樹高五六丈。葉如梗楠。花如蘭苕。出山則不植。

重慶城東北二百八十里。溪上有古木。盤屈如交龍。曰交龍。

涪州荔枝灘。荔枝十八株。猶唐所進楊妃者。今存其三。園可四人。

一。夔州府治東。白帝城之西。有木如桂。高三丈。相傳公孫述樓柱。斫之出血。枯而不朽。眉州治西南三蘇祠。古榆。

嘉定州治東。九頂山。兌說峯下。大楠三株。其麓清音亭。異柏四。曰葉細如剪。曰膚反如片。曰垂絲如柳。曰蠟刺。

如毛。又洗墨池。松四。假蓋如車輪。又海棠有香。其本合抱。峨眉縣楠木坪。石楠文杏。各大數圍。高十丈餘。又山半。

有老僧樹。初枯而中空。有僧坐化其內。樹復活。

大邑縣西八十里。鳳凰山。有紫柏。十圍。根盤巨石上。號騎鯨柏。

邛州無變色木芙蓉花。先白。次練。次緋。次紫。文宮花園有之。

合江縣南五里山。上有天符葉如荔枝。長而有紋。如蟲蝕篆。不知何木。或以爲劉真人仙蹟。

納溪縣楠木洞。二楠大不盈數寸。高丈餘。葉亦扶疎。雖千年如弱植。

江安縣三清觀。松二。高十數丈。

黎州安撫司廳東。梨。高九丈。圍九人。州人取其枝以接菓。相傳唐僧三藏。游西域經此。值梨杖處云。他日州。

治在此。果如之。曰城東十里龍池祠內。枯槎三株如龍形。觸之則風雨暴至。

福建

福建布政司後堂有大樹合抱。榕樟纏生。鬱然干雲。曰嘉樹堂。

福州壺江在海上。多烈風。面白崖之上。有椿一株。翠蓋亭亭。榕葉槐身。經年無鳥跡。雖風。

作不脫其葉。三年結子如紅豈。曰仙椿。

閩縣東十里。東山之松塢。有松。宋初物。錢昱題松身曰。景致福神仙。心幽道亦玄。憎閑出來世。松老不知年。

侯官縣雞籠山西。爲鳳岡。並種荔枝。大者十圍。高三十丈。皆閩王王審知所植。曰城北百八十里。雪峯山蘸月池旁。有古杉。閩王王審知與雪峯大師手植。皆數十圍。又雪峯道場有楊樹。藏樓三楹。曰枯木樓。

羅源縣山路旁。石岩下覆古樹。虬枝蒼蔚。其上石刻蘇舜元才翁所賞樹名。

永福縣東北口。方廣岩。徐君壇。古杉。高與岩齊。仙人福州徐登。東陽趙君炳。競術。君炳倒植。范林莊。登埋棋子田中。藥土成墩。植牛杖其旁。旋生枝葉。今老樹尙存。晉江縣城北雪山。宋時泉州治在其麓。宋韓國華爲守。生琦於此。生時。治前榕樹悉花。花如繁枝。今樹尙在。又城東鸚鵡山。承天寺塔。植榕樹。絕無矢汚。榕根盤鬱。無復侵出石闌外者。

南安縣西。九日山。延福寺。有無名木。宋時木也。而莫識其名。王十朋詩。一木蒼然老更奇。肯將名與世人知。我來不具知名眼。深愧平生未學詩。福泉山有徐道菴。菴前椽木合抱。紹興三年。水出其中。或以瘵病。

永春縣。樂山東臺。有橘一本。橘實隨人取。袖歸卽變蛇虺。人號東臺仙橘。

泉州城中。承天寺。菩提樹一本。大十餘圍。高數十丈。

建寧行都司。元平章陳友定舊署。多大樟。皆十數人合抱。一樹中空。可坐五六人。槎枒下垂。儼如岩洞。不知爲樹也。曰城南三里。開元寺。瓔珞松二。

建陽縣西北七十里。雲谷道中。有數松。詭異。石碣曰。戰龍松。朱晦翁書。

崇安縣。宋令趙抃手植梅。邑人碑之。銘曰。召有棠。棠有柏。清獻梅。碑以石。

浦城縣。門口村中。銀杏一株。世傳仙人擲樹枝於上。其枝垂下。生。每果熟。樹腫成大塊。破之。可得二。三斗。多至

擔負形神凡果若小味則相同。

尤溪縣西南百七十里分枝嶺。界泉之德化。上有大樹。南北分向。分縣境。

歸化縣羅漢寺。有樹名羅漢。結子如嬰兒。

莆田縣福平山鳳山寺前。有大木。乃甘棠。亦榕。槲。樸。三木。合爲一幹。蓋其初鳥食二樹之實。遺矢一樹中。若寄生。久之合爲一樹矣。輪囷蔽虧。參漢連午。東西不見。

仙遊縣楓亭驛。荔枝樹六株。皆參天。味最甘。曰大旗山石潮。有一樹。婆婆如榕。國有大故。樹輒先悴。人名知國樹。

漳州鎮海衛。榕樹。幹大如一間屋。蔭三十餘丈。翠屏山之麓。有大小二洞。洞口桃二株。不根土壤。對峙石壁上。高不及三尺。歲結碧桃數十顆。

光澤會仙岩。石斗岸上。有朱桃。熟時卽墮。人莫能得。

平和縣三平山。樟樹。云唐義中禪師。初入山。卓錫而立。化而爲樟。今尙存。

福寧州龍泉菴。榕樹。其中可盤坐五六人。枝梢寄生。大可數十圍。

廣

東

廣東城門光孝寺。菩提樹。梁天監元年。梵僧智藥三藏。自西天竺移植。今圍數抱。高十餘丈。經冬不凋。葉之筋脈。細緻如絹。廣人每用此爲燈。爲花。

南雄府城東三里。三松亭。其地隆然。高阜上有松三株。蒼翠如蓋。

潮州府治東金城山。韓文公植一木。今不識其名。但稱韓。土人視其花之疎密。以下登科多少。去祠十餘步。種之輒死。有題文公祠云。韓木有情空谷暖。鱷魚無種海潭清。是也。

廣

西

桂林府南門榕樹。唐總管李靖所植。歲久根蟠。分而爲二。

貴縣城內陸續井。口乾和中。刺史劉傳古植橘一株。

慶遠府城北山大岩。唐仙人陸禹臣。嘗手植桃榴於左各一。又淨瓶植榕樹。凡二十四葉。至今不凋。

橫州馴象衛。殷指揮園鐵樹。高三四尺。幹葉紫黑。葉小類石楠。周年乃花。花四瓣。紫白色。如瑞香。累月不凋。嗅

之草氣。(王濟日詢堂手鏡)

雲

南

雲南府城西南三十里。太華山寺。山茶八株。高四五丈。香閣前古椿。圍二丈。蒼幹入雲。千餘年物。府城南昆明池。山茶亦大。

安寧州西岸曹溪寺。曇花一樹。相傳自西域來。扶疎百尺。綠紫白花。移植他處。終不復活。溫泉側有無名樹。僅四五尺。蟠根石岸。四時不凋。亦不長。楊用修有瑤草蟠千年之語。今距用修百年矣。形質如故。不知其何木也。

江川縣北二十里。雙龍鄉有古樹。不知其名。春茁葉。自南則旱。自北則雨。自東自西則風雨。時禾黍登。四圍並發。則饑饉旱澇。驗之不爽。亦不知昉於何代也。

太和縣上關和山之麓。有樹高七八丈。葉如桂。花白色。每朵十二瓣。應月數。遇閏加一。相傳仙種。更無別本。土人因其地。名之曰和山花。

白崖川口口口菩提樹。高四丈。

臨安府口口口荔枝二樹。並合抱。

武定府城西五里。獅山上小池旁。羅漢松一。大數十圍。霜柯鐵幹。世所罕見。

金甯衛城東北八十五里。瀾滄江。其南三十里。有萬箭樹。段氏時。蒲蠻出沒。經此。過者射其樹以厭勝之。至今猶然。高丈餘。鐵如蝟刺。

貴

州

貴州金雞驛東。十餘里。松樹山。山石如臺。高數千餘尺。上五松。自漢以來。至今不改柯。(

談瀛曰。余輯古本在令者。據地志及文志記誅耳。秦蜀閩粵滇黔中。地多深阻。歷代探木。輒致異材。而徵文考獻。自恨寒儉。誠爲寸朽。貽笑鄧林也。

歲

仙稻。宋大中祥符五年。求之占城。分給江淮間者。耐旱熟。

江西建昌府。產銀珠米。宋時太守沈造嘗獻。

金華香杭。梁開平中。亦松增道士周曰獻。松湖西杭米。於錢武肅王曰。此實仙種。三秋穗重香濃。止五十區。鼠則野彈逐之。雷則香塵逐之。王密遣張思敬往視。果然。遂賜紫衣錢帛。明初沿宋制。歲貢香米三十担。太祖曰。我訪知開擇國澤者。用黃絹袋盛貯。封護進呈。今後回秋糧送納。不須歲貢勞民。自此遂絕。（金華府志）

平涼番麥。一曰西天麥。苗葉如薔薇而肥。短末有穗如稻。而非實。實如塔。如桐子大。生節間。花垂紅絨。在塔末。長五六寸。三月種。八月收。（平涼府志）

襄城縣。上產芒大麥米。大麥亦可釀酒。漢書。揚州有桃花米。卽今秦州紅也。爲下品。米豆。雷州府思靈島出。枝葉似柳。花如烏豆。一種之後。數年生實。淮南子。豆之美者有米豆。

竹

杭州餘杭縣之洞霄宮。竹葉探之。或不露骨。云無骨箬。嚴州越王竹。聞人聲則縮入沙中。

延平府劍津西。山有朱竹數頃。按朱竹。世未之聞。元時宋仲溫在試院卷尾。以硃筆掃之。故張伯雨有偶見一枝紅石竹之句。管夫人嘗畫縣崖朱竹。楊廉夫題曰。網得珊瑚枝。踣躅貧簪谷。明年錦棚兒。春風生面日。蓋畫中朱竹。不謂實有之也。

鄱陽人言山中產異竹。高十餘丈。其徑盈尺。截而為笛。往往得泉甚甘。山人亦多壽考。（陶安學士集）
袁州萍鄉縣羅霄山。晉葛洪修煉處。壇生二竹。風動如掃。人謂之掃壇竹。又岳州平江縣幕阜山。一名天岳山。上有仙壇。瑞竹同本異幹。隨風掃地。名為掃壇竹。

均州西南蕪山。孤竹三莖。歷三年一筍生。一筍甫成。則一竹枯。代謝不已。
茶陵州真仙洞。有竹節長一尋。徑數尺。名曰雲英。

廣州增城縣東南二十三里。猊山產婆羅竹。圍三四尺。性至堅。土人取以為弓。

衡州衡山有萬年竹。

惠州羅浮山。有巨竹十圍。節長二丈。曰龍葱竹。
平樂府平樂恭城二縣。出筋竹。可作衫。充暑服。

峽州宜都縣飛魚口。產紅竹。大者不過寸許。鮮明可愛。又有竹。斜節如龍鱗。山園中間有之。不多得。

【長 韭】

浙江象山縣東南百餘里。大海中韭山。產大韭。徧地為然。

四川巴梅峒長官司南八里。昔有人遺韭種山頂。韭長才許。四時茂盛。民多食之。

【彭 侯 芋】

福建連城縣蓮峯山。產彭侯芋。葉大如盤。冬夏不枯。過年子落崖下。人難取。取以播種。亦不能熟。舊傳彭侯所種。

【甘 藷】

甘藷。俗名紅山藥也。徐玄扈相國曰。近年有人在海外。得此種。海外人亦禁不令出境。此人取藷。蔗絞入汲水繩中。遂得滲海。因此分種。移種略通閩廣之境。俗名番藷。蔓地生。形員而長。味甚甘。山藷為劣。蓋中土諸書所言藷者。皆山藷也。今番藷。撲地傳生。枝葉極盛。若於高仰沙土。深耕厚。以旱則汲水灌之。無患不熟。閩廣人賴以救饑。其利甚大。（農政全書）

朱齋產呂宋國。被野運出。不待種植。夷競食之。萬曆中閩人移葛以歸。種之。數日即榮。瘠鹵沙崗皆可植。糞之加大。泉人資以充饑。何鏡山先生（喬遠）有番諸頌。

【荔 枝】

弘治壬戌。沈石田有白茆。顧氏種荔枝成樹。詩云。常熟顧氏自閩中移荔枝數本。經歲遂活。石田使折枝驗之。翠葉芴芴。然不敢信也。以示閩人。良是。因作新荔篇。

按吳地荔枝難種。往聞吾西湖馬太僕三才墓舍。有荔枝樹垂實。爲俗子伐去。偶見沈氏詩。後人獨不爲繼美耶。

龍眼荔枝二種。廣東止於韶州。南雄則無。福建止於福州。至延平則無。大都近海之郡則生。不近海不生。閩俗女子將嫁男家。先一年送荔枝紅。

【獨 本 葱】

馬湖府產獨本葱。宋真宗罷獻。

【羅 漢 菜】

南昌西山羅漢菜。因靈觀尊者自西域持至。葉如豆苗。蘄州三角山亦出。雜以葷即無味。遼陽東二百餘里。山深林密。不見天日。產人參。採者以夏五月入。裹三日糧。搜之最難。或徑迷斃人。萬曆中遼東李都督如松。嘗餽某侍郎一本。重十六斤。形似小兒。海鹽姚叔祥

記。

【人 參】

【地 黃】

懷慶地黃。蓋藉濟水灌畦而肥也。不知密縣東北一帶。旅生實繁。苗時懷人用青蚨買去。每斤值五六文耳。計其所獲。畝鬻十金而饒。（密縣志）

【琪 樹】

琪樹垂條如弱柳。結子如碧珠。三年子乃一熟。每歲生者相續。一年綠。二年碧。三年紅。綴

【佛 手 柑】

佛手柑一名飛檳。鉅滔母孫瓊與定夫人書。此中果有胡桃飛檳。

【薔薇露】

薔薇露。出大西洋國。如牡丹花。露晶瑩。芬芳襲人。澤體膩髮。經年不滅。

【大內瓜子】

大內多異物。歲一閱視。出之於廷。有瓜子長五六寸。闊稱之。不知何地所產。其瓜當大於屋。此古來史冊所未聞也。袁貴妃父祐記（五堂舊記）

【文林郎】

濟南文林郎果。本草云。出渤海。如李如林擒。其樹自河中浮來。得之者爲文林郎。故云。檀子經野火燒死。根不灰。色白類龍骨。

【不灰木】

不灰木也。其長莫竟。滿澗皆是。色白而軟。非木也。可以燃燈。類於龍骨。故訛傳耳。齊地記曰。東武城東南有盧水。二側有勝火木。方俗音曰檀子。其木經野火燒死。炭不滅。故東方所謂不灰之木也。

【君子樹】

君子樹似松。曹爽樹之於階。（廣志）

【木威】

廣西宜州木威似楸欄。葉間有實。毳生似橄欖。廣東蓋號爲烏欖。邕貴間謂波斯橄。其葉兩廣人用作雨衣。柔韌密緻。勝青油也。

【血樹】

血樹似芭蕉。如血。根幹紫黑色。高者七八尺。雲南臨安有之。

【塔松】

峨眉山塔松。狀似杉。而葉圓細。亦不見高。重重偃蹇如浮屠。山頂尤多。

【椿實】

鉅野縣郊外紅樹一枝。蓋椿實也。與餘者不同。（楊士聰靜遠堂集）椿木實。香可瞰。

【陰陽柏】

海鹽橫山崖孝廉培元家廳事前。二柏始百年。專左花右實。予聞而特過之。真奇種也。按陳澧儒太平清話。南渡時。高麗進陰陽柏二株。僅二尺許。高宗以賜王陶。陶種之。永懷寺。

高輿殿齊。每歲左花則右實。右花則左實。

【紅豆樹】

南京牛首山東北鄭太監墓。有紅豆樹。

【順 刺】

長清縣界齊鎮北。古城棘刺皆順而不鈎。世傳宋藝祖微行過此。（長清縣志）

【菴 草】

山海經曰。大騶之山。其陰多鐵。美玉。奇聖。有草焉。其狀如善而毛。青花而白實。其名曰菴。服之不夭。可以已腹病。今亦存其名耳。併美玉。奇聖。皆烏有也。（寧縣志）

【松 羔】

秦地松樹。彌望山中尤多。其小者曰松羔。以木稱羔。與羊羔之羔義同。（楊士聰玉堂薈記）

【金 剛 纂】

天目山金剛纂樹。長不滿三四尺。多屈曲。雖春夏亦無葉。每觸其枝。曳裾不前。夷緬國有是種。相傳劉其末以漬水。水必毒。飲者立死。（安吉州志）

【赤 藤】

雲南大侯州。產金剛纂。其色青。狀如刺桐。性最毒。赤藤產緬甸。朱色可爲杖。

【孝 陵 海棠】

孝陵海棠。獨結實。外香中酸。

【指 甲 花】

指甲花。五六月開。花細而黃。類木犀。中多須蕊。香亦絕似。葉染指甲。其紅過於鳳仙。稽含南方草木狀。胡人自大秦國移植南海。（日詢堂手鏡）

【婆 樹 木 花】

婆樹木葉似海桐。又似楊梅。花紅白色。三四月盛開。備紅紫白諸色。叢蕊並蒂。大可尺許。出四川峨嵋山。

【木 蓮】

峨嵋山木蓮。四季盛開。青結。

【娑 羅 樹 花】

早金蓮。五臺山出。瓣如池蓮。較小一圍。而色如真金。挺生墮地。相傳是文殊勝蹟也。天臺山娑羅樹花。一名鶴翎。出華頂峯。以多經風霜。樹不高大。樹數十枝。枝千餘頭。頭六七葉。經冬不凋。花如芍藥。香如茉莉。唐天寶初。安西道進娑羅樹。

【唐 婆 鏡】

唐婆鏡一名差大花一名倒垂蓮本草所謂鬼目也其花背日與蜀葵相反
牛首山鄭玄監（強）藁有薔荷花

【滇 茶】

御史鄧鍊論滇茶十德色之豔而不妖一也樹之壽經二三十年者猶如新植二也枝幹高疎有四五丈者大可合抱三也膚紋蒼潤點若古雲氣罅蝕四也枝條黝糾狀似塵尾龍形可愛五也蟠根獸攫輪囷離奇可馮而几可藉而枕六也豐葉森沉叢茂七也性耐霜雪四序常青有松柏之操八也次第開放近月方謝每朵自開至落可歷旬餘九也採入瓶中不養之十餘日顏不變半含者亦能自開十也

昆明池山茶見吳人葛一龍四憶詩

【玉 女 花】

沁水縣王韓村玉女祠有樹每歲再花春赤秋黃人不之識張大理五典載之縣志大理長孫都督道濟遂名曰玉女花蓋今人耳目短隘或他處有是花具其名未可知也曹縣青山之上神祠縣志云樹古不知其名郝秀才元謂南人過之云樸也夫樸爲下材猶隔于淺識况其他乎孔杯之樞子貢所植即吾鄉黃檗嫩葉可茹俗名茶娘也于年五旬因過丹陽摘芽同舟人語及有省否則終其身不知樞爲何木矣

【勞 山 牡 丹】

膠州勞山明霞洞宮白牡丹一本非近時物豪家匡氏移去而匡氏敗有白衣人見夢于道士曰我今來矣果舊坎復藥至今存匡氏之種萎高相國記延安府膚施縣南四十里牡丹山曰花原山多牡丹樵者以爲薪又縣西牡丹川牡丹特盛又宜川縣東二十五里牡丹原

【沈 萬 二 牡 丹】

南京都察院河南道署中牡丹單紅爲國初沈萬三物

【延 州 紅】

延州杜甫川西三十里曰花原頭其山高五里曰二十里千餘年來土人種牡丹幾徧至

折爲新。故名花原。牡丹譜所謂延州紅也。

【海 棠】

大足縣古昌州也。海棠獨香。故又名棠國。唐有大足年號。郫邑以年號名者種種。如仁壽崇慶之類。（郭子章蜀草）

【金蓮寶相花】

南京鷄籠山五顯廟。金蓮寶相花。一曰優鉢羅花。開必四月八日。至冬而實如鬼蓮蓬。去衣。其核中則金色佛一尊。

【紫 金 蓮】

金鄧縣嵩山法王寺。紫金蓮開中秋一月。云神光說法時。從地湧出。移他處。卽稿。

【橋 頂 花】

隨州大洪山。有岩花菜。橋頂花。他方所無。（李維禎大洪山記）

【普 舍 樹】

施州普舍樹。四時間百種花。惟草氏子教歌舞。其下花乃自落。

【素馨茉莉】

陸賈南行記。南越五穀無味。百花不香。獨有二花。不隨風上而變。素馨茉莉也。

【特 產】

閩中紅茉莉。蜀中紫綉球。楚中紅梨花。燕中黃石榴。天臺黃海棠。白海棠。白紫薇。碧桂花。白玫瑰。洛陽黃芍藥。皆特產。他地所無。

益都方物略記。有赤鷓芋。止言可口。歲不言其花。予里個人偶種得花。開以日中。花成條。若簇小粟。香如蓮。色如百合。亦若葵而稍淡。先有臺。如荷包之花。綻而臺破。見鄭以儗詩中。

袁石公盛稱湘湖蓴菜。美不知湘湖無蓴。皆從西湖採去。以湘湖水浸之。蓴菜經宿則愈肥。凡湖泉水皆可浸。不必湘湖也。今人但知湘湖之蓴。又因石公言。謂非湘湖浸不佳。皆耳食者耳。見李流芳集中有蓴菜歌。

【廬 山 紫 芝】

晁無咎鷄肋集。舊說廬山有紫芝田百畝。人莫得見。偶於開元棲賢林中。步二日。各得一

【木 瓜】

枝。正枝如玉。云云。噫。紫芝可植。所少晁無咎其人耳。木瓜。出汲縣。爾雅曰。楸木瓜也。衛人所賦木瓜卽此。

【芍藥】

灑陽芍藥芽。代茗飲。曰瓊芽。先朝進御。見黃滔集中。

【不出宮菊】

宋徽宗藝菊。有小朵銀色者。不令分種子外。禁中名曰不出宮。菊譜所謂御愛菊也。

【菊實】

盛弘之荊州記。穰縣芳菊被崖。水極甘美。菊葉短葩大。太尉胡廣。恆汲飲此水。又收其菊實。傳植京師。稱今內鄉縣。(楚寶)

【菊譜】

趙俊谷先生(時春)菊譜序曰。菊之爲華。冬培根。春藝苗。孟夏分植。仲夏而迄。季夏再取其肄。又植之。終夏而止。至秋大盛。伐其條肄。以培其花。迄秋而大成。初冬大發其美。既馬。幽人騷客。率以發詠。至宋人譜之。而大備。色之殊者。或如舉。或崇。及尋丈。色品繁。阜宜。陽及圃中者。宜原野下者。蔓衍丘陵。皆華而不實。其植以根。枝蔭之。根成而暢。晚乃見其白面。內苞作筒。外瓣單者。香甘。宜醇酒。御風濕。養老壽。本草杜甫詩所謂甘菊也。開以伏日。而色紫紺。結子卽種。而不根。莖。世號六月菊。今吾郡及雁門西高山多有之。菊之資也。華之不植。而灌柳者。或萬數。僅如大小錢。但可釀麵。不足稱也。受培植而藝工者。子其身。保其葉。翹然上生。其端有微葉。乃參之。而又子其枝。保其葉。條然扶搖。其端有微葉。又參其巨莖。而伐其細苞。參三以應陽九。亦菊性也。率以微葉冒端者爲微。否卽口糾。藝者必審於此。故花大及二寸餘。小者猶當十錢。參三之而不可遇者。或至再倍。身洪大者。如大小指可枝。單者猶二三尺高。率及人肩。眉渡之最盛者也。糞必熟薄。而兩數均平之。漑以二五日。陽地以涼。陰地以溫。漑。溫泉。洪河之波。漑最良。良獸之腥。尤宜漑。幣之陳。油宜糞。分植而未根。麥宜陰。或蓋冒之。樹蔭之。漑以葉舒爲微。拳旣漑之。或以壺水如針孔者。雨之。俟可肄。宜移諸陽。皆上品也。其下者。亦居陰。寒冬除其霜霰。或曰此北方平原法也。寒甚失陽。上品花或否。南方炎洲有雪。乃開。或至中冬。大抵菊凌霜耐寒。亦粟中和之氣焉。養生米泔。輒生蟲。臆廚六畜之賤。藝工動作之疏。率能敗菊。於法當除黃。中央

土。正色。菊本黃。上品大黃菊（正黃）金鶴屋（黃幅赤心二品畏寒雪多覆之）赤金盤（黃赤）玉繡球（淡黃）黃鵝毛御愛黃（俱千葉夾黃中品）火煉黃（黃幅纈焦）佛面黃（俱千葉）蜂窩黃（名金荔枝一名萬卷書）葉筒幅單黃（大金錢）單黃（金簪頂一名遠枝嬌）幅單纈黃下品硬幹）赤南方火正色絳紅紫以淺深別也。非加服之間色也。上品絳紅袍（正紫）紅鵝毛海東紅（早紫俱千葉初紫晚作茄花色）中品狀元紅一曰舊朝服（初紅晚黯黃）下品金眼回（單紅幅黃筒纈）白西力金正色凡色白者皆靚潔而香菊爲甚。皆可釀酒入藥。上品平白（雙幅黃纈半）青心白（千葉纈微青）白鵝毛（千葉細尖）白蜂窩（卽口菊）銀鶴頂（單白幅淡黃）金盞銀臺（單白幅正黃筒纈）粉色得人之正色青且麗者也。上品銀鶴頂（紅纈白幅）荔枝紅（白纈幅漸作淺深）大粉息（千葉）中品玉蘭友（小粉息千葉）虞美人（雙幅粉黃筒纈）八月菊（粉翻千葉）八月蜂窩（粉幅筒纈）

【 蘭 】

蘭有紫黃碧三種。又四川霧中山產赤蘭曰冬蟬。黃蘭曰玉蟬。紫蘭曰金蟬。宋末鄧所南畫蘭不根土。曰今日此土非我有也。雖憤語。而天臺山產風蘭。鹿角蘭。俱不土而活。

宋政和五年。正月。密州產蘭。彌漫山谷。或附木石。或出平地。有一本數十花。層疊高丈餘。五色咸備（密縣志）蘭有蒲蘭線蘭各種（保定縣志）

【 棉 花 】

潁州志。紅棉花青棉花俱間產。

綺之屬。卉服。今木棉。而織貝爲木棉之精好者。曰桑絲。曰木棉。維竟與揚之烏夷作貢。彰矣。古之所謂綿者。絲綿也。古之所謂布者。棗布也。故唐人稅法。每丁歲輸絹或綾。纈共二丈。棉三兩。輸布者麻三斤。宋林勳作政。本書匹夫之貢。惟絲與棉。非蠶鄉則宜布麻。夫以綿而繫之絹。以布而繫之麻。則綿爲絲綿。布爲棗布也。明矣。元學士王

馨序農桑撮要之書云。木棉種於陝右。輟耕錄云。閩廣多種木棉。紡績爲布。蓋木棉出於南夷西域。宋元間始傳閩廣。關陝至明時乃盛。

【茅】

苞茅出阮江。一莖三脊。瀛州青茅草可爲筆。

河南新鄉縣魯包村仙茅。世傳西域僧所獻。唐明皇服之有驗。至今江南人呼娑羅參。嚴州釣臺地。止生白茅。無他產。郎瑛詩。乾坤留節氣。草木顯清風。

【仙草】

雲南蒙自縣有仙草。葉圓枝細。其葉乾之一二年。蘸以井泉。或氣呵之。復鮮茂如故。柳州產筴草。俗呼不死草。牀如茅。高一二尺。食之令人多壽。暑月置盤筵中。蠅蚊不近。物亦不速腐。戰國策。楚人獻不死之藥。卽此。

【真仙洞草】

茶陵州真仙洞。深十里許。有草一本。枝高三十丈。狀如芭蕉。延平尤溪縣之雙峯山。生異草二種。一如婦女束髮篦。名觀音篦。一如樺燭。可灌油照夜。名觀音燭。

【俱那衛樹】

俱那衛樹。高七八尺。枝脆葉狹而長。花紅。根似玉簪花而小。曾師建園中記。南方花有北地所無者。閣提茉莉。俱那衛。皆出西域。盛傳園中。北地雖植。不能活也。

【夢花草】

綏寧縣產夢花草。其莖如藤。其花黃白。叢條如綫。有疇昔得夢而遺忘者。紐之卽寤。見一統志。嘉興包公刻先生（汝楫）令綏寧。嘗訪之士人。不知也。

【虞美人草】

四川雅州和夷壩。虞生美人草。歌曲其草自舞。

【羅漢繖】

衡山天掌峯。生草兩莖相纏。垂頭如繖。俗名羅漢繖。

【通靈草】

成化時邑人孫暉守潯州。斷藤峽有草名大藥。治金創撲損神效。孫人珍之。孫歸移種而萎。弘治三年三月忽生後圃。孫曰：思之二十年不圖復見。名通靈草。今不傳。或有之。無知

其名者。

【相連草相離草癡漢藥】

貴州青浪衛山間產相連草。苗婦於高山長歌連日。歌淫心蕩。有草飛來入懷。置衣袂間。令人相思欲死。相離草。投飲食中。令夫婦參商。又草名癡漢藥。

淫婦以食其夫。如醉夢絕無妬心。（徐尙書良彥隨風錄）

茶

國家歲貢宜興縣芽茶百斤。內二斤。上南京禮部。六安州芽茶三百斤。

廣德州芽茶七十五斤。

建平縣芽茶二十五斤。

浙江長興縣芽茶三十五斤。納南京茶。出顯渚。卽券茶也。近時僧大方製法。剪去尖末。號大方茶。按朱長文吳郡圖經續紀。茶長洲縣生洞庭山者。與金時蘄州味同。近年山僧尤善治製。謂之水月茶。以菴爲名也。頗爲吳人貴之。

嶼縣芽茶十八斤。

會稽縣芽茶二十斤。

永嘉縣芽茶十斤。

臨安縣茶二十斤。

樂清縣茶十斤。

富陽縣茶二十斤。

慈谿縣茶二百六十斤。縣西南六十里。宋寶祐間丞相史嵩之治募建開壽普光禪寺。其山頗產茶。殿帥范文虎因置茶局進貢。元明皆仍之。

麗水縣芽茶二十斤。

金華縣茶二十二斤。

龍游等縣芽茶二十斤。

臨海等縣芽茶十五斤。

建德縣芽茶五斤。

淳安縣茶五斤。

遂安壽昌二縣各茶五斤。

桐廬縣茶五斤。

分水縣茶一斤。

江西南昌府芽茶七十五斤。

南康府芽茶二十五斤。

贛州府芽茶十一斤。

袁州府芽茶十八斤。

臨江府茶四十七斤。

九江府茶一百二十斤。

瑞州府茶三十斤。

建昌府茶二十三斤。

撫州府茶二十四斤。

吉安府茶十八斤。

廣信府茶二十二斤。

饒州府茶二十七斤。

南安府南康縣茶十斤。

湖廣武昌府茶六十斤。

番州府浦陰縣茶六十斤。

寶慶府邵陽縣茶二十斤。

武崗州茶二十四斤。

新安縣茶十八斤。

長沙府安化縣芽茶二十二斤。

寧鄉縣茶二十斤。

益陽縣茶二十斤。

福建建寧府建安縣芽茶千三百六十斤。內探春二十一斤。先春六百四十三斤。次春六百六十二斤。紫筍二百二十七斤。薦新二百零一斤。按何喬遠閩書。建安縣鳳凰山之麓。曰北苑。所焙茶最知名。曰社前。次曰火前。又次曰雨前。火前爲寒食前。雨前謂穀雨也。鳳凰山旁曰壑源。曰沙溪。皆產茶之地。而壑源爲冠。

崇安縣茶九百四十一斤。內探春三十三斤。先春三百八十斤。次春百五十斤。薦新四百二十八斤。計天下貢茶共四千二十二斤。而建寧茶品爲上。宋元時所貢必碾而揉之。壓以銀板。爲大小龍團。明初以重勞民。罷造龍團。惟採其芽以進。

自貢茶外。產茶之地。各處不一。頗多名品。如吳縣之虎丘。錢塘之龍井。最著。攷南宋。蘇州茶額六千五百斤。元無額。明納錢三百十九萬三千有奇。惟吳縣長洲有之。

成化三年。奏准南京供用庫歲用芽茶。坐派池州府二千斤。徽州府三千斤。葉茶徽州府二千斤。蘇州府二千斤。滁州二百斤。徐州二百斤。廣德州三百斤。（南京戶部志）

四川茶園十株取一。徵茶三兩。茶四十斤。易番人馬一。李文忠以茶五十餘萬斤。易馬萬三千五百十八匹。今茶課本色十五萬八千八百五十九斤。係石泉建始長寧等縣。並建昌天全烏蒙鎮永寧九姓土司辦納。

陝西茶課。今五萬一千三百八十四斤。係興安紫陽石泉漢陰西鄉歲辦。

陸羽茶經曰。杭州下。蘇州又下。建州未詳。郭子章曰。今三州名甲宇宙。豈山川清淑之氣。當竟陵時。未苗爲茶也耶。

宋貢茶。首稱北苑龍團。而武夷石乳之名未著。至元設場於武夷。遂與北苑並稱。今但知武夷。不知北苑矣。明朝不貴閩茶。卽貢亦備宮中浣濯瓶盞之需。貢使數費金抵京。買而納之。卽間有採辦。皆延平產。非武夷也。（延平人呼製茶者曰碧堅。新茶下崇安。令例致諸貴人黃冠。苦於追呼。盡斫所種。武夷真茶久絕。）

【金 絲 煙】

金絲煙。出海外番國。曰淡巴菘。流入閩粵。名金絲煙。性燥有毒。能殺人。天啓二年。貴州道梗借徑廣西。始移其種。葉似薤。長莖。採而乾之。刃批如絲。今燕及江南北。崇禎十六年。勅禁私販。至論死。而不能革也。

【經 劫 草】

茶陵州雲陽山有草高三十丈一本千枝一枝萬葉百年而開一花已開而謝陰卷晴舒名曰經劫草（茶陵州志）

隨動

【獸 異 名】

獸之異名者曰舍利能吐金曰獼氓能化虎曰鼯白虎也一名素威曰鱸黑虎也曰螻蛄似狸長百尋曰象輿其背可坐曰獬胡似獼猴曰飛渡天上神獸也曰禹馬能知生死飲其血則見血曰狻夷音如斲木曰山禪其行如風見則大風曰辣辣狀如羊一角一目曰吉量文馬乘之壽千歲曰跼跼曰屏逢皆左右有首曰鵠蒼異犬也曰驚帆者快馬名曰飛燕馬也張半狗亦名飛燕曰鯨鯢者一角羊也能觸罪人曰倉光水獸也一身九頭善覆舟曰破鏡惡逆獸曰不來狸也曰印印距虛比肩獸也曰花鵠王鐸卑脚犬也曰天鹿即天祿純靈之獸曰角端日行萬八千里曉四夷語曰麟幽隱獸也能避災害曰籟斯散宜生賂紂馬也曰荼首兩頭鹿也曰瞿摩帝牛也曰躡躑距虛類曰蒙貴狀如孫而小善捕鼠曰饜者出大秦國似狗多力獲惡曰夙蝮水獸也曰白藥踰輸山子皆駿馬名山子又名五明又名叱撥曰野子即騰豹也

【禽 魚 異 名】

鳥之異名者曰畢方能銜火作災曰駭麟驚雉也曰屬主俱鴨而大曰鸚鵡似鳧而脚高皆辟火災曰庸渠鳧也曰焦明似鳳曰帝江天山神鳥也能歌舞曰鈎星衣毛為鳧脫毛為衣能收小兒魂魄曰鸛鶴者出慕山如鷄三首六目六足三翼食之無臥曰翟如白首三足人面曰囊蓋者冬見夏蟄服之不畏雷曰鵠鵠者出小侯之山食之不瞋目曰鳩者出女兒山雉名連日雌名陰諧曰鳩鴉離也曰鷓鴣班鳩也曰鴛周子規也曰須麻鳩也膏中瑩刀曰舂鉏鸞也曰鸛鷓如鷓一名鷓鴣一名驟羿人射之則銜矢射人曰希有嶼崙大鳥也曰啐啞禁鳩也曰鸕蟠即鳩也曰晨風鷓也曰博勞惡鳥即鴟也又名伯趙曰商羊

南禽也。曰鷓鴣。比鷓鴣也。曰謝。杜宇也。曰調狐。怪鳥也。曰鷓河。澤鳥。相視而生。曰河濱堆。隰山鳥也。明皇取其聲為曲。又作鷓鴣堆。曰迦陵頻伽。妙聲鳥也。曰僧婆。雁也。曰秦吉了。能言鳥也。曰鷓鴣。出條支國。高七尺。解人言。曰乾澤。鷓鴣也。曰雁鳥。無也。曰鷓。山鳥也。曰鷓鴣。水鳥也。曰鷓鴣。即青鳥也。曰批類。即鷓鴣也。崔明鳥。曰鷓鴣。九頭鳥也。曰韓明。鳥雙飛。即韓漫夫婦所化。曰漱金鳥。魏時昆明所獻。吐金屑如粟。鑄之可為器也。曰冠冕。石首魚所化。永族之異名者。曰鰻。鰻狀如斜斗。曰鰻。有橫骨如鼻前。所擊無不中斷。曰鱧魚。如便面。雖負雄行。曰鰻。蝦。益人顏色。曰鰻魚。如圓盤。口在腹下。曰三鰻。似蛙蛤。曰蚌。江似蟹而小。曰蛇。小螺也。曰鰻。腹中有蟹。曰水母。有管。無耳目。曰龍。鯉一角。陸君曰文。鮒狀如覆鉢。曰鱗。大龜也。曰吉。龍甲也。龍生二甲。一為吉。其脂治瘳。曰地甲。龜也。曰神。屋曰菴。紫螺也。曰活。師即科斗也。曰仲。明。鱗魚也。曰鱗。刀。鯊魚也。曰魁。陸。蚌也。曰人魚。鮑魚也。其膏可為燭。曰小唐。如小兒。鱗甲如鱗。鯉好在。讀上白。曰元。緒。神龜名。曰彭。越。海中。小蟹也。曰鱗。鉢者。浮陽魚也。曰魚。比目魚也。曰鱗。鱗。即鳥。鱗魚。腸也。曰鱗。魚。魚之生。母也。凡諸魚。欲產。輒以頭衝其腹。曰印。頰魚。即。坡。詩。通。印。子。魚。也。曰。出。出。揚。州。魚。也。又。名。解。曰。沈。虎。虎。頭。魚。也。曰。潛。鹿。鹿。頭。魚。也。曰。奔。鯨。一。名。鰻。鰻。婦所化。曰白髮魚。出滇池。曰妾。怪魚也。出博。白。曰鱗。如。鵲。而。十。翼。捕。之。可。以。禦。火。曰。燕。魚。也。出。福。州。曰。鱗。蟹。也。曰百足。亦。蟹。也。長。九。尺。四。螯。煎。為。膠。謂。之。螯。膠。出。善。苑。國。曰。黃。臘。即。鱗。魚。夜。有。光。如。燭。雖。為。米。不。滅。曰。骨。雷。鱗。魚。也。一。名。忽。雷。能。化。為。虎。曰。螭。螭。傍。海。大。魚。其。滑。甚。毒。曰。係。臂。如。龜。入。海。捕。者。祭。之。則。出。馮。時。可。稗。譚。

龍

龍生九子。蒲牢好鳴。因牛好音。螭吻好吞。嘲風好噴。睚眦好殺。負屨好文。狴犴好訟。狻猊好坐。竊下好負。又博物志。憲章好囚。饕餮好水。螭好腥。螭好風。雨。螭虎好文彩。金龜

好相。蝦同好閉口。蚶好立陰。鱉魚好火。金吾不睡。皆龍種也。

嘉靖初海門縣牛潛潭。龍無數。傍崖近水處。皆龍窟。母過其下。亦不傷人。偶黃龍。揚氏射之。中一目。黃龍

遂以楊氏舟挾寶山巖。迨無害。餘數十舟覆沒。

嘉靖七年。寶應知縣聞人語。以射陽湖水患。奏開月河。試築紀功方類地。祇舉事。二龍戲水上。鱗角畢露。衆懼而寢。時大雨繞四野。獨不及工所。咸稱其異。（以上揚州府志）

南昌熊太僕。□□以比部郎。讞獄永平。大雨三日。雨中若列千萬炬。自西北至海。及霽。有大木三十。長十丈。遭永平城下。土人曰。龍王採木。數十年一見。

諸城縣海邊人家。有室女及笄者。夏雨。以手掬簷溜。後右手拇甲內。若有紅線寸許。作盤屈之狀。年餘不滅。亦無所苦。女伴戲而恐之。曰。得非龍乎。明年夏。雷雨。女出其手於窗外。忽震雷碎。從窗間起。有龍出拇甲中。騰空而去。但甲分黃。餘亡恙。

沁水張忠烈（銓）以御史巡視隴右茶馬。某地巨魚半露。人樹食之。明日又半露。仍樹之。日露日樹。旬餘。大雨。龍上昇。而樹食之家俱漂沒。（忠烈子道溶說）

陽城縣劉村劉氏。夏雨。跌坐。拊指挈動。頃之。破膚而出。長三四寸。騰雲頓長數十丈。指微痛不覺。（張藐山先生說）

峨嵋山前。爲龍穴。游人至。僧鉢盛之。如蜥蜴。尹仲曰。此下方蛇醫。何龍也。僧指示首爪。特異。僧舍有碣。昔有誤汲入釜中。頃刻雷電大作。晝晦。諸僧不知所爲。老僧曰。得毋煮龍子乎。亟發釜出之。立霽。

伏牛山泉。遊人祈龍現形。可三四寸。鱗角蜿蜒。盛鉢中。云佛受記。（以上臨海王恆叔游記）

曹縣苗家寺佛像。指出龍財三寸。條數寸。首向佛。歛忽透空數十百丈。赤光閃指。今佛指痕存。（曹縣郝開宗記）

平胡徐在中。以工部郎中。分司張秋。張真人舟過。侍兒清麗。徐時諳之。真人曰。先生可自重。此某地龍也。不信。

令進盤水。侍兒忽入之。卽雷雨。

萬曆己卯。行人謝杰。使琉球。航海颶風作。大雷雨。有龍三。掛於舟上。見其頭角。一長年曰。此來朝爾。書急挾杰起。書免朝示之。卽退。

崇禎丙子。沁水曲沃村山崩。露龍骨。首如五斗盎。角長三四尺。齒廣寸許。爪甚長。人多拾之。藏於家。

龍三。停九似。自首至膊。膊至腰。腰至尾。皆三停。角似鹿。首似蛇。眼似甲。項似蛇。腹似鱗。似魚。爪似鷹。掌似虎。耳似牛。

龍涎香。出蘇門答剌國。其國西有龍涎嶼。嶼南平里洋之中。掌龍交戲其上。潛涎爲國人駕罽。未解何採之。每一斤。值其國金錢百九十二枚。准中國銅錢九十文。嘉靖三十四年。下戶部取香百斤。徧示京師。不得。下諸藩司採買。廣東購。每斤千二百金。僅得十一兩。進內驗。不同。姑存之。亟取真者。廣東隸因馬那別的時。有一兩三錢。上之。黑褐色。密地山夷人。纒上六兩。白褐色。細問狀云。黑者採在水。白者採在山。皆真。不贋。尋有密地山商。更上。通前共十七兩三錢五分。次年進內。辨驗。是真。許留用。自後。勇領聞上。供稍稍挾來。定價每兩售百金。龍涎之爲用也。入香合和。能收斂。腦。辟。清氣。雖數十年。香味仍在。焚之。翠烟裊空不散。或言涎沫有三品。曰泛水。曰滲沙。曰魚食。泛水。則輕泛水面。善水者。伺龍出。隨取之。滲沙。則凝積多年。氣滲沙中。魚食。則龍糞散於磯。惟泛水者可入香用。又魚食。亦有二種。海旁有花。若木芙蓉者。春夏間盛開。花落海。大魚食之。若腹腸中。先食此涎。花嚼人。久卽漲悶。昂頭向石上吐沫。乾枯可用。惟糞者不佳。

【 蟒 】

爾雅。蟒者大蛇也。蟒無角。無足。龍則俱角足。今織蟒俱龍。非禮。見弘治元年都察院左副都御史邊鏞奏禁。

【 蛇 】

京師西山潭栢寺。有青蛇二。歲四月八日。僧雨示大衆。施錢。手摩之。祈免死。梧州火山有

蛇廟佛爐上蛇時纏之大小不等。少則百餘。多則四五百枚。盜狡不服。子蛇燃之。是盜則嚙。否則絕不傷人。天啓初。福清葉相國（向高）應召道淮陰。苦清口澗。禱於金龍大王廟。或作神語。此地屬張將軍。常問之。若外河。吾常護送。夜果水漲。達清口。是日蛇附於柁。薄暮升柁樓。忽不見。相國勒記廟中。

崇禎口口大旱。某縣有三蛇。金背白腹。長三四尺餘。有司設酒殺祭之。一蛇躍上臺案。吸酒盡。須臾不見。（陳眉公集）

脆蛇出岷崙。聞人聲。卽自寸斷。人伺其斷。鉗取之。須寸各異處。待風乾入藥。若少須無人聲。寸寸動躍。仍續而蛇也。主治色勞。以驚疑喪膽。惟此可續命。本草方書不載。（玉鏡新潭）

【石魚】蘇東坡曰。倦游錄云。隴州地名魚龍。出石魚。掘地破石得之。多鯁細之形。鱗鬣皆具。一如描畫。魚龍古之陂澤也。豈非魚生其中。山頽塞久。土凝爲石。遂留形跡耶。

萊陽聚溪出魚鳥石。云魚淤沙中。久之化石。（文太青集）

【飛魚】國初杜侍郎（寅彥正）云。有人航海。得飛魚於黑水之陽。其長二寸。頤兩鬣。各廣長寸餘。張爲兩翅。海風發作。從波濤集船上。如燕雀。旣止。則不能飛。意者爰居海鳥。亦此類與。

莊周所謂鷓化爲鷓者。荒誕也。

【五色魚】隴州魚龍水潭。深不測。產五色魚。俗以秀靈。莫敢採捕。

崇禎元年八月十三日。狼山兵人喻棠布。疊於港。夕得魚可三尺。巨首細尾。體甚重。投箸箸中。忽太息曰。我游自海上。乃受制乎棠駭之。卽移歸。漸縮作鮒。三其尾。棠懼。擲殺之。

雲南百夷中有小孟夏江。產鮓魚。食之日御百婦。故夷性極淫。貴賤俱有數妻。山中又有變毒餌。一刀圭。終身斷絕人道。土人以飼牝馬。不食也。（滇程記）

【鮓魚】

【狼山魚】

【五色魚】

【飛魚】

【石魚】

【鱖魚】

四川通志榮經縣生鱖魚狀如鯢有四足大首長尾聲如嬰兒緣木弗墜。

【通州鱘魚】

通州人葛原六魁梧豪俠人也。以布衣獻鱘魚百尾。時用法嚴。或阻之。原大笑曰。爾不上食父母耶。君猶親也。庸何傷。及至上召問之曰。魚羹何如。對曰。臣未進。不敢嘗也。上大說。

命賜酒食。仍還其一。曰。勞汝勞汝。其後歲進至九十九尾。著為令。

【畫魚】

重慶府龍門山寺吳道玄畫魚籃觀音池魚五色。類籃中物。相傳倪失之。魚水頓竭。既獲。即如初。（陳周蝶菴存稿）

【石花魚】

保德黃河之鯉肥美。甲天下。產處僅三十里。以食石花而肥。曰石花魚。

【銀魚】

寶坻縣銀魚。每歲霜降。銀魚自海沅流而上。縣設六廠。各漁戶百七十人。每歲中官下廠督捕。進貢七次。

【鯽魚】

南京朝貴。惟胡惟庸故府。每歲於玄武湖中。勅賜打魚三日。名飯魚。滁州城濠。產鯽。歲貢一千四百尾。以元日冬至分進。留都。南京後湖。濬州河。並產鯽。西寧

衛四五百餘里。青海。方數百里。一名卑朶羌海。有海皆負黑點。漢末王莽。風卑朶羌獻西海地。置郡。即此。

【蛙】

峨嵋山天樂池中有蛙。遊人鼓掌。則一鳴。羣蛙次第相和。將終。則一蛙大鳴。羣蛙頓止。宛然一部鼓吹。

【玉蟾】

楊城李瓌。從宦葭州。署後圃。見白蝦蟆。甚大。如瑩玉。呼家衆視之。已失所在。

【蝗】

蝗腹下有梵字。自忉利天梵天來。西域作天壇。饗之。（西陽雜俎）

【螢蟬】

江下魚化爲蝗。而食五穀者。百歲來鼠。（述異記）
環慶無麥秋。大梁無螢。無寒蟬。然寒蟬螢。北京有之矣。地之異耶。冷使然耶。李夢陽集。

【金蠶】

無錫郡迪光金蠶說略曰金蠶閩中有之形似蠶色黃其說不見於諸書閩人云蠶所在有金焉或過而拾其金蠶必與俱之家若不令與俱輒營營然緣足而上撲之復起旋撲旋起延及身手膠手掣足瞠目窒鼻兩目眈眈類無色澤四肢百骸愉快若失而死迫矣即不與俱而還其金亦由首金踵適然下地而不然者果死矣既已之家必倍其金以嫁於道路乃出否則不出也而所居家日殺一人亡論親疎怨德觸之必死死必其日所音觸者其毒蓋寓於盤殮飲食間故閩人有不知而偶拾其金以歸及已知而苦無金倍送者或雖知且有金性貪以忍者往往有是蠶云（歸儀樓集）蠶蟲北海所無獨西南方有之閩廣滇貴延綏臨洮俱有閩字從蟲謂金蠶也

【野蠶】

夢溪筆談禹貢萊夷作牧厥篚麋緒史記作禽絲爾雅曰麋由桑顏師古曰由桑之絲其制中琴瑟之絃蘇氏曰惟東萊爲有此絲以之爲絃堅韌異常萊人謂之山蠶爾雅曰蠶桑蠶由栲樹轉繭繭繭境蕭繭今萊陽之由壤繭蓋情繭也牧乘七發野蠶之絲以爲絃殆所謂蠶繭而鞞堅者與（文太青集）

永樂時山東進野蠶絲製爲薦之太廟羣臣稱賀今東齊山谷有之與家繭等蠶月浴種出蟻蠕蠕然即散置繭樹上繭樹初生時發蟄不覺桑桑熟其眼食食盡即枝枝相換樹樹相移皆人力爲之彌山徧谷一望皆蠶其蠶自能壯大生而習野處風日雨中不爲罷然或傷水噴畏雀噪野人飼蠶必架廡林下手長竿逐樹按行爲之察陰陽禦鳥鼠其檢也與家蠶相後先其檢者春夏秋歲收焉種大者二寸非黃非白色類土淺則黃壤深則赤埴埴如果蕪繁實雖綴木架間又或如雉雞殼也蠶食櫛名櫛食椿名椿食椒名椒蠶之小者作蠶堅如石大才如指在深谷叢條間不關人力樵牧遇之收曰山繭繭不加染黜而有章敵不易色宋王禹偁小畜集云野蠶自稱繭繭密爲山繭此物產何許萊夷自海州一端重數斤裁染爲襲裘云讀是詩則知宋時未始珍也且曰

裁染不幾於漆方竹杖乎。

【鳳尾】

正德中武陵陳洪謨守漳州之三年海上田者見大鳥飛過遺羽一於水涯長七八尺五采炫煥衆以為鳳尾來獻命藏庫中後鎮闕來取答以焚棄陳洪謨字宗禹弘治丙辰進

士兵部左侍郎所著高吾詩集。

【碧雞】

歙縣許文穆相國（國）孝廉時讀書宣城石山寺偶見二青鳥飛鳴移時乃去僧曰碧雞也傳聞唐時李翰林自蜀中攜來者我明惟舒梓溪賦元一見因出所藏圖卷示之許

作碧鷄篇綴其後。

【雞足山異鳥】

賓川州雞足山有金雞泉日有異鳥飲之鳥來必雙至二十雙而止四時皆然鳥無增減亦無盈縮

【石燕】

零陵石燕相傳能飛飛即風雨唐詩石燕拂雲晴亦雨是也謝鴻云向在鄉中山寺為學見高岩上石有如燕狀者因以筆記之石為烈日所暴忽有驟雨過石即衝起往往墜地

蓋寒熱相激而迸若非真能飛也（五雜俎）

【朱鷺】

密縣志紅鶴大如舒鴈羽白而喙朱聲最濁食魚巢樹疑漢朱鷺此也

【海鵬】

正德末有鳥黑色大如象舒翅如船篷飛入長安門內大樹上啖人鵝如拾蛆蟲然數月方去人以爲海鵬也

【石鵝】

萬歷庚子七月由東任城縣浚河於石中刮得二小鵝大如拳能行動一老工曰三十年前曾得一

【白蝙蝠】

李太白集荊州玉泉山多乳窟山中有白蝙蝠飲乳水而長生其大如鵝

鶴

萬曆庚寅。夏。臣謨入朝。偶見苑中五色鶴。異之。有詩。山東泰安州甘露寺林鶴。每六月朔去。臘月朔來巢。遼陽多鶴。嘗千百盤空。列袖傳所云遼陽鶴不虛也。

淮安海州產鶴於濱海蘆葦之區。捕者深入。必折葦記徑。或得其卵。蒸置故處。七蒸七伏。因剖爲杯。注酒。氣形而上如鶴。

【鶴】

鶴有長水石。故能於巢中養魚而不涸。鶴取礬石周卵。以助煖氣。

【鷓鴣】

弋陽汪少宰（偉）嘗赴中官席。飯僅半甌。香滑而甘。異於常產。問所出。則蜀中歲進。其來生於鷓鴣尾上。每尾止取二粒。放去。來時仍可取也。

【鷓鴣】

萬曆三年乙亥。黃克梅北征。道出九江。同知洪樂卿告曰。元年癸酉。正月二十五日。中使自西域取二鷓鴣。歸一紅一白。毛羽鮮麗。蓋人所未覩者。自言隸蜀始得之。至楚而穆皇

已賓天矣。有詩紀感。

【沙雞】

萬歷間。京師市上有鳥。大如鷓鴣。毛色淺黃。足五指。有細鱗如龜文。名曰沙雞。云自塞外至者。其味亦似山雞。（五雜俎）

沙雞。西北邊鳥也。虜騎數擾。沙雞無止。冬月薄暮。羣飛過都。如風成陣。後飛止江北。食禾稼。鳳陽守臣奏異鳥。崇禎七年事。（陳子壯南宮集）

壬申沙鷄入京。每來則邊警。蓋古突厥雀也。丙子虜入宣府。舉朝未聞。上從宮中。傳諭本兵。始知其事。（楊士聰玉堂書記）按唐高宗甘露元年秋。鳴鷄羣飛入塞。人呼鳴鷄。厥雀南飛。戎馬必至。已而泥孰句反。至春羣飛出塞。多墮靈武間死。視之無首。後泥孰句亡。噫。以古準今。昭若左契矣。

【綠鑿采雞】

諸賢有貨藥毒人者。問於酈煖。酈曰。汝欲其急死乎。曰然。曰。願死。禍將及身。不若緩之。使其人不知。可自免也。其人善之。乃易綠鑿與之。約有數月。始應。至期。又問曰。汝欲其必死乎。抑尚可解也。曰。吾昔有甚怒。今稍解矣。曰。前與者。綠鑿也。不能殺人。殆緩爾怒耳。其人悔謝而去。是年。母鷄抱卵。三日。羽毛變五采。頭距易狀。徧邑人來觀。曰。鳳鶴也。恐非地方利。夜縱之。長山上。錢德洪有綠鑿采鷄傳。

【雞】

鷄昏鳴。俗所異也。崇德曹廣遠。崇禎庚辰登第。其家鷄昏鳴。詰朝捷至。

元氏長慶集云。元和十五年。奉宣廟令。採同州雙鷄五聯。各重四斤。頻年採取。一聯不獲。自臣到州。詢問採捕人等。皆云。二十年。採得一聯鷄耳。昨旬日之內。并獲兩聯。斤兩輕重。悉符詔旨。今同州鷄無聞。止稱秦和鷄。萊陽鷄。

【鴉】

廣東無鴉。又四川龍安府。鴉至四月終。有烏羣啄之。鴉俱匿影。華亭包長明守羅定所說。

【羅雀】

桐城左道直。光斗。萬曆庚子。離館里許。有白雀巢園。飛集環數百雀。江南老人指示。士人曰。此巍科之應。左即登鄉榜。飛去。丁未會榜。又來巢。榜發。又飛去。後官中丞歸。被逮。

公子往宿壽州。居停誇言羅有白雀。視之。左翅有黑點。仍庚子丁未巢館園者。問其羅。曰。三月二十九日。即中丞被逮日也。爲之嗟嘆。購之。隨身至宿州。羈宿公館。未發。中丞問狀。曰。白雀爲羅。命也。夫。綠其毛羽。爲虞人所損。附歸善。候其滿。縱之中丞。父甚愛護。七月二十四夜。忽遇貓害。中丞父慘然。知非佳兆。後因聞至。果二十四日也。

【抵詭】

衛輝府。治前石獸曰抵詭。說文云。此獸其性忠直。

【桃拔】

西域諸國。烏弋有獸桃拔。一云符拔。似鹿。長尾。一角者。或爲天鹿。兩角者。或爲辟邪。安息有大鳥。其頸身似鷹。蹄似麋。色蒼。舉頭高八九尺。張翅丈餘。食大麥。曾以大鳥卵獻。

漢。卽此鳥卵也。條枝亦有大鳥卵如鸞。大月氏出一峯臺。謂脊上有一峯也。

【毘耶】瓊州臨高縣西市。毘耶山有獸似犬。里人呼爲毘耶。

【裴休】眉山有獸。送客呼以裴休。則應。

【騰豹】廣東肇慶府西北十五里。騰豹嶺。以產騰豹故名。騰豹。汰猴類。頭正方。貌類人。髮長尺餘。皆覆面。欲有所睨。輒搖頭。以兩手披之。

【獅】天順中西番獻獅子。道死。獻其皮。錦衣衛指揮僉事喜信使其人上書。求通開西域。西苑

【鹿】獅日食一羊。西域胡人主之。白衣纏首。帶衣綠。支正三品料。

【犬】南京靈谷寺。太祖手書第一禪林。鹿百十爲羣。其懸銅牌者。國初所畜。

【雲南縣南二十里。木山寺有木犬。貴客至。木犬自吠。

俗說犬豕獨產。不利爾雅。犬生三豕。二師。獬豸生三一豕。二師。一特。郭璞注。猪生子嘗多。

故別其少者之名。又致富奇書。犬生一子。其家三年內大發。

【羊】山西羊有八角。至四角六角爲常。

【白兔】松潘出六角羊。土人云。羊與鹿交。故六角。

虎鹿兔。皆年千歲。滿五百歲者。其毛色白。萬歷中有船商。自暹羅攜白兔歸閩。售四五百金。

每季而育。其種日蕃。蓋另一類。生卽白色。崇禎中。浙直徧有之。直三四金。

【鼠】詩。相鼠有體。人而無禮。陸機云。河東有大鼠。能人立。交前大脚於頭上。跳舞善鳴。相地名。

按地志。相州與河東相隣。則知相州有此鼠。詩人蓋取譬焉。又密縣開腸山。周圍三里。產

香鼠。惟經人行之路。則抱蒿莖棘枝而死。或樵牧者偶遇之。亦不能多得。黃花鎮。禮鼠。色如貂毛而淺。冬聚榛實。

於穴作歧穴貯之。多至三斗。其榛實皆美好倍常。山鼠多掘取之。鼠失榛實。牝牡皆拳。豎樹枝懸死者縊。蠶將閔之。雖厲禁不能止。

【麟】

麟。爾雅釋。麇身。牛尾。馬蹄。一角。春秋所獲麟也。大麇一角。牛尾。即漢武郊雍所獲麟也。不角者。麒麟。宋仁宗嘉祐二年交趾所進。二麒麟。牛身象耳。狗足魚鱗。所食草木皆中國無有。

【豪】

山海經。華山西七百里。曰高山。出豪。今平涼。羌高山六盤。是也。豪。斲狀如。斲。毛似刺。而大。可以為簪。黑上白下。甚美。弩之能射物。以自衛。嘉靖以前多有。平涼府志。

【馬】

廣寧苑。荒熟地。二萬五千八百八十頃。五十三畝。縱五十里。橫一百里。碑標十五樹。額軍五百人。原馬并駒二千二百五十六匹。

【黑水苑】

荒熟地。萬一千六百二十七頃。九十六畝。軍民地相交。碑標十五樹。額軍二百七十六人。原馬并駒一千四百匹。

【安定苑】

荒熟地。二萬五千九百一十頃。三十一畝。縱七十里。橫四十里。碑標二十二樹。額軍五百四十二人。原馬并駒二千四百七十四匹。

【萬安苑】

荒熟地。二千九百五十七頃。四十三畝。額軍四百四十六人。原馬并駒千九百四十九匹。

長樂監。轄廣寧。開城。黑水。安定。四苑。靈武監。轄清平。萬安。武安。三苑。共（以下原缺）

幽冥

【東岳】

博物志。東岳主召人魂魄。其始不過謂東岳。屬木為魂。蓋以五行象類言之耳。非有他也。昧者不之察。遂謂人死。魂皆歸東岳。岳神將治其生時善惡而罪福之。

【文昌】

俗云。南斗注生。北斗注死。故以北斗為司命。而文昌者。斗魁戴匡六星之一也。俗以魁故祠文昌以祈科第。因其近斗也。故亦稱文昌司命云。傅會甚矣。至以蜀梓潼神為文昌化

身。又可笑也。（五雜俎）

梓潼神。清河張戶老之子。名亞。字儒美。周後七十三代。世為大夫。未嘗酷虐吏。西晉末。丁未歲二月三日生。

載化書。廟在劍州梓潼縣。

梓潼縣有善卷祠。一曰惡子。民歲上雷杆十枚。歲盡不復見。云雷公取去。

【三官】

三官之名。古不經見。始見於張魯傳中。魯以三官教行于蜀之鶴鳴山。凡人有所祈禱。則書其事狀為三。一焚于山上。謂達于天官。一瘞于山下。謂達于地官。一沈于水中。謂達于水官。其祝日。以正月之望為上元節。祝天官。七月之望為中元節。祝地官。十月之朔。謂下元節。祝水官。後人妄撰

為三官經。謂陸氏子娶龍女。生三子。俱有神通。一天官。一地官。一水官。

【羅者洞】

枝江縣西南羅者洞。即春秋羅子再遷之地。居民罔知。託以神怪。楚記。

【靈濟昭烈王廟】

廣德州城西。橫山有祠山廟。神吳興張勃也。一云武陵龍陽人。生西漢末。遊荅之閭。自長興之荆溪。鑿河至廣德。功半道于橫山。人祝之。夫人李氏廟。在州東二里。曰昭妃

廟。

象山縣志。唐末忽有一石香爐。立而附于人曰。吾姓莊名穆。祠山昭烈大帝也。當廟食此山。以福斯民。衆驚訝。教諭梁宗明。率衆立廟祀之。今日莊穆廟。噫。一祠山昭烈也。姓名互異如此。

崇善王陳頊

錢塘崇善山。頊爲半山祠。崇善王會稽陳頊。晉時使卜斷臂不屈。卜壯而歸之。歷仕四州。食邑會計。葬崇善山。有女弟避寇山洞。不欲乞食。絕粒死。屢有顯靈。或曰碧霞元君碑云。

弘治時。遣使祭之。穆宗時祠茲山。

文明夫人

天台山東壁嶺。專文明夫人廟。周顯德二年建。神本婦人。龔嘗見怪。配以文明。龍王遂釋。瘧鬼姓彭。兄弟三人。遊于廣漠之野。古帝王裔也。凡運劣者。遇之輒病。病時直呼其名。卽止。今太原郭守詢。呼之有驗。作瘧使司記。

瘧使司

輪迴所

天啓乙丑。沁水故縣。蕭蕭味道。疫死。再日甦。云冥司誤攝司日輪迴所。其嫂變黃牛。其脅白。償何騰蛟。穀八斗。尊嫂沒。何氏產特。數月斃。魯皮得穀八斗。

碧霞元君

漢明帝時。西王孫寧國。奉符縣善士石某妻。金氏於中化元年。甲子四月十八日子時生。名玉葉。貌端而性穎。三歲解人倫。七歲開法禮。西王母十四歲。感母教。入山得曹仙長。指入天空山黃花洞修道焉。天空蓋泰山洞。卽石室處也。三年丹就。元精發而光顯。遂依于木山焉。

李諤瑤池記。黃帝建岱嶽觀。嘗遣女七人。雲冠羽衣。修奉香火。以迎西嶽。帝疑是考之。則玉女必黃帝遣七女中之修而得仙者。後世因之祠于山。高誨玉女考。

嶽頂玉女汝側。故有玉女神像。泉源壅濁。宋真宗東封。泉忽湧澈。故祀之。馬端臨通考。又碑史漢時。仁聖帝前。

有石琢金童玉女。至五代殿圯。石像仆。至唐童泐。玉女淪于地。至宋真宗封泰山。還次御帳。滌于池內。一石人浮出水面。出而滌之。玉女也。命有司祀之。封天仙玉女碧霞元君。後祠日加廣。

【聖女祠】

林縣東南二十里下山村聖女祠相傳高歡之女母嘗食楮于此母與其女三人願殉其葬天彰其德以爲河水神每災害禱之輒應

【玄武神】

而紀之。(朱公安遊太和山記)

黃帝之子昌意娶蜀山氏女生高陽氏陶七洞之津是爲玄武帝也役御百神召至雷電乘結元之車周旋八外鎡羽山銅爲寶鼎以獻于神峯陶貞白與楊許諸仙往來親得其說

太和山巔巖若殿殿可三日許俱銅質沃以黃金棟柱門屏題莖並具其後與四天兵皆銅精工踰土木

【漢壽亭侯】

江東刻關廟會文五十篇侯靈批評爲序論文以抽發性靈爲主(陳明卿無夢園集)歸安昆山人關侯廟潘少保印江(季馴)建閣額曰武安王廟殿額曰漢壽亭侯關公廟

旁署羽書出鸞筆又題柱曰昭昭與日月爭光悠悠共乾坤不老

海鹽吳尙書(中偉)先任貴州學使公署前有侯祠以其障而徙之加閣麗焉已坐堂上有銀甲三人直人不爲動俄子婦痲疾死第無如尙書何也(沈太學世洎說云尙書而語者)崇禎丙子二月朔流寇攻桐城卜于關廟不利褫神衣斫其右臂及攻城斫者死焉賊完像懺罪

壬午十一月十九日夜淄州翰林侍講孫之澗夢神禦北兵及兵至知縣史能仁巡南門父老言神像汗如雨事聞于朝

癸未正月朔河西務關廟僧夢神禦敵久馬生鱗虱求整刷驗之良然吾寧南門內關廟扁未了英雄出鸞筆丁亥正月三日仁和臨平鎮戊主寓東大橋之關廟久矣是日小卒忽作神語吉數其罪戊主怖謝請修廟小卒素不知書至是手疏里人名醜建揭旗以募或書國號卽裂之但書神號而已戊主因避他舍其事予友人目視

【周 凱】

東甌周凱。吳晉間人。時橫陽永寧安固三邑地皆斥鹵。凱開導三汀。悉注於海。因射箭退潮而沒。民為立廟曰仁濟廟。至今有司歲祭。

【雷 廟】

予友姚榮夫為高州幕官。高去雷陽三百餘里。自言親至其地。見所謂雷公者。為子言甚詳云。其地雷聲特異。雖時小殷。屋瓦皆震。如近在簷宇間者。若迅雷。必連擊數人。雷之神

曰陳文玉。有廟甚威。犯者必死。廟門建二高標。每欲發聲。或享祭時。必有紅白二鳥。飛集標上。怒氣勃然。無不沮喪。廟中人云。廟後山有所窟也。皆瘴土中。出則行天。其言如此。榮夫曰。一日郊行。忽數夫昇一物。至狀類豚。體有斑點。文問之曰。此所謂雷公也。俗謂之土猪兒。昇將何之。曰。往瘞之耳。董穀雷公傳。考雷廟在雷州城西南八里。陳大建二年。州民陳氏亡子家畜異犬。九耳。每獵。下其耳動多少。為所獲數。一日九耳皆動。既而獵得一卵。圍尺餘。捧歸舍。忽震雷劈開。得一兒。兩手有文。左曰雷。右曰州。及長。名陳文玉。登第。為本州刺史。沒後。靈大著。州人祀之。自五代至國朝。皆加封祈禱。無不應。其名雷州。自唐貞觀元年。或曰城南十里許。有擊雷水。州人以名。

【白 眉 神】

教坊供白眉神。朔望用手帕針線刺神面。幃之甚謹。謂撒帕看人面。則或溺。不復他去。白眉神。即古洪涯先生也。《花鏡志》。

【李 衛 公 廟】

安吉州李衛公。《德裕》廟。宋政和二年三月四日。廟中隕石云。歲豐之兆。熙寧甲寅。嘉定己卯。元泰定己丑。三月乙巳。明成化辛丑。八月甲辰。俱隕石。殿像無一損。《安吉州志》。

【諸 葛 武 侯 廟】

洛川縣諸葛武侯廟。規制闕麗。相傳宋曹武惠。《彬》過之。以偏霸撤其廟。闕下石不可去。刻云。知吾心腹事。惟有宋曹彬。武惠神之下拜。烝嘗加虔。石從訖中。并祀武惠。又田者

得榘瓦。修尺有一寸五分。博四寸。形如常瓦。獨兩厨中空。枕之。值更輒鳴。怪而碎之。內篆孔明行軍枕。字徑寸。高

平。馮東部卷志。時宰洛州。殘瓦之字。

【岳武穆廟】

由陰王方伯（泮）嘗過湯陰。勸詩岳祠中。意寓微諷。遊里以示郡守蕭良。久之。郡人其被冥攝。見釋注方伯毀謗先賢。蕭良爲證奪壽。亡子孫。墨書。其他善事。朱害也。鄰人驚晤。走語方伯。果然乃改前詩。馳刺湯陰之祠。雖壽終。亡子。（白洋朱氏說）

嘉靖初。錢寧死後。魂遊翟駟馬家。作聲曰。謀反非罪。許宸濠宴駕迎立。雖然數也。秦檜欲殺岳飛。不合助言。冥司問七次。凌遲。今三次矣。問在宋何人。不肯言。召天壇道士遣之去。（王文祿庭聞述略）

【晏公廟】

晏真人。名北海。宋元祐時。晏坊人。牧牛至旗面山。遇二仙。奕石上。侍閱良久。各授桃食之。後羽化。鄉人立真源堂奉焉。凡蝗蝻水旱。祈之有應。（歸化縣志）

臨江府。清江縣北三十里。清江鎮。晏戎仔。宋初爲文錦堂局長。因疾歸。登舟卽尸解。人以爲神。立廟祀之。有靈異於江湖。國朝封平浪侯。按兩晏公。今郡縣多祀。晏公或清江晏氏耶。

【蕭公廟】

新淦縣北四十里。大洋湖。人蕭伯軒。宋咸淳間。死爲神。立廟元朝。以其子祥叔合祀。本朝遣官諭祭。永樂中。其孫天任卒。屢着靈異。亦祀於此。詔加封水府靈通廣濟顯應英祐侯。

（臨江府志）

秦和蕭蘭芳歿。鄉人奉爲小神。永樂中。裔孫天任。復以神顯。啖白石一拳。坐逝。遺骸貯木桶中。置廟東廡。江湖榜人崇之。太監鄭和。下西洋。奉神命。封平浪侯。（烟霞小說）夫英祐侯一人耳。名稱互異如此。曷從而訂之。質叔向以臺榭。問賈生於宣室。當有其人。敬識於末。

【宋相公廟】

富陽縣紅山。宋相公廟。宋口寧宗時尙書。棄官修道。咸淳二年。成神。今其後人。皆習禳厭之術。

【利濟侯】

金元七。前元長洲民。世出一人。生有神助。專拯熱溺之患。年四十上下死。輒着靈異。今其

地曰金家莊。(陸采覽勝記談) 曰有二子。痘夭。因願歿身爲神。救危痘。七月七日赴周涇河死。顯口國初。金元七總營。萬歷初封專筭痘司。

東華洞仙

東華洞主人郭維貞。固始人。宋季隱莆田之靈公山。不仕元。杜門學道。因葬焉。其家奉一仙曰郭東華極靈。後莆田周吉崇禎庚辰進士授懷寧令。左兵充斥。仙爲書符封卻之。問後福。書云此人乃岳武中宮第七子降凡。日後有封侯之職。是仙能書書。

宮亭神

宮亭神甚靈。有婢名如願。客有所求。叩如願即獲。又能于湖心分風。使上下各得順風。故劉剛詩云。回艦乘派水。舉棹逐分風。

神樹

正統二年六月乙亥。雲南晉寧州舉正楊茂。上言城外塔墩有大樹。頗怪異。居人祈禱輒應。因斲塔墩聖母。曰神樹永樂中大風折其樹。軍人陳福海鋸以爲板。內有神像戴冠執簡。容貌如畫。人皆驚異。立祠以祀。加封號。上以淫祀非禮也。其止弗聽。(寶錄)

雪冤紀異

祭酒汪偉曰。南臺侍御萃亭沈霽子公。正德戊寅秋七月奉命按視屯田於江北。未至全椒三里。縣人手訟牒隨而訴者幾輩。君點數而目識之。既而失其一。詰諸左右。左右謾應曰。蓋講而散者也。至縣座行臺。訴者入。沈見三人焉。隨宜處分之。末一人蓬首跣足。衣敝甚。乃道中所見而復失者。君問之。若何許人。應曰。全椒何名。曰小羊。訟何事。曰有冤也。有牌乎。曰無。有沈吐之使起。因忽不見。急索之弗獲。然是時亦君獨見之。而與之言。左右莫見也。君知爲妖。大駭。雨汗嘔痢交作。縣令孫贊入問疾。君語之。故因詢之曰。縣中得無有冤乎。對曰。往年有顧景祥者。爲其弟景原景昭所害。及其子計兒。事適敗露。殆非是耶。意景下

有小祥字。半爲羊耳。君疾隨亦良已。遂竟其獄。則小羊者。景祥乳名也。豈不大異哉。

貞婦著靈

正德丁丑歲。黃巖結訟者。夜泊清風嶺下。內數人妄議貞婦。因誦詩詞。以資誇謔。即時風

南暴作。舟覆而死。續有與冒者。遂有奇禍。見蔡潮重修清風虛記。

【百老屯】

正德十三年。車駕出居庸關。駐蹕。有白鬚翁百人迎駕。近則無所見。因名屯曰百老。

【劉兆元】

上海劉兆元任懷慶推官。臥疾。見女子旁侍。以家婢令取茗。恍惚不見。遂引告。卒於家。嘉靖間事。

【曾銑】

江都會石塘。一銑。諸生時。構文苦思。嘗步入叢塚間。見岸鬼語河鬼曰。若何時得脫。曰。明且榮備代我矣。石塘明且候之。果榮備將滄足阻之。夜聞鬼語曰。本得代。奈曾砍頭誤我。

【楊繼盛】

嘉靖戊午。四月。三殿災。人見楊椒山。巾青縞服。雙眸爛爛。馮午門西角檻。若指揮撲滅狀。踰時方隱。

【王秋英】

嘉靖甲子。福清諸生。韓夢雲。捧石湖山道觀。夜麗人至。云。王秋英字濟容。禁人。元末從父官。值寇擾。崖死。感德。相就輒數日。一至。多吟詠。明年寒食祭墓。卽出見。同歸。生子萬曆。祭已。以緣盡。泣別。

【上神陰譴】

吾寧石井村某。怙訟。寓杭城十三變巷。醉而渡。上神祠前。已悟。而禮謝。及訟勝。饗飲而酤。謂神費我。熱一札於爐。當訴汝。城隍廟蓋戲也。夜夢神曰。汝自棄自醜。於我何預。卽訴于城隍可也。汝狂悖。關公行撻汝二十矣。明發懼不出。晚巷見筮上人。傳呼過者。避入酒肆。所懸牌。適觸之。墜筮上。怒之。逮酒家。誤及某。撻二十。則通判關世教也。

【屍穢】

洛川縣某死。戒屬夜侍。各假寐。屍忽穢。偏吸諸人口。其一驚走。掩戶。屍退出。格於戶。相抵。詰其人。集。嘆以犬血。屍始仆。不泐。月受吸者。相繼歿。高平李養志。吏部說。吏部培。

見語。

海寧袁花鎮。祝俊卿。父歿。宗越方酌奠。屍忽躍起。諸人咸曰俱死。父尙在。孝廉。朱近修說。

【周如砥】

卽墨周礪齋祭酒。少讀書。東郭精舍。舊有崇。公獨宿不懼。夜忽一衣縞少艾。立燈下。久之不去。叩以功名如券。且期末。年一見。及卒之前歲。往往遙見之。

【蕭觀察】

江右蕭口口任浙江按察使。亡子。而斃。其應嗣者。有戚友來候。徑三衢。其故嗣求附行。雖知其鬼。不能却也。因入杭之官舍。出口大門。見拒。乞楮錢若干。許之。見其隱鼓中。亡何蕭

下世。嘉興沈德先主事。記其名。

【陳夢璇】

閩人陳夢璇。官粵東。江隘。來舟誤觸。篙工踣懇。陳氏悍奴。遽推溺之。行里許。晴空忽晦。有神如雷公狀。立舟上。責奴曰。爾宿愆深矣。嘗一事善。得延喘。今枉溺人。難道也。掉岸上。灼

死。舟人大怖。神又諭以亡恙。且曰。茲地許某善人也。可訪之。遂霽。夢璇如其言。訪許某。

【延安地飯】

萬歷壬辰。修延安府城。坎地多孟飯。人啖之。亡恙。

【王立穀】

萬歷戊午。新浚令。臨海王立穀。入覲。十月十八日。宿荻港。二青衣夜攝至帝所。冕旒正坐。旁席二人。侍衛擲悍。主坐曰。爾丙辰八月命。盡今猶齋戒力也。爾何違之。示以簿。詳注年

月至丙辰八月而空。卽下獄。在坐者起。請勘其破戒後事。階兩巨簾。俱縣牆。并平日戲筆在焉。各騰氣。青黑白赤不一。吏簡聚之。先青黑。次白。白聚而青。黑色漸縮。次聚赤。則青色隱。黑色寢微。主座視赤者。所刻金剛般若好生編。及社倉卷也。餘不盡見。主座曰。當損明延年。擲使抉目而寤。聞鷄鳴。家人守視。不能舉目。卽乞休。持誦。歲口日愈。王自有記。(立穀丙午貢士)

【楊鐸】 嘉興楊鐸。始萬歷壬午榜。俞廷讓也。登庚戌進士。任吉安司理。左遷。免歸。癸丑。臥疾。夢冥

召。恐以對門易鐸代。冥隸許之。亡何易鐸死。始大怖。轉其喪而火之。亡何易氏妻呼市中。謂我易鐸也。爲楊氏所陷。今返魂。無歸所矣。奈何。楊聞之。度不免。命髡緇以殯。

【沈壻鳥鳴】

海鹽沈某。貧亡賴。聽野鳥啁鳴。各效之。酷肖。人因以侑酒。有徽賈挈之姑蘇。偶鳴于線店中。富子遣僮市線。久不至。訶之曰。肆主聽人禽鳴。故遲我。我非遲也。富人問所爲。鳴禽者。述其狀。亟召試之。大悅。留家監。所有空舍。素多鬼。以寢之。明旦未起。家監挾戶入。沈某猶鼾也。曰。夜若白衣人。謂盡以遺物相付。家監大駭。坎室中。窖金俱鐸。沈某及富人女名。蓋富人亡子。止一女。遂以壻沈。

【擊舟】

崇禎乙亥。子館海鹽橫山張氏。其邑寓李洪宇。先年莫趨橫山中。道有舟鼓幟而來。求附載。登之。行里許。心動。亟登岸。因足抵其舟。半覆疑之。遂他宿。或曰。此安得舟也。且往視。登處。則巫者縛葦爲舟。列鼓幟半覆者也。李迄今亡恙。李又云。賊曹李特勇亡賴。嘗於西鹽倉擊私鹽者。始而角。已舟漸縮如鴨。異之。抱歸。時婦暴卒。移刻而甦。問之云。我登舟爲惡少年所擄。幸奪免也。

【朱大紱】

崇禎庚午。李水心司理嗣（京）預閩閩。比舍郎同年郭夢言。口於二十一夜。同開戶外。哭聲。冤抑嗚嗚。不能出諸口。明日搜朱大紱卷。其表有鬼哭。非無因語。驚爲異事。李自有記。

【婁東冥判】

太倉徐坤素齋。誦崇禎癸酉六月二日夢攝冥府事。百日。每夕鞫問。九月二十日事竣。刊有婁東冥判。

【沈招遠】

癸酉。仁和沈招遠。桐鄉錢汝邁。並麟經。出金華令項人龍之門。招遠力薄。寄徑錢氏。遂抑二佳卷於乙榜。其一忿死。而招遠疾。時若對簿狀。寤而走錢氏。曰。事發矣。第向詒兄。實于金附進。今被陰譴。兄坐累。斥弟與項師不可活也。明年果並歿。汝邁以他事除名。

【張耀采】

乙亥正月望日。口口口參政張耀采。卒於刑部獄中。甲戌是日。吏部考功員外郎弓省矩。自縊。適滿歲。耀采眼見之。

【神燈】

己卯正月念二夜。神燈見海寧郭店鎮。可二十刻。

【郟城神誑】

辛巳。山東旱蝗。郟城有神降曰。七月二十二日水至。八月望。寇至。及七月果水溢。人因信。寇至。扶挈南走。宿遷。迄八月無恙。

【徐銘口】

華亭徐銘口。乃進士徐銘經之兄。辛巳疾歿。且殯。忽聞曰。異哉。有陽必有陰。云云。口遂甦。人問其故。曰。吾至冥司。見來牒爲公勾事。後計開有罪犯人七名。首陸彥章。張侍郎爺。

次開應。死平人口百口十名。身預焉。名上書聖門弟子。凡諸生皆然。人名著某人子。或著某人弟。防誤撮也。末名唐鉉。亦華亭人。時游關中。從卒欲往拘。主吏曰。客死最重。此人當歿於家。寧俟之耳。主吏冠服如驛宰狀。銘口未幾下世。唐鉉聞之。不敢歸。越口口還里果卒。（包長明記）

【豐縣逃鬼】

壬午。北兵陷豐縣。有二人被劊狂奔。或叩之曰。城破以訴。城隍神。問神安在。曰。逃浦縣。時浦縣堅守。

【邯鄲鬼】

崇禎五年。流賊犯邯鄲。殺童祀神。後冤鬼宵啼。路鮮行人。或曰。生畏賊。死猶是也。以賊嚇之。可止。後復啼。衆大呼曰。賊至矣。自是寂然。諺云。鬼怕惡人。豈其然歟。

【蔣國華】

江陰蔣國華。花塘里人。性質樸。先是天啓丙寅年。二十六夢青衣童子。引謁城隍神。及岳相東平王。隨指東嶽廟。地皆青碧。至今庚寅三月十八日。經蔣家橋。見大父呼之。赴冥司。

攝事。急歸浴而臥。土神促程。鬼卒掖上馬。馬躍而醒。亡何仍往。經大城坊。曰。幽冥橋。渡橋入東門。曰。善慶閣。福德門。至東嶽都相東平王府。曰。都察司。入揖。至岳廟。即丙寅所見者。殿左右七十二司。造冊所曰。監錄司。冊有六曰。

【張生】

仁和張生口父玄。有家學。好牡丹亭。西樓夢等劇。館橋司鎮尹師東家。窗外酒歸。聽擊竹聲。啓之。見豔女攜燈。相狎將曙。珍贈而別。生有詩。半庭新月青燈外。一種私情翠幃中。記

其實也。後考之。蓋越女停柩。其所贈皆殉具。

【歌鬼】

嘉興某生。月下清歌。忽後有和者。同調契合。延之家飲。仍歌如初。夜分而寢。鷄鳴其人即去。不及別。又扣門詰之。曰。我實非人也。亂後如我輩甚多。今後毋宵行放歌。或妨他輩耳。

庚寅六月。或微優於嘉興城。晚舟行二十里。抵舍。座客四集。演劇數閱。優覺寒色。有識上客。故編修屠象美。給事李毓新。諸公者。俱前沒。駭之。亟振金鼓。則四無居人。乃故相呂文懿公墓。扃蓋三四頭。尚懸松上。

【說鬼錄】

張真人家有說鬼錄。

【豐沛鬼】

丁酉夏秋間。豐沛蕭碼頭多鬼。衣冠雜途中。或相問答。語即引去。迷死。聞者戒途。

【黑龍潭神】

張秋鎮北。黑龍潭。其水深綠。有工人三中夜聞呼聲云。某宅修偶門。先付銀五錢。可即往。

麗。引入後堂。修輯掖門。有老人深目長鬚。荷帽綠衣。出問之。各勞一金。凡半月畢工。又資千錢。遣前二人送出。天明行人見二人臥沙上。語其家。各挾歸。

【城隍神】

南京城隍神。孫策。北京城隍神。于謙。杭州城隍神。周新。

【松潘尺骸】

蕭山來憲副口口云。松潘浚城隍。得人數千百。皆長一尺許。衣冠自三代以下皆具。

【嶽堦】

漢郊祀志。大山川有嶽山。小山川有嶽堦。山嶽而有堦。則嶽可以謂之婦翁矣。世俗之稱謂。未必不以是。又因嶽山而轉太山耳。(元黃潛)

【子路】

成化間。河內縣學居民。於文廟櫺星門內。及先師殿前。牧日聚其中。忽見一人顧而黑。手

持木器。怒而責之。卽入殿中。隨視乃十哲中子路也。後其人竟疾不起。善有碑記。今剝落不可讀。而碑尚存。夫以聖賢妥侑之地。爲愚民蓄產之場。誠不得道其罪。然子路乃顯靈而朴之。意當時剛毅之氣。歷千百世未歇。而亦以見鬼神之英爽。不可褻也。夫敬而遠。聖人訓之矣。（河內縣志）

太原高自卑。太學嘉靖十四年。知咸縣。嘗丁祭齋宿。夜夢仲夫子持戟入縣受享。臨祭忽聞一主覆於龕。高曰。此必仲夫子主也。視之果然。一時咸驚。

【蔡元定】

建陽廟象岩山。蔡季通誦書處。堂曰顯慶。紹興辛巳。季通於堂中推演子孫世數。未有數名。蔡元定也。至建陽訪蔡家譜。見顯慶堂推演詩。不覺悚然。卽捐俸爲建傳心堂。晉江蔡元偉曰。周子出則知數。學者邵堯夫。朱子出則知數。學者西山。

山西諸生某。丁酉臨闈。其僕病。生初場出。病僕曰。主人且捷。我在場相周旋也。生未信。病僕言闈事。果不安。次場亦知之。生曰。果捷。某人有女。吾當以配若。病僕曰。吾隸也。彼則溫室。何能謂之。生曰。果捷。吾力能得之。爾何虞焉。至末場出。病僕曰。主人除名矣。蓋望日。天神考陽。謂主人設心惡。已更他人名也。果驗。

妖異

【臧經志怪】

廁之精名曰椅。衣青衣。持白杖。知其名。呼之者除。不知其名則死。又築室三年不居。其中有滿財。長二尺。見人則掩面。見之有福。又築室三年不居。其精名忽。長七尺。見者有福。又築室三年不居。其中有小兒。長三尺。見之則掩鼻。見之有福。又火之精名曰必方。狀如鳥一足。以其名呼之則去。又木之精名鼓候。狀如黑狗。無尾。可烹而食之。又千載木。其中有象。名曰賈誼。狀如豚。有兩頭。烹而食之。如狗肉。

味。又有山林。下有川泉。地利之間生精。名曰必方。狀如鳥。長尾。此陰陽變化之所生。又王之精名岱委。其狀如美女。衣青衣。見之以挑七刺之。呼其名則得之。又金之精名曰倉嗜。狀如豚。居人家。使人不宜妻。以其名呼之則去。又火之精名曰罔象。其狀如小兒。赤目黑色。大耳長爪。以索縛之則可得。烹之吉。又故門之精名曰野。狀如侏儒。見之則拜。以其名呼之宜飲食。又故澤之精名曰蠃。其狀如蛇。一身兩頭。五采文。以其名呼之。使取金銀。又故廢丘墓之精。名曰亡。狀如老役夫。衣青衣。而操杵好舂。以其名呼之。使人宜禾穀。又故道釋之精。名曰忌。如野人行歌。以其名呼之。使人不迷。又故車之精名曰寧野。狀如韞車。見之傷人目。以其名呼之。不能傷人目。又在道之精。名曰作器。狀如文善眩人。以其名呼之則去。又故日之精名曰意。狀如豚。以其名呼之則去。又故井故淵之精。名曰觀。狀如美女。好吹簫。以其名呼之則去。又絕水有金者。精名侯伯。狀如人。長五尺。五采衣。以其名呼之則去。又臺屋之精。名曰兩貴。狀如赤狗。以其名呼之。使人目明。又左右有山石。水生其澗。水出流千載不絕。其精名曰善。狀如小兒。黑色。以其名呼之。使取食。又三軍所戰之精。名曰賓滿。以狀如人頭。無身。赤目見轉。以其名呼之則去。又故水石之精。石慶忌。狀如人。乘車蓋。一日馳千里。以其名呼之。則可使人水取魚。又丘墓之精。名曰狼鬼。善與人鬪。不依。爲桃弧。張矢。羽以爲羽。射之。狼鬼化爲飄風。脫履捉之。不能化也。又故市之精。名曰問。其狀如罔而無手足。以其名呼之則去。又山之精。名曰藪。狀如鼓。以其名呼之則去。又夜見堂下有兒。披髮走物。惡之名曰潛。以其名呼之。則无咎。又百歲。狼化爲人。女曰智女。狀如美女。坐道旁。以丈夫曰。我無父母兄弟。若丈夫娶其妻。經年而食人。以其名呼之。則逃走。又故澗之精。名曰卑。狀如美女。而持鏡。呼之魂。則去。

【魯 汶】

全椒魯汶。髻年讀書於學宮。東廡。夜有美姝。喚開門。汶用劍斬姝。逾松樹下。後發藏視之。乃斃狐也。後膺貢。任萬年主簿。鋤強扶弱。卓有政績。全椒縣志。

【金龍邵氏】

嘉靖初。許胎縣石壩集。邵氏。嘗有妖竊。斃水。每伺之。不得。一日晨起。見中。雷。火光輝。靡欲。

騰而上。主人以田器擊之。鏗然墜地。有聲視之。金龍首大於五斗釜。乃驚愕。急以布數十裹而瘞之。輸神畢出之。赤金也。其身尾俱銅錢。其家今富。（盱眙縣志）

【龍 女】

海寧許村。南五里龍王塘。初有女。沃於河。得浮卵。吞之。因娠。仍生卵。棄之。化爲龍去。復時候其母。留龍鬚爲筆。遇旱以筆書符。投龍王潭中。其符浮于臨平山之巔。立雨。後令君取

其筆。遂絕響。

【毛 女】

袁州萍鄉縣。東五里毛仙山。昔有人過此山。逢一人。徧體有毛。言詞異常。後不復見。宋朱晦翁嘗問驛吏云。狐魅所爲。遂題詩云。人言毛女住青冥。散髮吹簫夜夜聲。却有游童解端的。向儂說是野狐精。

【潼關老人】

潼關兵巡道署。制頗宏壯。後牆叢篁茂密。嘗有老人。深衣博帶。出與人交。語人不爲異。嘉靖中。南充王南畝。廷口任其地。一日呼入書室。語以爾旣出見人。若非精靈。必係神怪。知我未來事乎。答曰。公名位在某架等幾。書內公檢視之。則涇川王公廷相集也。公異之。乃遣署潼水西。以其地爲察院。其年洪水。堂宇漂盡。無復叢篁。異不復見。王公果總憲。（朱明虹說）

【舟 葉】

廣西宋君佐。署當陽縣學。云沙洋市人。偶見水中一舟。載人遠來。可二三十。登岸則舟乃大荷葉也。人方駭之。而舟人至。一大家求食。與錢不應。毀瓦畫墁。與之角。則自殘其體。其人終不能傷。遂沿門擾之。官府亦無如之何。月餘。不知所往。（承天府志）

【龍 眼 怪】

秀水屠憲副叔方。孝廉時。見二髑髏流內室。侍女皆怖。屠躍起。執之。爲龍眼核。（屠用明記）

【琵琶亭怪】

嘉興沈昭明德。宿九江之琵琶亭。午夜浸空。同輩五六十人。有眇丈夫。撫衣露臂。徧印諸

人之面。惟不及孝廉明經。洗手拒之。覺腥滑。次夜衷刀以待。越再宿。刀中其臂。血流奔岸。亡何。面印諸人皆瘡。人欲前。遑避之。卽隱。關就寢。席爲針刺。屢拂如故。起移床。而壁間紙動。揭之則複壁也。關引刀乘炬而入。有物相撲。刀舉炬熄。且見白狐死壁下。

【關揚】

大同公館。相傳有祟。使客多寓外舍。縣令關揚不信。夜列辛燕炬。迨夜分。一婦步月階下。關叱曰。果冤乎哉。宜訴我。婦忽自空入。縞衣領綠間。簇針如蠅。炬頓滅。僅燼一蠟。婦遂巡。大同公館。相傳有祟。使客多寓外舍。縣令關揚不信。夜列辛燕炬。迨夜分。一婦步月階下。關叱曰。果冤乎哉。宜訴我。婦忽自空入。縞衣領綠間。簇針如蠅。炬頓滅。僅燼一蠟。婦遂巡。

【妖履】

桐鄉嚴簡津。讀書茗上。深夜獨坐。有麗人扣戶入之。詰所自。云宅眷也。嚴疑其祟。凝坐至漏盡始去。明日告歸。抵舍。夜夢麗人。貽以弓履。果得之。枕上雙繡紅灼。嘗出之。示客。

【贛榆妖】

吳興朱口。司理淮安署贛榆縣事。著夜命僮摩足。俄若針刺。視之非僮也。少婦也。伴任之。且摩且寐。刺漸深。醒又僮也。仍寐。且叢刺。驚起。又老婦也。朱命燭。又叢刺。怒甚。見老婦入壁。破其壁。老婦立自如。朱折几撞之。相格鬪。稍倦。妖倚牆而立。朱舉檣抵妖于牆。不可脫。僮刃其背。白毳如綫。蓋狐孽也。

【立志充】

山西懷來道。右布政。諸城立志充。公署有樓多累。閉久矣。立特登之。積塵累寸。其妖冠進。賢服金緋。凡六七人。或排衙鼓吹。或宴樂。如此不一。嘗簡立稱都臺。其墨淡。留數日。字滅。立計迫。縱射之。妖拍案笑。接其矢。乃縱獵犬。發銃斃數十人。冠緋者預焉。妖雖絕。而立以通賄。營開府。事泄。下詔獄。棄市。

【魯府童子】

崇禎癸酉。夏日。魯世子以派。忽見一童。南髻藍衣。朱履行日中。杳不見影。世子急尾之。忽歧爲二。相盼卽失之。邑人吳大行本秦。使魯府。有詩。

【素娥詩】

長安鎮人某。讀書臨平山中。書值歌伎。作歌伎琵琶詩。吟誦不已。俄縞麗叩門。詢之曰。素

娥留坐歎其佳詠某媿謝求和素嫌朗吟曰敬側雲鬟尙帶羞聲聲猶唱八甘州歌來無力眉常斂彈到傷心指半柔腸斷花前絲續怨魂銷月下夢陪愁惹人無賴輕歸去今夜誰能伴錦綉某戲請伴笑許之拉往其處室具俱白宿數夕送之曰如念我可時至也某自此詩思日進祕不示人（趙昌齡說）

【魚妖】

湖州烏程董威故尙書份之裔者頭某頗饒庚寅夏有物空中來飲食違則見禍懼而卒之則黑氣如雲欲嚼甚壯屢索不已某以告威威亂後好養生家言禳以羽士俄擲磚石詬怒而洞庭山隱士施亮曰生有道行召治之雖遁而不絕某乃訴之城隍神詬怒如故威言於烏程令劉璽口清執最有聲遂齋沐告城隍曰陰陽各有所司何得縱妖擾民妖月餘來云我求食無大罪今城隍釋我矣爾其奈我乎威因檢道藏有曰凡妖魅爲符咒所不及治者製桃弓柳箭伺其至射之如其法始絕蓋太湖魚妖也

【徐氏妖】

邑諸生徐仁振故太守伯徵子家西鄉庚寅七月朔步庭除拾書曰歲在戊子仲秋月中秋夜子坐書齋見月缺紗窗玩賞無已幾無何不覺困憊爲睡魔纏擾夢至徐似翁家直入新樓下見其室燦爛徘徊久之少選主人出敍論握手揖我與坐主人東向坐子西向坐相與道賓主之誼甚懼主人因言曰子宅非凡地下有玉鯉魚金鱗而赤尾其泉直通大海子先君以爲善卜居於此子聞主人言方且驚且異且信且疑俄而地裂有魚出焉化爲青龍而去是時子駭甚始信其言之不誣忽聞戶外喧然猛然而至詢之則諸公子射也子亦起入人叢視決勝負但見諸兒操弓挾矢其仲子連發十矢合式者三焉旁有鳴鑼者七聲緩三聲亟於是諸賓客親鄰觀者蓋如堵云懽笑倍常子亦驚覺已月轉中庭矣特子自思之子之與似翁素無相識且不通姓氏無故而遇我以寤寐豈其後子與似翁終非陌路而姑於今日天作之合耶抑子之後有興者而姑借似翁示應耶否則似翁家之事無關於子子何故而得此南柯一夢也子亦不詢其事之有無姑記以爲後日之驗應思發矢之人似翁太守號也仁振以呈太守謂黃龍句慮禍燬之弟誼振手錄焉是月十

三日誼振卒。或謂飛去。十矢三中其兆云。而妖記特奇。從太守培吳口口寄示者。

浮提國

海外浮提國。其人皆飛仙。好游行天下。至其地能言土人之言。服其服。食其食。極意與人同樂。欲返國。頃刻可萬里。萬歷間。葉侍御按江西。有司言市上一羣狂客。善黃白。極飲娛。樂。市物甚侈。多取珠玉綺縠。償之過其直。滿用金錢不甚惜。及抵暮。忽不見。詰其逆旅。衣囊俱無。有請大索。侍御不許。召至前。果能江右土語。手持一石如水晶。可七寸許。舉之案上。上下前後。物物入鏡中。照極毛芥。又持一金鏤小函。中有經卷。烏楮綠字。如般若語。覽畢。則字飛。願獻此二者。侍御却而遣之。明日遂不復見。（平湖沈長水先生集）

宋氏烏巢

蘭溪山何宋氏。烏巢於樟。其鳴似云何相傳。樹慮越州。有男子探巢。得千金。謂越州者。紹興也。因買紹興。投逆旅。解裝。飯于市。且縱步。忘逆旅姓氏。失其處。僅腰微貲而返。則烏啼如初。仍探之。得大鏹五十金。上有字。此金贈與送金人。男子又持往紹興。隔年餘矣。值舊逆旅。出其故囊。男子曰。此天以賜者。吾自有五十金也。備道其事。謂好致富。（首行疑有誤）

豕言

仁和橋司鎮村人。畜豕。將召屠。令妻飼其餘豕。忽聞人語聲。察之。一作徽人音。一作蕭山音。一作松江音。妻驚御。告其夫。夫走聽。果然。其家亦亡恙。

瘞孩復甦

澤州原天順。八歲。被市人毆死。訟官驗。瘞數日。有狼啣出。仍活。

鷄子中魚

嘉興項氏口家。剖鷄子。中有魚。躍於地。忽不見。

鷓鴣兌馬

雲南某井。贖課提舉司。竈三百五十三丁。每丁帶耗費月納銀三兩八錢一分九釐。司官楚甚。每丁加一兌馬。重三錢一分八釐。上官不問。萬歷六年。新安汪雲秀來提舉。如前例。忽一鷓鴣。兌馬飛去。復置一馬。又啣去。雲秀懼而欲裁之。僚吏不可。因循半載。事發抵罪。

【天書】

崇禎丙子西安縣市人王氏忽雷雨中心偶觸屋宇雷雨遂入指上有天書二子不孝使日重治八字似行書徑二尺餘似以積沙成之濼不能去頃之自滅。

【象山妖異】

嘉靖三十七年三月有妖祟一人一老嫗四爲媳一爲女至邑之梁氏托宿梁家但其所見惟一幼子婦具而逐之相與絃禮延入內室問答唧唧有聲供茶華婦啓曰尊堂宅居何處老嫗答曰家居不遠世與宅上有舊戚今歲各當選女翁往嘉縣賀物家之主特來相倚婦唯唯備告於姑疑婦爲祟所惑具牲醴饗之老嫗等怒責之曰事急依人吾非鬼祟爲禍者何以生物食我令婦煎而進之婦盍盡空夜邀婦同宿無異生人如此者半月餘始去旣而人詰其婦云老嫗雖老面容儀態修潔不凡其婦女數人則世間所絕見者竟不知其爲何怪云。

隆慶二年九月五日中午時有紅鷹將葉團家十歲兒自東門攫至天字號觀風亭上其父急禱趙元帥奔追獲歸及詢其故兒荷趙元帥鐵簡擊鷹始得活。

萬曆三十年五月二十二日縣城中妙華堂忽有異人胸背各懸一鏡手執紅棍肩負紅襪兒童爭視之遂化青煙而去（以上俱象山縣志）

【陽武泣聲】

嘉靖三十二年三月陽武縣西北門外白晝無人聞有如悲泣狀凡三日時云鬼哭是歲河溢其旁橋壇衝漂朽棺枯骨不計其數（陽武縣志）

【雷神書】

萬曆十五年六月獲嘉辛豐里人王好仁妻帥氏挽兒乳哺忽雷震死所存僅皮幣齒輒消盡兒無恙也皮有雷神書二行鄉人莫識。

叢贅

軼。藏於家。宋劉。連國初。爭異於常同。由陰未變。元備兵。馳石。得錄本。今佚。

【僧道本衣綾羅】

洪武二十八年正月。校尉賴讓。見神樂觀道士陳丑。道衣青紵絲襖子。在街上執之。以僧道止許穿袖絹。不許穿綾羅也。有旨以神樂觀樂舞生釋之。子兩匹官絹。壓焉。

【鎮海衛指揮】

常遇春幕客上官。口專掌書記。遇春薨。口上思及上官氏。召其二子入。分姓。上口授鎮海衛指揮。官口授山西衛指揮。

又常遇春紅旗千總薛口。從征陳友諒。以三百人受圍。上高望救出之。薛首已墮。猶執紅旗不仆。上拍其背曰。好兒子。甚苦。始仆。常熟許子治記。

【蒲壽庚子孫】

太祖禁泉人蒲壽庚子孫。世不得齒於士。蓋罪其先世。導元傾宋也。宋端宗至泉州。招撫使蒲壽庚來謁。張世傑分淮兵二千五百人。命壽庚將海舟以從。壽庚閉城門拒命。與州

司馬田真子。上表降元。帝遂如湖州。

【綠幘】

蔡邕獨斷云。漢武帝幸館陶公主家。召見董偃。偃着青構綠幘。按開制。綠幘最賤。係教坊人所戴。或董偃本賈珠兒。從其賤也。

【葉好文留犢】

洪武五年。山西葉好文。任交河令。治行爲時第一。升知定州。初以一半駕車。抵任後。產一犢。比去。任留犢與民。

【徐某廝】

洪武間。指揮徐某廝。出兵河套。地名梧桐樹。一日午間。有大星墜於河中。火發延岸上。營中軍有傷者。後徐氏父子以事被誅。果徐氏獨應之也。抑別有所應而不知耶。

【勅主簿】

洪武十一年三月二十九日。勅聞喜縣主簿郝伯祥曰。縣屬府州。於民爲同。近必得上循國法。下悉民情。長於撫字者。以任佐武之職。郝伯祥今授將仕郎。平陽府解州聞喜縣主

薄。爾尙恪盡乃心。使政平訟理。民安物阜。斯爲稱職矣。爾其懋哉。

喪麻

喪服用麻布。取其賤惡。古未有棉布也。棉布始自漢。北方麻布貴。棉布賤。又喪家雖降。冬必以麻。非禮也。

番客

盤瓠之苗。錯處於虔漳潮之間。以盤藍雷爲姓。汀人呼爲籬藍婁。籬藍婁。汀人稱之曰番客。

學錄直講

國初。上幸太學。學錄象山應元徵。進講大學平天下章。賜錦衣白金。

黃麟題聯

日月光天德。山河壯帝居。相傳解學士。題殿門者非也。洪武中。莆田黃麟伯厚。以文學薦對大廷。稱旨。賜第一人授翰林。應奉冬至祀園丘。御制門聯云。大明日月光天德。洪武山河壯帝居。麟伴狂。踢仆之上。怒麟奏曰。此陳後主句。天朝效之。不既羞乎。上曰。爾便易之。麟曰。占曰。乾坤一統歸洪武。日月雙輪照大明。上稱善。

六盤縣誤

俞憲登科考。弘治己未科。三甲進士。林文煥。福建六盤縣人。按漳浦縣二十三都。立鎮海衛。轄陸鯨。雲鏡。銅山三千戶所。則縣字誤也。又海寧縣志。永樂十二年。貢生沈常。銅澗縣

丞。今銅澗縣無考。

胭脂匠

宋元來胭脂匠。其法黃蠟火化。注水中。澄數次。絕無渣滓。方用。遠近無能造者。日貨十數金。後爲僕人傳方。始廣有焉。(安陽張氏風範)

南京不打五更

宋時大內五更絕。柝鼓徧作。謂之蠖蝦更。以禁開而百官入。所謂六更也。明初南京不打五更云。太祖常夢人求還地。許之五更頭。遂遲其刻。

外道留勅

往時布按二司。如提學兵備屯驛分守。巡俱不繳勅。得傳其子孫。近例事竣始繳。見郭子

崖山紀功石刻

元張弘範崖山紀功石刻。題滅宋年月。曰明。廣州守國縣林洋。改刻曰宋。太傅樞密院使張世傑死節於此。

成化中。廣東提學僉事。晉江趙瑤詩。忽憶中華與外夷。乾坤回首不勝悲。鐫功勒石張弘範。不是胡兒是漢兒。

僞夏陵宮

寧夏賀蘭山之東。數家蟻壘然。即僞夏所謂嘉裕諸陵是也。其制度倣鞏縣宋陵而作。人有掘之者。無物。

賀蘭山。岸壁險峭。延袤五百餘里。上有顏寺百餘。并夏人故宮遺址。自來為居人收獵樵牧之場。弘治八年始禁之。(以上俱寧夏鎮志)

寧夏鎮大城。宋景德間趙德明內附。遷興州。即今城也。周十八里。高三丈六尺。池深二丈。廣十丈。城樓六角樓。

四。壯麗雄偉。可容千人。韋州在靈州城南四十里。蓋山在城西二十里。

庫。延安宜川縣西北。川南為漢。北為蕃。蕃通漢人。以香火為庫。喝。

那。新野那。洪武初進士。除江寧主簿。勵志清苦。婦張氏。躬執杵。太祖徵行至其宅。親見。翌日朝。召冕出班加賞。因開其軍伍。

乘馬石。北人門外俱例乘馬石。戰國策。趙武靈王云。踐石以上者。今同。

尺。周一尺。當今浙尺八寸。當緘染所。欽降金星牙尺六寸四分。

知縣本貫。金華府志。永康知縣。呂箴明。呂文燧。俱本縣人。仙居縣志。洪武四年。邑人任繼先。除仙居知縣。時法令嚴峻。繼先畏之。六年。歸隱於下黃。其教職任本貫。頗多不載。

獲嘉麥秋。獲嘉縣。麥秋時。男子樵麥中野。以網包盛之。毋論鄉城婦女。及隣境老幼。率尾樵者。後。競。

拾遺種。多獲者至斗計。莫禁也。獨從綢包中擗取。謂之抱包。卽甚少。立見諍語。此大有古風。蓋詩人所謂寡婦之利者。此也。

【實錄】

高廟實錄。一百八十四卷。諸臣列傳特詳。文廟實錄。一百三十卷。載諸臣字里科甲轉歷。如由狀略。見其爲文。善者無大褒。惡者無

深貶。而勸懲之意。亡。

【漕艘】

相傳國初漕艘。太祖高焚其一。稱得鐵釘若干。按宋許元初爲發運判官。舟多報破釘。釘之數。蓋陷於木中。不得稱爲釘。故可以爲奸。一日元至租場。命拽新造之舟。縱火焚之。火過取其釘。約稱之。比所破。才十分之一。自是立爲定額。

【蘇松田額】

蘇州各屬田土。九萬二千九百五十九頃五十畝五分三釐。秋糧米二百三萬八千三百二十三石五升一合七勺。松江各屬田土。四萬二千四百七十七頃二畝三分八釐。秋糧米九十三萬九千二百二十六石二斗三升二合七勺。

【潘陽二使日本】

浦城潘陽。三使日本。永樂中以行人出使日本。回獻德化書。永樂大典成。陞禮部郎中。轉鴻臚少卿。再使日本。還陞江西參政。落職。洪熙初。起南兵部主事。宣德間。復陞鴻臚少卿。復使日本。

【張泌】

永樂初。充祿寺卿。頴州張泌。最被寵遇。清江彭銘以書名。上命繪泌像。間而方具。亟命取視之。實其肖似。首肯至再。今其家藏有賜像。并角端圖。(頴州志)

【狀元母】

馬贊母卓氏。李騏媽母葉氏。先亡。繼母黃氏。俱封安人。

【御史乘驃】

舊制。御史陸路。由乘驃。宣德十年九月壬辰。行在兵科給事中朱純。言。巡按邊方。或遇警。

與總兵鎮守等官會講。不於河訓。乞子馬匹。以便其行。從之。

【經筵】凡天子初御經筵。例閣臣二員進講。並大學首章。或易或尚書之首條。

【密錄】凡內臣會奉命記錄。著某輒畫壁寫像南向。法司堂官陪侍。御史與曹郎。引因聽訊。以爲榮觀。

【聲鐘】本朝帝后初喪。每寺各聲鐘三萬杵。

【學魁】凡儒學輒書魁字。廬陵縣學明倫堂前。刻宋文天祥所書魁字。方廣丈餘。

【安南試錄】安南試錄四場。制義論策詩賦。

【展書官】程伊川先生論經筵第三劄子。貼黃竊聞講官在御案旁。以手指書。所以不坐。欲乞遣一人指書。請官稍遠御案坐講。按本朝經筵日講。俱有展書官。又司禮監內臣持牙籤指講處。

【北狩】大同曹安家。有巨几一座。英宗北狩。還得所御也。昇此至陽和。總兵曹安易以輿留几於家。

【王越】涪城威寧伯王越。父邑掾也。年七八歲。值縣丁祭。龍兔者因窺兔。兔逸。時越稱神童。縣官責以詩。矢曰。我今放汝上廣寒。慎弗遺跡。到人間。慙慙寄與嫦娥信。丹桂留枝待我攀。

鄞縣屠中丞大山。子本曉。作中丞年譜某月日。訪故威寧伯王越於山中。即日遁去。夫襄毅計開。遺餘姚王伯安治葬。今日蟬蛻羽化。雖未及赤松。視韓擒虎之爲閻羅多矣。聞襄毅薨後。或遇之於太山。後其孫往太山。迹之。晚遇老人指曰。去此不遠。從燈竿下往可也。望燈謁蹶良久。夜半抵家矣。則向之老人。蓋卽襄毅也。

萬歷中。醒神翁跪王越。又天啓初。方士躡羅洪先。燕齊怪誕之習。豈足信乎。崇禎時。術者某游燕齊。有壯色。捧

著顧君子也。反自首。謂不好道。易老。或伺之。則自首者。父耳。

【董朴】

麻城董損齋（朴）少魯鈍。日不能數行。隣人惜之。語其父曰。郎君不慧。奈何苦之。曷不令牧耶。父忿之。命士講教於座右。苦志力學。比長而慧。登成化甲辰進士。終江西布政

司。參政。

【楊志陳金城稿】

郭縣楊文懿志。陳金城稿中。無錫華孺人蔡表。曰誌。又言孺人卒時。其族謂孺人之行。備矣。蓋節以一惠。而以賢孝稱之。於是誌之。書題與為傳者皆知之。獨予不能從。蓋節以一惠者。周人之謚法也。在禮生無節。則死無諡。節則大夫是也。魯莊公誌縣貴父。檀弓載之。曰士之有諱自此始。記失禮之由也。後世士而弘志。若陳文範陶靖節。君子猶或議之。而況婦人乎。婦人從夫之節而已。諡惟与夫。人得之。雖大夫之妻。未聞有諡。而況士民之婦乎。然則族稱婦人而節以一惠。過矣。宜予之不從也。

【陸氏占產】

鄞人張壇。理督漕運。時常席臥郵舍。語侍吏曰。若等有異聞乎。吏曰。里中陸氏。奸而悍。侵其陸氏。盡其產。撤其居。立園宅。所餘惟嘉樹一本。陸氏晚得子。而暗。數遊於庭。忽雷樹曰。樹乎。爾猶在耶。家人大驚。已而復暗。不語。問誘之。不出聲。稍長。荒淫戲傲。靡所不為。家罄乃死。（張文定環碧堂集）

【端宏名宦】

當塗端廷教。巡按兩浙。其大父宏。故浙左轄。諸生議舉名宦。杭州守婁志德曰。此厚道也。願其孫。蔚以巡方至。而吾儕舉之。如公論何。行俟去後圖之。及去。竟寂。杭州府志

崇禎丁丑。闕縣陳瓚。守嘉興。其大父日休。以貢士司諭海寧。在萬歷初。事遠聲香。諸生追祠之名宦。此與端宏事正類。時無妻守。見古今人相去多矣。又天啓中。潘汝禎撫浙。潘舊令瑞安。及瑞安令來謁。問吾舊祠何如。令出不意。強對曰。小民感佩。廟貌日度。出語人曰。舊祠不知在何所。今惟有重創耳。

【應聲病】

弘治間杭人裘師召頗有文行。一日腹語事頗驗。師召恥之。數月不出。遇山東人言其實。其人口向病此求死。道見異草。卽拾之。忽值一草。腹語之勿食。吾竟吞之物。卽洞下而愈。遂覓草得之南高峯。將食。果腹止之。食刻許。腹雷鳴。下大蟲如矢。狀如蛇。疾良已。（杭州府志）

馮蓋齋給諫。每發言。腹中輒有聲應之。遂告病。卜居南京。楊守極用小藍煎水飲之。卽吐其蟲。（金陵瑣事）

【先輩書刺】

弘治間邑人祝虛齋（萃）以主事佐治吳淞水利。華亭侍郎顧清來刺云。辱與顧清拜。單刺博二寸。縱四寸。字大如指。微黃。有花影。又虛齋寄人書亦黃。折柬式如前。而有花紋。二事。並日觀。又嘉靖間。許給事相卿寄弟書。直名十弟。相卿。

【武宗微行】

應天金川府應縣家長千里。武宗南巡。值迎春日。微行。見其家大樹集鳥。突入而彈之。諸臣皆微服以從。

【朱氏書問】

寶應朱氏家。有書問錄。載正嘉間。友人所遺。凌谿射陂兩先生書。稱號。連牘不作客柬。如楊一清。日名石。涼病叟一清拜。并之先生道契。蓋先輩也。景前溪司成。竟稱賜頓首。凌溪先生年大。執事。今薦紳通問。名刺尺牘外。又有駢啓。萬歷末駢啓外。又小啓。其詞略簡。凡三副楮。一全簡。浮飾之極。士大夫貴。竟人。民應。如百兩並發。劉樞之直。當疲死。何暇理他務耶。

【新城王氏】

由東新城王氏。先世有王叟。與其嫗。力田稍自給。有貧措。大夜盜其廩。扼其吭而燭之。故某齋長也。憐之。曰。勉旃。勉旃。吾夫婦終不暴君之知。因出黃梁與之。人無知也。新城王氏。上世祖。經居。一日天大晦冥。良久。既寤。於塵壑中得一好女子。年十八九。云外國人也。乘車遇風。忽然飄墜。遂爲夫婦。合王氏百年科名。貴盛無比。（謝肇浙五雜俎）

金史有國子學齋長。年少時。猶見廣文。呼廩生曰齋長。

【字說】

嘉靖前諸公文集多有某人字說。蓋猶行冠禮也。故以字重。其後雖淵儒碩學。見之字說者寥寥。古道陵夷。亦其一端。

【原潔】

原城原潔。成化辛丑進士。歷官戶部郎中。督餉大同。以羨餘還所司。忌者以藥瘖其音。因致其蔬布以終。

【林濟民】

汝陽林濟民。弱冠時。母病篤。命妾婦入門。母卒。濟民哀毀逾禮。葬廬於墓。服闋始合。鄉里稱之。成化丙午鄉薦。教諭漳浦。以身率人。陞贛榆知縣。

【密箴】

晉江蔡清密箴。欲爲一世經綸事。止熟數篇緊要書。日格天之功。興於衽席。消身之悔。誤於詞章。

【虎枕銘】

江西左布政使。岳池馮訓。正德二年進士。嘗任興化知府。作虎枕銘。太守抵方壺。適多警。虎三日兩授首。鼠狗足誣乎。太守徵其方之將。請裁體作枕。而彰其鞞。銘曰。非爾體。吾何枕。非爾鞞。吾何寢。起視海岱。吾安吾朕。（中疑有誤）

【余禕令箴】

鄱陽余禕。正德口口貢士。任清流知縣。陞建寧府同知。尋卒。清流人立去思碑於東門。其作令箴曰。先生制爵。子男同位。羸秦變法。縣邑是設。千室其民。百里其地。上應天皇。下分

【薛天華左戒右箴】

廣東右布政使。晉江薛天華。作左戒曰。毋通要路書。以務養節。則俯仰不瀆。毋預塵紛事。以務養寂。則外內不擾。毋徇末俗態。以務養高。則志行不差。毋受非禮餽。

【薛天華左戒右箴】

王治。孔門稱曰。路勇求藝。漢室傳賢。循良豈弟。卓彼先覺。猶或難之。抑余何人。而忝職斯。坐堂鳴琴。盛德無爲。德既不足。勞瘁奚辭。片言折獄。至明所推。明既不逮。詳慎是宜。撫字之實。惻怛至誠。赫赫洋洋。符非虛聲。

【薛天華左戒右箴】

以務養虛。則彼已不失。毋妄授實。從以務養交。則成黨不棄。而善彙集。毋苟出言語。以務養德。則靜操不爽。而日

過息毋遂戀嗜好以務養神則和倪不伐而天氣全毋厭薄遲鈍以務養量則機心不熾而真性得毋譏誚世短以務養福則不恃人以見直而鬼責消毋虛邀時譽以務養誠則不恕己以見賢而潛德進毋妬嫉雋能以務養才則不設阱以誣善而有獎藉之功毋欣羨汰靡以務養壽則不競侈以盡俗而有由禮之漸作有箴曰遇暴上思以禮臨之則不可辱臨頑民思以仁悟之則不可仇御羣小思以嚴遠之則不起侮統列屬思以正率之則不傷威察友有過思隱規而公掩之則忠不失厚庶民有議思修靜而密弭之則謗不至叢堂纖介之私思以默君爲懼則勤公益至明一分之祿思以報主爲心則舉職益謹怨者人所易懼思精自以任之則廷有分謗之士難者人所易避思口實以狗之則朝有仗義之臣卽有口喜思畏義以制之則無佚實之賞設有暴怒思觀理以忘之則無溢法之罰。

【易】 刻

伏羲氏八卦象各三畫三代因而重之爲六十四卦文王命名作彖周公作爻孔子十翼說彖雜象傳彖繫詞文言也宋朱元晦始定今易爻次彖象次爻文言次乾坤分上下篇終繫詞說彖雜傳圖初易刻今程子易傳朱子本義成化日奉化教諭成矩軍刻本義今遵之

【張孟元】

安陽張孟元大順乙卯貢士終南京職方郎中孟元還里徒行訪人不敢乘馬云城中冠帶乘馬者自康使賈公迎潞始副使馬公卿勸乃翁乘轎曰寧步行不取人恥（張氏風

範）

【祠 廣 文】

廣文例不祠而崔後渠演詞有威縣重修陳教諭祠記云陳子名燧莆田人成化丙午以詩來教授著講義且勵士歸聖賢却其束脩之問凡四年遷教國子云云

【十老會】

弘治初夏邑有十老會參政金醞副使楊德知縣劉恭朱鑑劉鈐縣丞劉安教諭閔賢口官朱理醫官王淳口官徐銘威每會奕棋彈琴賦詩時形圖繪（夏邑縣志）

【女飾】

弘治正德初。良家恥類娼妓。自劉長史更仰心髻效之。漸漸因襲。士大夫不能止。近時治容。尤勝於妓。不能辨焉。風俗之衰也。（安陽張氏風範）

【犒市】

北邊犒貢。胡茶一斤。直六金。布一匹。直四金。緞紵直三十金。太僕市馬。專給京軍。互市馬。給邊。凡官市皆驚。駿足必私買。

【總督體統】

藩憲見巡撫都御史。有常儀。自韓雍總督兩廣。極威重。三司官至庭。踞伏謁。唐珣繼之。仍其禮。左布政。詭溪林曰。公昔福州府守。且長揖上官。視方伯耶。亦長揖。珣不懌。以事挫

之。不爲動。

【雲南三天子】

雲南人。謂沐國公中天子。撫臺東天子。按臺西天子。以公署相次也。土人尊其土司。多稱天子。或呈守令云。天子爺。千歲爺。夷習如此。昔田州岑猛。播州楊應龍。上官輒責其帝制。亦拘於漢法。未諳其俗也。華亭包爾庚。守羅定州。有投牒云。千歲爺。杖而遣之。

【香稅】

泰安州泰山碧霞元君祠。均州太和山真武祠。俱官徵香稅。給諸司俸。涿州娘娘廟。亦有稅。

【北新關稅】

宋黃震東發志提幹。趙宗英墓云。淳祐九年。秋。予始居行都北新關稅。田君穆。騷人也。云觀此。今杭州城北新關稅。雖始成化時。南宋亦有之矣。

【武廟賜詩】

武廟南巡。至鎮江。幸楊一清第。作七言絕句。見車駕。三幸錄。又王九思作刑部左侍郎。咸寧張鸞墓志云。戊辰三月。廷試進士。充讀卷官。是時纂修資治通鑑成。得賜。又御制寫懷

回文諸詩。

【朝儀】

外吏入覲。春正月。天子郊祀畢。越旬日。御奉天門觀朝。諸司始奏事。方岳守令咸趨御橋

南。踰免冠俛伏待罪。刑部尙書。率左右侍郎。上御街北。聽讀彈文。繼而科道皆有彈文。各推老成一人。北面聽讀。大意言方岳守令等。若弗能事事。宜寘之法。以示懲勸。天子咸口出德音。特宥之。以勉圖後效。於是各頓首謝呼萬歲。出翌日早。具公服謝午門外。然後吏部以黜陟上聞。

御史出差。以都察院題定。命下之日。必兩人並跽。傳制云。東邊的起去。蓋國初臺班聽特主。今雖題定。猶徇其例。外官候吏部注選考科。堂吏呼曰。進士官打躬。舉人官不許打躬。於是乙榜聞之。深自色沮。此例或起嘉靖間。意以前科貢掾吏並用。何軒輊乃爾。又吏部直房有坐机。止坐甲榜。如乙榜羣集。一甲榜至。並起避。不但班役呵之矣。

【行人司藏書】

翰林院國子監。雖藏書。俱不及行人司。以行人出使。例攜書歸。各輸公署。

【薩琦變俗】

閩縣侍郎薩琦。廷書上世色目人。至侍郎喪葬。遵朱文公禮。變其俗。

【觀場儒士】

嘉隆前。學使臨場。大考諸生。又大考儒士。錄之入闈。不傳得附學。其不願者棄去。故人稱觀場儒士。高歷猶大考儒士。然鮮中棄者。後大考儒士絕矣。

【古醋】

延平府城東北報國寺。五代唐時建。初開山僧嘗留醋一缶。經數百年。色味不變。

【酒】

桑落酒。秦人訛桑爲喪。改稱秦酒。徐宗伯學謨曰。子憶十五年前。京師貴人席。最珍喪落酒。當是時。已多避忌。亦未聞避桑。作何稱者。而今秦酒之名。爲傭者誰哉。痛乎人情。蓋習

軟媚世。江河下矣。且桑落酒名極雅。本無所觸犯。而且易之。又何有於他事哉。可發一噱。（海隅集）

瓊州人醞酒不用麴蘖。有木曰嚴樹。搗其皮葉。浸以清水。以麪釀和之。或取石榴葉花和釀醞之。數日成酒。能醉人。

【杜進】

嘉靖初。臨穎杜進。任九江通判。於三年夏四月朔。見兩頭蛇不殺。曰。修短豈彼尸之哉。越

十四日疾卒。見雀後渠墓志中。

【陳紫峯論學】

晉江陳紫峯先生琛。字思獻。蔡文莊高第也。官南京吏部考功郎中。歸養母。起歷貴州江。西提學僉事。並不赴。四方從學甚衆。其言曰。道一也。無高深大小顯微遠近精粗常變同。異。自吾人所見。則有高深大小顯微遠近精粗常變之殊。此所以有難知易知。有可以語有不可以語。苟能一日豁然。則剛風上搏。不爲高。南極下人不爲深。茫茫載地不爲大。涓涓穿石不爲小。鬼神屈伸往來不爲微。草木榮悴開落不爲顯。經濟乎四海九州不爲遠。致慎乎闔門。惟席不爲近。聖賢制禮作樂之本不爲精。童子灑掃應對之節不爲粗。周公誅兇不爲不弟。石碯殺子不爲不慈。大禹之家傳不爲德衰于堯舜。湯武之放伐不爲得罪于夷齊。陸象山之主靜不爲枯寂。朱晦翁之分析不爲破碎。周濂溪專授太極於二程。不爲私學。二程不授太極于諸子。不爲吝教。蓋太極渾然。事事物物無不各具。吾人耳目所見。有常有不常。心思所測。有得有不得。此高深大小顯微遠近精粗常變異同所繇分。而學者之進人。不容無難易。教者之指引。不容無差等也。

【陳祠仆像】

丹陽宋陳少陽（東）先生祠。鐵鑄汪伯彥黃潛善赤體跪庭下。長可三四尺。泥苔滅膝。推不可動。嘉靖戊戌。南安鄭普以無錫令爲南戶部郎。舟泊祠下。登堂瞻拜畢。守祠者出紙筆求聯句。普題云。一片忠肝千古綱常可托。荒庭虜膝平生富貴何爲。二像應筆而仆。頭抵頑石。石爲墮。時張黃門選。黃二守希雍在焉。咸駭異之。

【劣考稱師】

洪侍郎朝選。督學四川。寘大寧譚啓劣等。啓登嘉靖壬戌進士。知晉江縣。至則修弟子禮。甚恭。後巡撫勞堪。誣執朝選按察司獄。啓時正爲副使。嘆曰。吾師被搆。吾不能救。而尚仕

哉。卽解組歸。

【相國父不祀鄉賢】

晉江王遵嚴先生。作同安楊憲副。逢春。墓志云。在嶼山。邑有故相。嘗欲奉其父

祀於鄉賢祠。邑子論有異同。君持之。故相激不悅。抄故相圖。顧文康鼎臣也。位極鼎輔。編議難徇。今字繪。起輒靡然趨之。萬曆中。錢塘機戶傅時。冒錦衣百戶。其先人某祀鄉賢。時敗。其尊崇禎中。吾寧吳中彥。先以布衣納贊武英殿中書舍人。其大父璧。故贈御史。亦祀鄉賢。中彥敗。追奪。二贈君雖未叢垢。然瞽宗之祭。政自宜慎。

【方太古】

王陽明先生過錢塘。山人蘭溪方太古。享之脫粟野蕺。明日陽明報如山人。方曰。野人爲野人。固當。公徹侯而野具。得非情耶。陽明爲笑謝。

【胡僖神助】

蘭溪胡副使僖。性惡殺生。嘉靖口省試。寓潘氏園。羣蟻數十萬。聚于室。童子欲火之。胡不忍徙于他所。暨入棘。三書義。至乙夜而就。蟻戢戢筆端。不可逐久之。始別搆四經義。思忽益涌如泉注。蟻亦絕不見。遂高薦主司。謂公四經義殆神助也。

【詹傑】

休寧詹傑。松山年八十二。屬末疾。晨有黃冠叩門曰。吾欲游白岳。願一見而翁。傑見之。則曰。吾有藥。可以益子七齡。而子未能服也。命取盂水置案。出瓢中末少許。內之。水忽涌熱。凡百餘沸。而藥自團爲二。如梧桐子。顆搏之。堅於石。復盂之曰。扁家廟。七日而發也。贈以一緡錢。二襲衣。不受。出中門。忽不見。滿七日啓局。則異香襲鼻。水半耗矣。將服之。疑其非常。復局之。後十餘日。疾大發。更啓藥。失矣。

【季宗道】

常熟西門內。虞山言子游。或云嘉靖時。明府季宗道。瘞鶴以子游士人。不可無坏土。故飾之。

言子游。培中許。同子游。子口仕衛。(以上俱許子洽說)

【藏金變石】

諸暨略增。鋤山中。得大饑。可五十金。鐫有字。方晨臥。見四人奔語曰。非爾物也。問所歸。曰。汝兒物也。時兒對寢。急授其兒。兒亦枕臥。明晨兄弟謀禳於神。視金色漸變如石。其字如蘚。以示市人。猶大饑也。

【三過鄭陽】

秦州徐蕃孫女適沈良才。徐沈並鄭陽巡撫。從大父。從父。從夫。凡三至鄭陽。父嵩。浙江按察副使。都御史。

【王恩民棄妖書】

雲南臨安王得民買屋城外。庭鑿魚池三尺許。起石版。有小方塘。四週甃甃。一小几。几上有書一冊。開視兵書也。未敢探。引魂二方。得民試之。殊效。其引魂方。於婦人則呪一物與食。其婦夜卽至於女子。則得其生時呪之。無不驗。其弟謬生恩民。借閱溺之。恩民戊辰進士。位中丞。人謂棄此書之功也。

【盛端明同鄰】

廣東揭陽盛尙書端明。起宅。鄰人質成。辭曰。我先世嘗鄰一員舍我去。何所稱兄弟乎。嘉靖初。山東曾氏。自合譜江西過杭州。宿仁和嚴氏。疾卒。嚴氏得其譜。改冒曾。今立先賢曾子祠。

【曾氏譜】

【慶成王百子誤】

晉府慶成王鍾鑑。子四十四。長子（奇瀆）襲封外。一旱天。二廢無人。餘四十人。封鎮國將軍。女四十九人。孫百六十三人。曾孫五百十人。見王牒。王元美皇明盛事述云。慶成王百子。誤也。鍾鑑謚溫穆。獻徵錄。誤端順王奇瀆。

【張太宰遜弟】

仁和張元洲（瀚）其弟濂。先發解。登第。嘗赴人席。時輩輩向濂揖。元洲笑曰。舍弟年長。又元洲婦。初怒其以斥場屋。未免室禍。元洲走靈隱寺。僧舍偃臥一榻。時僧新沒。方接故無費。故其徒暫出。而元洲不知也。須臾鬼入視呼曰。此人乃張天官耳。

【故宦優免】

華亭顧文僖宗伯（漬）曰。鄉先輩任公勉之。沒未葬。里長編其子。引爲養馬夫。教授張公以白太守。上虞葉公冕。葉大書榜於門曰。今後均徭。故官子孫一例優免。

【嚴世蕃養子】

嚴世蕃分宜相嵩之螟蛉子。見趙時春作王與歸行狀。

【總兵撻知縣】

嘉靖丁酉。梁震爲陝西總兵。之平涼。迎劉都督。知縣王詡。素廉能。謁惟長揖。震篋之二十。諸學諸生。罔與震辨。震縱僮搏之。各毀髮敗面。（平涼府志）

【駱文盛】

嘉靖辛丑。編修武康駱文盛。分考禮闈。其從兄孝廉錦。以屢困公車。欲編修免人。庶得應試。編修不聽。錦引避。甚。尋卒於家。勉其子力學。安知後人不詞林也。錦孫從字萬歷。乙未進士。歷南京禮部尚書。

【張烈】

華亭張烈。官都水主事。微時。作三字銘。不能詐。寧守之以直。惟其然。故無忤於德。不能諂。寧守之以貞。惟其然。故無傷於誠。不能貪。寧守之以廉。唯其然。故無愧於天。（寶日堂）

【張二郎辭官賞】

上海張二郎。勇慧善泅水。嘉靖末。太守方廉募之。值倭。斬級。賞銀寄庫。支酒食。事平。錄功。世百戶。賜官妓。並辭不受。行乞。宿岳廟。廉後撫吳。召子庫金。仍辭。以乞終。（上海縣志）

【金傑棄官】

嘉靖戊午。江寧令蘭溪金傑。由貢生。性恬憺。持正。不事鞭撻。裁省供億。致忤上官。任半載。一夕。謁上官。授吏。以印。竟去。不知所適。家人號泣。倉皇而歸。後聞隱九華山。學仙。（江寧縣志）

縣志）

【張承】

安陽張承。伊嗣。教諭南宮。善詩。與盧梅謝棹善。所著石湖集。梅管題四溟書舍云。石湖詩。如蒼山老人。奇。丰峻骨。四溟詩。如金閨冶婦。雜繪錯錦。張承曰。丁巳。余教諭魏縣。盧仲木

寫詩。余告以詞畫俱弱。戊午。與謝子獻。寫詩。予訝詞畫更弱。嗚呼。豈知二兆爲死之兆。前言爲仲木之絕筆也哉。

【孫思聰】

嘉靖四十五年。春。甘露降。項城縣典史孫思聰。宅槐樹。甘香殊常。未幾。思聰卒於官。

【東洋行縣】

福建東洋行縣。在寧德縣十五都。嘉靖辛酉。倭難作。東洋民乘亂恣掠。以其地僻。民頑。設

一縣。縣令林時芳。申建行縣於周墩。分主簿一員。駐札其處。賦稅就其徵收。

【朝鮮慕王元美汪伯玉】

朝鮮史。吏曹參判尹根壽子固。同子進士昭。至京云。小邦極慕王元美。汪伯玉。集。即童子。皆能授讀。隨有詩懷兩先生云。大海雄文迴紫瀾。齊盟狎主有

新安。平生空抱投鞭願。悵望南雲不可攀。

【十友】

武康編修。駱文盛兩溪。書款。山寺十友。蒼髯翁。松。抱節君。竹。冰雪主人。梅。晚香居士。菊。懷素子。水仙。碧菜道人。菖蒲。秋江逸客。木芙蓉。月露主

人。梧桐。幽芳處士。蘭。雲華仙。蓮。嘉善鐵寒庵相國。士升。傳十友。茶醒友。鷗。閑友。雪潔友。菊。真友。石介友。松。高友。蘭。芳友。香清友。竹。篆友。其一。

蓮花。淨友。蒲團。禪友。塵尾。談友。拄杖。老友。青氈。舊友。紙帳。夢友。孤鴻。遠友。落日。西友。寒蛩。吟友。楓葉。紅友。其

二

【田千秋葬像】

蒲州千秋好學。善擊劍。嘗鑄銅像。鑄已名氏葬之。語人曰。使千百年以後。人得之。即神仙也。

【海鹽燄火】

海鹽人。善製庭燎。元夕特盛。吾縣硤石西山廣福寺。有宋碑勒。名曰鹽海鹽縣激浦鎮兼燄火公事某。夫庭燎。細事耳。見於帶銜。亦見前代綜覈處。

【汀人善舟】

汀州九龍灘險激。舟人世居灘上。習水性也。精其業。舟人入灘。例倩最能者為護。護一舟下。反護其次者。世業亦數姓。又僅數人。誓不外傳也。

【販海】

閩粵人。顯販海。今延及浙直。自太倉崇明出洋。載淡水。人日給六甌。泊島亦可汲。或未易泊。抵日本對馬島。應或早彌島。將至舟聲三炮。島人出迎。登貨於邸主。延款一日。聽島主

定直。華人多雜居者。亦好花木書籍。

【王希周自刎】嘉靖辛酉。和平知縣。閩縣王希周。蒞事三月。有東壩張德傑所寓人。已行。通判王佳。以縱盜。德傑死。日以東壩人。數盜。欲屠之。希周不聽。夜勒開門發兵。希周度不能止。拔劍自

刎。佳乃已。

【吳承恩報仇】

吳江吳邦棟。大司寇劄菴公（山）之幼子。以諸兄聯第。意營秋試。爲怨家所訐。少年惶急。飲醜死。邦棟仲子承恩。壯而憤其事。誓必報。陰結力人某刺殺之。人無知者。數年後。力人與婦語。婦呼曰。爾不嘗以吳王孫殺某氏乎。隣人訟于官。承恩下獄。論後得釋。雖事不以正。其志足矜也。

【汪在前】

歙縣汪在前。父炎。丞平湖。忤太守徐口口下之獄。在前以諸生視。晷日伏謁求解。不爲禮。是年丁卯。在前舉南闈。戊辰成進士。任嘉興司理。其去臺饒時。未滿歲也。太守郊迎。素好貨。至是廉潔。士民傳誦。爲一時之奇。士固不易皮相哉。徐敗官去。在前遷南京刑部主事而止。蓋兩相構云。

【丁賓】

嘉善丁清惠（賓）嘉靖甲子鄉試。隆慶辛未進士。名稍後。鄉同年支大綸先登第。性矜倨。至丁所。見進士扁曰。四十名外。不成進士。答曰。尙有下第諸公。策令句容。父戒之曰。汝此行。紗帽人說好。我不信。吏巾說好。我益不信。卽青衿說好。亦不信。惟瓜皮帽子說好。我乃信耳。治句容六年。入

覲。詔江陵師相於朝房。師相曰。聞吏績甚著。答曰。更三年尤好。師相曰。迂闊吏部因不考選。江陵見單曰。句容不當遣。選御史。

【錢若賡】

鄞縣錢若賡。庶太守。初鄉舉。家人烹雞。失其首。及聯捷。烹雞立候。又失之。時以爲異。自臨江守下獄死。家人召箕判曰。若要出。待天突。果天啓初釋。

【梁邦瑞】

駙馬都尉邦瑞。尙穆宗永寧安公主。素患衄血。選時。漕然血下。司禮馮保受賄。禮部尙書

徐學謨阿其意。俾病夫進選。陷公主孀居。見通政司右參議梁子琦疏中。

邱樞遣子婦

隆慶辛未進士。諸城邱侍郎樞之子。早夭。嫁其婦。華亭陸給事樹德。問及駭之。侍郎曰。噫。柏舟之詠。錄於聖人。懷清之臺。築於天子。此河岳間氣。可概望之人人乎。

高儀尊師

錢塘高儀。文端相國。父業染兒時。戲汚染。手錄不遺。吾寧朱舜臣。適見之。勗以力學。因受業焉。踰冠登巍科。終身事師甚謹。有蒼頭至。朱氏稍恣。時舜臣教諭金壇卒矣。文端方

大宗伯。遺書教諭子。痛自刻責。

陸樹聲

華亭陸平泉先生。以侍郎予告南還。植孝廉舟。鏡前。其僮曰。我相公官不止此。陸徐呼其僮入舟。諭曰。相公他日不爲我官。但我前日曾經爲相公官。

江陵粟簿

萬曆初。江陵張文忠粟簿。歲積寸許。旨極簡切。嘉善錢塞菴。史官時特筭錄之。後人相頌。得其力。

劉臺

臨川湯顯祖。甲申見。遮北驛寺。詩多感。故侍郎劉臺附題其後。江陵謫事侍郎出。冠蓋悲。傷并一時。爲問遼陽嚴。謹日。幾人曾作送行詩。

湯顯祖

湯義仍。舉隆慶庚午鄉試。以文著。鄉人姜曰宰宣城。萬曆丙子。義仍過訪。宿曰寺。誠悔鼎。祚禹金。得交沈孝廉懋學。嘗同課寺中。有楚客。角巾葛服。通曉。司里氏曰。江陵張某。今相

國父行也。疑之。然不敢忤。留飲。且贖焉。客辭曰。二孝廉入京。相國期一晤。宜頗懇切。至期並宮燕。南客果來。勸謁。相國。各未決。客曰。第訪我。相國自屏後覘之耳。沈獨往而退。客又至。語沈曰。相國善足下文。詞。薄耳。招義仍。終

不往。尋沈雋南宮。對策進士第一。義仍下第。然深服江陵之知人。能下士。爲語常熟。許子洽。

禁殺牛

萬曆初。巡城御史楊四知。禁殺牛。榜宣武門外。多回。夷世業。萬家鼓。擊。頓令收榜。乃

定。夫禁殺牛。未爲非也。羣習難改。故善治者。貴因勢而利導。毋拂衆以就功。又郴州。獠人雖竊一雞。必抵命。嘉靖末。某官欲改行漢法。獠人立表倡變。太守南安陳學伊。檄仍其俗。乃靖。

【申 其 學】

日照申其學。田明經。令睢寧。呈開府李世達。築城未得決。亡何。開府經其縣。城且半就。擊其何自。對曰。不費官。亦不煩官。開府詰之。曰。令來時。邑故多沮洳。麥稿也。而務閒無事。民與廂徒。飽食坐臥。廢業可惜。日課之樵。久之。麥稿由積。無所。用之。陶得甕。以巨萬計。度爲城有餘。獨少灰。與丁食。今賣麥及甕。就交。開府太息。助米千石。再過之。樓櫓具備。事在萬曆癸未。

【王 國 光】

萬曆壬辰。前太子太保吏部尚書。陽城王國光。里居。有嫠婦李氏。或勸國光娶之。未行。時國光年高。亦不介意。曾有他故。氏自刎。陽城令曰。口口故。賺國光。謂其富。咎死。實非也。巡按喬曠。呈疏。聞。削國光籍。所樹石坊。俱糊名。不敢露。北人遵令如此。南人雖削籍。門額坊表。如故也。錢塘太常少卿陳三謨。以江陵黨。削籍。又坐殺人罪。城且其賜一品服坊。則吏科都給事中時也。至今存。

【姚 弘 謨 迎 事 生 母】

秀水姚少宰弘謨。繼文嘉。精癸丑進士。父訓導。口卒官。母更適。依祖母劉氏。至成立。登第後。迎母歸養。克盡孝道。入方之。范希文。

【元 輔 家 幹】

張居正奴。游守禮。原缺二十一字。申時行奴。宋九原。京衛經歷。不會仕。日。卽地封。

【海 瑞】

海忠介。巡撫江南。華亭徐文貞。階。家居。子僕積橫。訟驪山。積謀于耳。筆並不稱意。崑山某年十一月。最後至。見各案。俱不視。第曰。揚湯止沸。不如釜底抽薪。文貞聞而善之。詢其策。對曰。相公柄國久。願假尺一之書。走長安。故人足矣。勿與此曹子角勝也。卽如其言。後書馮保。又貽給事嘉興戴鳳祥等。劾罷中丞徐氏之訟。地操縵。既熟。其後凡異彼者。俱以孔方據之。烏程董氏亦然。

【周 天 球】

長洲周公瑕先生。師事文太史徵明。設象中堂。歲祀之。萬曆乙未九月辛。年八十二。無子。

【邵 虎 卷】

錢塘邵山人虎卷。善吟繪。讀書山中。有隱操。邵丞新建。驗楓谷。(均)欲見之不得。怒。其山。虞淳熙詩。老作聞民不負租。不濠不澗路。應迂。叩門雙騎傳呼急。一片紅崖山已無。按楓谷擅聲藝苑。傾慕緇衣。而事同伐木。所以罄壤踰垣之寥寥也。

【續 吳 都 文】

宋季洞庭山鄧虎臣。選吳都文萃。積四帙。虎臣即殺似道者。萬歷時。吳郡錢穀。續吳都文萃。凡二十帙。未付梓。今佚不存。

【吳 稼 證】

孝豐吳稼證。翁晉父維嶽。巡撫貴州。世稱詩人。嘗訪仁和沈工部伯含朝煥。有解帶對人之句。曠之。因謁選。授南京光祿寺典簿。遷雲南。口州判官。晚號玄蓋山人。易簀日。命服由人之服如故。官非其志也。

【嚴 訥】

常熟嚴文靖相國。家居。有老儒候之。詔相國曰。先生自視與孔子何如。相國駭遜。老儒曰。非謂道德也。第論名位。相國曰。宜尼。僅魯司寇。僕忝冒多矣。老儒又曰。老先生何如周公。相國益駭遜。老儒曰。當周公初造。又值流言。不如老先生作太平宰相。又曰。老先生何如伏羲氏。相國駭不能答。老儒曰。今日某卜祈伏羲氏。聞相國召。舍之而來。真過之矣。相國大笑。

【楊 春 元】

駙馬都尉楊春元。固安人。尚榮昌長公主。極有家範。貴而能孝。富而能禮。每召客。親視鼎俎。子光夔。錦衣衛。帶俸任都督。光泉。光且。俱錦衣都督。揮使。並讀書守禮。有父風。父卒于京。哀毀不勝。扶柩歸葬。徒步百餘里。廡奠。母喪。七日不食。衣不解帶者三月。竟羸瘠而亡。

【王 述 古 笏 記】

禹州王述古。萬歷己丑進士。官刑部員外郎。作笏記。示歸德沈相國鯉。欲於祝壽日對仗宣讀。以免礦稅。然後起。歸德不可。令述古作奏。自上。述古難之。鄆縣相國沈一貫。良作揭進。不報。

【陸平泉論風俗】

棠邑許繩齋（維新）侍郎。前守松江。問風俗。信於陸宗伯平原。宗伯曰：無風俗。許訝之。宗伯曰：公倡於上。為風。吾儕效於下。為俗。天下豈有風俗。

【郴州象裔】

萬歷初。貴池蔡太守言。郴州古有瘴。葬處林木蒼蔚。犯即見祟。守歲祭。問之土人。云某姓為象夫人之後。衣冠未替。伯祀祇役。稱姑祖陵。數千年荒裔。猶明闕惠。

【耿楚侗馮慕岡講學】

或問耿楚侗先生（定向）以天命之性。先生方欲擬解。其人曰：意公自言其性耳。先生為之愕然。馮慕岡先生（維京）會友於白下。凝然相對。或曰：馮公

何無講。座下曰：此人渾身是講。

【林兆恩】

莆田林兆恩。以良背之法。教人療病。從者雲集。博極羣書。著三教會編若干卷。老得心疾。顛狂逾年。乃死。今金陵有祠二。蓋其徒崇奉之也。○兆恩嘗師作小仙。

【祝世祿】

江右祝世祿。無功。解褐當塗令。有馬指揮家。還境見窖金甚富。相傳故宋賈似道遺園也。窖衡三丈。長口十丈。深若干。事聞於官。丞尉等爭往。無功獨不至。後按臺侈其事。上之朝。

知無功不往。獨薦及。談遷曰：吾因祝無功。事而有感於近日也。崇禎壬午冬。有賈船私販日本。攜人參值十萬金。登吾寧海岸。將赴嘉興。土人利之。告邑令劉憲模。往捕之。盡收其橐。因私販者數人。不以聞上官。賈人訴各臺。憲模報數先後多寡不一。又分參饋上官。如司理宋璜。即百二十斤。實不能半。而初時捕役者乾沒不與焉。其賈多。晉人陽城張藐山先生。時以大司農改總憲。或求先生東浙撫董象恆。為諮賈地。先生不可。曰：利至十萬金。勢必上聞無益也。吾不敢預點墨。已而撫按某奏上。憲模免官。前子在坐。親聆之。先生歎服其遠見。政與祝無功事同。

【朱中丞誤奏反詩】

朱鴻謨開府吳中。時關白多警。太倉王士驥等。羣習弓矢。或訐其反。搜捕手札。君實有心追季布。遂門無計作朱家。為左據。鴻謨奏上。事下兵部。兵部口口口口口伍袁。

舉。告尚書石星曰。此拜月亭傳奇中語。何得作反案。出坊本示之。尚書釋然。

馮少墟會約

萬曆丁酉十二月。長安馮少墟先生。關中會約云。冠婚喪祭。當以會典家禮為主。至於冠

禮。久已不行。尤望諸公亟倡之。士大夫於每年正月六日。各攜餅菓四器。酒一尊。同至公所。拜一拜再。二拜以見相答。已會申散。有年高步履不便者。公除餅菓四器。酒一尊。送至其家。非不得已事。不可不到。一彼此往拜。正用單帖。後輩與前輩用折柬。前輩用單柬。答後輩。途遇前輩。下車立道左。候過方登車。一彼此往拜。務相見。不可概以不在辭。如談久。隨便出一餅一果。不必設宴。一彼此稱呼。或字或號。不必稱翁。惟後輩與前輩。仍用翁字。

梅衡湘論友

公安袁小修。中道。客長安。以學道未契。汲汲求友。麻城梅中丞衡湘國楨。寄書曰。貴

城之旁。有日中之市焉。雖無奇瑰異物。而抱所欲者。各恣取以去。求友亦若是耳。公欲於此處求友。顯靈宮。古柏婆娑。委地作虬龍形。東便門外。奈子花如錦帳。可容二十餘人。晉陽菴中。有唐鑄觀世音相。沙窩水。葛道士毬。順城門守門。老中官射。亦不佞數十年內所得友也。公倘欲之。便以相贈。

朱氏世祀主司

蘄水朱康侯。進士。大父方伯。嘉靖壬子鄉舉。房考滁州學正。全州李。總裁衡州知府。德清蔡汝楠。監臨御史。績溪胡。癸丑成進士。房考吏部主事。秦和。

楊。主考大學士。華亭徐階。侍講學士。高安。放。康侯兄知府。長期。嘉靖甲子鄉舉。房考承天推官。絳州孫。總裁。憲。副。汲。縣。潘。監。臨。御。史。長。垣。徐。萬。曆。甲。戌。成。進。士。房。考。兵。部。主。事。岷。山。陳。主。考。大。學。士。全。州。呂。調。陽。侍。講。學。士。高。昌。王。從。兄。萬。曆。壬。午。鄉。舉。房。考。武。昌。推。官。長。州。褚。總。裁。按。察。僉。事。上。海。王。監。臨。御。史。常。熟。錢。信。康。侯。舉。萬。曆。己。酉。房。考。行。人。蘄。水。郭。主。考。左。諭。德。龍。溪。蔣。右。諭。德。河。津。趙。庚。戌。成。進。士。房。考。沈。馬。渭。南。南。主。考。侍。講。學。士。宣。化。蕭。雲。舉。侍。郎。王。闓。並。世。祀。於。家。

趙御史論囚

殺禁卒。亡何御史死。

郭達

萬曆壬辰進士。趙憲卷口以庶常改御史。嘗論囚有禁卒以獄逸代死。先一日獲囚刑部。不及聞。御史臨決。問同年李騰芳云。何李曰。當疏明其事。候旨。庶不枉不欺。竟阻於同事。密縣郭達伯羽。萬曆丙子貢士。歷官真定同知。幼聘姚氏。偶失明。議退婚。達指天誓曰。我不娶。彼何歸。遂完娶。生子六。

蕭如薰杜文煥

萬曆時。蕭如薰。杜文煥。並西陲名將。能詩。有集行世。聊紀其一。新秋呈霽色。寒草正丰茸。杞樹珊瑚果。蘭山翡翠峯。出郊分虎旅。乘障息狼烽。坐乏舒籌策。天威下九重。(蕭

如薰秋征)

朔方才喜滯胡塵。又見邊聲急震隣。雜虜橫行如烈火。諸軍堅壁似雲屯。纓冠義切寧違命。蹈刃心維肯愛身。獨捷三師先報陣。保全疆場報楓宸。(杜文煥定西捷詩)

盜俠

汝水竇生。以父尉濶安。往候遂還。出天津。值盜割筴。見殘箭薄之。生日。遷安尉。安能厚耶。今日何以歸也。盜感悟。引還家。貽百二十金。贈小黃幟。令道警。出示之。自是畏途示幟。彼悍少曰。自大兄所來乎。生得返里。其兄游河南。語此事於逆旅老人。老人曰。後輩草草何足道。因叩之。老人曰。少作此伎倆。今變種種矣。無足問也。隨問客能射乎。客引強弓。而且赤。老人拓弓如輕綿。射飛鳥命中。客駭服。老人曰。平平耳。更截柳挺各二尺。置樹端。發鏃。矢必中裂。又立木寸餘。矢擗木平過。又不仆。老人投弓而嘆。休矣。日薄西山。可奈何。客今後如道警。第連某名氏。猶及免也。

曇陽子

王文肅家幹。曰五。曰七。通敏敢任。並致厚貲。文肅女字徐少。參廷棟子。未行。子天。時王家有白狐。出沒作度語。雲篆。或靜室枯坐。諸真駢降。非無因也。文肅迂而神之。侈言其事。聞

於兩宮。俄而狐隱不復出。靈響遂絕。母朱夫人計窮。而王七獻計。爲紹興某生。密捐千金。以女歸之。某歸後。單門驟侈其臺。且女容止不凡。隣人挑之不可。或曾以無端。女吐實曰。我夫倉王相國女也。聞於朱夫人。相國族父孝廉。號曰兼善。其人強忍自任。朱夫人卽召其女。置孝廉家。而通書相國。亡何相國報命。當聞孝廉室內泣聲。俄寂如也。又累月。紹興某生來。同至者五人。亦延款。亡何。並不見其出。則孝廉意也。王元美作晏陽太師傳。倣唐人南岳魏夫人傳。四明樓總指其妄。鄞縣屠儀部陸上城。隍神訓之。後疊陽子祠。爲雷擊毀。

【王世貞】

王元美先生。每夙興。燭下盥櫛。輒閱諸行狀。隨草一志傳。又成一詩。出報謁。肩輿頗廠。旁列書俱覽。所坐書室。設大缶四。隨事札記分投之。經月一理。夜客四人。嘗侍飲。有某別號。恠恠。嘗投簪求題。云伎所贈者。先生卽曰。鬱陶思君爾。其捷趣類此。

王問伯（士騏）先生之長子也。先生與王文肅。非同宗特契洽。嘗共讀活濟觀中。兩家子弟比於雁行。萬曆壬午。問伯解額第一。成進士。文肅子辰（玉衡）嘗過之。值其內櫛。不卽出。意不快。會選庶常。文肅當國。謂瑯琊素不以詞林重。問伯遂不預。雖文肅無所私。實辰玉意也。故問伯怨望。及文肅還里。伺其起居。輒示東林諸公。桂于羣口矣。

【司汝霖】

巡撫福建右副都御史。江陵司汝霖。本汶上張林子。數歲失母。江陵司鑑。督運過汶上。與林善。乞爲子。年二十二。登隆慶戊辰進士。歷文選郎中。太常卿。鑑再受封。後復姓。改名汝濟。卒年五十三。遺書曰。開府非卑僚。半百亦長也。惟生我之劬勞。吾慚負于天地。

【文在茲】

萬曆口陝西初場。督學口口口。閱諸生試卷。揭何龍圖第一。文在茲呈七義。謂文宗誤矣。必我也者。非龍圖也。督學深然之。果在茲第一。乙榜首龍圖。次舉龍圖。又第一。萬曆口徒張昱。奏其叔占收第一。祖宗高宗駙馬培賜物。又第二。祖蔡京丞相女奩物。并

【無賴妄奏】

發吳慶封湯子衆寶物萬萬。湯顯祖若士詩。天帝談諧一字開。宣和遺事莫紛紛。獨憐千載權埋客。不到延陵季子墳。按金史宣宗興定三年十月癸未。平陽判官完顏阿剌左箱。觀察霍定和發宋蔡京故居。得二百萬有奇。淮格選賞。穢相封殖。祇供後人官幣。又供後人誥。何不將六州鐵。鑄其身於銅山金穴間耶。

【有司重聽】

嘉興推官段鏤重聽。巡臺管間。幾令郎白外郎二十四人。滿室笑之。又無錫知縣謁學使。學使曰。鹽臺于貴縣有說。答曰。已喻。明日進視。問其故。誤鹽臺爲硯臺也。尋免官。

【雙乳】

嘉善錢士晉。守大名。有諸生兄弟四人。貌各相似。問之。同乳。二人生正月。二人生臘月。俱歲內。記其髮偏全。

【徐大相論魯綬】

萬歷口吏部郎徐大相。先以國子助教。論稅監魯綬不報。綬內懼。進瑤異若干。列几上。去。旋受之。適中宮至。問所自。中宮曰。國子先生論人。當不差。奈何受之。上卽應出。中宮

去。旋受之。

【許會元稿】

周安許驍子選。辛丑南宮第一。先是下第南還。道賈桐鄉。祈某在昆陽。適值之。贖五金。子遜貽制義三百首。內食不厭精全稿。祈應試錄之。拔高等食廩。又易義。售姑蘇酒家六甌。

後冠禮闈。梓人購得之。

【梅花詩百首】

屠儀部隆長卿。求友人侍兒。令卽席賦梅花詩百首。長卿援筆立成。因歸之。長卿佻達不羈。先囚宋西寧家。狎飲罷官。常游西湖。泊舟西陵橋。詞客滿座。語及前言。忽曰。宋夫人真

絕色也。衆爲之匿笑。又曰。吾一夜可度男女十人。歛縣吳德符充。時在座。爲子言之。

【趙文懿墓銘】

崑山顧文竣開雍。志蘭溪。趙相國志皋墓。簡階嚴潔。大有古法。不似諛墓之習。銘曰。公初激昂。時宜勇也。公晚委蛇。道宜漸也。公學至偉。巍科猶細也。公用未究。久相猶促也。生焉

顯靈沒永寧也。

【張九德】

萬曆己酉。松江守張九德。同知楊勳。俱寧波人。張守嘗出郡治門。見治前大書一酉字。畢滿一場。驢而返。楊問其故。以實答。並不解其故。後四十年乙酉。松江陷。

【虎入城】

萬曆丙辰七月晦。虎夜入杭州錢塘門。且逐之。踰城出。不能獲。湯隣初先生（煥）曰。虎反爪爲虐。虎入城。主酷吏肆威。

【偶然詠】

韓求仲太史（敬）嘗入內。問妾今日何衣。緋曰。偶然。何更換一書曰。偶然。兩言可念。姚叔祥（士隣）遂賦一絕。袖裏紅綃裏一編。偶然應答語新鮮。若教更問郎何似。嫁得郎

來亦偶然。

【冥衣】

嘉興通判某北人也。嘗過市。見紙神等問之。曰。冥衣也。心怪之。邑邑成疾。傳吏卒取冥衣來。肆卒以呼名醫也。召劉巽峯。通判曰。焚了。時以爲笑。

【榜豐縣】

孝豐縣令。其諱孝宗。每榜示曰。豐縣。又福建龍巖縣北四十里。孝山縣。官始至。則祭之。謂孝凶名。或莫乃入。知縣黃廷圭。改曰壽山。自是不祭。而皆無恙。

【攜李詩人】

萬曆間。攜李詩人顏盛。姚叔祥起。備書。丘遂本天寧寺僧。空梵也。逐于岳氏。走補嘉善諸生。仍被斥。以詩游應紳間。陳無功本隄郡守。勉侍史。積資。官泉州府經歷。沈藻明德。本吳

氏舍人。並能詩。不諱其所出。明德家。設恩主。思我吳公之神位。每遇人輒自稱名。殷東泉曰。日本村農。車水手。綿紙書。陳眉公過問。則後漢書也。因勉之。成名。

【卑稱】

府衛州縣佐。武首領官。見通判以上。皆稱老爺。與奴僕無異。萬曆間。濟南歲貢生王之翰。選口口主簿。見上官。一呼老爺。遠感心疾。見人輒曰。孝子慈孫。百世不改也。竟死。趙州選

貢宋弘業選授州同知。上疏求與州縣正官俱稱上官。爲大人奉旨下部准通行。弘業見巡撫遂稱老大人巡撫。怒而笞之十五。憤恚病死。見家宰趙南星疏中。

【許令典】邑人許太守同生。《令典》萬歷丁未進士。嘗從官淮安教授。壬子分考四川畢。出遊。見都人婚車餘從白衣冠。問其故。曰孔明卒時。蜀人俱服素。遠者遂以爲俗。不之更也。曰孔明孝。

太守往廟灣周氏。適新進士盛服。縱擠許膝下。從者指爲太守也。許叱曰。此處安得有太守。問其故。曰我不代伊父母教他。

【陳心得】

萬歷己未冬十一月。崇德知縣陳心得。廨舍失火。延燒軍器庫。傷於火藥。卒。今立祠。

【臂紋】

秀水陳居一太史。《萬言》嘗欠仲左臂。隱隱有文。旋膚理。若動出文。中起寸許。長過之。乃玉筋篆一進字。卽以朱塗其文。用楮卽倒蒙數紙。鈎畫宛然。睡而稍平。見太史自記。

【印綬放花】

郭縣董侍郎光宏。筮仕口口退食。案上印綬忽開放。如清蓮花。良久始合。尋右遷。凡三放花。至侍郎。

【趙南星】

趙信鶴太宰。以葉相國孫。口上書言事。對人曰。葉臺山有孫。魏見泉無兒。時魏廣徵來訪。辭之。魏曰。我卽人可輕。家亦可輕乎。亡何魏因失廟祀。見攻。

【魏廣徵】

魏廣徵父元貞。以清直名。廣徵雖世學。經術疏略。同烏程朱文肅。《國楨》在閣。河南上。玉輦擬聖諭一道。各具草。魏云。人君得天下易。得玉輦難。文肅諷其改。魏曰。某得意在此。

末年媚璫之旨。駢四儷六。多元城黃立極。平湖施鳳來。二公筆。

【陳長祚】

長樂陳尙書長祚。以葉相國之師。致八座。相國解印。或規其引退。陳曰。雖年迫懸車。而少。

子求蔭綬。欲少慰之。辟如驢馬。非不願息。無奈人鞭其後耳。

【汪文言】

歙縣汪文言。以侍兒事縣令施天峻。見幸。充庫吏。蝕帑事敗。逃入京。久之。彙緣太監王安。安時直東宮。因善中書舍人嘉善魏大中。侈附羽翼。自云本武生。大中轉掖垣。於諸公前。詫爲異人。密託訪。隨委隨應。蓋上交冠蓋。下接胥吏。故於投合益巧。而借授正類。感慨以發舒其意。車馬如市。苞苴日進。轉應星回。大。中。中。書。善。傳。樞。大。中。劾。樞。而。吏。部。都。給。事。中。關。原。許。阮。大。鍼。同。縣。左。光。斗。恐。其。反。覆。仍。計。出。之。改。用。大。中。各。致。隙。大。中。中。書。兩。句。疑。有。誤。字。

【括銅】

天啓初。太僕寺少卿徐卿伯。括南都廢銅四十七萬餘斤。輸北京。二十九萬八千餘斤。留鑄錢。俱大內各官。銅窰銅溝等物。

【黃尊素】

餘姚黃御史白菴。微時。有友人承某。懸館致之。夕嘗酣歌。令君曹谷聞之。問于承。承言其實。命戒之。後勿復爾。黃酣歌自如。承去聯捷。已曹進御史。黨逆魏。敗名。

【銀錢分定】

建德鐵工某。欲往池州。過七井山。其上曠寂。忽見白金無萬數。作四堆。某熟視駭異。叩首曰。雖神賦。如隻方何。且迫暮。先袖二鏹。行十餘里。宿村舍。告之。約共取。晨往。俱壘土也。袖金入池州。尋罄矣。嘉興李同知芳。家梅溪里。費甲邑中。偶門外遺一錢者。類穢物。心疑之。俄行者拾去。遺問。則一惡錢也。同知嘆以我之富。一惡錢亦不可妄得。令易之以示後人。

天啓初。海鹽橫山張氏。蒼頭楊隨龍。春日鋤麥。得瘞金若干。俱刊楊隨龍名。其主徵之不應。被榜自經。訟及主人。太挫其產。亦累死。以阿堵物。主僕俱斃。故知管寧揮鋤不願者。有以也。

【佞佛殊報】

破石鎮屠者。口渡海禮普陀。逾山。同舟客某。雖積虔。以眩疾不輟葷。素卜于神。不許。因循者六旬。元且卜之。利。至是登舟。謂風疾。備庸少許。俄觸風。長年徧詰諸客。其人無以應。

奈何以吾故。貽患諸君乎。但公登岸從之。時抵暮。荒山榛莽。分必死。良久見山上有窟。意人跡。窮其所。往值道人告之。故。途人謂我舟使。早抵普陀。迅帆乘風。味爽告泊。禮佛下山。而前舟方至。職問其繇。則佛力所祐。堵者能說客姓名。

天啓丙寅。太倉王氏航普陀。且至。風覆之。盡溺。

崇禎口口正月。大風雪。寒甚。斷舟。香客或飢凍死。

丁丑口月。杭州天竺山。香舍夜火。吾縣斜橋口氏旅宿。以鎗其門。焚死。

【名 刺】 詞林以兩雍爲外任。祭酒通刺司業。稱寅弟。還詞林。不復稱寅。

給事謁內閣。投刺稱晚學生。答稱知生。御史稱職名。答稱友生。萬曆末。葉向高入相。並答知生。崇禎末。左都御史李邦華。奏改御史。投刺如給事。蓋聞之黃湘云。奉旨不知果否。

平湖趙無聲先生（維寰）侍教辨曰。世俗士大夫投刺書名。但繫京秩。卽止。稱侍不用教字。於是有以銅臭掛名京銜。而目不識一丁者。公然效尤。以蒙于鄉里。則曰京官。體應如是。予謂不然。侍以分言。臣于君。則侍。子孫於祖父。伯叔則侍。子弟于師。則侍。其在交游。惟于達尊。稱侍則可。平等交。何侍爲。若教則無往不可。自聖賢以及舊塾工。苟有一言合道。一事可法。雖王公大人。亦將折節請益。而以區區腐鼠。遂爲天下無可受教見解。亦何陋也。此例想起於隆萬間。吾宗約之見云。鄭淡泉先生。官銓部時。通刺吾相。稱侍。教生不稱容。以非至戚也。先生去今未遠。要見爾時古道尙存。今同省皆稱容。容未足。又益以通家。而獨斬一教字。蓋驕浮日熾。古道蕩然矣。此不當責之諸銅臭。各在吾黨。志復古者。請遠衆。獨持之何如。

【通家子弟】

萬曆乙亥。留都部曹諸人。極一時盛。且修先輩故事。易子而課。旬爲一會。各因所至。考其最殿而摩礪之。禮部蒲州馮竹坪公子。搆謙年十六。勞謙纔七歲。兵部則興業。何鐵橋公。

子台雍。獲鹿曹嗣。出子應徵。應名。名年十四。徵年十二。而雍與勞謙同歲。河源李斗野子樹植。年十歲。武進史禹。門子志實。少樹植二年。而吏部陸湯。維涇坡孫獻瑞。亦七歲矣。又狀元俞邦揆。年十八。羽林前衛李承忠。年十七。蓋諸公教諸子。館客之子也。（略問禮萬一樓集）

【書法】

邯鄲淳曹娥碑真蹟。今在太倉王文肅家。（包長明說）
陳叔度與曹能始論書曰。有友工書。尚未絕俗。奈何曰。筆末拙耳。拙則不俗。

【茅筆】

嘉興助教李曙巖（原中）曰。凡人書法。濃筆多天。淡筆多壽。
陳白沙先生。自製茅筆。作大小書。傳于世。人莫能效之。

【產異】

萬曆丁未。吳縣石湖陳某妻吳氏。產白魚。後又過期不產。一日請治平寺僧。誦經祈祐。忽產一胞。剖之一銅法馬也。重十兩。雞萬曆二十六年。置。

徐州吳端妻。初生子。歷五十四日。忽嘔三角物。數十粒。之乃銀二錢四件。五六日。連嘔數斗。合之得大錢七十五。皆自年號。

【朱國盛朱積遞請】

天啓時。工部郎中華亭朱國盛。黨逆魏。歷加尙書銜。魏氏敗。國盛除名。鄉人朱積。因宿怨。同陳子龍輩。上書刺之。輒稱逆黨。積登崇禎癸未榜。選庶吉士。從李自成。逃歸。

國盛請爲順黨。題楹曰。寬著肚皮包世界。掙開眼孔看時人。

【沈淮】

烏程沈文定相國。南司業時。魏忠賢以事至。重其才辨。厚禮之。且薦於同年巡撫。口口贈遺。過望。忠賢感之。天啓初。口口科給事中。惠世揚以太學門生來謁。勞闈人沈光一。緝。

三日。終不爲通。世揚恚。首攻文定去。

【熊廷弼】

輔臣丁紹獻。馮銓。上私刻像。遼東傳。因殺熊之圖。丁卒時。見熊索命。又王化貞同熊臨訊。

在道輒賄市人頌王嘗能

【朱國祚】

王司寇紀論沈灌剛藉初朱文恪擬旨未苟上自改重時旨出人多疑文恪修怨曰秀水長者不至是乃烏程構我耳。

【毛文龍】

天啓丙寅六月金人遣毛文龍書曰古國家興亡皆天運循環其將亡也必災異屢降各處兵起其將興也必天然護祐動而成功南朝運終死數未盡天使喪亡將軍豈能拯之乎良禽擇木而棲賢臣擇主而事韓信陳平棄楚而歸漢劉整呂文煥棄生而歸元此皆默識天時擇主而事名垂後世自古天生帝王不念仇隙祇論功德管仲桓公之仇也不殺而相之遂成霸業敬德太宗之仇也不殺而將之以有天下今將軍縱竭力辦事君臣皆迷反受禍患南朝氣運已盡時勢已盡悔之不及文龍不報

【董應舉屯田】

董應舉奉屯田之命給帑金若干亟於成事出價買田業主包租董去任即廢蓋舉荒可久今本熟田何以永賴錢相國寒菴說

【顧秉謙】

顧相國宴魏忠賢窮珍極異覓奇罈四十罈令吏四十人頂獻上紅簽書某味出某地又自熟其鬚曰本官認子但不用我自鬚兒命二子台領台祇稱孫立勞二百金壽忠賢文

自稱通家晚生二子稱門孫祝

【樊良樞】

天啓丁卯四月浙江學使南昌樊良樞自口口還杭州登江岸失印三日或得之司前石獅口中尋出試衢州投劾去

【箕仙】

天啓二年五月杞縣趙太守彥復游百泉書院有客召箕云淮陰侯也叩以遼事判曰好將國事與君籌將士無心欲解謀幸得天心猶未泯還看英武定神州又問又判云云其

自詠曰當年初構未央愁日月無光水倒流敢謂漢恩原自薄已令楚客作俘囚青山不掩英雄骨白日難銷天

地發。我欲爲君論往昔。青衫濕透淚還流。

戊子。山陰白洋朱氏。以亂召箕。問避地之所。在鄉乎。曰不可。在城乎。曰不可。然則城鄉間乎。又不可。歷問其故。曰不在。劫中人。無可無不可。

【魏忠賢】

太監魏忠賢。籍沒後。崇禎二年七月晦。吏科給事中李邁。知巡視內庫。同各省估諸物。抵文武官俸。有花梨木。烏木。雕花彩。黑彩漆。黑漆螺甸。各項大椅二十五。上有龍文鳳彩。萬

壽等字。問之內監云。神宗皇帝寶座。逆賢家籍出。又諸臣上壽錦幛。崔呈秀祝壽文二篇。顧秉謙壽六十壽文一篇。張瑞圖慶榮壽序一篇。黃立極學承恩綸序一篇。馮銓祝上壽上公俚言百韻。沈惟賢生祠記一首。張宏德祝嵩壽詩一篇。馮銓詩曰。德稟乾坤秀。身依日月光。惟山寬巖巖。瀛海大洋洋。甲代名方大。於功性自昌。嶽靈生伯甫。苗裔出高陽。文武人稱傑。經綸世待匡。器含喬采潤。胸富甲兵強。偉略高伊呂。維才壓管商。粉榆超漢苑。運會際軒唐。已識天顏喜。還知夢實良。楓宸心臂切。禁苑姓名彰。玉佩趨長樂。金貂傳未央。袍分仙仗彩。袖惹御爐香。疏附明難照。周旋互震陽。前星初耀耀。幻海已泱泱。羽翼商山手。騰揚渭水祥。龍飛時放墊。鵬連遂搏羊。博望眞師友。承華賴贊襄。風雲應契合。魚水恰相當。輔導歸仁術。謀得智囊。鼎湖口再起。玉几命重揚。堯舜當我世。皋夔佐吾皇。瑞國星舍合。令譽斗山昂。曉日通丹陛。春風滿玉堂。儒臣間竹簡。元老展青箱。雉尾雲排扇。鴛鴦筍列行。同占卿月皎。共仰客星芒。剡表尊公望。帷籌仗子房。謨猷規聖學。紀法震乾綱。大有時方泰。中興衆所望。英才初彙拔。宵小或顛狂。簪筆希鳴鳳。盈廷起沸螿。玄黃將易色。同異各胥戕。不有風雷震。幾令宇宙荒。獨龍開朗耀。鱗魅息披猖。求舊存耆耆。維新洗肺腸。闕門等上聖。重治法前王。黔首沾膏潤。穹玄賜福禳。卷鸞儀。頌洛。寶璽見臨漳。部奏清河瑞。家藏棲畝糧。天人同叶應。中外體安攘。文若擎天柱。靈鷲駕海梁。純忠扶社稷。壯志掃檣槍。時下修刑政。軍興只糗糧。雁門無豕牧。雉堞固金湯。挾纊從天府。投膠自上方。律師遵約略。驕虜敢鳴張。九載逋逃

冠朝思啓。羽書連上苑。烽燧達長楊。更有機關巧。番來信。紗旁。蛇生射。腋胡。越。臨。蕭。羈。充。計。潛。相。懸。鼻。心。未。可。量。公。車。頓。傾。畫。繡。坐。獨。傍。得。非。得。宗。臣。力。馬。能。薄。海。康。運。籌。先。組。豆。決。勝。溢。臨。場。太。伯。論。旗。指。昆。吾。早。劍。錯。有。奸。皆。鼠。讐。無。賊。不。跟。踏。麟。閣。分。彪。炳。雲。臺。共。激。昂。自。功。必。上。賞。曰。曰。德。宜。償。胙。土。曰。家。業。分。茅。在。帝。鄉。山。河。延。奔。葉。閱。閣。盡。冠。裳。興。漢。推。平。虜。平。并。寶。破。羌。匪。夷。來。弁。服。甌。脫。化。羅。罽。九。來。效。靈。赫。三。朝。典。密。裏。梯。航。歸。玉。帛。瞻。祝。肅。巖。廊。頤。曰。茅。茨。地。寧。容。荆。棘。曰。經。營。勞。勞。書。檜。節。備。周。詳。桐。梓。共。挺。栢。榭。榭。在。棟。梁。子。來。仍。勿。亟。農。事。更。無。妨。宸。極。端。竟。冕。中。天。起。闔。閭。百。靈。咸。受。職。萬。國。盡。趨。跽。曰。曰。龍。蟠。去。斯。干。虎。拜。颺。嘉。猷。高。且。誕。大。國。闡。姬。姜。帶。礪。申。盟。誓。威。儀。異。璧。璋。上。公。崇。特。進。七。廟。儼。蒸。嘗。玉。綸。褒。曰。濕。雕。弓。頤。什。煇。尊。庸。先。後。意。史。冊。萬。年。芳。畏。禮。多。尸。祝。江。濱。徧。帶。棠。承。恩。宏。甲。第。開。宴。沃。春。觴。嘉。瑞。生。芝。圃。轉。袂。養。鸚。鵡。撮。飯。貞。孟。月。晴。旭。送。餘。涼。譯。國。餘。玄。雀。瑤。池。下。彩。鳳。上。台。輝。煜。煜。南。極。映。蒼。蒼。鼎。熟。珍。羞。味。曰。傾。沈。滂。漿。大。官。領。御。饌。笙。響。振。陶。甕。雅。樂。登。歌。繞。和。聲。係。占。鏗。玳。筵。青。玉。案。丹。餌。紫。瓊。霜。王。母。蟠。桃。日。安。期。大。棗。飴。添。籌。勤。海。客。託。戟。列。朝。郎。壯。志。千。秋。樹。箕。疇。五。福。章。羣。情。勸。九。錫。獨。坐。引。雙。黃。元。宰。無。窮。壽。朝。家。有。道。長。嗟。子。才。朽。落。念。我。學。曰。涼。樽。散。原。無。用。粉。榆。徒。自。捨。明。公。垂。顧。盼。溝。斷。被。青。黃。知。己。稱。奇。選。禔。躬。竊。慙。惶。有。懷。惟。鑿。結。清。濁。欲。替。旨。虛。負。雲。天。義。安。能。寢。食。遑。嚙。環。恩。莫。報。結。草。德。難。忘。齋。沐。通。魚。雁。虔。誠。戒。宮。篋。願。言。千。紀。壽。長。進。九。霞。觴。

【黃汝亨】

杭州西湖立魏忠賢祠賜名永恩。浙撫潘汝禎倡之。祠始成。郡人黃憲副汝亨。臥疾不可起。魏氏敗。有奏汝亨以人祠。繼論被詆辱忿死。則流聞之。誤耳。中書舍人新安吳懷賢暮客程于古。偶閱邸報。塗抹之。蒼頭怨懷賢。計於東廠。捕下獄。懷賢承之。掠死。崇禎初。贈官。禍不自榮。歿預其榮。人事真不可測。

【余煌】

會稽余太史。煌。事親篤孝。既顯貴。父幼美。自期進取。不拜封命。俄歲試下等。太史適

家居令赴學代朴。勉如命。宗賊中阻。改令少子往。自是謝逢掖。受章服之榮。

【天 鹽 錄】

錦衣口口胡岐山太監。胡良輔從子也。寓京口。往來吳越。刺探陰事。德清蔡奕琛。以置海寧中書吳忠彥家。嘉興岳和聲。虞廷階。合謀作天監錄。謂東林柱做小人。不顧東林。得為君子。列名分注。凡五百七十人。品目三日。夜書成。託浙撫後牆把總口密致之逆賢。以把總其心腹也。又五千金。託岐山壽崔呈秀。謀薦起忠彥。

【郭 之 琮】

蒲州郭之琮。萬曆甲辰進士。歷宣大總督。常述夙生輪迴之苦。本蜀人。讀書山寺中。撥爐灰得二十五金。蓋老僧所藏。致憾死。書生亦沒。割作馬。其主富人。即老僧也。被騎箱脅。痛過鞭箠。後轉生某氏。出胎方浴。自喜為男子。舒手連生曰好。其家怪之。立溺死。又生郭家。念前死。九歲不言。偶讀一壽文。父駭問。因詳其故。自是夙語經史。居官記前因。勸人惜馬。

【孫 承 宗】

先帝好修飾言貌。孫愷陽相國嘗面論兵餉云。肚子裏飽可戰。上曰。何其粗也。問引疾。溫旨宣諭曰。好出來了。開揭。萬曆前不數進。事關重大。命元輔祕啓。多所嘉納。先帝時屢瀆視為故事。不復經意。午日例賜諸臣蜀扇。崇禎時寢之。待漏向憩內臣直房。例飯例酬一緡。上禁之。俱露坐松林下。賜大臣上尊。發之。或江南自

【先 帝 儉 德】

酒。蓋中宮蘇人。故多吳釀。

【周 或】

嘉定伯周或。樸謹。諸子粗鄙。雖貪恣大。不如田氏。嘗飲吳駿公太史。太史問宮中異兆。曰。有之。少時某嫗來。命出拜之。某嫗遽仆地。今想之。或不足當其拜耳。

【田 弘 遇】

左都督田弘遇。故博徒亡賴。走淮安。納中軍官。為御史房。可壯所擡。色歸天津。名在文御

史吳阿衡巡城時。納其女。云貴妃女弟。阿衡坐事下獄論死。因田氏力得釋。楊嗣昌本兵。迎合田氏。接阿衡爲才。歷總督薊遼。飲酒好婦女。戎備弛廢。嗣昌言其不可。阿衡疏辨。有云臣繼妻。卽皇貴妃之胞妹也。又云臣請罪。不舉云云。事給中葛樞利。其借按宮掖。語極穢褻。亡何敵入牆子嶺。是日總鎮太監鄧希詔誕辰。阿衡及諸帥各往賀。不及備。甫宴。高騎踰嶺矣。阿衡起坐。率裨將出禦。勢莫可遏。走一村堡。被圍數十重。越二日而陷。其家在節。亡恙。弘遇挾勢黠橫。朝貴造請。權出嘉定周氏上辛巳。來江南。過金陵。收子女珍異亡算。故太學吳興。茅元儀妾楊宛。本吳娟也。善琴書。弘遇至。茅氏求出見。卽晉以歸。壬午。道臨清。幾陷敵。潛免。八月貴妃薨。稍敘賤。明年。進其少女。年十四。有殊色。從楊宛學琴。曲不再授。先帝納之。數日不朝。弘遇善誘。致富人關。葉子。接坐決。膝左右。陰爲地。富人心慄。手博。竟大負。至數千金。弘遇立置馬廐下。責進。不少貸。凡傾數十家。金陵太學某。誤餌其術。日營產五千畝。亡何弘遇卒。明年長安。出氏。民聞。今爲貴家妾。

【陸完學】

大司馬太倉陸完學。協理戎政。再蔭錦衣。時太監曹化淳提督。或問其方略。曰。自力自來。梁上燕。相親相近。來中國。專事唯諾。竟得善去。費縣張四知代之。郊饒請教。曰。有四字相贈。行所無事耳。費縣初不以爲然。已悉知其言。所掛幘。輒曰。照行。一日語吳駿公太史曰。行所無事。費縣諱曰窮。見教。甚得力。吳曰。國之大事在戎。何云行所無事。費縣無以對。未幾內閣。

【周道登】

吳江周相國。性本強。不好矜飾。一日侍朝。默笑。先帝見之。詰其故。不對。亦不問。出華亭。錢相國尤之。曰。已笑矣。奈何。上自此寢疎。計聞。僅祭一壇。予半葬。典禮。猶同官幹。之。

【綸命】

百官馳封告勅。屬詞臣。贈官告勅。屬中翰。崇禎初。贈高攀龍誥命。許士柔擅撰。被免。其京營河漕撫按鎮巡等勅書。俱累朝成稿。不易一字。或當增改。經閣臣題允。始得命。上由。

相國鴻訓。以惠安伯張慶臻提督京營。勅書擅增數字。下獄。戊代州。

【張鼎】

華亭侍郎張佃初（鼎）學行著稱。夫人陸氏頗妬悍。侍郎苦之。沙門達官有道術。侍郎以夙命問。令持咒口口口度誦字。當自悟也。至期。恍覺前生戀伎某。登第負之。轉生陸氏。

氏。

【起居注】

上初命史官紀注。後召對。漸任喜怒。慮未可示後。罷之。口口講六人。專司起居。已執政。奉密諭。不欲外聞。仍起居注。

【錢謙益】

常熟張漢儒。本縣講佐史也。陳侍郎必謙。策仕初入幕。後忤意。榜曰革退。張漢儒不許復入。漢儒恥之。已隣人失黨。嘗及漢儒。以隣屋為罌。給事式相也。漢儒通刺。自白罌。不納。曰：我無大瑕隙。宜先及牧齋也。又訟師單良。常上牧齋六字。訣曰：款曹和溫。晉張款曹。謂司禮太監曹化淳也。和溫。指烏程相國。晉張。指漢儒。良臣隨自潛于履。謙改爲激溫。晉朱。朱蓋撫寧侯國弼也。撫寧方參烏程。即上揭化淳。化淳大懼。不欲居款。遂盡發烏程怒牧齋事。而下漢儒履謙。并武舉王番。立枷死。番屋木陶氏。後歸錢氏。納價又折之。恨極訴京師。

【何吾騶】

香山何象岡相國。以未腰玉。不如意。錢塞菴曰：毋妨。雖未腰玉。人視之同爲閑老。何屎玉之異。

嶺南巨宦。何太宰能祥。黃宗伯士俊。何相國吾騶。陳侍郎子壯。並鉅富。於桑梓不甚稱也。香山專販海。侍郎至窟盜。御史李雲按劾子壯。朝儀不悅。例轉雲鴻。

【程國祥】

程國祥。清望素著。入相後。頗迎上意。啓其瑣屑。始搜民間房稅。

【虞山後輩】

常熟楊子常（彝）初以太倉張采張溥謁錢牧齋時同社溥其文已采登第溥又出宜興周相國牧齋反因之通相國

【李長庚】

李夢白太宰朝罷例掛閣臣時方更選法太宰述近意倪鴻寶云云溫相國一體仁曰此事老先生自主與倪鴻寶無涉

【傅冠】

崇禎戊寅六月劉宇亮傅冠直內閣是日直經筵傅敷陳剴暢進退詳雅上退入煖閣諸臣尚佇立傳上方酌定枚卜諸臣及出門知傅等大拜

【楊嗣昌】

武陵相國本兵時丁丑觀政進士二十六人各受以楊襄毅（博）集云方略嘗曰今日盜熾須十面埋伏法熾之否則我東馳西驚徒團走見困而欲增兵先議餉議餉必加派

彈一二年之力庶可蕩平進士歛縣洪天擢曰老先生策甚善雖民方有限果一二年蕩平有何不可若曾未也民力坐困將若之何本兵色動大不懌

平島劉興教兵潰上中夜召本兵問計對曰毛文龍牽制建州有名無實文龍死留島兵無益不如撤之今未撤而潰于我非有損也明日本兵以語朝中

翰林編修楊延麟論楊嗣昌庸臣非奸臣嗣昌大恨之謂奸猶可也乃庸我乎出廷麟兵部主事監軍謫（末旬疑有誤）

【戎備】

戊寅烽火徹於京師大司馬登城見單騎驅難民二三百人繞城而走命開門發兵擒之將獻俘訊之則胡婦也職方口口郎笑曰且未獻俘待吾輩用過始吐氣

工曹繕械日不給忽命備狗籠一千時有言猶犬最警今發城司夜不虞掩襲從之宋以羅江狗爲笑世故未嘗乏也

中府僉書謝弘毅。嘗侍班。召對詞臣。某說出奏火器不可不備。上恚曰。朕未嘗問及。爾對云何。某叩謝。粵東某生。謁太倉張太史溥。其歷試草曰。因緣簿游塗所著曰。山水志。俱就質。且製作文法。太史曰。毋炫奇也。如因緣簿仍名歷試草。山水志仍名南游草。斯得之矣。

【王思任】

山陰王思任。詩才傲物。崇禎口口冬。諭停刑。是日會徐九一。汧於朝房。九一笑曰。此啓德事。可謂瑞冬。王號遂東。王答曰。此亦九死一生。鄉人張汝懋。其門生也。過其家。聞鞭朴聲。張曰。命奴市鴨子。云主人不在。鴨子安得有主人。王笑曰。箕子爲之奴。鴨子獨無主人乎。

【夢有字】

崇禎癸未。五月上。夢有一人。書有字。以語內臣。或曰。此大有之祥。俄會極門上疏。言陛下夢後。諸臣某某。以爲祥。臣竊以爲非利。蓋有字。則大明去其半矣。云云。上怒甚。下兵科郭口跡其人不得。又下錦衣衛。驗養性跡之不得。宦達曰。此卽賊奸細也。

【武備】

崇禎時。杭州各城軒櫺。撫臣某命兩旁各砌三尺餘。陜其闕。蘇州城塗以石灰。以是言備。徒供識者一噱。

【張次仲】

張元帖曰。今人沽名釣譽。盤金輿帛。竭精彈智。終無所成。而古人或一事之娛。一言之出。往往流傳於後。反或不磨。所以人貴自立耳。

【元帖論樂之實。手舞足蹈。如伍員鞭尸。黃香扇枕。老萊子戲采。皆是此意。】

庚辰。山西大饑。人相食。剖心。其竅多寡不等。或無竅。或五六。其二三竅爲多。心大小各異。

【周延儒再召】

宜興再召。都督杜文煥。日章趨其家。告曰。相國聞命。例疏辭。而今事亟矣。寇胡交訐。勢不兩顧。其關係在松山之師。稍有蹉跌。大事去矣。相國疏辭。卽宜附密奏。撤師松山。回守關門。蓄力併說。猶可支也。若待相國人朝。而圖之。度行程三四月。則松山墜矣。關門豈能獨禦哉。上待相國厚賞之。

必聽。幸速爲計。宜輿漫應之。殊不致意。及入朝。東歸。果潰。而九寒之精銳盡矣。都督以語吳駿公。深用追歎。日章博通經史。二氏善五七言律。

吳駿公太史嘗請事宜興。如兵食河漕等。當若何。宜興但曰。有督撫等任之。並無他語。滑縣魏炤乘井陘陳演接朝士。並曲謹。未嘗涉時事。井研鄧瑄語。輒左右。雖始發。實皆寒暄酬應語也。

【孫傳庭】

中丞孫傳庭勤王。獨不召見。自疑懼。託其職求免。上不許。陰令撫按道府偵之。各稱其職。先是。過易州。所部兵頗恣橫。辱學正。口口之弟。適按臣委學正伺報。于是學正報某日授某人與某人。非贖者。按臣以實聞。下傳庭獄。撫道府諸臣俱落職。

【曹文衡】

蘄遼總督曹文衡。既削職。樹坊于里。忤縣官。手搏其面。縣官大怒。杖之二十。下獄。

【阮正中陰德】

丙子海鹽訓導口口阮正中。恬潔自勵。署桐鄉縣事。三月。萬千金。爲吳給事麟徵所垂得。補壽昌。浹歲。始回千金。意觀溫州同知。時巡臺金增鄧錕。出壽昌。隣官某之門。以八百金。

壽隣官某。鄧錕許之。尋卒。未及薦。正中嘗候隣官某。某爲其案負苦無措。正中曰。某非求償者。慮丈人介意。特相慰藉。事之不諧。命也。願勿再及。某宦原乙。窮老止一孫。命出叩謝。俄巡臺來。又某門生泣告其事。巡臺曰。此足徵壽昌賢。特疏薦。徵拜口科給事中。正中辭巡臺。巡臺曰。公隱德。非人所及。始如某宦之力也。又餉以三百金不受。

【白楹園石】

聊城進士白楹。治園于臨清。葺二石。致自章丘。頗幽麗。德州謝太宰障。求之不與。謝方典銓。補楹。盧氏令。被寇死。濟寧楊士聰詩。與寄烟。巒相適意。禍胎花甸杏歸魂。

【科第陰德】

隨州程晉崇。頑戾。長進士。授惠州推官。庚午。分考闈。闈。撒棘語門人曰。吾帶進身。雖藉文字。而積德尤爲之本。子記公車時。舟泊一渚。是夕。北岸某家失火。有婦裸奔。投水。子呼僮。

救之人舟。恐僮輩有他意。坐守徹夜。解衣衣之。凌晨歸其家而行。是婦見疑于夫。謂倖生。逐之。適懷妊。不能明也。還母家。後舉子。岐癡可愛。少卽補諸生。雋鄉。積茂。辰。同禮闈。初場。稿畢。拍案叫絕。俄燭蕊燼。其角自度。不中格。未際真。步于號房。見隔坐老孝廉。枯坐。舉稿授之。記其名。乃程鐸也。鐸因得雋。成進士。少年來訪。懇問素履。漫以前事應之。少年泣拜曰。公眞長者。吾母長誦其事。無路訪覓。今借以七藝報于願足矣。乃連母見逐之故。其冤始白。故知陰德灼灼不爽也。備敘頗末。以爲門人誦。

鄆縣邵仲陟。已卯館。袁化祝氏。赴秋闈。寓婦意挑之。仲陟不應。侍女問餽茗餌。悉却之。或婦自室。澣不接。日戒祝氏童。勿以語人。仲陟竟登榜。

吳培昌

華亭吳培昌。宰仁和。黠貨。時歲饑。借完漕。貸富民五萬金。半私其壘。營薦五千金。內召還里。卽被豸繡。謂西臺掇之耳。兄事攜李吳昌時。同舟而北。志意驕溢。癸未四月。河南道御

史吳履中。同嘉興曹溶。給事中。長沙廖國海。松江楊枝起。平湖馬嘉植等。集松柵下。履中曰。將來匪人玷臺矣。公等何不糾之。問其人。曰。吳仁和也。各言其黠貨。以隣近未便糾。國海又他對。時侍御史大興寧承助。以堂考次等。當調。國海諷履中。簪器之。履中遂語承助曰。君授職來。曾被考乎。曰。前被考。未嘗授履中曰。君能論吳培昌。則臺端生色矣。承助唯唯云。渠事未詳。枝起。溶。請任之。枝起列事狀。溶草疏。以承助名上。得旨。下培昌撫按勘理。培昌道德州。見報駭懼。亟反。昌時怒言路。謂此非遂培昌。乃逐我也。兼程入京。傳其事。陰代宜與揭言路。喜中人。往往不識而借陷。如吳培昌事。寧承助何曾稔之。實枝起。溶等。喉使。陛下試召問。則立破矣。上尋召府部大臣對。乞手勅。召承助。承助不知所出。上曰。爾糾吳培昌。能誦其奏乎。承助惘然。上曰。卽未全誦。事可悉也。承助勉錢一二。上曰。奏不自出。當指其實。承助服而退。各責回奏。承助趣枝起。溶商之。承助回奏。培昌穢跡甚著。臣竝當糾。第路遠未詳。訪之。枝起。溶。非有他也。章上不問。枝起。溶。亦回奏不問。而昌時憾二人甚。托給事中常熟時敏。伺三人起居。

三人請敏同土。傾心告之。且求爲昌時地。不知敏賣三人於昌時也。會推孫晉大同巡撫。昌時喉宜與揭國遴等有私。國遴枝起下獄。溶解官聽勘。而三人尙乞援昌時。其見賣久矣。

【熊開元】

嘉魚熊開元。萊陽姜琛。言事下錦衣獄。密旨欲令都督駱養性死之。養性私語同鄉廖國遴。國遴阻之。毋殺言官。行疏救之矣。明日疏上。果緩其獄。月餘。國遴與同官曹良直。飲酒語及之。良直曰。略受密旨。安得少泄。不佞且以聞。國遴初不爲意。良直果疏上。留中。養性聞劾。大恐。幾欲自裁。已絕無耗。一日。上手書詔勳武射。并及都督。駱養性益大恐。射得三矢。賜茶。養性不敢受。奏臣服罪久矣。因述前事。上不問。始自安。

【董象恆】

雲間董中丞象恆。撫浙。有綏靜之德。城累被逮。甲申三月。許因納贖。董購浙省在京者疏救。既輸金。旨未下。輒出獄。又浙人焚香迎於司寇門。其人爭金相詬。東廠伺得之。欲以聞。

董卽夜潛入獄。

【兵疫】

癸未夏秋間。畿內大疫。營兵半空。大司馬以餉匱。竟不補。至誤國。

【蝗蟲秀才】

庚辰辛巳間。山東大蝗。許收蝗五十石。補諸生。時呼蝗蟲秀才。

【佛災】

庚辰二月十九日。杭州錢塘門昭慶寺火。銅像燬盡。東廡伽藍三像。土隅如故。屋雖燬。神製無一損。豈佛之靈。不及伽藍耶。殆有不可解者。初萬曆間。賜大藏經。嘉興尙書岳石帆元聲。見經籤零落。奉入嘉興金明寺。求善手整之。得不燬。

【弔沈何山詩】

秀水朱侍郎大啓。弔烏程沈尙書演。尙書亡子。客至不具賓禮。感賦一絕。術士俱傳不死方。臨期一著費商量。無生無死原無用。莫向留口學子房。

【武塘詩】

嘉善進士徐遠。負錢相國子錢。因責進。遠致相國書。附以詩。得好休時便好休。蘆花滿地。

燕飛秋黃。鷗唱晚日西落。幾見門前水倒流。相國返其書。題曰。馮君滿用一帆風。波復堆波滿眼中。莫笑寒巖無暖氣。二春花柳總成空。

【孝陵碑石】

辛巳。孝陵重立神烈山碑石。戶部給石價四千金。石出宜興山中。實七百金。

【劉宗周不捐俸】

劉念臺先生。工部侍郎時。烏程倡百官捐俸助馬。先生獨否。曰。朝廷以此養廉。不宜自薄。

【市廛】

烏程朱文肅相國。國楨。同年僉事朱汝器。雅相厚。非族也。文肅薨。少子中書舍人紳。利汝器子謙之金。許廛。而紳以劾。郡守朱大受疏六上。大受發其私。又文肅祖墓在長興。守者朱國彬盜宰木。見罪。冒族父名許紳市陰。下紳刑部獄。死。紳嘗買伎。置楚煙。以觀歸。

【借屍脫囚】

崇禎五年。高平典史張口。悅囚婦許氏。借丐婦屍為許氏。陰匿於官舍。秩滿還富平。隸人發其事。逮張至。抵死。

【南內盜】

辛巳十二月。南京大內西宮火。以盜利其銅。火之。壬午四月。盜秘色甃器五百件。

【收生婦】

庚辰九月癸未。收生婦王氏。孫男。李化龍。王化姪。錢天祐。俱着與官。帶總旗。兵部知道。

【清豐義士】

壬午。北兵陷清豐。執知縣馬中驥。諸生某力救之。非令君也。乃歌者。中驥果以歌免。某被殺。

【沈允臨書屏】

姑蘇參議沈長倩。允臨。幼子與徐太史勿齋。沂。議姻。或惡長倩。以徐館選。必絕婚。得之。長倩請右軍書屏曰。長慶中。王起。加官。舉。以白敏中為狀元。嫌其與賀拔甚佳。

還密令親知致意敏中躍出悉以實告曰一第何門不可致奈何韓絕至交相與盡醉起聞之曰我比祇得敏中今當更取賀拔恭矣。

【梁州杰】

梁州杰。故嘉善丁清惠公賓。奴產子。未姓。入塾。補諸生。以黠滑忤主。除名。出亡。遇山西梁某。父事之。挈歸。冒梁氏籍。登辛未進士。應咸陽曹縣令。好貨。謫死揚州。州杰初第刻稿。韓賧北面而朝之。其文有曰。謹具由聞。夫老奉申天子親家。時以爲笑。

【陳美發】

上虞陳木生太史。居鄉豪。遣賈怨閭里。壬午家大疫。止一幼孫。召餘姚醫者史燭。史至門。若神鞭其背。謂彼黠橫。不當療也。因仆地而蘇。幼孫殤絕。

【陸員外贈妾柬】

嘉興梅溪里李明嶽。無子。平湖陸員外嗣端（澄源）贈以燕姬。柬曰。北地佳人。盈盈甫拜。東方才士。巖巖有鬚。割我下陳。侍卿中幄。鵝柳之長條。初折。梅溪之遠黛。方新紅。

拂善相。李郎。庶幾俊眼。黃衫俠。助霍女。洵是奇緣。拜姑嫌身。十分明。殺姊妹。心休見別。豪豈同於換馬。喜或婉於乘龍。曉發棠舟。只合漫歌河畔柳。夕開油壁。想應歡見。書中人。陳媛詠舊宮詩。我不更逢山下。杜老賦新婚別。其倦問水濱。（時欲遊粵）聊採微芹。以充合香。願言種玉。用慰推雲。

【士介人還妾】

乙酉九月。梅溪里王翊。謂妾張氏。蓋難婦也。明年丙戌。擾還其故室。作滿庭芳詞。題帕贈之。九月冰衾。三春香袖。客遊多負。蛾眉一魂。自守。掩抑待歸期。私惜閑情。半枕宵征。肅星影相宜。殘酒柔聲。附耳。片刻倩郎陪。窺窗今未幾。旋傷遷次。對眼看離。念堂前去燕。故壘重棲。珍重紅樓小。帕沾餘屑。檀氣維聲。新詞。能將好夢。寄我數行啼。（中多誤字）

【江南邊聲】

癸未春。夜飲張巍山先生留署中。聞行歌者。歎曰。此邊聲也。乃在江南乎。今思其言。卽早有伊川之料。

【三區方略】

南昌黎博菴。(元寬)督學兩浙。癸酉七月大考諸生。策問三區方略。多不能對。蓋吾浙

【馬玉】

燕伎馬玉。擅美北里。山陰余狀元煌欲娶之。偶朱錦衣席上。伯飲。歌琵琶記中。滿城中許多公與侯。何須羨狀元。余意頓阻。

【陸澄源刺黨】

山陰都諫陳爾翼。黨逆魏。除名于錢塘西湖。侯陸員外澄源。聞近况。云有甥女。陳曰。君遂作公公矣。員外漫聲唱曰。公公一日登九五。福自天來大。此劉瑾傳奇語。陳慚而去。

【薦侑】

崇禎末。士大夫苞苴。輒千百金。苦于費重。專用黃金。美珠人參異幣。時都門嚴避。而徑竇愈廣。癸未。大計。錦衣衛南鎮撫司僉書。山陰朱壽宜。爲鄉戚寄進。累羨餘八千金。世事可

知矣。

【都諫娶娼】

雲間許都諫。娶王修微。常熟錢侍郎謙益。娶柳如是。並落籍章臺。禮同正嫡。先進家範。未之或聞。

【巡臺私從】

巡按向獨身赴任。祖制。行李八十斤。出不馬。食不鵝。今道規漸盡。惟單行如故。崇禎丁丑。邑人葛徵奇。按廣東。攜一庖人。弘光初。沂州彭遇。接浙。至攜全家。

【鄭芝龍】

鄭芝龍。少亡賴。走日本。小名鳳姐。年二十一。從李貝還閩。航海行劫。嘯聚頗衆。同輩二十餘人。莫適爲長。各約投甌于海。不沒者爲雉。獨鄭芝龍投甌不沒。衆因推戴。常值風舟覆。

及風息。舟之貨俱在。按宋福州鄭廣。以海寇授職。對郡寮吟曰。鄭廣有詩。上樂官。文武看來總一般。衆官做官却做賊。鄭廣做賊却做官。滿座慚曠。不謂今鄭氏。萬倍于廣也。

【誦經滅蝗】

本兵楊嗣昌。請誦法華經滅蝗。

【追封母后菩薩】

崇禎十三年。追封孝元貞皇后曰。智上菩薩。孝純皇太后劉氏曰。顯仁九蓮菩薩。

【癸未選館】

癸未九月。皇廷試貢士。傅臚訖。以守令闕人。命進士咸觀政一月。閣臣請館選。奉高皇帝位于閣中。示其無私。非制也。嘉善沈滋預選。俄易魏學濂。魏學濂壬午舉南榜樹植于門。

顯孝廉之名義。紹忠節之家聲。私印曰。一門忠孝。

海鹽陳梁弔子一詩。扁舟弔子。無言意黯然。手持一端葛。爲致阿母前。子一曾過我。貽我絕命篇。竟口置不讀。一讀淚涌泉。初念死即死。轉念誰能堅。責人莫太苛。子一亦優焉。如子一者。高車何軒軒。

華亭李雲弔子一詩。亂世身名可自由。恨君不及鄭台州。劇秦新論何曾草。月旦家評總世仇。

【錢幣】

崇禎時。錢法日壞。薄小如鵝眼。苜蓿。南京禮部右侍郎。錢寒菴入相。攜戶部夾鑄錢若干。欲上之。爲烏程所阻。

癸未冬。錢法侍郎口口。請禁萬曆泰昌天啓錢。止行崇禎錢。而崇禎錢少。一時苦之。都市常曰。拿崇禎來。或曰。崇禎能有幾日。識者知其非祥。

【降級】

崇禎末。中外官。降級甚多。仍陞遷如故。帶降級字。惟守令必開復得轉。咸歎淹滯。巡按山東監察御史陳口口。降九級。書奏云。巡按山東監察御史。降三級。又降三級。又降三級。臣某。松江知府方岳。萬曆十四年。歷降三十口級。夫御史七品。降九級。郡守四品。降三十口級。幾無容地。而猶衣豸橫。空也。章服不足榮。功令不足畏矣。六朝時。降削白衣領職。豈謂是乎。

【訓儲】

先帝好學不輟。其訓儲亦然。一日宮中有慶暫假。語閣臣曰。東宮又荒疏四五日矣。見忠節麟徵家誠要語。

【閱武】

先帝力能開勁弓。外解弓弩。多駁回。所頒行間。皆不能用。造甲每利矢陷之。駁回。於是甲

或厚一分有餘。過重難堪。(王堂晉記)

【孝陵樹】崇禎十年。修孝陵。凡樹萬有二千九百五十七株。刪枯樹五百八十六株。

【後湖】崇禎四年。修後湖册庫。柱刊匠人名氏。十年不壞。始免議。

【陳際泰】臨川陳大士。深於經術。盡日可草制義三十首。選貢。庚午舉於鄉。甲戌成進士。授行人。年六十五。猶善酒。御內。辛巳。送金幣蔡相國之喪。卒于家。

撫州人。因大士之教。生徒立業。俱尚迅敏。辛巳。嘉定侯廣安(嗣曾)視學江右。正考儒童。訖。仍大收限。試士。義稍欠。則加杖有差。他郡少者數人。多或數十人。惟撫州九百餘人。患其衆。特簡七日。自日月星辰。曰靈。曰蛟。曰鳥獸。曰魚鼈。曰干戈。曰戚。曰麻。曰縷。曰絲。曰絮。曰江淮。曰河漢。曰梓匠。曰輪輿。其錄四十人。以額管不勝收也。其減責者僅二人。

【凌嗣】

李建泰。王錫襄內子。主南畿試。時各省卷磨勘。各有停革。建泰等計必不免。遂自語。禮部。以凌嗣桑甚停科。其年二十二。嗣稍長。命下。嗣除名。停其三科。嗣不能還。訴建泰。生雖不敏。奈何以綱寒責也。建泰語阻。許館之。殆百金。且任其完復。庚辰不復至。壬午收籍。祭未成。進士。建泰出師。上門贊幕者誰也。舉嗣任兵部職方主事。建泰為順賊所執。偉其貌。知李姓。拜稱皇叔。閉深殿中。賊去。清人入內。聞殿得建泰。仍相之。與涿州不合。引去。而建泰之督師也。山西口口為裨將。幾被復憾之。至是誣告建泰。通叛。逮入京。鞫之不實。某坐誅。建泰得宥。嗣事弘光朝。拜御史。巡按河南。至歸德。度不支。夜自經。

【王漢】

澤縣王漢。丁丑進士。嘗與同年包長明訪陳大士云。先兄已無辜。恐身亦不良死。大士曰。曹操赤壁之戰。足下且為荀文若何也。(王應豸其兄)

【丹銀】

沁水張部督道。濟好方術。謂月客俱給人。偶平陽人傳方。試人並驗。都督欲授余。余不應。

又有小方日得一鑽。吳興茅止生（維）請其法。遂廣作之。謂余不妄作者。傳之日佐薪水可也。余辭曰。寒士命厄。正惟是半菽不充。藜藿無措。若日享一鑽。則腹且果然。豈上天見困之意哉。嘗見稗官家言。吳人某好丹。偶延方士某。試作黃白。殊驗。特宴之。方士某纔舉箸。顧脫。此事往往多陰譴。僕雖長。不願聞也。

【金 箔】

宋杭州周承裕。私鑄金爲箔。鄉仁澤市千枚。轉鬻他州。事敗。全家徒配。轉運使陳堯佐言。仁澤情同。異不可懲。奸乃定。轉賣者。減造者。一等。著爲令。（田汝成）

按秦漢以前。餽賜多黃金。江左後。白金盛行。宋人謂黃金之耗。在于佛像。夫佛像固足耗。而今日之耗。莫大于屏幃榜署。箋箠器飾之類。歲耗不可勝計。如金陵蘇杭製扇徧天下。其糜金箔何限。恐佛像不足當其十一也。推此一端。律以宋事。庶乎有警。

【時 敏】

初餘杭大滌山洞中。有異人寓焉。不知其年月。云吳人也。嘗出遊。值筆賈爲吳中故人相。語舊云。能見訪入洞。初勸暗勿自阻。卽得達矣。當有以少報。久之。筆工尋山洞。如其言。深

入。劃然天開。見異人坐石牀。延接甚至。謂子貧。或外人託問。未來事。可以助給朝夕也。於是屢往來焉。常熟時。敏子口亦託筆工致問。云功名歷歷。第甲申三月十九日。切勿在京師。敏成進士。除海寧令。對所善諸生。若輩游宦。亦囑以甲申三月十九日。切勿在京師。因述前指。敏調安陽。又調固始。邑廢婦某。擁貲數十萬。居鄉時寇警。招之入城。令捐助。先後不費。迨寇逼。驅婦出城。被難。因譖其家。已遷。口部主事。給事吳昌時。求預考選。召對。上臨門手注御史。出語人曰。貓頭補子。豈人所著。則宜與密揭。改兵科。給事中。甲申正月。調金華守。上書自明。又得留尋從。賊除。巴縣令御史蘇京。除四川防禦使。敏卽修謁。盛飾短後衣。長跪。已置歸。昔鄭相如告鄭虔曰。天寶十三年。逆臣僭亂。當得僞官。願守忠節。時間元三十年也。後安祿山叛。虔陷賊。署中水部郎中。虔念其言。稱疾求攝。事平。虔滅死。貶台州司戶。夫天寶十三年。與今之甲申三月同日。二子獨不能預避之耶。亦何貴于前知。司戶亡論。敏且外

太倉料價。或出正倍額辨。不一而足。再如天啓間。題加遼遼餉七百十萬。剿練二餉。浙直廣福江西五省。亦約百四五十萬。而問馬折價。河工。見存典稅。雜稅金花。及十庫茶蠟顏料藥材。諒酌上供。猶可變通二百餘萬。東南財賦。現在千萬有餘。而漕米幾三百萬。不與也。

顧錫疇

崑山顧宗伯瑞屏。乙酉九月。父被難。航海至溫州。入閩。隆武朝。加太子太師。仍禮部尚書。命聯絡浙直士籍。十一月。復至溫州。因募兵乏餉。欲徵漁稅。巡撫盧若騰。總兵丹陽賀君堯。爭魚稅成隙。而君堯部下毆諸生。至諸生洶洶。宗伯遂疏參盧賀兩公。丙戌三月。宗伯復命宿江心寺。君堯遣人殺之。

趙庚

吳江趙庚。字漢之。崇禎甲戌進士。隆武時。文選主事。遭亂。祝髮爲僧。遠游天台。習禪學。豪不顧家者二年。子遣候。或言其子應省試。曰：「此多事。」已鄉舉。曰：「又多事。」終無所囑。時吳江某村廟。流言武當真武之神。駐節節焉。香火驟溢。改創神宇。其僧積鏹數萬。趙氏子孝廉。濫利之。許于巡臺秦世禎。謂有張角之孽。事下蘇州同知。口或走天台。邀庚還家。阻其子。庚不得已。同二僧來。過平望。值風舟覆。救出。庚俄坐遁。（陸禹疇記）

獨足鳥

新安陳文遠。崇禎中。遊于山陝間。西北有鳥大如鳩。獨足。千百爲羣。每集處。不旬日。流寇入寇。號爲吾家鳥。時射食之。味腴。又嘗見空中飛銀。大小不一。相擊撞有聲。人以石中之。亦墮地。餘不知所往。

朱積離魂

華亭朱積。以庶常逃南。常甚。魂冉冉自榻出。升屋上。若前列雙燭。身東向。獨仰東身。向西。燭卽西。竟日。魂徐下。人所寢之東南隅。見身隔于榻。並榻臥者。不知爲何人也。如是二日。忽欲溲。借臥者溲焉。時扶掖甚苦。久之。魂登榻。並臥。又不相屬。少間。同年某。移飲榻次。約明年燈夕。偕游。答之。

曰我願甚。但未知彼許我否。同年駭別。魂離二十七日始合體。而愈。因歷歷爲包長明述之。

【修志】

范石湖吳郡志成。欲刻時有求附其事于籍而弗得者。譁曰是非石湖筆也。守憚莫敢辨。亦弗敢刻。以書藏諸學宮。見汴人趙汝談序中。崇禎初。海寧教諭平湖趙無聲（維寔）以修我縣志見忌。濱行。東子曰不佞故以癡癖爲不知者所詬厲。不意世間亦復有如不佞者。亦更有如不佞之知兄者。德不孤。必有鄰。信矣。

【備養】

有賈江北者。募二備背其裝。先行。各與一令。嘗午飯旅舍。忽失二備。意其遁。出備券示舍主。舍主曰無妨。彼非備也。本兄弟俱諸生也。俄至問之。值母生日。資力金爲壽。上一觴耳。惜失其名氏。（周公貞記）

【逸詩】

丙戌六月七日。攜李屠用明走幽橋村。值木鐸老人。挂太祖高皇帝聖諭牌。因絮語道側。雪涕而別。似毘陵人。舟泊有兒鼓柁。用明詩紀之不載。

【誕日疏】

戊子正月。嘉善錢相國誕日。釋衍門（正志）備齋疏曰。竊以久莫久于無量壽。奚誇上古之椿。永莫永于一刹那。好納須彌于芥。蓋謂仁者必靜。靜則爲常。吉士多求。求止于道。若夫善頌善禱。總屬虛譽之事。不驚不崩。亦是過情之願。斯尚不可質諸諸正人君子之前。又曷敢昭告大覺世尊者耶。但願身雖幻有。借假可以消真。時雖駛流。不遷卽是常住。仲尼之欲無大過。猶須假我數年。顏子之殆其庶幾。故在不遠三月。况乎黑業多而白業少。尤宜更事懺摩。人心危而道心微。顯用克勤精一。孰謂延齡非進德之基。而攝生非薄德之址也。茲者歲添一算。乃宜喜宜懼之交關。事且百叢。覺爲人爲己之相問。人則慶鄉老而兼圖老。我則憂未解天下之倒懸。人或慶得尊而嘗齒尊。我則憂難慰蒼生之缺望。略弛刻責。便墮自寬。財失也。

維途憐昏弱。由是希良馬之視。鞭影直衝長驅。效野口之去尾。牙。猛然。天奮。幸爾。落日之方可想。曾且形。就而神。和觀河之見不殊。何妨年變而月化。伏願自今已後。寒威徹骨。梅來識天地之心。和氣滿懷。穀種播聖神之德。已用諸河之水。不消口吸西江。既睹夜半之星。何俟身藏北斗。試看春風。萬象牙點。點雲雷華秋。水澄清。珊瑚枝。校海波月。

人

瑞

歸化縣。晏景生。洪武壬戌年。百有二歲。

合州楊小彭。年百三十歲。喻尙書（時）有詩。

永康徐伯敦。嘉靖戊午。百有三歲。郡守李口問其故。曰無他。第寡欲耳。

莆田林貴生。宣德丁未卒。嘉靖己丑年。百有五歲。朱永崇。吳大猗。陳眉。各年百歲。義烏陳世泰。萬曆戊寅年。百有六歲。或題其門。壽域天開。眼見六朝盛事。老人星現。躬逢百歲中秋。

長樂郡庠後圃者。生弘治癸亥年。一百歲。老亡子（五雜俎）。

慈谿劉伯祥。嘉靖辛酉鄉舉。隆慶辛未進士。歷江西按察副使。年百有八歲。

尉氏趙宗。年百有二歲。

密縣樊福。年百有十四歲。

丹陽劉伯淵。嘉靖戊戌八月生。戊午鄉薦。己未登第。和海澄。髮去。起補臨川。又髮去。歷仕都湘陰。寧陽。餘杭。屢罷。屢任。不滿十月。以生母沈氏告終。崇禎十年。伯淵百歲。兵部侍郎王業浩以聞。命補近縣。滿歲。卽褒封。于是授英山縣知縣。三月。卽貶封。餘姚杜。年百三十八歲。尙爲人貨。吞。萬曆口口有司存植。

崇禎三年四月。詹事口黃士竣。言親齡望百。求省侍。許之。仍令有司存問。

崇禎丁丑。休寧孫元新。年百三歲。見陳眉公像贊。

丁丑五月進士鄧明臣言其祖必信嘉靖戊戌生今百歲令下部旌禮。

【私諡】

秦和蕭尚仁洪武中以賢良召卒門人私諡貞固先生。宣城貞信之名悅世稱南湖先生私諡貞恪。

湯谿胡榮希華居家孝友門人私諡文莊先生。

浦江鄭清嘗代兄濂死私諡貞義處士又鄭淵仲涵徵君私諡貞孝處士。

崑山殷奎孝章咸陽教諭私諡文懿先生。

東陽馬濂原清官山東按察副使鄉人私諡孝廉先生。

宣城陳迪禮部尚書殉難鄉人私諡靖獻先生。

瑞安卓敬戶部侍郎殉難宣德中劉球作傳私諡忠貞。

鄞縣王用賓舉文學授休寧訓導太祖試鍾山雨霽及象鶴二賦命供奉翰林以教授卒門人私諡清節先生。

義烏王稔有學行門人私諡孝莊先生。

金華劉履垣之洪武中私諡貞恭先生。

崑山張翊大章以金川門卒避靖難去之門人私諡安節先生。

黃巖應宗祥尚履諸生也好學工詩文門人私諡文貞。

吉水解晉私諡文毅見胡儼祭文中。

仙游鄭照孔昭正統間以監生令安遠韓巡撫雍稱廉官第一卒鄉人私諡清介。

蘭州段堅可久景泰甲戌進士南陽知府成化甲辰卒年六十六門人私諡文毅。

華亭張璠仲圭黃縣訓導子口貴贈尚書學者私諡貞孝先生。

無錫秦旭景。賜父嘗讀論語。君子以敬。曰此萬金良藥也。行己接物。以爲準。及卒。友人李舜民等私諡貞靖先生。

海寧祝萃。口口成化甲辰進士。廣東左參政。門人私諡文慎先生。

福寧劉鐸。彥振。成化中歲貢生。訓導仙居。歸養母。喪葬知禮。有雁來巢。及卒。學正閔鶚私諡曰貞孝。

福寧盛仕春。仁仲。弘治中訓導泗州。耽書至忘食。淹貫百氏。有失則悔。書以自艾。年八十。鄉人私諡文柳先生。
(柳字疑誤)

閩縣何廷議。南安府同知。鄉人私諡夷穆。

閩縣鄭餘慶。定海知縣。卒官。定海人私諡曰恭孝。

泰和王嘉九。達文。端公直五世孫。少遊王文成之門。嘉靖中教諱莆田。本師說而不遺格物。卒官。門人私諡貞穆先生。

高要崇德子修。早出陳白沙之門。廉介有氣節。舉于鄉。知沙縣。諭民十事。隣士就教。延禮之。廣諸生額。卒官。門人私諡古廉先生。

海寧衛指揮使王佐。私諡康毅。見徐咸諡議。

金華陸震汝。亭正德口口進士。兵部郎中。諫南巡。杖卒。門人私諡忠定先生。

華亭何震汝。元官口教諭。嘉靖中有司祠之。私諡口口先生。

華亭馮梅。性至孝。母浦氏。疾累月。每夜籲斗求身代。母獲瘥。而海以瘵卒。里人私諡苦孝先生。

吳縣杜瓊。用嘉篤孝純德。有司屢薦。輒辭。年八十餘。門人私諡淵孝先生。

江都葛澗。以諸生編國朝人物若干卷。私謚正學先生。

慶陽李夢陽。卒。門人私謚文毅先生。

南陽王鴻漸。口口口口進士。官四川按察使。私謚貞惠。

山陰汪應軫。子宿。口口口口進士。官江西按察僉事。私謚清憲先生。

尉氏左國瓊。正德丙子貢士。有文行。門人私謚貞孝。

鄆陵鄭友諒。諱甫。膺貢。麻哈州知州。門人私謚簡定先生。

無錫王問子裕。嘉靖戊戌進士。廣東按察僉事。退居湖上。翰墨自娛。門人私謚文靜先生。

漢陽張緒文。倫。嘉靖進士。南京吏部員外郎。家居講學。友人私謚介甫先生。

瑞州胡用賓。其佐。門人私謚誠行先生。以子維霖貴。贈浙江按察使。

慈谿顏鯨。應雷。嘉靖丙辰進士。官太僕。口口鄉人。私謚正道先生。

海鹽徐州德。安。才識超卓。所著匡章論。均田議。華山移賦。私謚穎發先生。

王來子長。力學性剛。早卒。私謚直敢先生。（王文祿集）

海鹽吳昂。德翼。官口口左布政使。私謚文愨先生。

口口徐獻忠。官奉化知縣。王文美。私謚曰貞憲。

銅梁李口號柏山。膺貢。任奉新縣丞。好讀書。友人張佳胤。私謚恭懿。

慶雲楊粹夫。歲貢。任玉田訓導。卒。官。門人私謚靖節。（慶雲縣志）

高郭黃秉石。福。左府長史。口恭王甚禮之。父可大。口推官。恭王私謚順德。

南城鄧元錫。口貢士。薦授翰林院待詔。門人私謚文統先生。

陽城張慎言。萬曆庚戌進士。太子太保。南京吏部尙書。私諡端慤。嘉善錢士升。萬曆丙辰進士。禮部尙書。兼東閣大學士。私諡文貞。

【嘲錢牧齋】

或題虎邱生公石上。寄贈大宗伯錢牧齋。盛京榮歸之作。入洛紛紛意正濃。蕪鱸此日又相逢。黑頭已自羞江總。青史何曾用蔡邕。昔去幸寬沉白馬。今來應悔賣盧龍。最憐攀折

庭邊柳。掠亂春風問阿儂。

錢公出處好胸襟。山斗才名天下聞。國破從新朝北闕。官高依舊老東林。

【夢卜】

國初龍溪林弼元。凱元至正進士。授郡幕。洪武二年徵修元史。舊名唐臣。以國禁改。出知豐城。誣逮。次湖口。夢木人口眼俱動。意恐不免。後御筆休問。休於字爲木人。而問字草書

如動像。弼終登州知府。

黃巖林侍郎。鶚。任江西布政。中元日書寢。夢享婦人祭。覺所享尚在喉間。并里舍歷歷在目。命隸跡訪。果某坊老婦祭夫也。問祭品及婦忌辰所服。具如夢中忌辰。卽公生日也。

弘治中口趙璠。計偕夢得詩。風光在閨中。謂必登第。竟乙榜。授閩中教諭。

餘杭李春芳。通經力學。夢廷對第一。頗自負。竟困秋闈。明年丁未狀元。興化李春芳也。同名氏。

蘭溪趙志高。久潦公車。偶夢唐狀元汝楫。程探花文德來訪。俱鄉郡先達也。婦笑其老。孝廉妄覲。隆慶丁卯北。上。邑令饒諸孝廉。獨趙不速。明年戊辰。榜眼及第。

嘉善丁賓。夢謁拜程明道先生。後宰句容。入上元公署。拜折竿祠。果如夢中。又隆慶辛未成進士。初過濟寧。榜人懇勸加等。云夜夢人呼我迎工部。驚寤無所見。已夢烏帽者登舟。其公乎。果歷南京工部尙書。

福清葉相國向高。少時禱於石竹山。夢人語之曰。事君能致其身。不省所謂。再求明示。遂再語曰。腰繫是白玉

帶。

仁和鍾化民。父夢其官至洛陽橋。初令惠安。修洛陽橋。得舊碣。曰維新。卽公字也。意應之。後開府河南。卒。

上海夏景華。萬曆辛卯秋試畢。夢人令裹銀五分。出東門。值某色衣者。陰投之。求捷。景華雖不以爲然。姑戲之。所裹銀紙。書姓名求捷。果值某色衣者。投其袖中。彼不知也。其人晚解衣。得銀云云。亦笑而置之。其人適書榜上。司拆卷云。夏景華。未定也。其人遽書上。遂不易。又陽城李養蒙。丁酉山西登榜。亦略同。俱戲爲之。非有意也。

萬曆癸卯。漳州陳口。夢福州林汝椿榜三十一名。己次之。初場連席。因告之。汝椿果雋。陳不錄。丙午登第。俱云。

泌水張銓。計偕時。夢判事。歷大馬司而止。旣司理保定。夢官舍曰兩是亭。設座三。爲楊貞肅繼宗。許忠節蓬出。公曰。虛一以待。然須他日。今少有疑事相煩耳。出案牘判畢。目送於門曰。後會有期。醒而記有鬼訴人殺之。判曰。鬼殺人。人殺鬼。足相當矣。擢御史。以屯馬按漢中。修諸葛武侯祠。未及勒石。公子道濬夢武侯求紀。以告。公撰記。財半稿未就。

陽城張愷言。萬曆庚子夏。忽夢朋友王仁同捷。以仁人棘而非其才。丙午。張登榜。值報者王仁。因悟前夢。庚戌。廷試。夢有憐君千里。桃花客。憐我三家村。裏人之句。果第三甲出身。御史時。忤璫。戍肅州。夢紅梨花爲歸期。崇禎。初。賜還。道河東。兵使餞之。演紅梨花傳奇。不覺追歎。

上虞周夢尹中丞。徵時。禱仙姑洞。夢贈絕句。三年到此媿無功。我得桃花滿院紅。任罷不堪收拾去。一齊分付。與東風。後令水新署壁前。令刊所作。

嘉興高斗光。夢捷報其名。方自幸。報者又云非也。君乃道素。當在後。因改名道素。己未進士同榜。祥嘉高斗光。平湖徐在中。禱于少保祠。夢少保語以關聖同宮。後守廣州。逮入京。五月十三日棄市。相傳關侯誕辰也。

嘉興張駿徵夢入宮闕如王者則閻羅天子也。出見作禮求師其子辭母老不聽。乃以公子治春秋。非我習也。召吏按籍始責攝者。慰駿邀出甲戌成進士。

肥城書佐刁守宗夢閻羅王取八十人寫七省輪迴冊分黃黑總數十萬人。八旬而畢。送萊州。謂中丞從治。四月二十日巳刻蒞任。守宗以驢往城門下人部接三四十人。惟闕正將旗鼓軍容甚盛。導馬八匹入公署。見中丞於內室。几列二書。劍一研。口中丞報書治裝飲菜葷湯。卽檄豐都之任。各神郊迎三十里進臺投冊。守宗以語人不信。四月十六日午刻中丞中轍卒。

蒲州韓承宣。策仕歷城。邀其姻王夷一往。夷一夢韓印其衣領。及濟南陷韓以人雜。果印其衣領。逃歸。

沁水王廷選。茶禎庚辰進士。初夢蕙花置席。又同故僕王斗語。不以爲意。及登第榜鴻臚寺報名。見左如蘭王斗生。次之。始悟。

鄂縣包文燁。崇禎庚午。初場偶倦。夢草馱神曰。文雖佳。以嘆牛矢。投文胸中矣。懇救。許連三科。壬午始得。以遺才第一領試牘。爲風颺去。無可跡。欲另騰卷。方過他所。有老嫗從樹上拾之。嫗夢神語。此貴人物也。完好如故。

沁水孫如玉。夢壬午天榜。首陰隲科三人。行德科四人。才用科屯田科各若干人。詳著素履。倉卒問。上記第四人韓姓。又榜暴戾恣睢若干人。貪淫無度若干人。詳著如前。如硃筆書修字如玉。列貪淫中。驚寤。是科第四人果韓姓。

濟寧陳孟修家。關將軍廟側。崇禎時。回子數十人。謀毀其廟。厚市旁屋。孟修獨不受。謀復之。被毆辱。不自覺痛。旬餘體平。夢周倉曰。與爾二羊皮。及起。傷目始瞭。嗣後孟修弟臥廟旁。聞將軍語。周倉曰。爾礪刃。我將俸諸囚。亡何諸囚以他事鬪死。乙酉清人開科。孟修夢周倉促試。果聯捷。

嘉善陳舒。癸未歲。夢神付七題。而身所衣冠。非所制也。清朝己丑南宮。七藝俱出宿構。

萬曆六月戊午。夏予赴都試。道宿舟中。夢入大朝。帝臨殿。東宮皇孫以次左立。問安邊之策。或請南遷。予方欲爭之。俄飛塵蔽天。云京城陷。頃刻潰散。不知所向。曉以語同人。各笑其妄。甲申間變。追憶前夢。雖草野不足道。未始無驗也。

【硃墨預兆】

東陽趙明欽。萬曆乙酉鄉舉。明年成進士。歸娶。乙卯主試貴州。還途聞鄰婦哀慟。且蹠之。其夫故諸生。忌日也。下世年月日。正趙生期。怪問其所遺書。出其稿。卽趙聯捷之試墨。

廣德戈應試。崇禎庚午登科。歸拜舅氏。纔沒。見懸梁遺稿。啓視與朱墨不異。復應試易名簡。辛未進士。夷堅志。溫陵葉文鳳。登進士。官天台簿。遇生日于邸舍假寐。夢人請喫麻糍。既覺。聞鄰婦啼哭。問之曰。亡兒忌日。作麻糍祭。享感泣耳。文鳳問其所業。曰。業詩。命取其舊業視之。與葉及第程文一字無訛。因拜媪爲生母。奉之別所。今再見于趙氏云。

【排調】

平湖某翰粟納監。且買姬。或戲之曰。偏房花燭夜。銀榜掛名時。豐吏部南禺（坊）游妓館。題之曰。虫二。謂風月無邊也。

余同麓文敏。過蘇。申瑤泉文定家留飲。設魚羹。戲曰。這魚有丁。文敏笑而頷之。已侍兒趣別。余曰。且住。待申時行。各隱其名以戲也。

吳瀛海（禮嘉）沈大若一中。同年相善。瀛海邀沈觀燈。沈指鯉燈曰。此鯉雖佳。恐非瀛海中物。俄沈求去吳。引滿勸曰。水酒不堪大嚼。再進一鍾。

平湖沈萃禎少所狎羽童。補功曹。歷長沙衛經歷。沈歷蘇州守。陸員外嗣端。改唐詩嘲之。鶴警雲冠宮樣妝。春風一曲度爲娘。師公見慣渾閑事。惱亂蘇州刺史腸。

海鹽吳少白。判詩一帙。序曰。先君號少白。旣不能文。又不能詩。曷足少哉。子之少也。非少先君之白也。乃少太

白之白也。云云。有蘇州雪詩。玉皇昨夜買私鹽。故把鵝毛細細旋。今日虎邱山上望。一個蘇州通麵煎。題虎云。胡他胡他又胡他。兩眼銅鈴怕殺他。

婺人有縣丞行四十。秀才行二千七。子行三十六。聘啓云。四十縣丞。非廿七秀才之所敢仰。二八嬌娥。正三六新郎之所宜求。(上三句疑有脫誤)

平湖令劉士瑗。以匠訴冤。不之直。被斧傷指。邑紳候問曰。樂只君子。民之父母。

萬歷壬辰狀元。侯官溫正春。由漕給教諭。或增四喜詩曰。十年久旱逢甘雨。千里他鄉遇故知。和尚洞房花燭夜。教官金榜掛名時。

嘉興朱仲我嘲尼詩。不惜風流世所傳。一生隨處覓姻緣。超昇已出平康巷。解厄還登波若禪。節按木魚移此日。歌翻虎鳳想當年。一心未絕紅樓夢。春夜猶思醉管絃。海寧陳某楹帖。三十步聊豈以居。一二件足耕而食。或改之曰。三分錢。聊曰生財。一二妾。足稱好色。

太學某訪伎。通刺眷侍教生。伎報刺眷侍教且。

予友王介人有招飲者。視其刺。則王介臣也。僕誤報之。介人賦一絕句云。君是鬚鬚我而麻。姓名舉止不曾賒。西家受東東家醉。只爲當年一字差。

海鹽朱同知學忠。口口進士。題天寧寺僧舍曰。存通臺。或請其義。笑曰。賊禿轉音也。烏程沈聖岐。萬歷口口進士。游狹邪間。題香篔堂。友人問所出。曰。千人日。个个弄。

讀杜工部詩。入門高興發。侍立小童清。此君亦有外癖。爲之一笑。

人有詠杜詩。子璋獨體血模糊之句。而愈瘡者。乃子美有三年猶病瘡。一鬼不消亡之句。豈其詩不自靈乎。鄧以偉杜吟。

鍾伯敬詩。桃花少人事。吳門朱隗曰。李花終日忙乎。譚友夏詩。秋聲午夜真。朱隗又曰。甲夜乙夜。秋聲尙假乎。

【前定】

龍潭龔某。販參遼東。寓撫順城。萬曆戊午四月。臨發待治一金壺。逆旅知建州。當有秘。建之南隣。酒餞醉甚。宿焉。詰旦城陷。南隣客俱殺。本邸獨全。而龔某以宿南隣不免矣。蓋建

州之謀預定。北邸以大隴與之通也。

乙酉閏六月。北兵破嘉興。大殺掠。縫人吳某居城隍廟前。同三人夜伏神座下。見侍像進簿唱名。某人被某殺。至吳某云。殺于黃偉。駭甚。質明兵入。迎謂來者。非黃偉乎。首兵曰。我非也。次日黃偉因獲吳。問何以知我。告之。故歎曰。我徐州人。于爾或宿業。若甘心焉。冤報何時已乎。卽神前解之。拜稱兄弟而去。

山陰范明隆。貴州副總兵。罷歸。值鼎革。張存仁鎮浙。以明隆父任邊東都司。時同明隆讀書。丙戌。下浙東。聘至。論舊不異疇昔。令通謁。巡撫蕭起元方殺南將。忽記明隆亦浙東人。立召斬之。明隆實非南將。又忘爲存仁故人。也。存仁大慟。賻三百金。使不因存仁夙好。何至誤罹其網哉。

激浦所。百戶王雲達。遭亂。同婦磨救乳自活。弟某無賴。以百戶名。官浙東。浙東敗。張存仁按名捕百戶。斬于市。婦某氏。給配營卒。義不從。自經。尙存。

【同庚】

永康程京兆。正誼。義烏虞御史懷忠。同嘉靖庚子九月四日子時生。同隆慶辛未進士。同司李。內召懷忠入西臺。忤時宰。出守袁州。仍謫潛山。邑邑死。正誼以刑曹歷大京兆。八十。萬曆癸丑會元。宜興周延儒。天啓乙丑會元。無錫華珙。崇禎戊辰會元。嘉善曹勳。俱生萬曆某年某月某日。其時地小異。先後冠南宮亦奇。

【內承運庫】

正德三年。睢州劉淮。以孝廉入太學。歷事兵部。時同年詹伯齡。亦歷事內承運庫。運庫中有象牙二。長三丈。重七百餘斤。鬚鬣二圍如鵝卵。長三丈。東方朔桃核半枚。大如人掌。麟

皮一大小珊瑚樹八九枝。次日余同詹進觀之。果然麟皮已蛀。闊可七八尺。桃核中鑄東方朔桃核。五大金字。
劉淮聞見錄。

【朝鮮使臣夷人寫早朝詩】

正德四年。元日候朝。辰時。上還未出。時有朝鮮日本安南三國陪臣候朝。其一人畫地作字云。花迎佩劍星初落。柳拂旌旗露未乾。又一人書云。日色纔臨仙掌動。香煙欲傍袞龍浮。余同劉宗敬觀之。良久宗敬曰。此夷人寫早朝詩。有意笑中國嵩祝之晚也。衆憬然。
(劉淮)

【南 曲】

海鹽腔。始元澈浦提舉楊氏。
崑山腔。始邑人魏良甫。

